

July



19. K. D



~~14. 7. G. 5.~~

14. 7. 77 34.

~~14. 7. 77 34.~~

IMAGO DEI IMMORTALIS ANIMA RATIONALIS

AD EXPRESSIONEM
AETERNAE RATIONIS FACTA

EVIDENTER
SPIRITUALIS

ET EVIDENTER
IMMORTALIS

OMNI HOMINI DEMONSTRATUR
A FR. UDALRICO A GABLINGA

ORD. MIN. S. P. FRANCISCI CAPUCCINORUM
OLIM PHILOSOPHIAE
NECNON SACRAE THEOLOGIAE LECTORE

EDITIO SECUNDA

INFALLIBILI VERITATIS, FIDEI, ET RATIONIS
CRITERIO FIRMATA

CALARIS REGNI SARDINIAE CAPITALIS
EX REGIA TYPOGRAPHIA

MDCCLXXVII

Ex libris Necessus ss. Jo. et Pauli de Urbe Congnij Passionis.
D. N. J. C.

DEUS Gen. c. 1 v. 27 ait:

Faciamus hominem ad imaginem, & similitudinem nostram: & præsit piscibus maris, & volatilibus Caeli, & bestiis, universaeque terrae, omnique reptili, quod movetur in terra.

DIVISIO
THEMATIS, ET OPERIS
IMAGO DEI IMMORTALIS;
ANIMA RATIONALIS
EXPRIMIT RATIONEM AETERNAM

- I SIMPLICI PERCEPTIONE,
- II INFALLIBILI ENUNCIATIONE,
- III IMMUTABILI ILLATIONE:

EX QUO

SIMPLICITER INTELLIGITUR, INFALLIBILITER IUDICATUR,
ET IMMUTABILITER INTERTUR.

ERGO

ANIMA RATIONALIS, EST EVIDENTER SPIRITUALIS,
ET EVIDENTER IMMORTALIS, QUIA, EST IMAGO
DEI IMMORTALIS VERA, ET EXPRESSIO
AETERNAE RATIONIS VIVA.

EVIDENTIA ISTIUS IRREFRAGABILIS ARGUMENTI
IN HOC OPERE

- I SIMPLICITER,
- II INFALLIB'LITER,
- III IMMUTABILITER,

DANTE DEO
DEMONSTRATUR

EXIMIUS IMAGINIS ISTIUS ET OPERIS
"USUS" ET FRUCTUS EST

IMMORTALEM DEUM
REPRÆSENTARE AD VIVUM

- I RES UNIVERSAS IN SUA AETERNA RATIONE
SIMPLICITER DEFINIENDO
- II SIMPLICITER DEFINITAS SECUNDUM AETERNAM RATIONEM
INFALLIBILITER DIJUDICANDO
- III INFALLIBILITER DIJUDICATAS PER AETERNAM RATIONEM
IMMUTABILITER DEMONSTRANDO.

DIVINUM PLANE ID SAPIT GENUS VITAE
TOTUM SPIRITUALE, TOTUM IMMORTALE
CUM DEO

IPSIS ANGELIS, ET HOMINIBUS RATIONE UTENTIBUS
COMMUNE :

PER HUIUS RATIONALIS VITAE USUM

- I PHILOSOPHIA *CHRISTIANA* SOLEMNI PRINCIPIO
INSTAURATUR
- II ANIMA RATIONALIS MIRO *SCIENTIARUM* SPLENDORE
ILLUSTRATUR
- III *IMPIA MATERIALISTAR. SECTA* IRREVOCABILI SENTENTIA
DEO VINDICE
CONDENNATUR

DEO IMMORTALI

UNIVERSAE NATURAE

AUCTORI

DUM Tu Ipse, Omnipotens Auctor universae naturae Deus Immortalis, per tuum ineffabile verbum a quaerentibus: an censum dare Caesari sit licitum, nummisma petis, atque eiusdem imaginem & inscriptionem inspiciendo decisiva sententia ea, quae sunt Caesaris, Caesari, & quae sunt Dei, Deo danda concludis: non possum non Tibi litterarium isthoc nummisma, ceu summae observantiae, & gratitudinis maximae, quam tuae sacratissimae Maiestati infinitis iuulis obstrictus debeo, iustissimum censum offerre, sacrare, dedicare; etenim & istud imaginem & inscriptionem illius Caesaris praefert; Qui Tu Idem Ipse es supremus Caeli Terraeque Dominus: & quia Deus & Caesar es, utroque iure Caesareo & Divino incircumscripto Tuo id adiudicatur Dominio, quod imago Dei Immortalis ad expressionem tum RATIONIS, tum pulcritudinis aeternae a Te factum conspicitur. Philosophicus hic apparatus, quem qualiscumque opella mea conscripsit, totus est Tuus, & Te Deum SCIENTIARUM

*DOMINUM, omnium aeternarum veritatum Oraculum agnoscit & praedicat, dum Te animae rationalis internum Doctorem & Magistrum unicum, ceu verum INTEL-
LIGENTIAE SOLEM, ac LUXEM MENTIUM orbi universo demonstrat. Te aeternam RATIONEM mens rationalis in omni sua operatione sive simplex perceptio, sive infallibilis enunciatio, aut immutabilis illatio sit, dilucide exprimit, & intuenti Angelo & intendenti Homini imaginem Dei Viventis praesentem sistit. Accipe igitur, rationalis naturae Auctor & RATIO, quod titulo adeo iusto Tuum est, ut nec alterius, nisi Tui solius esse aut possit, aut velit, atque gratiofo annutu prospice, ut quisquis istam Tuae Immortalis Maiestatis imaginem, expressionemque reverenter suspexerit, Te Deum Immortalem in propria sua anima, ceu in eleganti imagine Tua videat, visumque ex toto corde suo, & ex tota anima sua Te diligat, quod dum pientissimis votis postulo magis, quam peto, ad ultimos profundissimae subiectionis cineres inclinaus, Te Deum Scientiarum DOMINUM & MAGISTRUM per isthoc, quod supplex defero, homagium fidei corde & ore peramanter profueor, semperque esse, & vivere humillime glorior*

*TUAE DIVINISSIMAE
MAIESTATIS, et MAGISTERII*

Infimus subditus & discipulus

AD UNIVERSITATEM CRITICAM
ECLECTICORUM
PERIPATETICORUM
LIBERTINORUM

Ut idipsum, quod Auctori universae naturae sacratum honori, omni homini proficiat ad salutem. Haec Dei Immortalis imago anima rationalis, qua Divina arte ad expressionem Aeternae Rationis facta sit evidenter Spiritualis, & Immortalis, Benevolo Lectori ad iucundum intuitum, & Materialistis, qui animam hominis materialem, & mortalem volunt, ad salutarem documentum obsequiose exhibetur. Enimvero quisquis universum hodierni temporis, & orbis ambitum attentius perlustrat, celebrem infinitorum prope Criticorum Universitatem esse luculenter observat, dum illi omnes, qui erudito hoc seculo inter scientificos honorari desiderant, prae ceteris disciplinis Criticorum Scholam, ceu Philosophiam vehementer adamant.

Imago, quam caelestis Morpheus dormienti Regi, & Prophetae oranti ad vivum depinxit, apparebat quasi statua grandis, & statura sublimis *: statuæ caput erat aurum optimum, pectus & brachia argentum, venter, femora & tibiae aes & ferrum, pedum autem quaedam pars erat ferrea, quaedam fictilis. Statua contra Regem stabat tota terribilis, tota admirabilis. Prognosticon id, quae per universum ventura

*. Dan. 2 .v. 31.

PRAEFATIO

essent Regnorum discrimina, fuerat spectaculum. Amplissimum Sapientium huius mundi confessum si regnum philosophicum dixeris, te a veritatis centro haud procul aberrasse in isthac statua ceu umbram spectabis.

Integrum Philosophorum regnum instituis e millibus electa Philosophia eclectica, dum tua amabili rerum naturalium notitia, quam innumerabilia experimenta attestantur, propemodum a mari dominaris usque ad mare. Regium tuum caput splendet ceu aurum optimum, quamdiu ex approbatis Auctoribus, ceu apud mel ex floribus, aureum reconditae veritatis & virtutis legis selectum. Industria tua indefessa pretiosae veritatis thesaurum veluti dilecta suum sponsum requirit pretiosissimum. En sub modicis hisce foliis ceu sub arbore tuus quiescit Dilectus, electus ex millibus, Magister unicus, VERBUM de Spiritu sancto conceptum, & in virginea Matre incarnatum. Caput eius aurum est optimum, utpote sicut aurum inter metalla, ita RATIONIS aeternae internum Magisterium, quod omnis veritatis & virtutis primum PRINCIPIUM & ultimum CRITERIUM est excellentissimum. Aspice igitur, dilecta Philosophia eclectica, Regium Caput hoc aureum, & inspicere: Dilectum hunc tuum, & Magistrum unicum amoroso studii tui affectu amplexare, atque ad Regii & aurei Capitis istius imaginem re esse factam, non ut luteum sapientiae huius mundi, sed aureum sapientiae Dei tui circumferas caput, profundius meditare.

Statuae admirandae pectus & brachia erant argentum; venter, femora & tibiae aes & ferrum. Veluti notabiles hae partes corpus statuae propemodum totum, sic Scholae Peripateticae amplissimum formant Imperium. Philosophia Thomistica, Scotistica, ac Recentioristica quid nisi tot late patentes & longe excurrentes eiusdem Regni, & Imperii Peripatetici estis Provinciae? Quantum scripsistis & docuistis, quantum laborastis & sudastis, tantum universae Ecclesiae Catholicae dilectissimae Matri vestrae, ceu Filiae Regum obsequiosissimae, con-

PRAEFATIO

secraſtis, dum veſtra documenta philoſophica, veluti totidem ancillas, & famulas pediffequas ſacroſanctae Theologiae quotidiano uſui, ac ſervitio dedicaſtis: Propterea pectus veſtrum & brachia ſunt argentum, quia Philoſophiae veſtrae argenteo ſplendore, veluti nitidus candor argentum, Eccleſiam Dei decoraſtis, ac ſtudiorum veſtrorum potentia tum cogitationes, tum mentes veſtras ab impuritate materiae eoſque abſtraxiſtis, ut praeter intelligibilem, & materialem mundum vere ſcientificum conſtruxeritis. In quo vix aliud praeter attentam reflectionem ſupra Divinum INTELLIGENTIAE SOLEM, qui in mundo intelligibili ſicut hic ſol corporeus in materiali rationis lumine ſplendet, deſideratur. Venter vero, femora & tibiae veſtrae aes & ferrum ſunt; ſicut enim aeneus campanae clavo ferreo percuſſae ſonus, ita gloriae veſtrae fama in omnem terram evolando iucundo reſonat ſonitu. Dignemini igitur, Scholae celeberrimae, & imaginem Dei Immortalis, quam praefens tractatus deſcribit, ad religioſa muſaea veſtra permanenter admittite, atque per hanc veluti per ſpeculum, quatenus in intelligibili mundo veſtro ſcientifico Divinus INTELLIGENTIAE SOL per naturale rationis veſtrae lumen reſplendet, animamque veſtram evidenter *Spiritualem*, & evidenter *Immortalem* eſſe demonſtrat, benevoli ſpectate.

Porro quia vidisti, ulterius Regi ſtatuae exponit vates, pedum, & digitorum partem teſtae figuli & partem ferream, Regnum diviſum erit. Et quodnam iſt hoc in philoſophica Uni-verſitate Regnum in ſe diviſum, niſi numeroſum Libertinorum collegium? qui vel in hoc uno, quod ſemper inter ſeſe diſcon-venientes ac diſſentientes ſint, conveniunt, dum ſolemne ſeu privilegium, ſeu decretum, quod ſentire, ſcribere & dicere libet, hoc totum licet, rigide obſervant, atque tot ſententias quot capita eſſe, ſuae libertatis tum vivendi, tum cogitandi veluti ius naturale iudicant. Libertinorum autem ſicut ſtatuae pedum quaedam pars eſt ferrea, quaedam pars ſictilis, quia

PRAEFATIO

partim *Spiritus fortes*, ceu ferrei, partim *Materialistae*, ceu fictiles nominari affectant.

Quod autem vidisti, pergit sacer Interpres, ferrum mistum testae ex luto, commiscebuntur quidem ferreae & fictiles sententiarum conclusiones, sed non adhaerebunt sibi, sicuti ferrum misceri non potest testae. Commiscetur philosophia vestra, spiritus fortes Materialistae, dum inter vosmetipsos diffidentes omnem a materia distinctum negatis spiritum, dumque materiam subtiliorem spiritum cogitantem esse contenditis: at ferrum misceri non potest testae; ergo multo minus *Ens Spirituale*, quale est *Spiritus*, potest esse *ens materiale*. Inane nomen, *Spiritus fortis*, sine omine portatis, perdilecti; vestra enim philosophia tota fictilis omni prorsus fundamento solido, ceu schola supra arenam aedificata, est destituta. Parcite, si id vobis displiceat, ingenuae Veritati: modicum istud volumen tollite, legite, vestrisque oculis videbitis, manibusque palpabitis quam certum sit quod hic conspiciatis. Et ecce quae sit ultima fors vestra: videbat Rex ita, donec abscissus est lapis de monte sine manibus, & percussit statuam in pedibus eius ferreis & fictilibus, & comminuit eos. Quotquot estis, imaginarii *Spiritus fortes* & fictiles, vos ceu statuae pedes infirmos abscissus de monte lapis sine manibus, idest de Spiritu sancto conceptus a Virginea Matre Christus verus Deus, & Homo, ipsa Veritas viva, cui appropriatur internum mentis MAGISTERIUM, certo comminuit, dum Omnipotentem Virtutem suam per RATIONEM Aeternam, per quam vana vestra somnia, mentisque vestrae deliramenta, in quibus animam rationalem non spirituales sed materiales, non immortalem sed mortalem fingitis ceu inanem fumum dissipat, evidenter ostendit. Sapite igitur, perdilecti, & saluti & scholae vestrae cautius providete.

Lapis autem, qui percusserat statuam, factus est mons magnus, & implevit universam terram, dum orbis Ethnicus, qui

PRAEFATIO

confectas idolorum statuas ceu Deos Deasque adorabat, in unitate fidei effectus est Catholicus, dumque philosophia mundana contentis veterum Philosophorum erroribus facta est CHRISTIANA, sacrosanctae Theologiae famula Religiosa. RATIO aeterna magnus iste lapis est: lapis iste *primum* simul & *ultimum* sicut *Fidei Divinae*, ita & omnis scientiae humanae est fundamentum, atque solidissima basis. Si supra hanc tuam Dei imaginem animam rationalem ceu statuum cum Philosophia Christiana imponis, Lector amice, assimilareris viro Sapienti*, qui aedificavit domum suam supra petram, contra quam nec portae inferi, nec fallaciae libertinismi unquam praevalerunt; etenim dum anima tua aeternam Rationem simpliciter percipit, perceptam infallibiliter discutit, discussamque immutabiliter demonstratam ostendit, ad expressionem aeternae Rationis se factam, nec non Spiritualem & Immortalem se esse evidenter agnoscit. Unde dum infallibilis aeternae Rationis, quae ipsam continuo intus docet, Magisterio secura acquiescit, immaculata Divini Magistri sui Christi IESU discipula, nulla corruptionis, aut deceptionis labe unquam violanda, constanter subsistit. Quod insigne decus dum tibi sincero ex corde auguror, praesentes paginas, in quibus te ipsum descriptum cernis, ad quotidianum tuum obsequium, & usum confidenter offero. Benevolus igitur hanc tuam imaginem, ceu munusculum tibi datum accipe, prospere vive, & vale.

* Secus qui supra materiam, quae non nisi labilis arena est, mentis suae structuram cum Materialistis reponit in Evangelio Matthaei assimilatur viro stulto . . . Eximiae laudis parum satis.

NOTA

I

Inter plures, quae istam Imaginis Dei Immortalis secundam editionem urgebant, graviores rationes non posterior videbatur, ut id, quod in prima editione obscurius apparebat, clariori stylo, qui ad Lectoris foret beneplacitum, officiosius proponeretur, atque praeter obscuritatis umbram, quae ad imaginis decorem necessaria est, deinceps vix alia notaretur. Propterea quivis aspectu suae mentis, qui ratio hominis est, in hac Dei Immortalis imagine ceu in speculo seipsum delectabiliter observare, & quanta pulchritudinis, ac dignitatis sua propria anima sit, eo, quo magis placuerit modo, iugiter contemplari poterit.

II

Praeterea si eruditio Lectoris, dum hanc Dei imaginem in breviori forma, quam humilis iste tractatus perhibet, delineatam cernit, quarundam rerum aut rationum, quae hinc inde minus, quam desideratur, legentis oculo demonstrata videntur, partim argumentorum, partim dubiorum, quae ab adversario obiici possent, & a defendente resolvi deberent, maiorem copiam requirat; eundem omnino persuasum, certumque volumus tractatum hunc totum earundem rerum & rationum non minus, quam ipsius imaginis Dei animae rationalis catenatae demonstrationis argumentum esse adeo foecundum, & firmatum, ut id ipsum, quicumque voluerit, facili negotio quasi in immensum extendere, eiusdemque virtute, quae hostes veritatis opponunt, veluti lux solis adversantes noctis tenebras dissipat, praepotenti resolutione in nihilum redigere valeat.

PARS PRIMA

IMAGO DEI

IMMORTALIS

ANIMA RATIONALIS

EXPRIMIT RATIONEM AETERNAM

SIMPLICI PERCEPTIONE

Ad imaginem, & similitudinem Dei immortalis factus est homo.

I Quam praefixus titulus praefert
veritatem, & praesentis tra-
ctatus est caput, trium testium Dei
scilicet & *Hominum*, totiusque naturae
irrefragabili auctoritate firmatam, uni-
versorum expectationi, sive Chri-
stiani, sive Barbari, aut Materialistae
sint, serena fronte proponimus. De-
bita cum reverentia suspiciamus primo
auctoritatem Divinam, dein huma-
nam, & tandem ipsam naturam. Deus,
Genesis 1 v. 26 dicit: *Faciamus homi-
nem ad imaginem & similitudinem no-*

*stram, & praesit piscibus maris, & vo-
latilibus caeli, & bestiis, universaeque
terrae, omnique reptili, quod movetur
in terra.* Dei viventis idest testimo-
nium. *Infallibilis* in dicendo *aucto-
ritas Dei*, cui tota fides Divina, ceu
domus suo fundamento, innititur,
duas praecipue perfectiones divinas
connotat, quarum prima est Divini in-
tellectus in cognoscendo verum *infalli-
bilis*, altera Divinae voluntatis in
volendo dicere verum *indefectibilis*:
utraque isthaec perfectio in Divina

auctoritate adeo necessaria est, ut sine *infallibilitate* fallibilis, & sine *indefectibilitate* defectibilis, & hoc ipso nullus esset Deus; ergo allegatum: *Faciamus hominem ad imaginem, & similitudinem nostram*, Dei infallibilis existimandum est irrefragabile testimonium; utpote Deo vivo, & vero non minus repugnat in suo intellectu, cognoscendo aliquod pro vero falsum, posse falli, quam in sua voluntate, volendo dicere aliquod pro falso verum, posse fallere. Unde praefiguratam Dei testimonium sicut infallibilis & veritatis, & auctoritatis esse cognoscitur, ita & ipse fidei actus, quo idipsum firmiter credere debemus, infallibilis pariter certitudinis esse clare conspicitur.

Hominem ad Dei immortalis imaginem factum testatur veteris Synagogae auctoritas.

II Comprobata auctoritate Divina ponderabimus & humanam. Fidei certitudo pro sua mensura tenet probitatem, & scientiam auctoris, pro maiori enim auctoris scientia, & probitate difficilius semper est aut ipsum ab aliis falli, aut alios fallere: primum scilicet ab aliis falli, est *ignorantiae*; secundum vero alios fallere, culpabilis *malitiae* est argumentum, unde si in veritatis assertore sit infinita Sapientia, & probitas summa, falsitas testimonio illius erit impossibilis, veritas et contra atque certitudo omnino necessaria. Quanta integritas Iudaeorum synagogae per qua-

tuor annorum millia ad Christi Domini usque tempora in Divinorum eloquiorum notitia auctoritas fuerit, nemo non ignorat, nisi qui in orbe litterario peregrinus exstiterit, ab ipsa enim mundi constitutione infallibilem fidei Divinae veritatem, quae in verbo Dei tradito, dein in scripto fundabatur, non solum constanti fidelitate professus est, sed plurimorum quoque fidelium, qui ex fide Divina vitam suam instituerunt, quales erant SS. Patriarchae, & Prophetae, suorum probitate morum, vitaeque sanctimonia, veluti irrefragabili sigillo, suam in verbum Dei fidem obsignarunt, unanimiter credentes hominem ad imaginem, & similitudinem Dei, secundum supra notatum Divinum testimonium, a suo Creatore esse conditum. Contestationis istius tot habemus testes, quotquot ab initio mundi vixere innumeri Iudaeorum fideles.

Idipsum confirmat auctoritas incomparabilis totius Ecclesiae Catholicae, quae est UNA.

III Auctoritati synagogae, omni exceptione maiori, veluti exsurgenti aurorae succedit clarissima dies, Una, Sancta, Catholica, & Apostolica Ecclesia, seu quod idem est, *Una, Sancta, Catholica, & Apostolica Auctoritas*. Haec tanta est, sicut semper fuit, & est hodie, ut non possit esse nisi *Una unitate fidei* & veritatis, quia nonnisi *Unus Deus*, cuius est *Una, & indivisibilis auctoritas*, cui tota fides super-

naturalis innitur, & vel ideo non nisi *Una fides*: * (nequaquam plures!) Supra *unam*, & *indivisibilem* auctoritatem Dei fundata subsistere potest. Fides reliquae omnes, quia *uni* Deo, & *uni* fidei contradicunt, non supra unius infallibilis Dei auctoritatis Petram *unam* aedificatæ, contra infallibilem Dei auctoritatem a suis hæresibus, & impostoribus constructæ sunt, eo quod Deus duas *contradictorias fides* simul veras facere, aut dicere, non possit. Ex quo manifeste deducitur, quod non alia inter omnes, quotquot sunt, aut esse possunt auctoritates, stante hac Dei providentia, nisi auctoritas Catholica *una* in veritate rei subsistens dari possit. Quapropter auctoritas Ecclesiae Dei ita est *una*, seu indivisa in se, & divisa a qualibet alia, ut non possit aliud simul esse, præter id ipsum, quod est nimirum *una Ecclesia, & auctoritas una*.

UNA auctoritas SANCTA.

IV Quemadmodum autem Ecclesiae auctoritas est *una unitate fidei, & veritatis*, ita etiam est *auctoritas sancta sanctitate morum, & doctrinae*, quae non solum docendo, sed etiam vivendo id omne, quod *Verum, & Bonum*, id omne, quod *Iustum, & Sanctum* sine simulatione approbat, atque observat; & e contra id omne, quod *falsum, & malum*, id omne, quod *iniustum, & impium* sine exceptione

reprobat, & condemnat. Enumera multa centena millia eorum, qui in ista *Sancta auctoritate*, quae innumerabilium Iustorum, Sanctorumque Societas est, integerrima morum innocentia, vitaeque sanctimonia, veluti tot splendidae stellae, fulgebant in terris, & amodo fulgent in Caelis: enumera multa centena millia eorum, qui hodie in spiritu iuste sentiunt, & in veritate sancte vivunt, & deinceps usque ad consummationem seculi tales, tantique semper permansuri sunt. At citius innumerabiles stellas, quam omnes universae Ecclesiae Iustos & Sanctos computabis. Scientia & doctrina istius *Sanctae* auctoritatis est adeo pura, & immaculata, ut omnes suos adversarios animose provocet: Quis ex vobis sive homines, sive daemones estis, quis me arguet de peccato culpabilis ignorantiae, aut malitiae? Quodque instar ingentis miraculi est, innumeri, qui istius *Sanctae* Societatis, & auctoritatis digni sunt Socii, in numerosa sententiarum, opinionumque copia studio pertinacissimo quantum possunt, sibi invicem contradicunt: at horum contradicentium omnes & singuli in hoc, quod Deus in conditione mundi dixerit: *Faciamus hominem ad imaginem, & similitudinem nostram* &c. Concordes unanimi voto consentiunt. Ideo per ipsum evacuaturs illud solenne proverbium: *Quot capita, tot sententiae*.

* Qui omnem fidem negat, omnemque auctoritatem repudiat, & seipsum impostorem, & mendacem esse, qui nulla fide dignus, palam affirmat.

*UNA, SANCTA Auctoritas
CATHOLICA.*

V Non solum *Una*, & *Sancta*, sed insuper etiam *Catholica* est praelaudata Ecclesiae auctoritas. Vox *Catholica* ex Graeco nomine, *Catholicos*, derivata in Latino idem ac *universalis* significat. Duplex autem hic observanda est *universalitas*, una *loci*, alia *temporis*. Quoad *locum* auctoritas illa *una*, & *sancta* est *universalis*, quia sicut sol suo splendore, ita haec auctoritas sua amplitudine totum orbis ambitum implet, utpote nec ulla reperitur regni cuiusdam provincia, ubi non vivit, & docet sive in pluribus, sive in paucioribus *auctoritas Catholica*; *temporis* autem universalitate eadem adeo venerabilis est senectutis, ut ab ipsorum Apostolorum aevo, ceu rivulus ex primo fonte, quem hodie veluti magnum orbis Oceanum laetantes inspicimus, amplissimum continuae successionis fluxum incessanter deducat, quod vel ipsi haereticarum Lutherus, & Calvinus una cum suis affectis, quia id negare non possunt, nolentes volentes concedunt. Quapropter haec *Una*, *Sancta*, *Catholica* auctoritas est etiam

*UNA, SANCTA, CATHOLICA,
Auctoritas APOSTOLICA.*

VI Ne rideas, Materialista insolens! dum *Unam*, *Sanctam*, *Catholicam auctoritatem* simul & *Apostolicam* inaudis, aut quiddam magis sacrilegum foret, vel ideo, quia ab apostolis, qui vix aliud praeterquam simplicios piscatores erant, linea recta descendit, pueriliter contemnendam putes. Ecce enim, quia a glorioso Apostolorum stemmate, cuius Radix ipse Unigenitus Dei Filius, omnes & singuli sibi invicem succedentes summi Pontifices, Patriarchae, & Episcopi, atque per hos innumerabilis operariorum apostolicorum multitudo, per lineam nulla temporum iniuria interruptam, continua successione descendunt; ideo ecce, ista auctoritas est *Una*, ideo haec *Una* est *Sancta*, ideo haec *Una Sancta* est *Catholica*, & ideo haec *una Sancta Catholica* auctoritas est *sola Apostolica*, propterea, quia late patet orbis terrarum *Talis*, ac *Tanta* est, ut in huius conspectu si Materialistarum & Turcarum, si Lutheranorum & Calvinistarum, ceterorumque Sectariorum turba in comparationem constituitur, ceu *auctoritas prorsus nulla*, imo & huius ipsius nominis, *auctoritas*, indignissima iure maximo,

* Si *Una*, *Sancta*, *Catholica*, & *Apostolica auctoritas* tanta est, ut in illius conspectu omnis alia, quae in mundo appareret, sit prorsus *nulla*, *nulla* auctoritas Lutheri, & solius Calvinii? Quanta auctoritas unius Melancton, & solius Zwinglii?

aeque, ac ipsa auctoritas Turcarum, quantum fidei argumentum concernit, prorsus *nulla* est: quanta igitur in comparatione illius pensanda est auctoritas unius Lutheri, & solius Calvinii? Quanta auctoritas unius Melancton, & solius Zwinglii?

meritoque optimo habenda, & pen-
sanda sit.

VII. Terribile isthuc decretum iu-
dicii contra omnes Ecclesiasticae au-
ctoritatis inimicos dictat, & fulminat
ipsa aeterna Ratio infallibilis: quid-
quid enim uni & verae, sanctae
& legitimae auctoritati pertinaciter
contradicit, id totum falsum est, to-
tum id illegitimum, & iniustum est;
atqui tota Materialistarum, & Tur-
carum, tota Lutheranorum, & Cal-
vinistarum, auctoritas, seu secta uni
& verae, sanctae & legitimae aucto-

ritati pertinaciter, contumaciterque
contradicit: * ergo Materialistarum,
& Turcarum, Lutheranorum & Cal-
vinistarum, non est vera, sed falsa,
non legitima, sed illegitima & iniusta
auctoritas, ideoque *prorsus nulla*. Con-
firmatur hoc argumentum ab eadem
aeterna & infallibili Ratione ex eo,
quod eadem immutabili necessitate
una inter duas sibi invicem contradi-
centes propositiones e. g. *Omnis qui
Ecclesiam Christi obedienter non audit,
est coram Deo, & iusto homine sicut
Ethnicus, & Publicanus*, est necessario

qui ab eadem Una, sancta, Catholica,
& Apostolica auctoritate totidem: con-
tumaces haeresiarchae, totidem falsarii,
seductores, foedifragi, mendaces, ac
sacrilegi apostatae, quorum scientia, &
doctrina erronea, eorumque vita sce-
lerata, & scandalosa, per iustitiae inteme-
ratae processum unanimi sententia coram
caelo, & terra tondemnari existunt? Edi-
cito Sana, sanctaque Ratio, quid desuper
sentis? An tu horum auctoritatem, quae
prorsus est nulla, Uni, Sanctae, Catho-
licae, & Apostolicae auctoritati praeferen-
dam iudicas? An tu, Sana Ratio hisce
haereticae pravitatis auctoribus in fidei au-
ditu obtemperare, atque aeternae salutis
suae discrimen committere, uni vero &
Sanctae, Catholicae & Apostolicae au-
toritati irrefragabili petulanter resistere,
& contradicere, eandemque contemnere
dignum, & iustum, sanctumque dicas,
& approbas? At id ipsum tuo aeterno
ac infallibili dictamine, seu immutabili
decreto, negas, & reprobas: ergo omnes
contra totam *Rationem*, quae *obiective* ipse
est Deus, ideoque contra ipsum Deum
desinendo agunt, quotquot Luthero:
& Calvino, quotquot Melanctoni, &
Zwvinglio Fidei, Salutisque suae aeternae
gravissimum negotium improvide com-

mittunt. Attentius idipsum ut perpen-
das lector, vehementer te rogo: & si in
Lutheri, aut Calvini secta forte minus
felici sis natus, cum quinque prudentibus
Virginibus mature sapias, tuaeque saluti,
ne cum quinque fatuis reprobis fias, vi-
gilanter prospicias.

* Auctoritas enim Catholica ex di-
vino verbi Dei testimonio docet: anima
rationalis ad imaginem Dei Immortalis
est facta, ut Deum Immortalem ad vivum
exprimat, ideoque evidenter Spiritualis,
& Immortalis subsistat; Materialistae au-
tem id totum negando contradicunt con-
tradictoria propositione hac: anima ra-
tionalis ad Imaginem Dei Immortalis non
est facta, ut Deum Immortalem ad vi-
vum exprimat, ideoque evidenter Spiri-
tualis, & Immortalis subsistat; unde si
prior auctoritatis Catholicae propositio
affirmativa est vera, haec posterior Mate-
rialistarum est necessario falsa: atqui...
Ergo? Nota tibi, lector, & hac ipsa
concertandi arte contra omnes perversi
generis, sive Haereticos, sive malos Philo-
sophos animosus utere, & securus esto,
quoties pugnam cum adversariis inieris,
toties gloriosam victoriam ad honorem
Dei, & tui ipsius meritum reportabis.

vera, & pari necessitate immutabili contradicens propositio haec: *Alquis qui Ecclesiam Christi obediens non audit, non est coram Deo, & iusto homine sicut Ethnicus, & Publicanus, est necessario falsus*; ita pariformiter eadem contradictionis immutabili necessitate inter duas sibi contradicentes auctoritates una, quae legitima est, necessario est vera auctoritas, & altera huic verae auctoritati contradicens auctoritas necessario est falsa, & consequenter *nulla auctoritas*. Quod autem auctoritas Ecclesiae Catholicae vera & legitima sit, manifestum habetur ex hac infallibili Ratione: auctoritas, quae est *una unitate fidei, & veritatis*, quae est *sancta sanctitatem morum, & doctrinae*, quae est *universalis universalitate temporum, & locorum*, quae est *Apostolica* ab ipso Dei Patris omnipotentis Filio plenipotentiario fundata, atque in Apostolorum successoribus sine interruptione, & sine diminutione est propagata, & conservata, talis, & tanta auctoritas est *una & sola vera, est una & sola legitima auctoritas*; haec autem est *ipsissima auctoritas Catholica*: Ergo ..

* Qui unam Sanctam, Catholicam, & Apostolicam auctoritatem contemnis, aut saltem eiusdem testimonio non credis, edicito, perdilecte, *fundatam Rationem*, propter quam eandem tuo contemtu dignam, illiusque testimonium tua fide indignum putes. An non eousque ista auctoritas omni exceptione est maior, ut in hac divina providentia melior, nec cogitari, aut desiderari possit? Quis hominum, Daemonumque sanctam istam auctoritatem arguet de peccato? Progredere si tu

quid ergo? Materialista intentus auscultas! Ergo ad imaginem, & similitudinem Dei factus est homo, ergo non solus homo, sed etiam ipse Deus dicit: *Faciamus hominem ad imaginem & similitudinem nostram*. Quid requiras amplius? *

Hominem ad Imaginem Dei Immortalis factum confitetur natura universa.

VIII Argumentum illud ipsum tot testibus, quotquot in materno suo sinu portat creaturas, attestatur natura universa, & quod Creator Deus adorando suo testimonio: *Faciamus hominem ad Imaginem, & similitudinem nostram*, adiungit: & praefit piscibus maris, & volatilibus Coeli, & bestis, universaeque terrae, omni-que reptili, quod movetur in terra, quam exacto ad praesentis horae minutum observatum, sancteque custoditum fuerit, omnium incolarum terrae oculis evidenter demonstratum cupit, dum in augusto mundi huius palatio soli homini, ceu suo praeceminenti Domino, per reliquas creaturas tum ser-

id ipsum praestare, eamque de ullo crimine falsi convincere possis? At tu id facere nequis, qua igitur *Ratione* huic amplissimae auctoritati non consentis, sed contumaciter contradicis? Nescis, quod haec ipsa auctoritas os Dei sit, quod mediante suum verbum, quod salvificae fidei est fundamentum, universo mundo tradit? Revolve interius n. CLXXVIII, & seq. ubi hanc ipsam auctoritatem in doctrina fidei, morumque infallibilem esse, palam demonstratum reperies.

vitium tum oblectamentum diu, noctuque praestare intendit. Cumque homo habeat esse cum lapidibus, vegetare cum plantis, & sentire cum animalibus, solum tamen hominem secundum intelligere, & veile, quod cum ipsis Angelis commune habet, ad imaginem Dei Immortalis conditum esse manifestat, dum esse in lapidibus, vegetare in plantis, & sentire in animalibus non Dei imaginem, sed eiusdem quoddam vestigium designat. Trium igitur testium Dei scilicet, & hominum, totiusque naturae irrefragabili auctoritate, hominem ad imaginem Dei esse factum, sapienter firmatum luculenter conspiciamus.

Homo ad Imaginem Dei Immortalis etiam secundum repraesentationem trium Personarum est factus.

IX Creavit autem Deus hominem ad Imaginem, quia non est Deo perfecte similis, sicut Unigenitus est imago sui Patris, qui ideo non est ad imaginem, sed perfecta Imago Patris; quidquid enim habet Pater, id totum per naturam habet filius; homo autem ea, quae deiratis sunt, habet per participationem & imitationem, sicut enim imago solis in speculo ærnitur, ita in ipsa hominis ratione tamquam in sua imagine Deus conspicitur, secundum ipsius Dei, & Davidis testimonium: *signatum est super nos lumen vultus tui, Domine*. Porro quia Deus non dicit ad Imaginem meam, sed

nostram, aperte insinuat, quod Sanctus Thomas eleganter declarat: *Manifestum est*; inquit, *quod distinctio divinarum Personarum est, secundum quod divinae naturae competit, unde esse ad imaginem Dei secundum imitationem divinae naturae, non excludit hoc, quod est esse ad imaginem Dei secundum repraesentationem trium Personarum, sed magis unum ad alterum sequitur*. Sic igitur dicendum est in homine esse imaginem Dei, & quantum ad naturam divinam, & quantum ad Trinitatem Personarum; nam & in ipso Deo in tribus Personis una existit natura. Ita S. Doctor. Perfecto artefactum pernobile unius Dei, & Trini Imago, & expressio Dei vivi, & veri.

X Doctori Angelico consentit doctor Mellissus D. Bernardus, *serm. de Trinitate*. Est Trinitas, inquit, a qua homo cecidit, Pater, Filius, & Spiritus sanctus. Est Trinitas, quae cecidit, intellectus, memoria, voluntas. Et est Trinitas, per quam Trinitas cadens resurgit ad Trinitatem, de qua cecidit, scilicet fides, spes, charitas. Etenim in homine residet imago Trinitatis, in una anima, & tribus animae potentiis, intellectu, voluntate, memoria. Haec est Trinitas creata, quae non habet quietem, donec iungatur Trinitati increatae in beatitudine. Non quiescet haec imago, donec exemplari suo tunc perfecte uniatur, quando tres hae animae potentiae satiabuntur, intellectus visione Dei,

voluntas fruitione, memoria aeternitatis continuatione. Sed antequam ad id perveniat, tria ei vulnera sananda sunt, quae contraxit per peccatum, recedens a Trinitate. Recedens enim a Patre, cuius est omnipotentia, contraxit infirmitatem: recedens a Filio, cuius est sapientia, contraxit ignorantiam: recedens a Spiritu sancto, qui est bonitas, contraxit malitiam. Per haec tria vulnera tribus Trinitatis hostibus succumbit, carni per infirmitatem, mundo per ignorantiam, daemoni per malitiam. Sed adversus tria haec, aliam ei Deus exhibuit trinitatem auxiliatricem, tria scilicet dona, fidem, spem, & charitatem: fidem, ut illuminetur contra ignorantiam, & vincat mundum: spem, ut roboretur contra infirmitatem, & debellet carnem: charitatem, qua omnis malitia expellatur, & superet diabolus. Ita D. Bernardus, & cum eo plenus omnium SS. Patrum Chorus, nec non innumerabilis Theologorum Exercitus adeo terribilis, quantum insuperabilis.

Anima rationalis est substantia quaedam Rationis particeps regendo corpori accommodata.

XI Animam rationalem in hoc mundo ceu in augustali suo ornatissimo, in quo omnes creaturae praestant famulitium, *Reginam* appellat Gregorius Nyssenus, cui, inquit, pro purpura data est virtus, pro sceptro immortalis felicitas, pro regio diademate iustitiae cidaris, ut sic ad divini

exemplaris imaginem picta, non fucis, sed veritate fulgeret, nec arte expressa, sed gratia, superiorum esset figura, ac inferiorum exemplar: verus horizon aeternitatis & temporis; atque intelligibilis, corporeaeque naturae nexus & confinium. Nobilissimae creaturae istius essentiam definit Doctor Seraphicus D. Bonaventura ex libro de spiritu, & anima, quem ipse adscribit Augustinus c. 6 *Anima, sive animus rationalis est substantia quaedam rationis particeps, regendo corpori accommodata.* Definitio haec in eodem propemodum verbis reperitur apud D. Bernardum de vita solitaria post medium: *Anima est res incorporea, rationis capax: vivificando corpori accommodata.* Definitio istius praeferenda videtur ceteris, eo quod differentiam essentialem animae rationalis, quae in *Rationis capacitate* consistit, clarius describit. Dicitur *substantia*, quo nomine convenit cum omni substantia creata: *incorporea*, quo exclusae manent omnes substantiae corporales: *rationis particeps*, quo remouentur cuncta, quae ratione carent. Additur *regendo corpori accommodata*, ut differat ab angelica natura, non tamen ab anima separata; cum haec aptitudinem ad informandum corpus, & vivificandum semper retineat. Ut autem eximius, quem definitionis animae littera tibi significat, Spiritus, te vivificet fortius, remota littera, ceu mortis umbra, merito inquiritur.

Quid sit Ratio, in cuius capacitate anima rationalis constituitur.

XII Liceat per te, amice Lector, intimius, altiusque inquirere: quae, & qualis illa *Ratio sit*, in cuius capacitate essentia animae rationalis, & cuiusvis mentis creatae constituitur. Explica te: Quid est *Ratio*? Quid sub isto nomine, *Ratio*, cuius usitatissima tibi, aliisque est notio, indicatur? An *Ratio*, cuius in sua definitione anima rationalis capax dicitur, est aliquid reale vel fictum, aliquid creatum vel increatum, aliquid pure finitum vel infinitum, aliquid mere temporale, vel aeternum, aliquid mutabile vel immutabile? O! si quis, suspirat quispiam, rationem probe intelligeret, mentis suae quasi infinitam dignitatem facile aestimaret. Quid ergo est *Ratio*? Audi amice, quod forsitan vix unquam legisti, aut nunquam audisti, quia id ipsum altum est mysterium plurimis tum libris, tum lectoribus hucusque absconditum. *Ratio*, cuius passiva capacitas animam rationalem ab ente irrationali discernit, quamvis proxime & immediate ac in recto aliquid reale significetur, nimirum ipsa subiectiva ratio creata, quae in tua est anima, neque ab intellectu realiter distincta; ultimate tamen & in obliquo aliquid reale, increatum, infinitum, aeternum, & immutabile, imo ipsum Ens entium Deus, sive ipsa Ratio obiectiva, Increata & aeterna importatur. . . En grande mysterium, tua reflexione, & attentione dignissimum!

XIII Inter rationem hanc *subiectivam*, sic dictam, quia *Rationi* aeternae & obiectivae subiicitur, & inter *Rationem obiectivam*, sic dictam, quia *rationi* subiectivae obicitur, intercedit ingens differentia; nam subiectiva ratio est ipsa mens, ipse intellectus noster, quo tamquam principio activo & interno ratiocinamur. *Obiectiva* vero Ratio est id, quod mentem movere ad ratiocinandum, seu est illa aeterna veritas, illud aeternum verum, quod anima Rationalis ratiocinando intuetur. Toto Caelo Ratio haec obiectiva a subiectiva distat: etenim subiectiva ratio est quid in tempore creatum, proinde iuxta numerum subiectorum intelligibilium, hominum, & angelorum multiplicatum, simulque ad certum locum, & tempus saltem definitive alligatum, sive ut actu existat tota in toto, & tota in qualibet illius spatii parte. Ratio vero obiectiva, quae ut anima Rationalis ratiocinari possit, ante intellectum seu rationem subiectivam necessario obversari debet, una eademque est respectu omnium angelorum hominumque: nec ulli loco aut tempori, nec aliis finitis limitationibus alligatur, vel definitur, sed semper & ubique, hic & ibi, hodie, cras & heri, respectu tui ac mei, omniumque, qui illius capaces sunt, eadem prorsus est, & una manet immutabilis.

XIV Incumbendum igitur est, magni Augustini sunt verba, omnibus ratiocinandi viribus, ut clare, *Quid sit Ratio*, & quoties definiri possit, percipiat. Et mox sanctus Doctor, &

Pater subiungit. * *Ratio est aspectus animi, quo per se ipsum, non per corpus, verum intuetur: aut ipsa veri contemplatio, quae est ratio subiectiva: aut ipsum verum quod contemplatur, & dicitur Ratio obiectiva. Si quaeras ex D. Augustino, quid illud verum sit, quod animam nostram ad ratiocinandum impellit? Respondet idem Vir Dei in eodem capite: Verum illud, quod Ratio dicitur, nihil habet commutabile. Igitur verum, quod mens nostra contemplatur, & hanc ad ratiocinandum obiective movet, iuxta doctrinam Augustini vocatur Ratio, estque illud immutabile, & hoc ipso realiter non aliud quid, quam ipsamet immutabilis essentia Dei, & appropriate loquendo ipsum aeternum, ac immutabile Dei Verbum, & Vera Illa Lux, quae illuminat omnem hominem venientem in hunc mundum **.* Edico Benevole, an non prae grande id sit Mysterium? Ut autem hoc ipsum intra te clarescat mirabilius, expositionem sequentis tituli perpendas attentius.

Aeterna Ratio obiectiva est Verbum, quod in Deo tribus Personis commune appropriatur Christo.

XV Divo Augustino consentit Divus Hieronymus in epistola ad Paulinum in haec S. verba scribens: *In principio erat verbum, & verbum erat apud Deum, & Deus erat verbum. Logos,*

inquit, graece multa significat: nam & verbum est, & Ratio, & supputatio, & causa unica cuiusque rei, per quam sunt singula, quae subsistunt, quae universa recte intelligimus in Christo. Ergo iuxta Hieronymum Christus sicut est Verbum, ita etiam est Ratio. Est autem Verbum Dei duplex apud Cornelium a Lapide in eadem Evangelii Ioannis verba. Post S. Thomam I d. XXVII q. II a. II & alios, unum essentiale, quod dicitur Verbo, & est ipsa intellectio Patris, quam cum essentia, intellectu, & voluntate communicat Filio, & Spiritui Sancto. Alterum notionale, quod dicitur Verbum a Patre, & est Persona sublitens, nimirum Filius, de quo hic loquitur Ioannes. De Ratione Verbi autem est primo, ut sit expressum, & realiter distinctum ab eo, qui Verbum dicit. Secundo, ut sit manifestatio eorum, quae a loquente dicuntur. Verbum quod Deus Pater per intellectionem, seu dictionem producit, clarissime praesentat, & manifestat omnia, quaecunque in intellectu Patris sunt, quod eleganter declarat Augustinus lib. VI de fide. Verbum Patris ideo dictum est, quia per ipsum innotescit Pater; Sicut ergo verbis nostris id agimus, ut noster animus innotescat audienti, & quidquid secretum in corde gerimus, per signa huiusmodi scilicet per verba ad alterius cognitionem profertur; sic illa Sapientia, quam Deus Pater genuit, quoniam per ipsam innotescit signis secretissimis Pa-

* S. August. c. VI de immortalitate animae.

** Ioannis I.

ter, *Verbum* eius convenienter nominatur.

XVI Cum igitur *Verbum Dei* Patris sit clarissima *manifestatio* totius Divinitatis Patris, omniumque eorum, quae immensa scientia Patris attinguntur, cuiusmodi infinitarum rerum possibilem, & actualium infinitae *Rationes* sunt; ideo idem ipsum *Verbum* est *manifestatio* omnis Entitatis, omnis Veritatis, & omnis Bonitatis actu existentis, & in infinitum possibilem. Propterea idem *Verbum* per hanc omnis Entitatis, Veritatis, & Bonitatis rerum omnium actualium, & possibilem *manifestationem* ab aeterno constitutum est *prima Ratio*, *prima Idea*, *primumque Exemplar* rerum omnium, atque hoc ipso & *Lux*, & *Vita mentium* angelorumque, hominumque, omnes & singulos eorum revelatione veritatis, bonitatisque eorumque illuminando, ac vivificando, ut rerum omnium *Rationes aeternae* simpliciter percipiant, perceptas infallibiliter discutiant, *discussaeque* immutabili demonstrationis illatione ostendant, atque cognoscant. Illa enim est *prima* & *essentialis* rerum omnium & cuiuslibet entis *Ratio*, quam *primum* intelligens (Deus omniscius) *primo* concipit, intelligit, & *Verbo*, quod intellectu suo continuo dicit, distincte exprimit; neque enim *primum intelligens*, *Deus*, aliunde, aut a rebus *Veritates*, aut *Rationes* accipit; sed potius per suum *primum* & immutabile intelligere ex se eadem producit.

XVII *Verbum* igitur Divinum ratione huius virtutis expressivae est

illa *Ratio obiectiva*, cuius mens rationalis capax dicitur, eidemque percipienti, iudicanti, & ratiocinanti obicitur. Haec autem virtus rerum omnium expressiva *Verbo* non ratione personalitatis, sed ratione Divinae essentiae, & *intellektionis primae*, quae seu *Verbum essentiale* tribus Personis Divinis commune dicitur, convenit; Pater enim cum sua essentia, & cum suo intellectu, & voluntate, sicut suam volitionem, ita etiam suam *intellektionem* essentialem, seu *Verbum essentiale*, respectu *Verbi notionalis* minus proprie sic dictum, suo Filio, & Spiritui Sancto communicat. Attribuitur autem aliquod praedicatum, seu nomen, vel effectus tribus Personis communis uni, vel alteri Personae per *appropriationem*, ob specialem, quam habet, cum quadam Persona huiusque origine convenientiam, sic quamvis Potentia toti Trinitati aequae conveniat, specialiter tamen Patri tribuitur, quia ipse est primum principium tam intra quam ad extra rerum omnium; similiter *Sapientia*, & *veritas* appropriatur Filio, quia sicut *Sapientia*, & *Veritas*, ita & Ipse procedit per intellectum. Propterea *aeterna Ratio obiectiva* attribuenda est *Verbo notionali*, seu *Personae Verbi*; quia sicut *aeterna Ratio obiectiva* oritur per intellectum Patri, Filio, & Spiritui Sancto communem tanquam *Verbum essentiale*, quod idem est cum intellectu, a quo procedit; ita quoque *Verbum notionale*, quod Christus est, procedit ab intellectu Patris, a quo distinctum est.

Apta appropriatio, quia optima proportio . . .

Anima rationalis non nisi secundum Rationem obiectivam rationabiliter operatur.

XVIII Sciendum autem nomine *Rationis obiectivae* hic non venire ipsam nudam gratiae illustrationem, quam soli Deo attribuendam esse, vel ipsis parvulis notum esse oportet, sicut neque ipsam supernaturalem doctrinam fidei, aut externam instructionem S. Ecclesiae, quibus per hoc nec in minimo praeiudicatur; loquitur enim Deus nobis per homines & praecipue per praeceptivam & decisivam Ecclesiae vocem, quae non est aliud, nisi ipsiusmet Dei verbum de Spiritu veritatis conceptum; sed nomine *Rationis obiectivae* intelligitur illuminatio naturalis & mentis nostrae *naturale Magisterium internum*, quod nimirum menti nostrae in tempore creatae *Ipsae Aeternae Intelligentiae Sol*, Deus, eiusque indeficiens ac inextinguibile veritatis lumen, naturaliter fulgeat, & quidem ante omne rationis argumentum, suo naturali fulgore, seu rutilans aurora, eandem ad agendum ex ratione obiective promoveat.

XIX Quoties nimirum mens nostra *rationabiliter*, idest *ex ratione* operatur, advertenti, ac se reflectenti aliquo modo experimentaliter coniunctum est & unitum ipsum Numen

aeternum, ipsum Infinitum, & Incommutabile *Ens entium* *, seu Ipsa Dei Sapientia, Ipsa Prima Veritas, & Summa Bonitas, seu *appropriata* loquendo, ipsum Verbum Christus Iesus, veluti Lux, Regula & Mensura omnia & singula ex Ratione & rationabiliter intelligendi, & amandi, aut quomodolibet intellectualiter, rationabiliterque operandi, ac vivendi; ita ut ad quamcumque *simplicem rei perceptionem*, ad quamcumque *infalibilem enunciationem*, atque *immutabilem illationem sive argumentationem*, item ad quemcumque *amorem rationalem* ipse Deus, vel aliquod illius intrinsecum verum attributum menti nostrae sic operanti, si non clare, saltem temperate *praeiudicare* debeat, veluti Ratio formalis talis operationis, qua ceu veste omne obiectum incurrens in mentem nostram necessario induendum est ad hoc, ut a potentia intellectiva percipi possit, quae, quidquid intelligit, etiam ipsa corporalia seu materialia sub Ratione formali veri, quod spirituale est, sicut voluntas omnia sub Ratione boni attingit: utinam semper sub ratione boni veri & veri boni! . . .

Mentis nostrae lux naturalis est Deus, sicut lux mundi est sol corporeus.

XX Clarius idipsum Lectori benevolo analogia solis & oculi corporei explicat. Nulli non est notum, ocu-

* Experimentum istius eximiae veritatis plane palpabile exponitur infra num. XXXVII, ubi ens imperfectum, nisi prae-

cognoscatur Ens perfectissimum, nequam concipi posse, clare exhibetur.

lum carnis, ad hoc ut videat, necessario indigere externa luce ut solari, nimirum corporeus luo mediante sua luce & radiis solaribus obiectis visibilibus incidens v. g. coloribus, eosdem prius solum potentia, nunc actu visibiles faciat atque potentes, ut species producere, ad oculum transmittere, & eundem ad visionem eliciendam permovere valeant; ita similiter oculo mentis, *Ratio* nostra *subiectiva*, ad hoc, ut videat mentaliter, indiget suo externo sole, sua externa luce. Hic sol & lux externa mentis nostrae obiectiva est ipse Deus, idem proportionaliter conferens ac praestans oculo mentis, quod sol corporeus confert & praestat oculo carnis. Hic *Sol Intelligentiae* * Deus, mediante suo aeterno lumine, ac radiis veritatis, intelligitilibus obiectis & operaturae menti superveniens, illa ex ratione intelligibilia facit, & hanc ad operandum, & intellectualem visionem eliciendam stimulat, & quasi lucernam ad operandum accendit: non ceu subiectiva species, sed ut obiectiva *Ratio*, veritas, & operatio-

nis mensura; ita ut omnes Rationes, & omnes aeternae Veritates sint quasi radii huius fulgentissimi *Solis Intelligentiae*, sive Dei, idem tribuentes oculo mentis, quod radii sensibiles tribuunt oculo corporis.

XXI Porro sicut radii solares in praedicta analogia, & ipsa visio corporea ex impulsu dictorum radorum elicitae vere ac motive & essentialiter dependet ab ipso sole corporeo; ita etiam tres mentis operationes, nimirum *perceptio*, *enunciatio*, & *illatio*, praeter effectivam dependentiam ab ipsa mente tanquam a principio vitali coniuncto, & a Deo tanquam a *causa prima & universalis*, etiam specialiter dependent a Deo, & eius aeterno lumine, tanquam a spiritali suo sole, seu ratione, exterius quidem, sed tamen essentialiter movente, sive essentialiter necessaria ad movendum. Et sicut nos sensibiliter experimur, dum nos super solis radios & visionem nostram reflectimus, quod eadem visio vere a lumine solis pendeat, & suo modo ab eo causetur: ita pariter si quis, se super actus men-

* Sap. V v. VI. Scripsit de hoc Sole Intelligentiae A. R. P. Iuvenalis Ananienst Capuccinus Provinciae Tyrolensis quater Minister Provincialis, vir ob eximiam suam virtutem, & scientiam aeterna memoria dignus, integrum iustae magnitudinis librum, cui & titulum affixit: Sol intelligentiae, opus plane aureum, & iis maxime proficuum, qui ea, quae Spiritus Dei sunt, intimius nosse cupiunt. At pretiosus hic scientiae thesaurus iacet absconditus, & prope a cunctis, vel ideo derelictus, quia eiusdem sensus, ut dicitur, nimis altus, & mysticus, quod

tamen salissimum mendacis angeli commentum esse vel ex hoc evidenter constat, quia totus liber non de supernaturali, sed de pure naturali illuminatione, quae sol intelligentiae omnem hominem in hunc mundum venientem illuminat, per totum trañat. Hunc intelligentiae solem praedixit vir profunde doctus, & illuminatus Rylo Theologico appropriat Christo crucifixo, cuius imaginem libri praeponebat fronti. An vero dignum, iustumve sit, ut haec nobilissima lux in tenebris luceat, & tenebrae eam non comprehendant? Qui vult, quia omnes possunt capere, capiat.

tis suae reflectat, etiam mentaliter experiri *, & advertere valet, quod actus mentis penduli sint, ac verè pendcant ab aliquo principio aeterno, sive Deo, adeoque homo intelligibiliter observare potest, quod scriptum est act. XVII v. XXVIII *in Deo se vivere, & moveri, & esse.*

XXII Ex allata Solis similitudine mundi istius *materialis* cum SOLE Mundi *Spiritualis* pariter constat, quod monitor, qui alterum solummodo admonet, ut oculos ad Solis lumen convertat, neutiquam illius oculos verè illuminat, sed ipse Sol unus & solus eisdem illustrat; ita similiter Magister quicumque externus, aut doctor creatus suis verbis, scriptive discipulum instruit, intellectum discipuli veritatis manifestatione nequaquam informat, neque interno magisterio, sed pure externo eundem edocet, ut *aspectum suae mentis*, qui in discipulo *subiectiva Ratio* est, ad Intelligentiae Solem, seu ad lumen aeternae Rationis obiectivae (n. XIII & XIV) convertat. Unde quod intus in mente & ratione discipuli fit, id totum Ipsa Ratio aeterna obiectiva, quae Deus ipse est, appropriate Christus, interno suo Magisterio perficit tam potenter, quam incessanter.

XXIII Analogiam hanc luminis, visusque corporei ad lumen visumque intellectualem ipsi antiqui Philosophi, & cum his S. Thomas & D. Augustinus unanimiter approbant. Aristoteles ** Intellectum agentem, qui nimirum phantasmata materialia illustrando, eadem intelligibilia actu facit abstrahendo a materialibus, comparat *lumi*ni, eo quod intellectus agens aliquid receptum sit in anima, sicut lumen aliquid receptum est in aëre, quo, sicut aër a lumine, anima illuminatur. Plato autem intellectum separatum, imprimentem & influentem in animas nostras, ut Temistius refert in comment. lib. III de anima. Comparat *Soli*, qui intellectus separatus idem sit animae intelligenti, quod est Sol homini videnti. Doctor Angelicus hunc ipsum Intellectum separatum, quem Plato *Soli* comparat, pro suo charactere Angelice declarat: *Intellectus separatus*, inquit, *secundum FIDEI NOSTRAE DOCUMENTA EST IPSE DEUS*, qui est Creator animae, & in quo solo beatificatur: unde ab ipso anima humana lumen intellectuale participat, secundum illud psalm. IV signatum est super nos lumen vultus tui, Domine. Ita S. Doctor in suo opere plane Ange-

* Ut idipsum, quantum actus mentis a Deo seu interno magistro dependant, mentaliter experiaris, de actu *perceptionis simplicis* vide instr. n. XXXVII, XXXVIII, & XXXIX de actu *Iudicii* lege secundam, & de actu *illusionis* perlege tertiam huius opusculi partem, & non tantum experi-

mentaliter senties, sed etiam vehementer obtusesces trium istorum actuum mentis nostrae ab aeterna *Ratione* obiectiva, seu ex immensa luce, manifestam, summeque necessariam dependentiam.

** Lib. III de anima tex. XVIII, tom. II.

lico, cui titulus, *Summa Theologica**, communiter *Summa Angelica* dicta, apud omnes in Ecclesia Catholica pro merito suo aestimatiflima. Et in quaestione unica de spiritualibus creaturis art. X ubi modum, quo Deus & intellectus Creatus agens concurret ad efficiendam rerum intelligibilitatem, ostendit, ita loquitur. Id, quod facit in nobis intelligibilia actu per modum luminis participati, est aliquid animae, & multiplicatur secundum multitudinem animarum & hominum. Illud vero, quod facit intelligibilia per modum Solis illuminantis, est unum separatum, quod est Deus, unde Augustinus dicit in VII soliloq. Promittit Ratio, se demonstraturam Deum menti meae, ut oculis Sol demonstratur; nam mentis quasi nulli sunt sensus animae: Discipularum autem quaeque certissima talia sunt, qualia illis, quae Sole illustrantur, ut videri possint; Deus autem est ipse, qui illustrat. Ita duo Sancti Doctores Augustinus & Thomas. Ergo Veritas ita Fidei quoque Divinae Documentum est? **

Intellectus humanus est potentia cognoscitiva entis, ut ens est.

XXIV Definitor autem intellectus humanus, qui realiter idem ac Ratio est: *Spiritualis potentia seu facultas proxime elicitiva actionum seu operationum spiritualium ad cognoscendum omne verum*: aut brevius: *Intellectus est potentia cognoscitiva entis, ut ens est*. Nomen intellectus importat quandam intimam cognitionem; dicitur enim intelligere, quasi *intus legere*. Ad cuius evidentiam consideranda est differentia intellectus inter & sensum. Cognitio sensitiva occupatur circa *qualitates sensibiles exteriores*; est enim *sensus quaedam potentia passiva, quae nata est immutari ab exteriori sensibili*, prout definit Divus Thomas***. Exterius autem immutativum est, quod per se a sensu percipitur, & secundum cuius diversitatem sensitivae potentiae distinguuntur. Duplex autem est immutatio, una *naturalis, spiritualis* altera: naturalis dicitur, secundum quod forma inmutantis recipitur in subiecto immutato

* S. Thomas I p. q. LXXIX a. IV.

** Fidei autem Divinae documentum est, quod Fides Divina, Fides una, Fides Sancta, Fides Catholica, & Apostolica suos fideles omnes docet, atque idipsum tanta certitudine docet, ut de eadem nulli eorum omnium aut ullum dubium, aut dissensum admittere sit concessum, secundum unius, Sanctae, Catholicae, & Apo-

stolicae auctoritatis irrefragabile testimonium. Cur igitur hodierni eruditi, critici Philosophi immensae, ac infallibili non acquiescunt auctoritati, quae ante signatum Fidei attestatur documentum? . . . Plures eorum idipsum, aut omnino nesciunt, aut si sciunt, quia non libet, credere nolunt. . . . Sine fide fideles!

*** S. Thomas I p. q. LXXVIII a. 3.

secundum *esse naturale*, sicut calor in calefacto; hinc manus frigida fit calida. Spiritualis immutatio attenditur, secundum quod forma immutantis recipitur in immutato secundum *esse spirituale*, ut forma coloris in pupilla, quae per hoc non fit colorata. Attentus id legat Materialista, quia ruditer hic delineatur, quid entis sit *spiritus*. Ne autem *litera* haec, *esse spirituale*, quod Materialista sensibus corporeis, atque obiectis materialibus in hac pagina adscriptum cernit, minus cautum derepente occidat, quasi sana quoque Philosophia *esse* quodpiam *spirituale* tribueret *materiae*; eidem Materialistae solerter addiscendum, praedictam *immutationem spirituales* in sensu materiali, sicut & in obiecto corporeo *esse spirituale*, nonnisi *imitative* fieri; veluti enim simia hominem, imitatur *sensus* corporeus conditionem *spiritus*. Unde ipse visus, quia formam omnis coloris e. g. nigri, flavi, albi &c. quin aut niger, flavus, aut albus fiat, intra se recipit, inter reliquos sensus laudatur perfectior, & *imitative* *spiritualior* commendatur.

XXV Cum vero cuiusvis facultatis seu potentiae natura ex proprio actu, a quo speciem accipit, innatescat; tunc germanam sensus in genere notitiam habebimus, si perspecta nobis sit actio cuiusvis sensui propria, nempe cognitio sensitiva. *Est autem cognitio in communi, qua vivens se ipsum, & ea, quae in se sunt, percipit.* Definitio haec sinceram cognitionis notitiam in se continet. Inde sequi-

tur, quamlibet cognitionem, quae alias etiam assimilatio formalis potentiae cum obiecto dicitur, in ipso cognoscente concludi, nec externa cognosci, nisi quatenus sunt in cognoscente: etenim actio cognoscitiva non est *actio transiens*, ac velut diffusio & eruptio perfectionis internae ad immutanda externa, quae quidem ab agente progreditur, attamen in passio externo, ut illud immutet, recipiatur; sed est *actio immanens*, idest *intus manens*, ceu vigor intraneus, ac perfectio in vivente subiectata, proindeque illi commensurata.

Quomodo anima cognoscendo fiat omnia.

XXVI Sicut autem obiecta externa cognosci nequeunt, nisi sint in cognoscente, sic nec in cognoscente esse poterunt, nisi per aliquam sui formam; nihil enim est, aut constituitur in quovis genere sine causa formali essendi; forma quippe est, quae dat *esse*, seu qua res in *esse* constituitur velut actu formali essendi; adeoque necesse est, ut forma obiecti externi cogniti sit in cognoscente; forma, inquam, non illa ipsa naturalis, quae est in obiecto; haec enim obiectum deferere nequit, quod per se patet, sed alia, eius nimirum vicaria & repraesentativa, quam *speciei intentionalis*, seu *ideae* nomine intelligimus, necessaria ad hoc, ut obiectum externum & distans fiat praesens in cognoscente, cuius cognitio extra ipsum cognoscens non fertur.

Dicuntur *species intentionales*, eo quod per eas moveantur sensus & intellectus, ut rebus intendunt sentiendo & intelligendo. Ex quo facile intelliges illud, quod fors usque huc capere vix potuisti, Philosophorum oraculum: *Anima cognoscendo fit omnia, & cognoscens cum obiecto cognito est idem*. Nam ea cognoscentis natura est, ut quamvis proprium esse non exuat, formas tamen alienas proprio sibi quodam modo induere valeat; atque sic transformari in alia: quo fit, ut vivaci illa facultate, quæ percipit seipsum, alia itidem percipere valeat, in quæ vicaria specie transformatur. Hinc colliges, duos esse cuiuslibet rei status, *naturalem* unum, *intentionalem* alterum. Idipsum enim, quod res *naturaliter* in se ipsi sunt, *intentionaliter* itidem sunt in cognoscente.

XXVII Quia igitur perspecta sensuum notitia plurimum conducit ad intelligentiam rationis & intellectus; ideo ulterius inquirendum, quod sit sensuum obiectum; ad quod responderetur: *Obiectum sensus externi est sensibile singulare, præsens, localiter extensum, in debita distantia*. Dicitur *sensibile singulare*, quia universalis non cadunt sub sensu, sed solum sub intellectu; hinc axioma est, *sensum esse singularem, intellectum vero universalem*: (vide n. XXII.) Additur *singulare præsens*, quia sensus externi non sunt circa res absentes; non enim earum species permanenter conservant, ut sensus interni e. g. phantasia, imaginatio, sed extemporaneam & ab obiecti præsentia pendentem impres-

sionem recipiunt. Dicitur *localiter extensum*, quia res debet esse in loco, ut sit sensibilis; inde Corpus Christi in Eucharistia non sentitur, quia non est ibi ut in loco.

XXVIII Additur demum *in debita distantia*, quia res nimium remotæ non sentiuntur, ut odores, sapes, & soni a nobis remotissimi; actio enim *intentionalis* dependet a loco & quantitate; sicut & omnis actio corporis; unde quanto magis recedit a suo principio, tanto magis debilitatur, donec tandem penitus deficiat. Si forsan Lectori amico insurgat quaestio, cur adeo multum hic de sensu dicatur? Respondum dabit fructuosa utilitas, & notitia rationis humanæ, maxime quia sensibile & materiale ab intelligibili & spiritali per hoc adeo aperte discernitur, ut a quolibet idipsum palpari possit: ne dicam, quod per hoc solum, relictis innumeris aliis argumentis, *materialismus*, quem Philosophi huius seculi ceu idolum defendunt, penitus destruat. Ipsa experientia erit veritatis istius magistra optima & veridica.

Cognitio intellectiva est vitalis imago obiecti cogniti.

XXIX Quemadmodum cognitio sensitiva nobis demonstrat constitutionem sensus, sic & cognitio intellectiva notificat essentiam nostri intellectus. Cognitio sensitiva occupatur circa qualitates sensibiles exteriores; cognitio autem intellectiva penetrat usque ad *essentiam* rei; obiectum enim

intellectus est, *quod quid est*, ut dicitur l. III de anima tex. XXVI tom. II. Sunt autem multa genera eorum, quae interiorius latent, ad quae oportet cognitionem hominis quasi intrinsecus penetrare; nam sub accidentibus latet natura rei substantialis, sub verbis latent significata verborum, sub similitudinibus, & figuris latet veritas figurata: pariter in causis latent effectus, & e converso. Sumitur ergo nomen *intellectus* ab intima penetratione veritatis; de quo hortatur ipsa Veritas Ioan. VII. *Nolite iudicare secundum faciem, sed iustum iudicium iudicate.*

XXX Actus vero intellectus, qui dicitur etiam opus, seu operatio mentis, in genere est *actualis formalis imago vitaliter repraesentativa obiecti cogniti*, seu *vitalis imago*, ac *repraesentatio illius, quod cognoscitur*. Quod intellectui repraesentatur, & ab illo cognoscitur, dicitur *obiectum*, & ipsa cognitio est actus mentis seu operatio. Exemplum sensibile habes in oculo: Species colorata e. g. Crucifixi est obiectum tui oculi, ipse autem aspectus, quem oculus circa obiectum Crucifixum exercet, est operatio, sive actus oculi. Similiter quando de Deo v. g. aliquid cogitas, Deus est *obiectum* tuae cogitationis, ipsa vero cognitio, vel intellectio est tuae mentis operatio. Contingit autem cognitio, secundum quod cognitum est in cognoscente; cognitum autem, seu obiectum, quod cognoscitur, est in cognoscente secundum modum cognoscentis, unde cuiuslibet cognoscentis co-

gnitio est secundum modum suae naturae. Si igitur modus essendi aliquius rei cognitae excedat modum naturae cognoscentis, oportet, quod cognitio illius rei sit supra naturam illius cognoscentis. Qualia sunt respectu intellectus creati supernaturalia divinae fidei mytheria, quae vel ideo *naturaliter* cognosci nequaquam possunt, quia totam naturam virtutis cognoscitivae, tum angelicae, tum humanae, omnino transcendunt. Ubi plurimorum haeticorum turpemprehendens errorem, qui nihil eorum, quae sua naturali ratione comprehendere non possunt, in fidei obsequium simpliciter credere volunt.

Dantur rationes, seu ideae rerum omnium.

XXXI Duplex rerum omnium discernitur genus, *Materiale* unum, *Spirituale* alterum. Quidquid enim in universa rerum natura existit, aut existere potest, vel *ens est materiale*, aut *ens spirituale*. Quapropter haec entium duo diversissima genera duplicem veluti mundum constituunt: genus *materialis entis*, cuiusmodi universa corpora sunt, *materiale* mundum componit, genus autem *entis spiritualis*, quantum est Deus T. O. M. omnisque Angelicus, & humanus spiritus, mundum spirituale constituit. Ad mundum *materiale* pertinent cuiuscunque animalis sensus externi, *visus*, *auditus*, *odoratus*, *gustus*, & *tactus*, item sensus interni, *sensus communis*, *phantasia*, seu *ima-*

ginatio, horumque sensuum *sensationes*, *perceptiones*, *cognitiones*, omnes *formae*, *species*, & *ideae sensitivae*, quibus animal vitam sensitivam, seu sensualem vivit: haec enim cuncta *materialia*, nequaquam autem *spiritualia* * sunt entia. (*Vide supra n. XXIV, XXV, XXVI, & XXVII.*)

XXXII Ad *spiritualem* vero mundum spectat solum *intelligere & velle Divinum*, totum *Angelicum*, totumque *humanum*: huc spectant Dei, Angelorum, hominumque omnes *perceptiones*, *enunciationes*, omnesque *rationes*: pariter omnes *spirituales formae*, *species*, *ideae*, *reprae-*

sentationes, *imagines & Rationes* **, quibus universum mundum *materialem & spirituales*, & omnia, quae in illis sunt, percipiunt, diiudicant, atque demonstrant. In hoc mundo *spirituali* *Intelligentiae SOL* *Mentes Angelorum*, hominumque omnium, veluti totidem amplissimi Regni *Provincias*, manifestando quantum sua ex parte est, rerum omnium *Rationes*, infallibiles de rebus: omnibus *Enunciationes*, rerumque omnium *immutabiles Demonstrationes*, infinito quasi splendore illustrat, sicut hunc mundum *materialem* Sol corporeus manifestando *diversos corporum colo-*

* Scito profecto dignum est, quod Philosophus lib II de anima cap. XII tradit, ubi ait: hoc autem universiter de omni sensu accipere oportet, sensum inquam, id esse, quod sensibiles sine materia formas suscipere potest, perinde annuli signum sine ferro vel auro suscipit cera. Haec ille. In hoc igitur sensu *species impressae sensibiles* dicuntur *formae sine materia*, non quidem quia *entia materialia* non essent, cum omnes *species sensibiles* sint *in fieri*, *in esse*, & *in operari* a corpore dependentes, sed quod *solum obiectorum sensibilibus formam*, non item eorundem *materiam* continent. Noient id, qui brutis tum animarum tum *cognitiones spirituales* tribuere non erubescunt.

** Attentus id observet, rerum *materialium formas*, *species*, *ideae*, *repraesentationes*, & *imagines materiales* in brutis quoque reperiri, non vero *Rationes rerum*; eoquod *Rationes rerum* sunt *universales*, & hoc ipso *spirituales*. *Universalis* autem non cadunt sub sensu, sed solum sub intellectu: contra *materiales rerum formas*, & *ideae singulares* sunt, quia *virtuti cognoscitivae organi corporei*, quae sensu dicitur, *connaturale est cognoscere res,*

secundum quod sunt in *materia individuali*, e. g. *forma huius civitatis*, *species huius libri*, *idea Petri*, *Pauli*, *repraesentatio istius arboris*, *huius hortii*, & ideo sensus non cognoscit nisi *singularia*. *Materia individualis* cum *accidentibus* omnibus *individuantibus* e. g. *natura humana* in *Petro individuum* vocatur. Est autem *individuum*, cuius *collectio proprietatum* ita est in uno, ut non sit in alio: *proprietates istae* sunt *septem* his *verculis comprehensae*. *Forma*, *figura*, *locus*, *tempus* cum *nomine sanguis*, *patria* sunt *septem*, quae non habet unus & alter. Per *formam* intelligitur *complexio*, per *figuram* *lineamenta vultus*, per *locum* *ea terrae pars*, in qua quis natus est, *tempus*, quo quis natus est, per *nomen* *titulus* aut *cognomen*, per *sanguinem* *familia*, & per *patriam* *pagus*, vel *civitas*, in qua quis natus est, indicatur. Atque ab his *accidentibus individuantibus* abstrahendo *intellectus noster essentiam Petri esse animalis Rationis aeternae capax* aut cuiuscunque rei in *universali* sua *Ratione aeterna*, quam definitio exprimit, veraciter cognoscit. En *revelatum* abstrahentis a *materia individuali intellectu* arcanum! (*vide n. XXVII.*)

res illuminat. (*Vide n. XX & seq. item XLVII & seq.*)

XXXIII Per *Rationes* igitur, seu per *Ideas* intelliguntur forinae rerum omnium existentium, imo & omnium in infinitum possibilium, quibus omnia entia existentia conformantur, & omnia possibilia conformari possunt. *Ratio* autem, *Idea*, & *Forma* cuiuscunque rei praeter ipsam rem sive in mente Dei, sive Angeli, sive hominis existens, duplex officii genus Deo, Angelo, & homini praestat: vel enim inservit ut exemplar, secundum quod factum est, aut fieri potest id ipsum, cuius est *Ratio*, *Idea*, & *Forma*; aut inservit ut principium cognoscendi quamcunque rem, secundum quod *Rationes*, *Ideae*, & *Formae* rerum cognoscibilium dicuntur esse in cognoscente. (*Lege n. XXVI.*) Et quantum ad utrumque necesse est ponere *ideas*: in omnibus enim, quae non a casu (*vide n. LXXXV*) generantur, necesse est *formam* esse finem generationis cuiuscunque; agens autem non ageret propter formam, nisi in quantum similitudo formae est in ipso, quod contingit dupliciter: in quibusdam enim agentibus praexistit forma rei faciendae secundum *esse naturale*, sicut in his, quae agunt *per naturam*; sic homo generat hominem, ignis ignem. In quibusdam autem secundum *esse intelligibile*, ut in his, quae agunt *per intellectum*, sic similitudo domus praexistit in mente artificis, & haec potest dici *idea domus*, quia artifex intendit domum assimilare formae, quam mente concepit. Unde

quia mundus hic non est casu factus (*n. LXXXVI*), sed a Deo per intellectum agente creatus, necesse est, ut in mente divina sit forma, ad cuius similitudinem mundus est factus, in quo consistit *Ratio Ideae*, & *Idea Rationis*. Huiusmodi autem *Ideae* omnes & *Rationes* in mente Dei *aeternae* sunt, in mentibus autem Angelorum, hominumque *immortales* sunt, etsi res ipsae, quae secundum has *Rationes* & *Ideas* factae sunt, plerumque non perpetuo subsistunt; Praeterit enim figura huius mundi ...

Rationes, seu Ideae rerum omnium solide explanantur.

XXXIV Ut autem clarissimam *Rationem Ideae* & *Rationis Ideam* habeas, fundatam de his D. Augustini doctrinam accipe. Hic libro uno octogintarum quaestionum q. XLVI. *Ideae* speciem sequenti modo depingit: 'Tanta in ideis vis constituitur, ut nisi his intellectis, sapiens esse nemo possit... Sunt autem *ideae* principales formae quaedam, vel *rationes* rerum, stabiles atque *incommutabiles*, quae ipsae formatae non sunt, ac per hoc *aeternae*, ac semper eodem modo sese habentes, quae in divina intelligentia continentur. Et cum ipsae neque oriuntur, neque intereant, secundum eas tamen formari dicitur omne, quod oriri, & interire potest, & omne, quod oritur, & interit. Anima vero negatur eas intueri posse, nisi rationalis, ea sui parte,

qua excellit, ipsa mente & ratione, quasi quadam facie & oculo suo interioriore atque intelligibili. Et ea quidem ipsa rationalis anima, non omnis & quaelibet, sed quae sancta & pura fuerit, haec asseritur illi visioni esse idonea, idest, quae illum oculum, quo videntur ista, sanum, & sincerum, & serenum, & similem his rebus, quas videre intendit, habuerit... Quis audeat dicere Deum irrationabiliter omnia condidisse? quod si dici & credi non potest, restat, ut omnia ratione sint condita; nec enim ratione homo, qua equus; hoc enim absurdum est existimare. Singula igitur propriis sunt creata rationibus... Et quid isto certius, quid sanae menti evidentius?

XXXV Has autem rationes, ubi arbitrandum esse, nisi in ipsa mente Creatoris? Non enim extra se quidquam positum intuebatur, ut secundum id constitueret, quod constituerat, nam hoc opinari sacrilegum est. Quod si haec omnium rerum creandarum, creaturamve rationes in divina mente continentur, neque in divina mente quidquam, nisi aeternum atque incommutabile potest esse: atque has rerum rationes principales appellat ideas Plato: non solum sunt ideae, sed ipsae verae sunt, quia aeternae sunt, & eiusmodi atque incommutabiles manens, quarum participatione fit, ut sit, quidquid est, quoquo modo est. Sed anima rationalis inter eas res, quae sunt a Deo conditae, omnia superat, & Deo proxima est, quando

pura est, eique in quantum charitate cohaeserit, in tantum ab eo lumine illo intelligibili perfusa quodammodo & illustrata cernit, non per corporcos oculos, sed per ipsius sui principale, quo excellit, idest, per intelligentiam suam istas rationes, quarum visione fit beatissima. Quas rationes, ut dictum est, sive ideas, sive formas, sive rationes licet vocare, & multis appellare conceditur nominibus, sed paucissimis videre, quod verum est. Ita sanctus Augustinus. Advertis, ut opinor, benevole Lector, quam ingens solidae scientiae & sapientiae in paucis hisce S. Augustini verbis ceu profundum mysterium non tam lateat, quam tuo aspectui sese apertum ostendat.

Simplex mentis perceptio est actualis formalis imago vitaliter repraesentativa obiecti cogniti.

XXXVI Quia igitur anima nostra illustrissima imago seu repraesentatio Dei, qui est veritas aeterna, facta est, ut Deum Rationem aeternam exprimat, & ostendat; etiam in prima sua operatione, quae simplex perceptio dicitur, ut formam Rationis aeternae praeferat, necesse est. Simplex autem perceptio est illa mentis operatio, quae nudo intuitu res ita percipit, ut nihil de illis neget, aut assequatur; ita tamen, ut & haec perceptio simplex in sua essentia sit actualis formalis imago repraesentativa obiecti cogniti secundum dicta (n. XXXIX, & XXX non ut repraesentet exteriorem



rei formam e. g. colorem, figuram, ut fieri videmus in speculo corporeo, qualis imago rei conspicitur in imaginatione, sed ut exprimat *essentiam rei* perceptae: intellectus enim, seu ratio nostra habet operationem suam circa *Ens Universale*, quod primo cadit in intellectione intellectus, & est primum intelligibile, sicut sonus primum audibile, neque aliqua particularis & determinata, aut limitata entis ratio, sed *Ipsum Ens* in tota sua latitudine est obiectum mentis nostrae, cum ens & ratio entis ab eo percipi possit. Ex quo stupenda animae rationalis effulget dignitas & amplitudo, ac quam merito dicatur eadem formata esse ad imaginem Dei & divinum aliquid, cuius vis agendi scilicet percipiendi, iudicandi & inferendi tam late patet, ac *Ipsum Ens*: atque ideo, prout sentit S. Thomas, quodammodo *infinita* est. At pauci sunt, qui hoc mature perpendunt . . .

Intellectus noster nullam rem potest simpliciter percipere, nisi iuvetur ab intellectu Entis perfectissimi, in quo sunt rationes rerum omnium.

XXXVII Lectoris benevoli attentione dignissima sunt, quae de simplici perceptione mentis nostrae tradit Seraphicus Doctor divus Bonaventura in suo itinerario mentis in Deum c. III: operatio virtutis intellectivae, ait, est in perceptione intellectus terminorum, propositionum, & illationum. *Caput autem intellectus terminorum significata, cum comprehendit, quid est unumquodque per defi-*

nitionem. Sed definitio habet fieri per superiora, & illa per superiora definiri habent, usquequo veniatur ad supremam, & generalissimam, quibus ignoratis non possunt intelligi definitivè inferiora. Nisi igitur cognoscatur quid sit ens per se, non potest plene sciri definitio alicuius specialis substantiae. Nec ens per se cognosci potest, nisi cognoscatur cum suis conditionibus, quae sunt unum, verum, bonum. Ens autem cum possit cogitari ut diminutum & ut completum, ut imperfectum, & ut perfectum, ut ens in potentia, & ut ens in actu, ut ens secundum quid, & ut ens simpliciter, ut ens in parte & ut ens totaliter, ut ens transiens, & ut ens manens, ut ens per aliud & ut ens per se, ut ens permixtum non enti & ut ens purum, ut ens dependens, & ut ens absolutum; ut ens posterius & ut ens prius, ut ens mutabile & ut ens immutabile; ut ens simplex & ut ens compositum, cum privationes & defectus nullatenus possint cognosci nisi per positiones, non venit intellectus noster ut plene resolvens intellectum alicuius entium creatorum, nisi iuvetur ab intellectu entis purissimi actualissimi, completissimi, & absoluti, quod est simpliciter & aeternum ens, in quo sunt rationes omnium in sua puritate. Quomodo autem sciret intellectus hoc esse ens defectivum & incompletum, si nullam haberet cognitionem entis absque omni defectu? & sic de aliis conditionibus praelibatis. Usque huc S. Bonaventura, cuius seraphica doctrina eo vigilantiori reflexione a singulis eorum, qui ista

legunt, est recolenda, quo rariori argumento S. Doctor tot. infallibilis notitiae mysteria, quot in hoc numero plane aureo exponit verba.

Definire est rem quamcumque cognoscere, quid, & quantum de sua perfectionis mensura, quae ipsum Ens perfectissimum est, contineat, aut ab illa deficiat.

XXXVIII Quotiescumque igitur mens creata ex ratione & secundum rationem operatur, immediate unita est aeternae Veritati, quae Deus auctor naturae est, ut se immediate rationabiliter moventi ac docenti. Nam quod primam mentis operationem, scilicet simplicem perceptionem attinet, antequam mens aliquid definitive quoad quid esse rei percipiat, quae sola est perfecta perceptio, ut ex S. Bonaventura intelleximus, semper praeintelligit *Ens perfectum, Ens purissimum, & aeternum*, in quo reperiuntur rerum omnium rationes in sua puritate secundum dicta num. praecedenti XXXVII, in cuius Entis perfecti luce intelligamus, & capiamus, quid & quantum illa res definienda ex hoc entitatum Oceano in se habeat, & quid non habeat. *Definire* enim est ita rem quamcumque cognoscere, ut intelligatur, & capiamus, quid, & quantum illa res de sua perfectionis mensura, quae *Ipsum Ens perfectissimum* est, in se contineat, & quid de illa ei desit, & hinc est, quod quaevis definitio ex duplici mentis conceptu evalescat, uno determinabili & quasi

infinito, quod in scholis dicitur *genus*, altero determinante sive finiente, ac limitante seu definiente, & alias *differentia* vocatur. Atque ob hanc eandem causam evenit, quod sola entia creata & limitata, quibus aliquid deest, proprie ac stricte definiri possint; non autem Deus, cui nulla competit limitatio, sed potius est ipsa perfectionis mensura, qua omnia mensurantur, & definiuntur, ut ex infra dicendis Parte II constabit. Notanda autem est maxima differentia inter *externam definitionis pronunciationem*, quam & Philacus exprimere potest, & *inter ipsam mentis definitionem*, quo *sensu* solus definit, qui intelligit id, quod dicit. Exterior *pronunciatio* definitionis est ceu *littera*, quae occidit, ac velut mortua est; mentalis vero definitio seu huius *Ratio* est *vita*, quae vivificat, quia subiective est radius illius lucis, quae *illuminat omnem hominem*, & spiritus illius *Vitae*, quae Ioannis I dicitur *Lux hominum*. Ut autem aliquis rem perfecte percipiat per definitionem, non satis est concipere definitionis verba, seu attributum rei, sed totam essentiam, & totam rei naturam oportet capere illum, qui perfecte rem vult percipere. Inde intelliges, quod solus Deus possit *modo perfectissimo* res definire, quia ipse solus, sicut omnes numerat capitis nostri capillos, ita & omne imperfectum nostrum viderunt oculi ipsius.

Expressio Rationis aeternae, quam anima rationalis sua simplici perceptione repraesentat, manifeste ostenditur.

XXXIX Non sine modesta impatentia merito expectas, amice lector, ut faciliori argumento intelligas: *quomodo tua anima rationalis, tanquam viva, & vera Imago Dei immortalis simplici sua perceptione Rationem aeternam exprimat.* Ubi notabis, verbum *exprimat*, non sine sua ratione esse appositum; ovum etenim ovo est simile, sed ovum non est imago ovi; petis: cur id non ovum simile ovo non est ad imaginem seu imago ovi, eo quod ovum simile ovo non est factum ad expressionem alterius ovi, sed est aequale ovum, sicut est alterum, per se, & pro se; at imago praeter similitudinem, quam ostendit ad suum prototypum, est ad hoc facta, ut exprimat, ut ostendat, & demonstret clare, & distincte suum prototypum. Quapropter, quia anima rationalis Imago Dei, *qui Ratio aeterna est*, ad expressionem *Rationis aeternae* est facta, debet necessario hanc ipsam *Rationem aeternam* clare & distincte *exprimere*.

XL Utigitur id ipsum, & ad verum & ad oculum Lectoris singulariter demonstretur, eidem ad iucundum intuitum, Materialistis vero ad salutare documentum proponitur, quod in quaestis sequentibus continetur. Edicito igitur, amice lector, an *ratio, idea, seu forma mundi*, secundum quam hic mundus, quem

inhabitas, factus est, ab aeterno fuit, modo est, & in aeternum erit *ratio, idea, & forma mundi*? Utpote te latebit minime certissimum Philosophorum adagium: *Essentiae rerum sunt immutabiles, sunt aeternae*. Consequenter & rationes rerum & definitiones seu perceptiones aeternae sunt. Edicito, amice: an *ratio, idea, seu forma caeli stellati, & terrae floriferae*, secundum quam caelum & terra, quam conspicias, condita est, ab aeterno fuit, modo est, & in aeternum erit *ratio, idea, & forma caeli stellati & terrae floriferae*? Quid sentis? An *ratio ignis, ratio aeris, ratio aquae, ratio terrae* an ab aeterno fuit, modo est, & in aeternum erit *ratio, idea, & forma secundum quam factus est ignis, aer, aqua, terra*? An *ratio, idea, & forma cuiuslibet speciei volatilium, animalium, & piscium* ab aeterno fuit, modo est, & in aeternum erit *ratio, idea, & forma volatilium, animalium, & piscium*, secundum quam producta sunt? Quid iudicas? An *ratio, idea, & forma cuiuslibet speciei florum, herbarum, arborum, fructuumque*, secundum quam constitutae sunt, ab aeterno fuit, modo est, & in aeternum erit *ratio, idea, & forma cuiuslibet speciei florum, herbarum, arborum, fructuumque universorum*? ... An id difficile captum? ... si hoc apprehendere manu! ... Sed plus ultra!

XLI Quid sentis, quidve cogitas de *ratione, de idea, de forma*, secundum quam omnes homines & omnes angeli creati sunt? an haec *ratio, haec*

idea, & forma angelorum hominumque ab aeterno fuit, modo est, & in aeternum erit? An haesitas? minime, quia etiam palpari vix non potest, quod sicut ratio hominis est ratio hominis, ratio angeli est ratio angeli, ratio piscis est ratio piscis, ratio volucris est ratio volucris, ratio aquae est ratio aquae &c. ratio caeli est ratio caeli, & ratio mundi est ratio mundi & non alterius rei; sic ratio hominis est ratio hominis & non ratio volucris, ratio terrae est ratio terrae & non ratio caeli, ratio arboris est ratio arboris, & non ratio lapidis &c. An vero aliquando erit ratio caeli ratio terrae? aut forte ratio hominis erit ratio aquae? An ratio volucris ratio erit arboris? Respondes hoc erit nunquam in aeternum. Cur hoc non erit, etiam in aeternum nunquam? Das rationem, quia sic ratio hominis esset ratio hominis, ut asseritur, & simul non esset ratio hominis, quia esset ratio aquae; sed *idem non potest simul esse, & simul non esse*. Si quaero an sit aeterna veritas, quod *idem non potest simul esse, & simul non esse*? Quid respondes? non utique negabis? ergo percipis Veritatem aeternam: quinimo omnes praedictae rationes rerum sunt rationes aeternae, quia sicut in aeternum aliter esse non possunt, ita ab aeterno aliter fuisse aequè parum poterunt: atqui has omnes *rationes aeternas* percipis, dum earum *definitiones* capis, & simplicissime ut *ideas* conspicias; ergo *anima tua aeternam Rationem simpliciter perceptione exprimit*, quod in hac prima opusculi huius

parte erat demonstrandum, & est huiusmodi demonstrationis genus tam clare patens, quam etiam plene potens, ut nullus *sanae rationis* intellectus adeo sit rudis, qui eidem resistere possit, nec ullius voluntas adeo contumax, quae illi consentire non velit. Accipe aliud plane convincens argumentum. Anima rationalis evidenter percipit & *transitorium* & *aeternum*, imo infallibiliter discernit *aeternum non esse transitorium*, & vicissim *transitorium non esse aeternum*, neque perciperet intellectus transitorium & defectivum, si nullam haberet perceptionem *aeterni & perfectissimi* (num. XXXVII) atqui hoc ipsum *aeternum & perfectissimum* est ipsissima *Ratio aeterna*: ergo anima rationalis *Imago Dei immortalis* simplici perceptione manifeste exprimit *Rationem aeternam*. . . . Demonstratum est!

An praedictae Rationes aeternae sint entia a ratione conficta, aut omnino nihil?

XLII Ad istud in praesenti titulo propositum quaesitum cum Atheistis Materialistae respondent: *Ita, omnes Rationes aeternae sunt entia a ratione conficta, imo omnes omnino sunt nihil*. Quo igitur argumento homo Christianus evincat, datum Libertinorum responsum manifeste esse falsum? Non alio praeter illud, quod supra num. XXXVII D. Bonaventura de *simplici perceptione* subministrat, ceu subsidio potentissimo, utatur documento: *Prima operatio virtutis intellectivae est*

in perceptione intellectus terminorum; *Capit autem intellectus terminorum significata, cum comprehendit, quid est unumquodque per definitionem.* Qui id legis, penetranter intelligas, & quod sequitur, ceu utilissimam praxim, qua omnem tuæ mentis operationem incipias; mature perpendas. Ut igitur I Simplici perceptione, II infallibili enunciatione, atque III immutabili illatione *aeternam Rationem* exprimas, omnium id observes primum: Quantum potes, perfecte comprehendas, quid est per definitionem unumquodque eorum, quæ per terminos, aut per litteras vocesve significantur, ut singulorum terminorum, litterarum, vocumque significata clare & distincte intelligas.

XLIII Præfens quaesitum: an *prædictæ Rationes aeternæ sint entia a ratione conficta, aut omnino nihil?* perutile istius praxis esto exemplum. Primo igitur aeternarum Rationum, quales n. XL & XLI signatae sunt, requirenda est definitio, aut definitiva descriptio, & quæ est ista? Prædictæ Rationes aeternæ, & infinitæ aliae huiusmodi sunt ex D. Augustino hic n. XXXIV principales formæ seu ideæ stabiles & immutabiles, quæ ipsæ formatae non sunt, ac per hoc *aeternæ*, & semper eodem modo sese habentes, quæ in Divina Intelligentia continentur, & cum ipsæ neque oriantur, neque intereant, secundum eas tamen formari dicitur omne, quod oriri, & interire potest, & omne quod oritur, & interit. En genuinam descriptionem definitivam

cuiuscunque Rationis aeternæ!... Sed procedamus ulterius: Verbi in quaestione positi, *sunt, aut sint*, quænam est definitio? Verbum, *sunt*, significat partim tempus præfens, partimque ungit subiectum hoc, *Rationes aeternæ*, cum hoc prædicato, *entia a ratione conficta, aut omnino nihil*, quia est *Copula* subiectum inter & prædicatum; & ideo nomen *ens* descendit a verbo *sum*, quodpiam veluti participium; *ens* enim est, quod habet *esse* sive actuale sive possibile, aut EST IPSUM ESSE, (n. CXX.) Ex quo facile colliges definitivam explicationem termini, *entia v.n. CXXII.*

XLIV Quænam autem est descriptio significati nominis, *a Ratione*. Hanc lege supra num. XX, XIII & XIV, & videbis, quod omnis Ratio in nobis sit aspectus animi nostri, quo hic per se ipsum, non vero per corpus, nec per imaginationem innotet verum aeternum. Expendas, quaeso, quantam rerum notitiam praxis ista & reflexio per rerum illarum, quæ per terminos, litterasve, aut per voces significatae sunt, simplicem perceptionem tibi suggerat! Superest, ut id quoque, quod terminus, *conficta, nomenque, nihil*, significat, per definitivam explicationem notum habeas. Illud autem *confictum* dicitur, quod per fictionem seu per simulationem factum est id, quod in veritate rei non est: sic *simulator ora decipit amicum*. (Proverb. XI.) Unde si nostra phantasia Insulam Sardiniae depingit in aurea forma, forma aureae Sardiniae est imago ficta; pariter si intelle-

ctus, ratio, seu aspectus mentis nostrae posset concipere *non ens ad modum entis*, hoc ipsum *ens* foret *ens* a ratione confictum, & per simulationem mentis nostrae factum; tam parum autem intellectui, aut rationi nostrae possibile est * *non ens ad modum entis* concipere, quam multum oculis nostris impossibile est *tenebras ad modum lucis* videre. Nomen, *nil*, quod in proposito quaesito & responso legitur, significat *negationem omnis entis*, sed *omnis esse*. Haec autem negatio *omnis entitatis* non potest concipi nisi in affirmatione & positione *omnis entitatis*, idest in perceptione *Entis Immensi*, in quo omne est, quod *esse* non repugnat, in cuius Luce seu Ratione & Entitate perfectissima non solum omnia entia, sed

etiam omnes illorum privationes & defectus entitatis aut perfectionis evidenter cognoscimus secundum dicta n. XXXVII.

XLV Significatione terminorum nominumque huius quaesiti: *An praedictae Rationes aeternae sint entia a ratione conficta, aut omnino nihil?* Secundum aeternae Rationis obiectivae normam rite percepta, responsum adversariorum idipsum asserentium levissimo negotio totaliter falsum palam demonstrabis. Pro praesenti de simplici perceptione aeternae Rationis tradita informatione non aliud, praeterquam quod rationem definitivam *Rationum aeternarum*, quae mox supra ex Augustino assignata est, veluti ad dextram, rationem vero definitivam *entium a ratione confictorum*, & ipsius

* Accipe grande mysterium! De omni eo, quod impossibile aut *non ens* dicitur, nulla ratio, seu cognitio formari potest: sic montis sine valle, aut vallis sine monte, sic patris sine filio, aut filii sine patre nulla possibilis ratione aliqua idea aut cognitio formari poterit. Quod bene notandum; ex hoc enim profuado argumento, omnem Rationem esse rationem, & ideam alicuius entis, & omne *ens* esse alicuius aeternae Rationis manifeste constat. Quapropter in tantum unumquodque est intelligibile, seu cognoscibile, secundum quod est; unumquodque autem in tantum est, quantum participat de Ente Perfectissimo, quod est Deus, unde quia tam impossibile, quam *non ens* nihil participat de hoc perfectissimo Ente, utrumque caret omni ratione, & omni entitate, & nec unum nec alterum in se est perceptibile. Et ideo sicut malum cognoscitur a Deo iuxta D. Thomam 1 p. q. XV a III, non per propriam rationem mali, sed per rationem boni, sicut per lucem

cognoscuntur tenebrae, ita etiam *non ens* & *non possibile* non cognoscitur per rationem propriam, quae nulla est, sed per rationem entis, non equidem apprehendendo *non ens*, ac si esset *ens*, sed cognoscendo illud *non esse in se ens*, quod non est *ens* fingere, sed secundum quod cognoscibile est, veraciter agnoscere. Sicut igitur *tenebras ad modum lucis*, mortem ad modum vitae cognoscere, ita & *non ens ad modum entis* concipere turpe errare est. Hinc Ratio aeterna obiectiva rerum privationes, & negationes non per propriam rationem, & formam, quam nullam habent, sed per rationem, & formam suarum positionum, sicut oculus in tantum videt noctem, in quantum non videt lucem, concipiendas esse sollicite nos edocet. Colliges ex dictis Rationem mali, peccati, & non entis in mente Divina ... Angelica ... & humana non affirmative, nec positive, sed negative existere. ... En grande mysterium multis absconditum, & paucis revelatum!

nihil ad sinistram constituas, non aliud argumentum praeter hoc solum assumas, attentoque mentis tuae aspectu, qui ratio tua est, an ratio definitiva *Rationum aeternarum* sit una & eadem ratio definitiva *entium a ratione confidorum*, & una & eadem ratio definitiva *nihili*, diligenter observa. Quo facto, primo statim intuitu aperitis quasi oculis videbis infinitam differentiam & disconvenientiam, quae inter *Rationes aeternas*, & inter *entia a ratione confida*, & inter *nihil* interiacet, unamque altera distinguit, simulque demonstratam videbis de quaesito vorissimam sententiam hanc: *Praedictae num. XL & XLI aeternae Rationes non sunt entia a ratione confida, nec sunt omnino nihil*. Consequenter contradictoria adversariorum propositio in responso data: *praedictae aeternae Rationes sunt entia a ratione confida, & omnino nihil*, est evidenter falsa. Fatere: an non facillimum, invictissimisque demonstrationis id genus sit? . . .

XLVI Quod si protervum Materialistae ignorantiam, qui *Rationes aeternas & entia omnia nihil esse* contendit, non solum plene confusam, sed etiam ad extremam usque inter necionem deletam velis, petas a quocumque illorum: edicito tu, quid omnia nihil esse dicis, & facis, quid est *nihil*? *Nihil est negatio omnis entis & omnis esse*, neque tu id negabis? Iam sic: si *ratio*, sive *idea* hominis est *nihil*, si *ratio* caeli est *nihil*, tunc & *idea* & *forma* hominis, terrae & caeli &c. est *nihil*, seu *est negatio omnis entis & omnis*

esse, & e converso *nihil* seu *negatio* omnis entis & omnis *esse* est *idea*, *forma*, & *ratio* hominis, terrae, caeli &c. consequenter iuxta hunc Philosophum *nihil est ratio, idea, & forma verum omnium*, adeoque *nihil & negatio omnis esse & omnis entis est simul & ratio, idea, & forma*, seu *positio omnis entis*. Dicat Philosophus ad ista irrefragabilia quid sentiat? Ergo impossibili posito, quod libertinus dicendo *omnia esse nihil* verum teneat, palpabilis evidentia demonstrat *praedictae rationes aeternas esse, etsi simul nihil sint; & nihil esse nihil, etsi simul rationes aeternae sit*. Quia ergo *rationes* sunt *aeternae*, ubi existunt? non in concavo lunae, prout Plato somniasse dicitur; ubi ergo? an nullibi? At hoc plane est impossibile: ergo, quia *aeternae*, in aeterno existunt Ente, scilicet in essentia ubique praesentis, ubique illuminantis, & ubique animam nostram rationalem ad expressionem istarum *Rationum aeternarum* formantis Dei. Centies millies cum tuis, Libertine, neges *Rationem esse aeternam*, & affirmes centies millies *Rationem esse nihil*, non plus praestabis cum omnibus tuis affectis, quam quod centies millies negando affirmes, & affirmando neges *Rationem esse nihil, & nihil esse Rationem*, adeoque *rationem & nihil esse & non esse*, consequenter etsi *Ratio* secundum tuum assertum *nihil sit*, tamen *simul est Ratio aeterna*, ad cuius expressionem tua quoque anima est facta, ex quibus tibi tuisque cunctis non potest non esse manifestum,

& evidenter demonstratum *Rationem aeternam*, cum Ipse Deus sit, aequè parum ac existentiam Dei negari posse; & toties, quoties negatur, innegabiliter semper affirmatur. Perpende, an non verior, atque rationabilior sit ista philosophandi ratio, quae ineluctabili necessitate *veritatis hostem* eousque compellit, ut non possit se non plene convictum fateri, dum id ipsum, quod negat, etiam negando affirmat, & quod affirmat, etiam affirmando negat, adeoque *idem simul esse, & simul non esse*, hoc impossibile tanquam possibile insipienter propugnat.

Sol intelligentiae Angelorum hominumque mentes illuminat, & omnium rerum rationes manifestat.

XLVII Ex suo effectu, ea, quae efficiens principalis est causa, adeo praeclare cognoscitur, ut praenobilis effectus haud imparem suae causae nobilitatem efficaciter commendare videatur (*infra num. LXXXIV*). Mundum hunc aspectabilem tum materialem tum spirituales (*n. XXXI & XXXII*) non fortuiti casus, sed omnipotentis Dei Spiritus esse effectum evidenter constat ex *n. LXXXVII*. Ipsum autem hominem esse, propter quem praecipue materialis mundus creatus est, ex primo huius operis themate, quod Divinum refert testimonium, manifeste patet, ex quo sapienter creationis nostrae intelligimus exordium, hominem ideo ad Imaginem Dei conditum, ut *imitator* sui esset auctoris, & piscibus maris & volatilibus caeli & bestiis, univerfac-

que terrae praesideret. Propterea animam rationalem in hoc mundo ceu in augustali suo ornatissimo *Reginam*, cui omnes creaturae interserviunt, merito appellat Gregorius Nissenus *num. XI*. Amplitudo huius Reginae est tanta, ut eamdem quodammodo *infinite* dicat S. Thomas *num. XXXVI* non solum enim ad singularia rerum entiumque genera sed ad ipsum quoque *Ens universalissimum*, in quo perfectiones rerum omnium cognoscibilium colliguntur, (*n. XXXVII, XXXVIII, CXII & seq.*) immenso veluti amplexu se adeo extendit, ut eandem Divinitatis formam, quam Creator, *eidem iugiter imprimit*, ceu viva, & vera imago Dei immortalis fideliter exprimat. Atque ut hoc grande mysterium homini, qui ob propriam peccati culpam in tenebris ignorantiae sedet, illucescat clarius, Deus seipsum *Solem Intelligentiae*, nec non *Lucem*, quae *illuminat omnem hominem venientem in hunc mundum*, appellare dignatur, (*n. XX*) huicque splendidissimo, atque ingenti Lucis globo sese assimilatur, ut quantum Divini vultus sui *Lumen* supra nos signatum sit, clarissimo nobis argumento ostendat.

Inspiciamus igitur praeclaram similitudinem rationis utriusque Solis *Spiritualis*, & *materialis*, hunc in *materiali*, alterum in *Spirituali* mundo observabimus (*n. XXXI, & XXXII*). Argumenti praesentis forma non tam a minori ad maius, quam a minimo ad maximum, utpote a sole finito ad Solem infinitum producitur.

Sol materialis, cunctis astris splendior per totum materialem mundum maximam suae lucis spargit copiam, qua totum mundum universum, & singula corpora particulatim illuminat, ac diversissima colorum varietate vestita videntis oculo demonstrat.

Ergo multo magis Sol spiritualis Deus, cuius splendor adeo est immensus, ut in huius comparatione tota materialis Lux vix modica scintilla, quanta ex silice excutitur, aut tenuis umbra esse videatur, totum mundum Spiritualem universum, & singulas Angelorum, hominumque mentes, ceu amplissimas, & prope infinitas mundi Spiritualis regiones particulatim illuminat, rerumque Rationes manifestat.

Solis Intelligentiae Lux omnia facit intelligibilia.

XLVIII Sol materialis emittendo lucis suae radios, quae sensibilis manifestatio corporum est, totum mundum universum, & singula corpora particulatim visibilia, ipsosque oculos vitiosos facit, & sine luce cuncta invisibilia forent, atque per eosdem radios in corporum superficie innumeris modis, formisque secundum maiorem, aut minorem eorundem dispositionem, & capacitatem, sicut magis in speculo, aqua, & auro, ita minus in ligno, terra, & ferro sui speciem formam, ideam, & imaginem imprimi, atque depingit.

Ergo multo magis Sol spiritualis Deus Ter Optimus, Maximus sua spi-

ritualissima Luce, quae omnia rerum intelligibilium manifestatio est, sine cuius irradiatione prorsus nihil intelligi, & nullus intelligere posset, totum mundum Spiritualem, & singulas Angelorum, hominumque mentes facit intellectivas, omnesque res actuales, atque possibiles, tum Spirituales, tum materiales reddit intelligibiles; pariter Sol iste spiritualis, Deus, per divinisimae Entitatis, Veritatis, ac Bonitatis suae radios, quibus tum mundum materialem, tum Spiritualem, & cuncta quae in eis sunt creando, & conservando producit, secundum maiorem, aut minorem mentium, corporumque dispositionem, & capacitatem, praecipue vero in mentibus Angelorum, hominumque Divinitatis suae formam, speciem, & effigiem seu imaginem diu noctuque depingere non cessat.

Quot Rationes rerum, tot Solis Intelligentiae radii, & Lux una sunt.

XLIX Solis materialis radii omnes, quibus universus materialis mundus, singulaque corpora, seu totidem variis, diversisque coloribus vestiuntur, etsi in diversis corporibus diversae formae, & speciei diversi colores sint, hoc modo nigro, & albo, ibi modo viridi, & flavo, modificati videantur distincti, omnes tamen isti radii sicuti radii solares, ita & omnes unius Solis radii imo & una eademque lux solis sunt, & vel ideo non tam clari, quam clarissimi sunt, quia omnes unius solis radii ex lucidissimo quasi fonte tanta

perspicuitate profluunt, ut illi quoque radii solares, qui in modum nigri, aut obscuri coloris modificati cernuntur, eo clarius, quo obscurior eorundem modificatio est, a reliquis coloribus discernantur, eo quod solis quosdam radios obscuros esse, implicare seu impossibile esse, videatur.

Ergo multo magis Solis spiritualis omnes radii, quales sunt singulae revelationes, manifestationes Entitatum, Veritatum, & Rationum rerum omnium, quibus universus Spiritualis mundus, ac singulae Angelorum, hominumque mentes veluti totidem Spiritualibus formis, ideis, ac rationibus, seu Filiae Regis vestitu deaurato exornantur; tametsi in diversis entibus, tum spiritualibus, tum materialibus, diversae formae, & species, diversae Veritatis, & Bonitatis rationes diversae sint, hoc non obstante omnes isti Solis Intelligentiae Rationisque aeternae radii, qui hic per modum stellae, & lunae, ibi per modum piscis, & lapidis, alibi per modum diversae plantae, bestiae, & herbae, ac undique alia discretionis varietate in entium diversissimorum ratione cognoscuntur discreti, omnes & singuli huiusmodi formatum, rationumque diversarum radii non nisi *unius & solius intelligentiae Solis aeternae Rationis Divinae sunt radii*, imo & una eademque Lux seu manifestatio intelligentiae Solis subsistunt, & vel ideo in se *nulla obscuritatis* nota signati tam *eximia claritate* seu nobilitate illustrati sunt, ut in comparatione claritatis omnium idearum, &

rationum spiritualium ipsos radios materialis solis nonnisi splendidam umbram & dicere, & existimare oporteat. Etenim ipsa Ratio *infinite obscuritatis* tam in mente divina, quam in mente angelica, & humana tantae claritatis esse noscitur, ut nonnisi in ipsa infinite *claritatis idea* conspiciatur, *vide n. XLIV.*

Omnes rerum Ideae, & Rationes sunt clarae, nullae obscurae, Rationali menti omnes unitae, & nullae ab extra adventitiae.

L Omnes igitur universarum rerum Rationes, seu ideae sicut in mente Divina, una Ratio, & una Idea, nimirum ipsa simplicissima a creaturis infinitis modis, & rationibus participabilis Essentia, & Ratio Divina sunt, ita & in mente Angelica, & humana una ratio & una idea Angelica, & humana, nempe ipsa simplex essentia Spiritus rationalis est, qui ad imaginem, & similitudinem eiusdem simplicissimae a creaturis infinitis modis, & rationibus participabilis Essentiae, & Rationis Divinae conditus, eandem imitando adeo vivaciter, veraciterque seu imago exprimit, ut in nobis sicut & in Angelis, quasi in quodam speculo Divinae Essentiae, & Rationis a creaturis infinitis modis & rationibus participabilis forma resplendeat. Ex quo irrefragabili fundamento, quod per totum hoc opus evidenter demonstratur, indubitanter constat: Primo, non tantum *omnes ideas*, rerumque omnium *Rationes esse claras*,

& nullas obscuras. * Sed etiam secundo, easdem omnes ideas, & rationes cum ipso rationali Spiritu unitas, & innatas eidem esse; nullae proinde ideae rationales adventitiae, (aliter sentiendum de ideis materialibus, quae ab exteris rebus sunt adventitiae) nullae ab ipsa rationali essentia, aut ab essentia rationis realiter divisae, sed quae in rebus exterioribus specie diversis inter se se pariter specie differentes, sola ratione cum fundamento in rebus specie diversis reperto distingui, praescindique possunt, in mente angelica, & humana

admittendae sunt. (V. n. CXXXIV*).

LI Si quaeras: cur inter multos ad intimiorem propriam Rationis notitiam vocatos, pauciores sint electi, qui huiusmodi humanae Rationis arcana sapienter inspicunt? Id genus miseriae inde originem facias, quod inter vocatos multi, imo plurimi sua mentis attentione, & studiorum intentione intra limites huius visibilis mundi, seu materialis universitatis studiosi, adeo constanter persistant, ut intra mundum spiritualem, etsi hic animae rationalis propria regio & patria sit, vix ullum suae advertentiae aspe-

* Antiquissimum Philosophorum dissidium, quod hac tempestate vehementer recruduit, praefens argumentum perstringit, dum celebrem illam de origine idearum obscurissimam quaestionem (sunt verba Ecclesiastici Montier) clarissima luce exponit. Criticus hic sat notus in sua arte critica, Ecclesiastica, Met. tom. I p. II in adnot. histor. n. DCIII Venetiis anno MDCCCLXX & LXXXI typis Antonii Zarra edita suam de ideis mentem sequentibus explicat: Ideae nostrae, hoc est, mentis repraesentationes, ait, a mente quidem ipsa eliciuntur, aut manant. Sed praeter eam mentis efficaciam, a qua tanquam a causa fluunt, aliae ab innatis speciebus seu notionibus menti nostrae a Deo inditis, maxima tamen pars a sensuum actionibus, & phantasmatibus, aliae demum a meditatione nostra originem suam ducent. Quapropter quod ad rei fundum, licet maximam idearum partem acquisitam esse, aut meditatione partem dicamus; mentis tamen efficaciam, & motiones quaedam animae a Deo inditas, quibus anima ipsa ad Dei & primorum principiorum cognitionem perveniat, tenemus. Utrum vero motiones illae humanis mentibus ab illo inditae, qui illumi-

nas omnem hominem venientem in hunc mundum, appellentur a te ideae, necne nihil moror: addo tamen quam plurima a me circa idearum originem & naturam ignorari, qui nimirum illi sint humanae mentis actus, quomodo mentem illuminent, ab ea eliciantur, in illa receptentur; quid etiam sint illae impressiones Dei in anima; quo demum pacto phantasma materiale per sensus in cerebrum translaturum, ibique impressum ad spiritum cognitionem conducat, in eamque influat, ut iure merito dici possit, ideas per sensus acquiri: Haec, inquam, omnia spes nulla affulget, ut in praesenti vita enaltecemus, atque percipiamus. Hucusque criticus Montier, qui dum sub ipso meridiano sole ambulat, de lucis intelligentiae die desperans, se densissimis ignorantiae tenebris involvitur putat. Sed tum huius, tum alterius Ecclesiastici critici liberae electioni esto propositum, utrum tenebras, quas de ideis caecus Philosophus lepide somniat, an vero clarissimam lucem, quas de iisdem Magister Christus, seu Intelligentiae Sol evidenter demonstrat, in suam partem assumat.

ctum, aut unquam maturae reflexionis gressum ponant. Idcirco ad *sensualia* huius mundi materialis obiecta distracti, & a mundo *spirituali* & a se ipsis alienati, non aliud praeter id, quod corporei sensus percipiunt, suo intellectu & voluntate attingunt. Accedit, quod prope singuli istorum, eos magistros audiant, illosque libros legant, qui omni spiritu, & veritate destituti, suo lectori, quod non habent, genuinum scientiae fundamentum dare nequaquam possunt. Unde in nullo scientiarum genere bene rãdicari, paleas sine fructu, vacua sine spiritu verba proferunt, & in pluribus aut veritati, aut sibi ipsi contradicere palam ostendunt, infelices tenebrarum scholae discipuli, in quibus illud proh dolor! adimpletum cernitur: *Vita erat Lux hominum, & Lux in tenebris lucet, & tenebrae eam non comprehenderunt*; tamen Lux, & Vita haec verus, & vivus intelligentiae Sol, qui suo rationis splendore omnem hominem sine exceptione illuminat, ut universarum rerum ideas, & rationes genuine percipiat, atque illarum perspicuitate rationum, quas veluti tot solis intelligentiae radios paulo ante suspeximus, laudabiliter illustratus, praeclarae veritatis, & virtutis

diem a nocte abominabilis malitiae, & miseriae discernat, & in Sacrosancta Divini magisterii Schola ad maiorem Dei, & Domini nostri Iesu Christi honorem, & gloriam, nec non ad suam, aliorumque salutem plus magisve proficiat. * At ecce, hominibus variorum errorum vitiorumque tenebris offusis, quorum vix est numerus, splendidissimus intelligentiae Sol torus videtur obscuratus; adeo enim pro suae merito culpa, facti sunt obcaecati, ut lucem Solis sese intus illuminantis nec advertant, nec comprehendant. Propterea super universam terram tenebrae factae sunt undique, dum *perniciosa Aethistae, & Materialistae, Atomistae, & Novatores* perversas, temerarias, falsas, & haereticas opiniones, ac fallacia sophismata spargentes, ceu tot sidera errantia, quibus, teste Apostolo Iuda, *procella tenebrarum servata est in aeternum*, & quorum lux ipsae tenebrae sunt, nostrum Catholico-Christianum hemisphaerium sine iure, & sine merito occupant, tertiamque partem eorum, qui aeternae Rationis luce, ceu splendidae stellae refulgent, horrendis infernorum tenebris involvere attentant. Perdilecte, si & tuae ignorantiae tenebrae beatissimam istam lu-

* Tentare liceat: quid huiusmodi feliciter *proficientes* de unius, alteriusve rei Ratione sentiant, & in primis duo in rebus esse *extrema* soletter attendamus. *Actum purum*, scilicet Deum, in quo tanquam Ente perfectissimo tota essendi est

plenitudo, & *potentiam puram*, in qua nihil est de Ente actu, proinde ab Augustino vocatur *prope nihil*, & a Platone *divinitati dissimillima* dicitur, eoquod inter omnia reliqua entia a Deo Ente, & actu puro longissime recedit. Unde quia media,

cem nondum comprehenderunt, vel hodie adhuc tum huius opusculi primae partis lectione, tum studiosa imitatione ut comprehendas, vigilanter cura, & instanter vivido mentis tuae aspectu, qui tua ratio est, aperte videbis, quatenus Imago Dei Immor-

talis, Anima tua rationalis exprimit Rationem aeternam non solum *simplici perceptione*, quod huius operis Pars prima hucusque ostendit, sed etiam *Infallibili Enunciatione*, quod tuae venerandae expectationi evidenter demonstrabit

quo propius accedunt ad alterum extremorum, eo magis naturam eius sapiunt, & ab alio extremo recedunt; ideo quanto aliquod propius accedit ad *puram potentiam*, tanto magis minuitur, limitatum deprimitur, & annihilatur: e contra vero quanto longius aliquid a materia recedit, tanto propius ad *Deum*, ad *actum purum*, accedit, ideoque perficitur, dilatur, ac plus de Entis plenitudine in se recipit. Iam vero a non paucis, ut talis *pura potentia* in linea entis *materialis* secundum suam genuinam *Rationem aeternam*, quae in mente Entis perfectissimi est, primo *positive*, dein *negative* describatur, instanter desideratur. Interim donec melior adducatur, sequens suggeritur: *Pura potentia materialis est primum subiectum, ex quo aliquid fit, cum inest, non secundum accidens, et si corrumpitur, aliquid, in hoc abest ultimum, & id est pura potentia materialis positive descripta: negative accepta, non est quid, neque quantum, neque quale; neque aliquid eorum, quibus ens determinatur.* Ratio

dictae descriptionis est, quia quidquid sub sole fit, fit ex aliquo, et si corrumpitur, abit in aliquid aliud; sed id ipsum, ex quo omnia sub sole fiunt, & in quod omnia abeunt, est *subiectum commune*, seu *pura potentia* omnium rerum, quae sub sole fiunt. Sicut enim nihil ex nihilo naturaliter fit, ita etiam nihil in nihilum naturaliter convertitur. Item de ratione purae potentiae est, esse ens incompletum, de ratione autem entis incompleti est, ex natura sua coniungi cum aliquo ad faciendum unum totum in aliqua ratione entis, sic potentia pura exigit coniungi cum actu, seu cum forma, qui actus est participatio *actus puri*, Dei, qui infinitis modis & formis est *participabilis a pura potentia*. Atqui, ex praedictis infer ratio, haec potentia est materia prima & talis actus est substantialis forma... Ergo Ratio aeterna dicitur, & docet rationem materiae, & formae substantialis esse infallibilem, & certam... Iam vero, quae ratio expugnabit rationem?

PARS SECUNDA

IMAGO DEI

IMMORTALIS

ANIMA RATIONALIS

EXPRIMIT RATIONEM AETERNAM

INFALLIBILI ENUNCIATIONE

*Intellectus humanus veritatem propositionum infallibilem esse scit per
Lucem, quae illuminat omnem hominem.*

LII **Q**uid manifestius, quam ut imago exprimat id, ad cuius expressionem ab optimo artifice est facta? * Animam nostram ad imaginem Dei factam ad hoc, ut rationem aeternam, quae ipse Deus est, vivaciter, veraciterque exprimat, ex praedicis satis constat, dum anima etiam per suam simplicem operationem, quae immutabiles rerum omnium definitiones repraesentat, ipsam rationem aeternam evidenter demonstrat. Quomodo autem infallibili enunciatione sua id perficiat, Seraphicus Doctor D. Bonaventura

* Quia maggiore espressione (scrive Ganganelli ad quemdam pictorem) vi farà, o Signore, nelle vostre pitture, tanto più saranno plausibili l'opere vostre. Tutto l'essenziale consiste in questo.

Quanto melior in imagine rerum expressio, tanto perfectior commendatur imago; tota enim imaginis essentia est, res, quas repraesentat, ad vivum exprimere.

paucis declarat citato superius loco *: *intellectum autem propositionum tunc intellectus noster dicitur veraciter comprehendere*, inquit, cum certitudinaliter scit illas veras esse, & hoc scire est scire, quoniam non potest falli in illa comprehensione; scit enim, quia veritas illa non potest aliter se habere. Scit igitur veritatem illam esse incommutabilem. Sed cum ipsa mens nostra sit commutabilis, illam sic incommutabiliter relucens non potest videre, nisi per aliquam aliam lucem omnino incommutabiliter radiantem, quam impossibile est esse creaturam mutabilem. Scit igitur in illa luce, quae illuminat omnem hominem venientem in hunc mundum, quae est lux vera, & verbum in principio apud Deum. Haec Sanctus Bonaventura.

LIII Quantum concordet cum Doctore Seraphico S. Augustinus, eruitur ex lib. VII Confess. c. XVII ubi quaerit S. Doctor, unde approbaret pulchritudinem corporum sive caelestium sive terrestrium, quid ipsi praesto esset, integre de mutabilibus iudicanti & dicenti: hoc ita esse debet, illud non ita? Sibi ipsi respondet S. Doctor: hoc ergo quaerens, unde iudicarem, cum ita iudicarem, inveneram incommutabilem, & veram Veritatis aeternitatem supra mentem meam commutabilem, atque (ut S. Doctor ostendat per quos scholae gradus ad Sancta Sanctorum, ubi Veritas

aeterna habitat, pervenerit, pergit) atque ita gradatim a corporibus ad sentientem per corpus animam, atque inde ad eius interiorum vim, cui sensus corporis exteriora nunciaret, quousque possunt bestiae; atque inde rursus ad ratiocinantem potentiam, ad quam refertur ad iudicandum, quod sumitur a sensibus corporis, quae se quoque in me comperiens mutabilem, erexit se a contradicentibus turbis phantasmatum, ut inveniret, quo lumine aspergeretur: cum sine ulla dubitatione clamaret, *Incommutabile praefendum esse mutabili; unde nosset ipsum Immutabile; quod nisi aliquo modo nosset, nullo modo illud mutabili certo praeponeret, ut perveniat ad id, quod est in actu trepidantis aspectus*. Tum vero invisibilia tua, per ea, quae facta sunt, intellecta conspexi, sed aciem figere non valui, & repercussa infirmitate redditus solitis, non mecum ferebam, nisi amantem memoriam, & quasi olfacta desiderantem, quae comedere nedum possem. Et ut intelligamus, quid nomine *Incommutabilis ac aeternae Veritatis* intelligat S. Doctor, explicat id sequenti capite. *Verbum enim tuum*, aeterna Veritas superioribus creaturae tuae partibus supereminens subditos erigit ad se ipsam, secundum quod dicit: *Ego sum via, veritas, & vita*. Ita S. Augustinus tum lumine Fidei, tum Rationis Pater & Doctor plene illuminatus.

* S. Bonav. in Itiner. mentis in Deum c. III.

Certitudo scientiae est ex lumine rationis, quo in nobis loquitur Deus.

LIV Angelicus Doctor S. Thomas tenet, intellectum seu rationem nostram absque immediato intuitu incommutabilis ac aeternae veritatis nequaquam sufficere ad efficiendum actum rationalem, aut evidentem, & certum; hinc expresse q. II a. I de veritate docet, quod lumen ac notitia primorum principiorum, a qua omnes actus rationales necessario pendent, a solo Deo immediate effici possit. Accipe propria S. Doctoris verba loco cit. huiusmodi autem rationis lumen, quo principia huiusmodi sunt nobis nota, est nobis a Deo inditum, quasi quaedam similitudo Increateae Veritatis in nobis resurgens. Unde cum omnis doctrina humana efficaciam habere non possit, nisi ex virtute illius luminis, constet, quod solus Deus est, qui interius & principaliter docet, sicut natura interius etiam principaliter sanat. Et ad XIII respondet: quod certitudo scientiae sit ex lumine rationis divinitus interius indito, quo in nobis loquitur Deus. Item p. I q. XVII a. VI ad I inquit: Dicendum, quod anima non secundum quamque veritatem iudicat de omnibus rebus, sed secundum Veritatem Primam (quae Deus est) in quantum haec in anima resultat sicut in speculo secundum prima intelligibilia, idest, secundum prima principia, Ita S. Doctor.

LV Uniuersum enim rationis usum habenti compertum est, quaedam rationis aeterna dictamina, & effata, seu pronuntiata infallibilia, ac veritates

aeternas sibi naturaliter intus obici, quae ex lumine naturae seu rationis dictantur, & sunt principia per se nota: v. g. *omne totum est maius sua parte. Impossibile est idem simul esse & non esse: sicut se res habet ad esse, ita & ad cognosci, & ad operari. Incorruptibile est dignius corruptibili. Aeternum praeposendum est temporali: fatuus est, qui amore corruptibilis & transitorii boni amittit Bonum incorruptibile & aeternum. Spiritus nobilior est corpore, & intellectus nobilior sensu. Quod tibi non vis fieri, alteri ne feceris. Primo principio omnia sunt posponenda, nihil praeposendum ultimo fini. Vae tibi, si feceris contrarium. Veritas aeterna non est fallibilis. Falsitas non est ipsa veritas. Opinioni fallibili non est secure insistendum. Ipsum Bonum non potest esse malum. Infinitum non est minus finito. Omnis effectus infert suam causam. Nulla auctoritas fallibilis potest fundare fidem infallibilem. Quod est fallibile, falli potest, & fallere. Quod est infallibile, nec fallere potest, nec falli &c.* Modo perpendas volo: Lumen, quo principia huiusmodi, ex quibus alia pendent infinita, sunt nobis nota, est nobis a Deo inditum, quasi quaedam similitudo increateae veritatis in nobis sicut in speculo resultantis, prout num. praecedente est dictum. Bene id nota, & attente considera praestantis scientiae arcanum sane rarum; etenim si id tibi intimius perspectum observaveris, mirifico penetrantis luminis splendore totum te repletum gaudebis.

LVI Horum igitur principiorum primus dictator, effator, & pronunciator nequaquam est noster intellectus; hic enim nihil potest ut verum pronunciare, nisi ipse repererit aliquod iudicium seu principium *obiective* iam pronunciatum; non enim intellectus noster est, qui producit sive simplices sive complexas veritates, sed postquam eas repererit *obiective* iam formatas, & pronunciatas, eas deinde & ipse pronunciat; quia nunquam intellectus agit, nisi ab obiecto sic pronunciato moveatur, sicut oculus nunquam videt praeterquam per obiectum coloratum ad videndum impellatur. Dicta quoque principia vera sunt, etsi intellectus ad ea non advertat, aut etiam per errorem eisdem contradicat: neque ideo vera sunt, quia intellectus noster haec pronunciat, sed e contra ideo intellectus noster eadem pronun-

ciat, quia vera sunt, & per se nota, quae non alio motivo, quam propria perspicuitate intellectum convincunt. Ergo alius primorum principiorum primus dictator & pronunciator est assignandus, nimirum obiectiva horum principiorum Ratio immutabilis, ipse Deus. * Hic unus & solus est radicale lumen rationis, primus promulgator *habemus principiorum, Syntheseos conscientiae* & ipsius *legis naturae*, ita ut omnia illa dictamina, effata, pronuntiata sint *immediatae voces*, seu *verba ipsius Dei*, quibus etiam *naturaliter*, ac immediate mentem creatam alloquitur: quam suavissimam Dei loquelam intus sonantem mentis aure audivit D. Thomas, secundum quod dicit: *Certitudo scientiae est ex lumine rationis interius indito, quo in nobis loquitur Deus*, ut hic dicitur n. LIV. Audias igitur, quid loquatur in te Deus;

* Primus teste Ambrosio, ardor discendi est ipsa nobilitas magistri. Si nobilissimum, in quo omnes praeclari Doctores, Magistri, & Professores congregati spectantur, collegium, ad supremum Dei & Domini N. I. Christi nos intus docentis Magisterium referas, singulos illorum tanti Magistri, cuius nobilitas ipsa sua Divina Maiestas est, ceu infimos discipulos esse, qui eo pius, minusve tum naturalis tum supernaturalis scientiae, sapientiaeque aurum fluentum recipiunt, quo attentius, negligentiusve eundem audiunt, primo intuitu observabis. Illi e contra qui Divinae huius Magistri, & Magisterii ex propria culpa se indignos reddunt, cum impiis Materialistis, quorum fides penitus extincta, & ratio vehementius confusa est, non sine turpi nota stultescunt. Tu, Benevole, si

pretioso infallibilis scientiae, sapientiaeque thesauro ditatum te amas, fidelis, & humilis Dei, & D. N. Iesu Christi, qui lumine fidei, & rationis te intus docet, persisto discipulus: totum te intra te recollege, ut, quid in te loquatur Magister Christus, audias clare & distincte. Et ecce, quantum in te, & ad te hic scientiarum loquitur Dominus, dum vivaciter te edocet rerum omnium rationes veraciter, simpliciterque percipere, II perceptas rerum omnium rationes infallibiliter diiudicare, & III infallibiliter diiudicatas omnium rerum rationes immutabiliter demonstrare. Profesto nobilissimum Divinae Maiestatis idest Magisterium a cunctis Angelis, & hominibus audiendum, laudandum, adorandum...

quia diu noctuque ad te loquitur omnem veritatem.

Unica infallibilis Ratio, Mensura, & Idea ad omnia discernenda & iudicanda, affirmanda & neganda, approbanda & reprobanda est Deus.

LVII Id ex praedictis indubitanter sequitur. Manifestae, ac speciosissimae huic veritati subscribit Doctor Angelicus, cuius aperta mens apparet non solum ex adductis n. XXIII & LIV. Sed etiam, & praecipue ex quaestione unica de spiritualibus creaturis art. X ad X, ubi sic loquitur: *Illud, quo iudicatur de duobus, quid sit melius, oportet esse utroque melius, si eo iudicetur, ut regula & mensura sic Deus est regula & mensura omnium entium, quia unumquodque tanto melius est, quanto magis optime appropinquat, non vero si eo iudicetur, ut virtute cognoscitiva. Et sic per intellectum agentem iudicamus Angelum esse animam meliorem, licet intellectus noster agens non sit melior Angelo.* Haec Angelicus. Ergo S. Thomas pro universali mensura & regula omnium entium, tam supernaturalium, quam naturalium statuit Deum non solum in essendo, quatenus ens creatum sine eo esse non potest, sed etiam in cognoscendo, quatenus sine reflexione ad Deum tanquam infallibilem regulam, & nulla potentia intellectiva cognosci possunt. An forte id ipsum lectori modicae fidei videretur quid nimium? Capessis, donec una alterave vice

secundae & tertiae partis huius operis momenta profundius inspexeris, convincens argumentum. Deus ter Optimus Maximus sicut est Entitas Perfectissima, Veritas Maxima, & Bonitas Optima, unde quaque infinita, infinitis modis secundum maiorem & minorem Engitatis, Veritatis & Bonitatis conformitatem a creaturis existentibus & possibilibus est participabilis; ita haec sola & una Dei Entitas perfectissima, Veritas Maxima, Optimaque Bonitas est unica infallibilis Ratio, Mensura, & Regula ad omnia discernenda & iudicanda, ad omnia affirmanda & neganda, ad omnia approbanda & reprobanda; Primum enim in unoquoque genere *Mensura & Regula est omnium illorum*, etiam infinitorum, quae talis Mensurae perfectionem aliquo modo participant, aut participare possunt: & vel ideo Deus tuam animam ad suam crescit similitudinem & imaginem, ut per suam rationem ad vivum exprimeret Deum seu universalissimam rerum omnium Rationem, iustissimam Mensuram, & infallibilem Regulam: Plura & maiora de eximio hoc argumento exspecta in subsequentibus paginis exhibenda.

Anima rationalis in rationibus aeternis cognoscit omne verum.

LVIII Audiamus ulterius, Lector benevole, Anglicam hanc linguam divina prorsus oracula promulgantem: sic enim incipit l. p. q. LXXXIV

articulum V. Quod dicit Augustinus lib. XII Confess. c. XXV Tom. I. Si anho videmus verum esse, quod dicis, & ambo videmus verum esse, quod dico, ubi quaeso, id videmus? Nec ego utique in te, nec tu in me, *sed ambo in ipsa, quae supra mentes nostras est, incommutabili Veritate. Veritas autem incommutabilis in aeternis rationibus continetur. Ergo anima intellectiva omnia vera cognoscit in rationibus aeternis* . . Et ideo Augustinus in lib. LXXXIII c. XI. Loco idearum, quas Plato formas rerum per se subsistentes, & a materia separatas dixit, per quarum participationem dicebat intellectum nostrum omnia cognoscere: ut sicut materia corporalis per participationem ideae lapidis fit lapis, ita intellectus noster per participationem ideae lapidis cognosceret lapidem. Loco harum idearum, inquam, posuit Augustinus rationes omnium creaturarum in mente divina existere, secundum quas omnia formantur, & secundum quas etiam anima humana omnia cognoscit. Cum ergo quaeritur: *Utrum anima humana in rationibus aeternis omnia cognoscat?* dicendum est, quod aliquid in aliquo dicitur cognosci dupliciter, uno modo sicut in *obiecto cognito*, id est *intuitive*, sicut aliquis videt in speculo ea, quorum imagines in speculo resultant, & hoc modo anima in statu praesentis vitae non potest videre omnia in rationibus aeternis, sed sic in rationibus aeternis cognoscunt omnia Beati, qui Deum vi-

dent, & omnia in ipso, vel ideo vere Beati.

LIX Alio modo pergit idem S. Doctor, dicitur aliquid cognosci in aliquo sicut in *cognitionis principio*, sicut si dicamus, quod in sole videantur ea, quae videntur per solem, & sic necesse est dicere, quod anima humana omnia cognoscat in rationibus aeternis, per quarum participationem omnia cognoscimus. *Ipsum enim intellectuale lumen, quod est in nobis, nihil est aliud, quam quaedam participata similitudo Luminis in creati, in quo continentur rationes aeternae*. Unde in Psal. IV dicitur: *multi dicunt, quis ostendit nobis bona?* Cui quaestioni Psalmista respondet dicens: *Signatum est super nos lumen vultus tui Domine*, quasi dicat; *per ipsam sigillationem divini Luminis in nobis omnia demonstrantur*. Quia tamen praeter lumen intellectuale in nobis existunt species intelligibiles a rebus modificatae ad scientiam *de rebus materialibus* habendam, ideo non per solam participationem rationum aeternarum de rebus *materialibus* notitiam habemus, sicut Platonici posuerunt, quod sola idearum participatio sufficiat ad scientiam habendam. Hucusque Angelicus Doctor loco cit. Relege n. XXIV & XXXV ibidem rerum omnium Rationes aeternas ad mentem S. Augustini solide explanatas reperies. Caeterum maneat alta mente repositum, quod duo eximii Doctores S. Augustinus, & S. Thomas de aeternis rerum omnium Rationibus tradunt documentum. Quod si

illud cum salutare inonitum attentus observaveris, auream profecto clavem ad immensum universalis omnium rerum notitiae thesaurum veluti in tua manu tenebis.

Anima nostra rationalis, quia est essentialiter & non pure ex accidenti imago Dei, non potest interior obiective ab alio immediate doceri, nisi a solo Deo.

LX Praedicta stabiliuntur ratione petita ex hoc, quod anima nostra sit imago Dei: est autem alia imago in actu primo, quam alii *imaginem creationis* appellant, & alia est imago consistens in actibus, vel in aliqua gratia superaddita, quam alii *imaginem reparationis*, aut *recreationis* nominant. Cum autem homo secundum intellectualem naturam ad imaginem Dei esse dicatur, secundum hoc, ut dicit S. Thomas * *Est maxime ad imaginem Dei, secundum quod intellectualis natura Deum maxime imitari potest*. Imitatur autem intellectualis natura maxime Deum quantum ad hoc, quod Deus seipsum intelligit, & amat. Unde imago Dei tripliciter potest considerari in homine: uno quidem modo secundum quod homo habet aptitudinem naturalem ad intelligendum & amandum Deum, & haec aptitudo consistit in ipsa natura mentis, quae est com-

munis omnibus hominibus, alio modo secundum quod homo actu vel habitu cognoscit Deum, & amat, sed tamen imperfecte, & haec est imago per conformitatem gratiae. Tertio modo secundum quod homo Deum actu cognoscit, & amat perfecte, & sic attenditur imago secundum similitudinem gloriae. Unde super illud Psalmi IV signatum est super nos *lumen vultus tui, Domine*, Glossa ordinaria, & sumitur ex Cassiodoro, distinguit triplicem imaginem scilicet *creationis, recreationis, & similitudinis*. Prima invenitur in omnibus hominibus, secunda in iustis tantum, tertia vero solum in Beatis. Ita S. Thomas loco cit.

LXI Ex Angelicis hisce verbis sequens formatur argumentum: quod *essentialiter*, & non pure *ex accidenti* est alterius imago, non potest interior obiective ab alio immediate moveri, nisi ab eo solo, cuius est imago; sed mens nostra est *essentialiter*, & non pure *ex accidenti* imago Dei: ergo mens creata non potest interior obiective ab alio immediate moveri, nisi a Deo: ergo nec doceri. Quod mens nostra sit *essentialiter* imago Dei patet ex illo Genesis I: *Faciamus hominem ad imaginem & similitudinem nostram*, quod menti omnino *essentiale* est; illud enim dicitur, & est cuique rei *essentiale* & sua essentia, secundum quod est a

* S. Thomas I p. q. XCIII a. IV

Deo creatum; unde sicut mens nostra est essentialiter imago Dei, ut ex dictis constat, ita etiam a Deo solo est immediate mobilis, & ab eo solo tamquam a suo vivo Prototypo potest immediate moveri ad agendum, & iuxta conditionem imaginis debet actuari, seu compleri, sicut v. g. Species solis, ita ut possit potentiae cognoscitivae de novo ingenerare conceptum solis, si naturaliter vult esse immediata species, & resplendens imago solis, debet necessario immediate a sole fieri, & ab eo pendere: si enim ad obiectam imaginem solis pictam, quam penicillus depinxit, solis recorder, haec recordatio non fit formaliter mediante pictura, sed per speciem a sole productam prius habitam, de qua pictura solummodo me commonefacit. His adde modum operandi sequi modum essendi; inde si anima rationalis imago Dei est ex eo, quia facta est ad imitationem Dei, in quo consistit ratio verae imaginis, prout distinguitur imago a similitudine; haec enim quantumcunque ovum v. g. alteri ovo faciat simile & aequale, non tamen facit unum ovum ab & ex alio ovo expressum, sive ad imitationem alterius ovi factum, oportet, ut anima rationalis, seu imago Dei etiam operetur ad imitationem Dei. Ita sane oportet, id decet, aliud dedecet. .



Nos ipsi sumus viventes, ac subsistentes imagines, ac similitudines Solis Intelligentiae, Dei viventis.

LXII Si autem contendas, amice lector, animam rationalem esse imaginem Dei non essentialiter, sed pure ex accidenti, seu per aliquid sibi superadditum, sicut v. g. mens per receptas & superadditas species intelligibiles e. g. montis, stellae, auri, lapidis, secundum quod Philosophi dicunt, intellectum fieri omnia, scilicet non realiter & essentialiter, sed intellectualiter & repraesentative tunc debbis admittere animam rationalem non esse imaginem Dei, neque essentialiter animae a Deo esse factam ad imaginem & similitudinem Dei, quia illa species imaginis eidem superaddita ab ea separari posset, adeoque etiam, quod sit imago Dei per suas tres potentias rationales intellectum, memoriam, & voluntatem, quibus mediantibus Deum repraesentaret, ab anima posset amoveri, quod esset totius animae utpote ad imaginem Dei factae destructivum & contradictorium; aut quomodo anima rationalis esset sine ratiocinandi potentia? Ratio ergo imaginis, qua sumus certo modo Deo similes, & per quam Deum repraesentamus, non est aliquid nobis praeexistentibus superadditum, sicut e. g. imago Regis dependet in aula regia, cuius parieti est superaddita, nec est aliquid a Deo tamquam ipsomet essentiali exemplari in nobis, iam quoad essentiam nostram perfectis superproductum, sicut e. g. sol corpo-

reus mittens sui speciem in speculum, secundum suum etiam praeeixitens, idem speculum facit imaginem solis per aliquid essentiae speculi superaditum, sed, nota bene, nos ipsi sumus viventes, ac subsistentes imagines, ac similitudines ipsius Solis intelligentes,

sive Dei viventes, & hoc ipsum est nostra essentia, quidditas & natura. Ita P. Valerianus Magnus a Mediolano Capuccinus in aureo suo opusculo de Luce mentium: noveris ex ungue leonem. *

* Si non tantum ex leonis ungue, sed & de facie, quis, quantum hic Magnus Valerianus fuerit, vivacius nosse cupis, sequentem delineationem seu eiusdem effigiem tibi offert nostri de Provincia Boemica Bullarium ordinis. Erat hic Valerianus ex Comitibus de Magnis de Mediolano oriundus a Venerabili Dei Servo P. Laurentio a Brundisio, cuius sollemnis Canonizatio Romae non sine ingenti votorum spe agitur, selectu Capuccinorum instituti firmatus, eum in virum evasis, qui teste Wadingo lib. de script. Ord. Min. non solum in re monastica, verum etiam politica Christiana, Principumque rebus maximis prudenter tractandis non vulgariter versatus, Ferdinando II & III Imperatoribus, ac Uladislo Regi Poloniae, praecipuisque Dynastis Germaniae, Bohemiae & Hungariae apprime charus & familiaris: scripsit opera tum Theologica tum Philosophica ultra triginta. Haec inter nequaquam minimum est de luce mentium & eius imagine, modicus equidem mole, at sententiarum pondere ingens tractatus, per quas ad contemplationem lucis creatricis, quae

illuminat omnem hominem venientem in hunc mundum, gradatim ascenditur. Atque hoc ipso tramite, Deo duce & P. Valeriano comite, in primam Imaginis Dei, & Solis intelligentiae notitiam non in eo, sed miserentis gratiae merito, perductus fui. De hoc ipso Patre Illustrissimus ac Reverendissimus D. Ioannes Caramuel Episcopus non adulando in sua Theol. fundamentali fol. XIV scribit: Reverendi P. Valeriani Magni Capuccini pietati & ingenio multum debet Europa, multum Ecclesia: scripsit multa Philosophica & Theologica, quae cum fructu leguntur: edidit contra haereticos plura, ut, quae qui legerit, esse Lutheranus, aut Calvinista non possit. Venerabilis istius servi Dei, ut iugis memoria in oculis, mentibusque posterorum perennaret, Celsissimus ac Reverendissimus Sacri Romani Imperii Princeps Archiepiscopus Salisburgensis Guidobaldus ex Comitibus de Thun &c. quem inter & Valerianum a multis annis amica vigerat consuetudo, eiusdem effigiem in feretro iacenti celebri penicillo depingi, & aeneae tabulae incidere curavit cum inscriptione.

R. Pater Valerianus Magnus Capuccinus Patria Mediolanus
ex Stirpe Comitum de Magnis:
Magnus Opere, & Sermone:
Pietate, Religione, & Doctrina Eximius,
Nominis sui implevit Omen,
Ad omnes in sua Provincia Austriaca Dignitatum gradus
evehit.

Mens creata semper reputatur informis, nisi ipsi divinae Veritati inhaereat.

LXIII Quod autem essentialis imago Dei non possit interius obiective ab alio immediate moveri, nisi a solo Deo, cuius est imago, praeter alia argumenta iam insinuata constat etiam ex hoc, quod ea, quae essentialiter ut potentia & obiectum, ut principium & principiatum, ut mobile ac motivum, ut perfectibile & perfectivum se se respiciunt, non possint nisi ab invicem principiari, actuari, moveri, & perfici: sed imago, quae est essentialiter imago alterius, prout anima nostra essentialiter est imago

Dei, & ipsum exemplar seu prototypum, quod ipse Deus est, sic se se respiciunt; ergo anima nostra non potest ab alio, nisi a solo Deo moveri, perfici, informari, actuari, & doceri, cum essentia animae rationalis sit esse imago cognitionis & appetitionis Dei capax respiciens suum exemplar, Deum, sicut potentia suum obiectum, sicut perfectibile suum perfectivum. Inde mentis creatae obiectum beatificum & expletivum est unus & solus Deus, secundum quod docet Sanctus Thomas *: *Dicendum, ait, quod rationalis mens formatur immediate a Deo, vel sicut imago ab exemplari, quia non est facta ad alterius imaginem, quam*

*Missionarii Apostolici Munus per annos XXXV,
ardenti animarum zelo & fructu obivit,
Orthodoxae Fidei Propugnator, & Acaatholicorum,
qua Diſſis, qua Scriptis Infestator fuit acerrimus,
Hinc ab iis in Austria Superiori an. MDCXVIII prope Linzium
nodoso fuisse mortiferas plagas petulii,
Et pro Fide Catholica proprio sparso sanguine
purpurari meruit.
Legationibus quoque Magnatum saepe insigniter functus est.
Pius demum pro Christo & eius Ecclesia laboribus
senioque confectus,
Sacerdos Iubilaeus inter Crucifixi Redemptoris
amplexus & oscula placide obdormivit
in sui ordinis conventu Salisburgensi
XXIX Iulii MDCLXI.
Aetatis suae LXXV, & Religiosae Professionis LX.
Vixit post funera Virtus & Fama;
Quippe Posteritatem habens suis in libris & liberis,
Quos
Per Evangelium in Christo Iesu genuit.*

En vivam, quam desiderasti, faciem Magni Valeriani, humilis, & pauperis Capuccini. Si miraris meam erga Venerabilem hunc Patrem observantiam, respondet tibi Ratio aeterna: Parentibus, & Magistris nunquam potest fieri satis.

* S. Thomas 1 p. q. CVI a. 1 ad III.

Dei: vel sicut subiectum ab ultima forma completiva, quia semper mens creata reputatur informis, nisi ipsi divinae veritati inhaereat. Aliae vero illuminationes, quae sunt ab homine vel angelo, sunt quasi dispositiones ad ultimam formam, quia si homo

participaret lumen intelligibile ab angelo, sequeretur quod homo secundum mentem non esset ad imaginem ipsius Dei, sed ad imaginem angelorum. Subiungit S. Doctor * notatu satis dignum. **

* Idem de spiritualibus creaturis a X.

** Quod attestatur Iacobus c. I non tam meminisse, quam diligenter observasse iuvat: *si quis auditor est verbi, & non factor, inquit Apostolus, hic comparabitur virgo consideranti vultum nativitatis suae in speculo: consideravit enim se, & abiit, & statim oblitus est, qualis fuerit.* Ne igitur similis culpa aut incuriae redargui possumus, nos ideo ad imaginem Dei esse factos, ut Immortalem Deum repraesentemus ad vivum, vigilantiori attentione consideremus. Si huiusmodi considerationis tam eruditum, quam foecundum requiras argumentum, id ipsum in pictore, ad quem scribit, Ganganelli subministrat adornatum. Il Caraccio non avrebbe fatto nulla, non tutta la fierezza del suo pannello, pergit in sua epistola ad praefatum, *se non avesse avuto quell'istro, che somministra dell'entusiasmo, e del fuoco. Vi si vede nelle sue pitture un certo spirito parlante, fervido, che rapisce, e si crede d'essere lui, quanto più si ammira e si gusta la verità delle sue immagini. Se in voi sarà quello spirito di questo grand'uomo, che vi siete scelto per modello, lo sarete rivivere sulla tela. Anche che voi ne foste la pura sua ombra, sarebbe questo per voi un gran merito, perchè l'ombra d'un uomo grande è qualche cosa di reale.*

In ordine ad nostrae meditationis scopum occasione huius discursus de interiori ad superna per comparationis gradum velocius ascendentes, materialem picturam cum spirituali imagine & pictorem hominem cum pictore Deo ea ratione, quae n. XLII practice exhibetur, breviter com-

parabimus. Et primo, quae ratio pictoris humani & divini, quae ratio spiritus picti, & quae spiritus vivi, quae ratio picturae materialis, & quae imaginis spiritualis, quae ratio umbrae hominis & quae expressionis Dei, & tandem quae ratio imitantis famosum pictorem, & quae ratio imitantis Deum omnipotentem, singula istorum primo simplice mentis nostrae perceptione, secundum quod haec simplex perceptio in I parte huius operis declaratur, definitiva aut descriptiva terminorum verborumque explicatione rite recteque intelligentes consideremus. Dein quae & quanta ratio pictoris Dei in comparatione cum pictore homine, quae & quanta ratio spiritus picti in comparatione cum spiritu rationali, quae & quanta ratio seu proportio picturae materialis in comparatione cum imagine Dei spirituali, quae & quanta ratio seu proportio imitantis famosum pictorem in comparatione cum imitante Deum omnipotentem, haec cuncta infallibili iudicio, secundum quod id ipsum in hac II parte fieri, & informari videmus, ceu incorrupti iudices discernamus. Quod si a nobis fideliter factum fuerit, & imensae, qua Deum dignum aestimamus, dilectionis cultum, & indefessae, qua auctorem nostrum ad vivum exprimamus, imitationis studium, ceu immutabile stringentis illationis emolumentum felices reportabimus... En, quam augustum ex Ganganelli exordium fructuosae meditationis sacrosanctae Rationis Magisterio productum sit argumentum.

Quomodo Deus animam nostram ad suam imaginem per propositiones Rationis aeternae format, luculenter demonstratur.

LXIV Totum argumentum, quod hucusque productum est, confirmatur ad oculum & ad benevoli Lectoris iucundum intuitum. Mens creata seu anima nostra rationalis prout est essentialiter imago Dei, est essentialiter repraesentativa Dei, est essentialiter capax divinorum, ac aeternorum, est essentialiter capax rationis aeternae; atqui haec amplissima capacitas, quae se etiam ad divina & aeterna protendit, non potest perfici, non potest compleri per aliud finitum, per aliquid temporale, aut per aliquid creatum: ergo debet perfici, compleri, & satiari per aliquid aeternum, incommutabile & divinum. Idipsum demonstratur. Audisti, & legisti hic numero LIII mentem S. Augustini sine ulla dubitatione clamantem, *incommutabile praeferendum esse mutabili*. Propositio haec est veritas aeterna, forma, actus, & obiectum mentis Augustinianae, a qua forma informatur, a quo actu perficitur, a quo obiecto eius mens movetur, seu ut ipsius S. Doctoris verbis loquar, *aspergitur, maritatur*.

LXV Quaero iam ex te: propter quam causam temporali praeponendum est aeternum? An ideo, quia angelus hanc propositionem fecit, aut alius Doctor creatus hoc subiectum *incommutabile* per copulam *est* cum hoc praedicato *praeferendum mutabili* coniunxit? Quid si nullus angelus, nec

ullus alius Doctor creatus existisset, aut existeret: an propterea *mutabile* esset *praeponendum incommutabili*, & *aeternum postponendum temporali*? Minime! tu reponis. At cur minime? Ideo, dicis, quia nihilominus *aeternum* esset *praeponendum temporali*, & *commutabile postponendum incommutabili*, etsi neque angelus, nec ullus creatus doctor existeret: & sic recte sentis, & bene dicis, sed necdum satis; nam ut hoc tuum responsum habeat suum fundamentum, ulterius inquirendum, eximia enim hic aeternae Rationis latet margarita. Edicito igitur: cur nihilominus *aeternum* esset *praeponendum temporali*, & cur *commutabile postponendum incommutabili*, etsi neque angelus, neque ullus alius doctor existeret? . . . Cur taces? Quid haesitas? . . . Tu es Philosophicus magister in Israël, & hoc ignoras? . . . Auribus igitur manibusque ambabus, ea quae tibi dico, accipe: ecce ideo, & propter hanc *Rationem* id totum, quia ipsum *Ens aeternum* ex intrinseca, essentiali, & incommutabili aeternitatis suae excellentia causat, infert, & dicat aeternitatem suam infinitae aestimationis dignam esse, temporale autem propter suam inconstantiam, ac modicam in suo esse permanentiam modicae pariter & finitae aestimationis esse dignam, & ideo ab *aeterno* *existit* haec *aeterna* propositionis istius *veritas*: *aeternum* est *praeferendum temporali*, quia aeternum *est*, & non quia *dicitur*, aut *proponitur*, aut *aestimatur aeternum*. Sic pura & non mentita apparet veritas, seu margarita pre-

tiosa, quae ut praeclarae Doctorum Laureolae inferatur, & matura videatur, & digna.

LXVI Apertis oculis iam conspicis, & ambabus veluti manibus apprehendis, nisi vehementer fallor, quisnam informet, quis instruat, quis moveat mentem Augustini, ut infallibili & incommutabili certitudine concludat: *aeternum est praeponendum temporali*. Nec angelus, nec homo, aut ullum aliud ens creatum, sed ipsummet Ens aeternum ex sua incommutabili essentia incommutabiliter hanc infallibilem veritatem docet: aeternum est praeponendum temporali; sed non est aliud ens ex essentia sua aeternum, nisi solus Deus Pater, Filius, & Spiritus sanctus: ergo solus Deus velut Pictor omnipotens format, ac quasi depingit creatrice sua potentia tamquam penicillo, veritatibus aeternis ceu coloribus (sit venia allegoriae) animam rationalem ceu imaginem Dei iuxta exemplar, & prototypon divinae suae essentiae, live rationis aeternae, quod demonstrationis istius erat propositum, & genuinae veritatis argumentum.

Philosophi libertini, ut se propositionibus aeternae veritatis opponant, modestè provocantur.

LXVII Quid de superiori discursu genuine sentit Philosophus libertinus? An & de hoc dubitat Philosophus scepticus seu pyrrhonicus, cuius solemne

& universale philosophandi principium est *dubitare de omnibus*? Num & propositiones aeternae veritatis, quae viventis eloquia veritatis sunt, subtiliores eiusdem materiae *modificationes, motus, figuras, & combinationes* iudicabit materialista Philosophus? Ut autem ampliorem de materialistis, quam te expectare praesumo, notitiam acquiras, moderno seculo eruditioni proficuum, eandem tibi eruditus Montier supra iam nominatus communicat: * *Materialismus* sensuum potissimum oblectamentis innoxius, & grata verborum, atque idearum iucunditate a quamplurimis libertinis expositus, latissime per universam Europam serpit. Materialismus illud Philosophorum dogma nuncupatur, quod omnia materiam esse statuit, ceteraque tenet, quae inde deducuntur. Qui ista amplectuntur, *materialistas* nuncupamus: numerosissimam scilicet sectam, ex multiplici diversoque hominum ordine compositam, & in varias etiam materialistarum classes distinctam.

LXVIII Primo est purus materialismus, quem qui tenent, *materialistae puri* nuncupati, nihil omnino a materia distinctum, nullos spiritus agnoscunt: integrum humanum compositum, nos homines puram esse materiam, animam humanam puriorem quamdam & sublimiorem materiae portionem dicunt: *ideae, cogitationes, omnes actus animae purae illis sunt subtilioris eiusdem materiae, modificae*

* Metaph. I p. num. CLXVIII.

tiones, motus, figurae, combinationes: nihil nostri post mortem superesse: nullum esse Deum: materiam esse aeternam, ab aeterno motum habuisse universum, infinitum, materiam ab aeterno semper motam Chaos composuisse: ex Chao alias semper, & alias atomorum, seu corporum combinationes emeruisse, casu quidem factas, casu dissolutas, & in alios, & alios ordines transformatas, & transformandas: a Chao in illam rerum combinationem casu devenisse materiam, quae mundus hic aspectabilis existit. Mundi igitur materiam esse aeternam, formam, pulchritudinem, ordinem, figuram, magnitudinem, fines, originem fortuiti casus opus esse: mundum casu factum, casu solvendum, atque in alios subinde, & alios mundos seu atomorum, corporumque combinationes, solvendas etiam ipsas, & in aeternum mutandas transformandum. Habes purum materialismum, plurimorum huius temporis sciorum, politicorum, libertinorum sectam, purum putum Atheismum. *Materialistae non puri sunt*, qui integrum quidem universum, animantia, & cetera puram materiam esse praetendunt, ac totam humanam

speciem, omnes homines & seipsum machinas esse existimant: Deum tamen aliquem (spiritum aut materiam) fatentur, sed omnem Deo providentiam negant, mundumque illam habuisse originem, quam puri materialistae dicunt, admittunt, eo magis miseri, quod ipsum Deum statuunt inscium & miserum, quia improvidum. En, in quam profundam turpissimum errorum, vitiorumque voraginem vesana mortalium impietas sese abiiciat, dum ipsum Auctorem mundi quem singulae creaturae depraeudicant, aut cultu divino non honorant, aut temerario ausu omnino negant. Sed ut numerosa tum Scepticorum, tum Materialistarum caterva aut convertatur, aut conteratur, invincibilis Rationis fortissima vi primo Scepticorum, deinde Materialistarum hostilem turmam expugnabimus.

LXIX Ostendat igitur Scepticus seu Pyrrhonicus rationem, ob quam rationabiliter de propositionibus aeternae veritatis dubitare possit. Quod si nullam rationabilem desuper dubitandi causam afferat, eundem ex libro rationabilium delendum, & sive irrationabilibus bestiis, aut hominibus fatuis * adnumerandum praenoscit.

* *« Sento per certo (scrive Ganganelli in epistola ad D. Stuart nobilem Scotum) che al suo ritorno ella mi porterà quel piccolo manoscritto di Berkeley, quel matto illustre, che s'immagina non aver il mondo cosa alcuna di materiale, e che i corpi tutti esistessero soltanto idealmente. Che bello spettacolo per la ragione, se tutti que' letterati che traviaron colle loro opinioni si trovassero in-*

sieme, e che questa ragione, dopo essere stata in incognito, venisse colla sua luce ad illuminarli! Oh come resterebbero sorpresi, e al tempo stesso atterriti, loro ch'ebbero la vanità di reputarsi qual cosa più che ispirati! In ogni tempo il mondo fu dedito alle dispute, e agli errori, e ci dobbiam chiamar fortunati in mezzo a tante oscurità, e contraddizioni, di aver un lume sicuro da prender il diritto sen-

Neque enim cum aliis nisi *rationabiliter* operantibus praesentis operis argumentum agere cupit. Certo autem desipit, qui secundum ineptum Scepticorum principium, verius dicas, delirium, *de omnibus dubitandum*, tum cogitando, tum discurrendo procedit, vel enim Sceptico hoc suum principium, *de omnibus dubitandum*, est *evidenter certum*, vel *evidenter dubium*? Si evidenter ipsi certum, ergo ipsi non est dubium, nec de hoc & consequenter non *de omnibus* est dubitandum: si vero evidenter ipsi est dubium id suum principium, hoc ipso evidenter certum est illi, *quod sit ipsi evidenter dubium*: ergo iterum ipsi non est dubium, nec de hoc ipso, & consequenter non *de omnibus* est dubitandum: si autem illi nec evidenter certum, nec evidenter dubium est

dictum suum principium, sed *simpliciter dubium*, tunc nequit esse de omnibus dubitandi prudens principium; inepte enim se resolveret, qui ex hoc motivo, quia mihi simpliciter hoc principium, *de omnibus dubitandum* videtur dubium, ideo de omnibus etiam certissimis, & evidentibus rebus dubito, & iam amplius nihil certi agnosco. Quod quam inconvenienter fiat, patet ex incommutabili ratione seu essentia dubii; nam *dubium est suspensio mentis inter duo contradictoria*, ut in neutram partem, nec assentiendo, nec dissentiendo se resolvere possit. Cum igitur Sceptico suum principium *de omnibus est mihi dubitandum*, sit simpliciter dubium, hoc ipsum principium adeo Sceptici mentem inter duo contradictoria suspendit, ut in neutram partem nec assentiendo:

tiero, io voglio dire della luce della rivelazione, la quale, ad onta di tutti gli sforzi degl' increduli, non s' estinguerà giammai. La religione non è come il firmamento, che talvolta ci sembra oscuro, ma non perciò diminuisce i suoi raggi. Le passioni ed i sensi son tanti vapori che s'alzano dal seno di nostra corruzione, e ci tolgono la vista de' lumi celesti; ma l'uomo che risette, senza spaventarsi nè sbigottirsi, aspetta che ritorni il sereno. Non si sa forse, che quelle nebbie cagionate da' Celsi, da' Porfiri, dagli Spinola, dai Collins, da' Bayle, si son dissipate, e che quelle altresi della moderna filosofia avranno il medesimo fine? In ogni secolo son comparsi certi uomini singolari, i quali, ora coll' arme, ora col fanatismo, pareva che dovessero annichilare il Cristianesimo; e son cessati poi, come appunto quelle tempeste, che non ad altro servono, che a render il cielo più sereno.

Deriva dal non aver principio alcuno

il lasciarsi abbagliar da' sofismi: si considerano come insolubili certe spregevoli obbiezioni, per la ragione che non si sa nulla. Nella religione tutto è collegato, e combinato, e per poco che si lasci scappare una verità, tutto è tenebre, tutto è abisso.

Philosophi, qui supernaturalis Revelationis sunt inimici, pariter & Revelationis naturalis, quae manifestatio Rationis est, existunt hostes; infallibilis enim Ratio sicut Deum vivum, ita & non murum Deum, sed eloquens esse verbum, quod se ipsum manifestat, evidenter demonstrat. Cum igitur naturale Dei & D. N. I. Christi Magisterium totum Revelationis sit Mysterium, quanta securitatis, quanta veritatis, & infallibilitatis id ipsum censendum, nec non contra Revelationis hostes adhibendum sit, propria evidentiā demonstratū conspicitur.

ita, de omnibus est mihi dubitandum, nec dissentiendo: non de omnibus est mihi dubitandum, se resolvere, & in actum exire possit, sed Temper, usque dum dubium fiat certum, suspensus haerere debeat. Enormiter igitur errat, si de certitudine dicti sui principii dubius, & in utramque contradictionis partem suspensus, quasi de eodem certus de evidentissimis rebus c. g. an aeternum praeponeendum sit temporali, & sicut de hoc, ita de omnibus rebus dubitat, ex quibus manifeste constat, quam stolide & insipienter, quia de omnibus dubitat, Scepticismus agat; proinde undequaque indignus, qui inter rationabilia Dei opera ullum mentionis locum inveniat. Scepticismo totaliter contrito, victricia aeternae Rationis arma in Materialismum vertamus. Atque ut incautos consulto stratagemate circumveniamus, in densis crassae ignorantiae tenebris sedentes, somniantesque occulte aggrediamur.

An somnia Materialistarum circa enunciationes aeternae Veritatis sint vera.

LXX Quasi qui apprehendit umbram, & persequitur ventum: sic & qui amen- dit ad visa mendacia, & sicut parturientis cor tuum phantasias patitur: nisi ab altissimo fuerit emissa visitatio, ne deris in illis cor tuum, praemonet de vanitate somniorum Ecclesiasticus, * multos enim errare fecerunt somnia, & exciderunt sperantes in illis. Somniant

profecto Materialistae, dum enunciationes aeternae veritatis, omnes ideas, cogitationes, omnesque ratiocinationes subtilioris eiusdem materiae puras modificationes, motus, figuras, & combinationes esse dicunt. Tentemus: num vera isthaec sint somnia? Et ne contra Politiae leges vel venialiter peccemus, Materialistas sese spiritus fortes, Germanice *Starke geister*, gloriantur nuncupantes, quo nomine mentem sublimiorem humanis & terrenis, aut vulgaribus praeiudiciis non infectam significant, contentim tractare nefas foret; etsi vanitatem dicti tituli proprio facto palam ostendant, dum per- versis praeiudiciis occupati Deum, religionem, propriaeque animae immortalitatem ex duplici hoc capite negant: primo quia aliquibus difficultatibus, quae contra aliqua Dei attributa obiciuntur, quaeque a nobis aliisque resolvuntur, desperabundi, victique succumbunt, & praecipue secundo, quia sensuum oblectamentis irretiti, animalem vitam ducunt, ac sensualibus voluptatibus immerfi, nec carnalibus desideriis resistere, nec mentem a visibilibus mundi huius delictis se ipsos abnegantes, abstrahere satagunt; unde & de illis praedixit Apostolus **: animatus homo non percipit ea, quae sunt Spiritus Dei. Quo igitur potiori iure Materialistas spiritus fortes, & non convenientius spiritus debiles *Schwache geister* nuncupare oportet? Sed quidquid sit de nomine, propius accedamus ad rem.

* Ecclesiastici c. XXXIV v. II.

** Cor. II v. XIV.

LXXI Ergone Materialista philosophæ, vere & indubitanter ita sentis, sicut dicis omnia esse materiam; & nihil esse a materia realiter diversum, animam humanam puriorem quamdam & sublimiorem materiae portionem indicas: ideas omnes, rationes, & cogitationes, omnesque actus animæ rationalis esse subtilioris eiusdem materiae modificationes, motus, figuras, & combinationes affirmas? Ita sane hæc tua tuorumque, qui omnem spiritum negatis, circumfertur sententia. Igitur secundum tuam hanc doctrinam hæc idea, hæc ratio, ac æternæ veritatis enunciatio: *Ens perfectissimum est super omnia æstimandum; hic animæ rationalis actus iuxta te tuosque, a parte rei, & in veritate rei, non est aliud, nisi subtilioris materiae, quæ anima rationalis est, modificatio, motus, figura, & combinatio.* Repeto, ut, quam sincero tecum loquar animo, perspectum habeas, & denuo ex te suscitator: num vere & indubitanter, prout dicis, ita sentis? Idipsum asseveras constanter. Unde, quod minime expectas, infallibiliter infero, & inverto: secundum Materialistarum sententiam hæc idea, hæc ratio, ac æternæ veritatis enunciatio, *Ens perfectissimum est super omnia æstimandum*, hic animæ rationalis actus, a parte rei, & in veritate rei non est aliud, nisi subtilioris materiae, quæ anima rationalis est, modificatio, motus, figura, & combinatio: Ergo, attendas bene, ergo hæc combinatio, hæc figura, hic motus ac modificatio subtilioris materiae, quæ anima ratio-

nalis est, a parte rei & in veritate rei, non est aliud nisi hæc idea, hæc ratio, ac æternæ veritatis enunciatio: *Ens perfectissimum est super omnia æstimandum*, hic animæ rationalis actus: ergo modificatio, & motus, ergo figura & combinatio materiae subtilioris, quæ anima iuxta Materialistas rationalis est, a parte rei & in veritate rei non est aliud, nisi *Ens perfectissimum super omnia æstimandum*. Tenta, amice, num discursus hic, tibi hucusque forsan tam inauditus, quam inexpectatus, te aut se fallat, tenta, quaeso, & examina.

LXXII Eloquii istius combinatio quomodo placet Materialistis? Quid negabunt? Non antecedens, quia alias propriæ doctrinæ contradicerent: non subsequens, quia a parte rei, & in veritate rei non aliud est nisi ipsum antecedens secundum materialismum, qui nihil omnino, & prorsus nihil quidquam admittit a materia distinctum, adeoque fateri debebit, quod *Ens perfectissimum* nihil aliud sit a parte rei, quam combinatio & modificatio subtilioris materiae, & sicut iuxta materialismum *ratio entis perfectissimi* nihil aliud est nisi prædicta subtilioris materiae combinatio, pariter & *ratio entis perfectissimi* erit similis materiae modificatio, ex quo, quanta prorumpat absurditas palam intuenti obviat; quia enim in materialismo ratio entis perfectissimi & ratio entis imperfectissimi a parte rei non aliud quidquam est nisi materiae subtilioris combinatio realiter distincta, seu ipsa materia, manifeste con-

stat, quod ratio entis perfectissimi, & ratio entis imperfectissimi sit entitas aequalis omnino perfectionis, quia utriusque ratio, idest, essentia, & constitutio non aliud practerquam subtilioris materiae, quae anima humana est, entitative aequalis combinatio; neque enim combinatio a combinatione eiusdem subtilioris materiae differt, ideoque ex materialismi principiis ens perfectissimum non plus perfectionis, quam ens imperfectissimum haberet, & e converso ens imperfectissimum tantam perfectionem, quantam ens perfectissimum possideret, nec amplius unum alteri praeferebatur, sed quia tam entis perfectissimi, quam entis imperfectissimi aequalis foret entitativa perfectio, ens perfectissimum non super omnia esset aestimandum, utpote sicut aequalis entitativae perfectionis cum ente imperfectissimo, ita & non inaequalis aestimationis esset habendum; unde secundum dignum, & iustum procederet, qui *ens perfectissimum infra omnia aestimandum, ens vero imperfectissimum supra omnia extollendum*, diceret, quae quam absurda ac falsa sint, vel caecus videt. Nonne clarum satis?

LXXIII Quod si autem Materialista respondeat, prout debet, nisi sponte delirare malit, ens perfectissimum non solum ab ente imperfectissimo, sed etiam ab ipsa combinatione, motu, figura, & modificatione aliquid realiter esse distinctum; tunc hoc concessio admittit, quem prius negavit, verum spiritum. Quid enimvero est ens perfectissimum ab omni combina-

tionem materiae distinctum? Non est materia, utpote sicut ab omni combinatione, ita, & ab omni materia est distinctum; quia nulla materia sine combinatione, nec combinatio sine materia iuxta Materialistas; ergo omne distinctum a combinatione distinctum hoc ipso est etiam a materia: maxime quia combinatio realiter & entitative est ipsa materia; ergo sicut ens perfectissimum non est combinatio materiae, ita nec est ipsa materia: Quidquid autem iuxta materialismum non est materia, est spiritus, quia omne ens aut materiale est, & vel ideo illud non est spiritus, aut ens spirituale, & vel ideo hoc non est materia, cum igitur ens perfectissimum materia non sit, prout materialista fateri cogitur, spiritum esse necesse est.

LXXIV Ut autem materialismus, ceu ruitura turris, propriorum lapidum cumulo sepeliatur, in speciale charitativae benevolentiae testimonium, qua omnes Materialistas in osculo veritatis complector, singulorumque a certa ruina ereptos cupio, praetermissis innumeris propemodum, quibus apertam falsitatem istius serpentis erroris demonstrando integrum volumen non haerente, sed volante calamo compleri posset, evidentissimis argumentis unum, alterumve adiungo. A materia aliquid distinctum Materialista agnoscit nihil, iude omnem spiritum, & spirituale totum negat, ac spiritui materiam cogitantem subrogat; non spiritus ratiocinans putat ipse, sed solummodo

materia cogitans * in hoc universo existit. Haec tua idea, Materialista, haec perceptio & enuntiatio tua, *materia cogitans*, praesentis discursus est argumentum. Primo aspectu *materia cogitans* signat impossibile hirco-cervum, ferrum ligneum, saxum stramineum, idest, ut clarissime procedamus: *materia cogitans* est *corpus-spiritus* & *spiritus-corpus*, seu *corpus spirituale* & *spiritus corporeus*. Audiamus demonstrationem. Vel materia est ex sua essentia cogitans, vel non est ex sua essentia cogitans? Si materia est ex sua essentia cogitans, tunc ex sua essentia est *spiritus*; spiritus enim non est aliud, quam *ens ex sua essentia cogitans*, seu cuius natura & essentia est posse cogitare, intelligere, velle. Sed iuxta Materialistam materia est ex sua essentia cogitans, quia idipsum cum tota sua familia dicit,

& docet: *materia est cogitans*, ex quo simul concludit: *ergo nullus existit spiritus*. Adeoque quia materia ex sua essentia iuxta te est cogitans, per te quoque est spiritus: ergo existit spiritus. Si vero iuxta te, Materialista, materia non est ex sua essentia cogitans, tunc neque *materia est cogitans*. Nota bene; verbum substantivum, *est*, non solum copulam, sed & *essentiam* exprimit. Sicque evidenter verum erit: *materia non est ex essentia cogitans*, & vicissim: *cogitans non est ex sua essentia materia*. Si autem materia non est ex sua essentia cogitans, & cogitans non est ex sua essentia materia, cogitans est essentialiter a materia, & materia essentialiter a cogitante distincta, adeoque, quod cogitans sit essentialiter a materia distinctum quid, evidenter ac palpabiliter constat: ergo falsum est sectae tuae

* Singulariter tum observandum, tum discernendum hic occurrit, quod verbum, *cogitare*, *cogitans*, in proprio suo sensu accipitur, in quo non idem ac vulgari-ter cognoscere, aut imaginari, sed rem studiosius perpendere, ac considerare, seu idem ac, *intelligere*, aut *rationari*, significat, utpote quia hic non animae sensitivae brutorum, sed spiritui ratiocinanti opponitur. Dum enim Materialistae omnem spiritum ratiocinantem aut intelligentem negant, materiam cogitantem affirmant dicendo: *Datur materia cogitans*: ergo nullus datur spiritus ratiocinans. Sive: nullus datur spiritus cogitans, ergo datur materia ratiocinans. Atque hoc discrimine bene notato tum solide, quam facile respondeatur ad id, quod ceu Achilles a materialismi patronis com-

muniter obiicitur: *Quod cogitat est spirituale*: Sed animae brutorum cogitant; ergo animae brutorum sunt spirituales: atqui tamen pereunt morte cum corpore brutorum animae: ergo licet mens humana spiritalis sit, minime sequitur eam esse immortalem. Hoc infert Materialista. Cui respondendum distinguendo: *Quod cogitat proprie intelligendo*, seu *ratiocinando*, illud est spirituale seu spiritus, concedo: quod *cogitat improprie* scilicet *sentiendo*, & *imaginando*, illud est spiritus, nego. Animae brutorum, quia *Rationis* capaces non sunt, nec intelligendo, nec ratiocinando operantur: aut quos liberos, & quos discursus unquam ediderunt bruta? sed solummodo sentiendo, & imaginando, ideo non animae *spirituales*, sed *materiales* sunt. Vide infra n. CLVI. *

documentum, quod nihil a materia admittit distinctum, & propterea nulum agnoscat spiritum. Unde vel *materiam esse spiritum*, vel & *materiam esse & spiritum existere*, indubitanter concedere coactum te vides: aut quid te prohibet existentem *spiritum* supra *materiam* admittere, ut tandem aliquando sapere incipias, & diutius stultescere desinas?

Materialismum omni principio, & fundamento carere palam ostenditur.

LXXV Coruscantibus hisce aeternae veritatis radiis, qui ex hucusque dictis copiose promicant, non possunt Materialistae non videre, quantum oraculum illud circa ipsos adimpletum sit, quod a Sapientia scriptum legitur: *Ergo erravimus a via veritatis, & iustitiae lumen non luxit nobis, & SOL INTELLIGENTIAE non est ortus nobis*. Quare ut felicissimum hoc fidus, quod lucem inhabitat inaccessibilem, cuncti materialismi patroni ceu in rutilante aurora conspiciere valeant, eorumdem fundamentum,

cui eorum opinio insistit, quam inane, & ruinosum, sit in singularem favorem paucis exhibeo. Praecipua systematis materialistici capita, toridemque eiusdem angularis lapides traduntur haec quatuor supposita: I materiam esse rem cogitantem: II materiam esse ens necessarium, ab alio non dependens, & aeternum: III totam huius spectabilis mundi universam structuram casus fortuiti esse effectum: IV tam ista, quam reliqua systematis corollaria ex illo veterum principio: *ex nihilo nihil fit*, secundum eorumdem sensum accepto potissimum deduci. *Ex nihilo nihil fit*, arguunt; ergo materia non est facta ex nihilo: aeterna igitur est & increata, propterea a nullo dependet: ergo est ens plane necessarium: cumque ens necessarium esse possit unicum, praeter materiam aliud existit nihil: materia igitur cogitat, mundusque totus nihil nisi materia est: non ergo est Deus ens aliquod spirituale a materia distinctum. Haec totius materialismi synoptica spectatur figura, parum spectabilis, quia pure fictilis. *

* *Materialismi* nomen ut plenius perspicias, sub hoc ipso titulo rum *Atheismum*, tum *Atomismum* significari scias, utpote istorum omnium eadem *materia*, quae corporalis, seu *atomis* minimis consistat, primum rerum omnium principium, & negare Deum & spiritum velut ultimum eorumdem finis noscitur. Propterea idipsum, quod de *materia* distabant, de *atomis* quoque intellectum volebant. Igitur singuli eorum, qui *Atomismum*, *Atheismum*ve sequebantur, sese & *Materialistas*, & *Atheistas*, & *Atomistas* pa-

lam profitebantur, ut stabilito *Atomismo* eorumdem pravitate nulla existentis Dei, nulla ab atomis distincti spiritus expugnetur necessitas. Proinde Christiana, quae inter Catholicos tot *Atomistas* videt, merito stupefecit Religio, dumque & Christiani *Atomistae immutabilis consequentiae* vi, quam *Atomismi* supposita ratio dicat, & *atomos ab aeterno fuisse, & Deum nullum esse*, sentire deberent, contrito ex corde angemiscit... Ut igitur sit, quod afflictam, piamque hanc matrem dulciori reficiat solatio, recta Ratio suae charita-

LXXVI Remotius, longiusque Materialista Philosophus a Philosopho Christiano, quam infima terra a supremo Caelo distat, ut intuenti evidenter constat. Certissima igitur oportet esse principia, quibus in tam longinquam provinciam se duci permittat Materialista, & merito, & iure maximo primae stoliditatis nota inurere-
tur, si super labilem arenam suam

aeternam felicitatem imponeret. Edicto igitur, amice Materialista: illud tuum principium, per & propter quod & ex quo materialismum deducis, & toto Caelo a Philosophia Christiana discedis, vel est principium in se evidenter certum, certo infallibile, & infallibiliter aeternum, ac incommutabile, vel non est in se tale? Si tuum in se principium, non est evidenter

tis & obligationis haud immemor maturius, profundiusque disquirat: *An atomi sint principia rerum?* atque ut ordinate procedat, quid nomine *atomorum* veniat, & quae illarum ratio sit, praescire desiderat. Iusto illius desiderio satisfacturus respondet P. Seudisach Benedictinus in suo *Atomismo vindicato* nomine *atomorum* venire *substantias corporeas, sensibiles quo ad se, completas, simplices & minimas*. Explico per partes (sunt verba memorati) Dixi I *substantias*, nam atomus *A* se sola naturaliter etiam subsistere potest sine atomo *B*, imo extra omne mixtum naturale, quia huic contingenter solummodo, & per accidens inexistit ut pars integralis. Dixi II, *corporeas*; habent enim partes in *longum, latum, & profundum* realiter extensas, physice distinctas, naturaliter tamen inseparabiles, & seorsim etiam per Deum inconvertibiles. Ex quo sponte sua fluunt, eas esse ingenerabiles, & incorruptibiles, quia non possunt secundum unam partem manere, secundum alteram vero definire, sed si sunt, aut pereunt, se totis veri debent, aut perire. Dixi III *sensibiles* non quidem quo ad nos omniam exilitatem suam, & crassam sensuum nostrorum heberudinem, sed quo ad se, utpote certa mole, figura, & magnitudine praeditas. Dixi IV *completas*; non enim repugnat, atomum ab intrinseco, & in esse entis esse quid com-

pletum & actuale, ab extrinseco tamen, & in esse mixti esse quid incompletum & potentiale, ut patet in lapide respectu domus. Dixi V *simplices*, non simplicitate omnes excludente partes reales, qualis reperitur in spiritibus, sed simplicitate partes seorsim conservabiles recusante, quia partes minimorum sunt integrales & essentiales simul. Dixi VI *minimas*, quia respuunt physice in minima dividi... Oportet autem atomos diversis instructas esse figuris, figura enim est corporis quanti terminata extensio; nam atomus ignea habet aliam naturam ab atomo aquea, sic aliam quoque considerabit figuram ab ista, ut proin se non habeant sicut unitates in numero, sed sicut literae in alphabeto.

Idem Atomista ad quaestionem: *an omnes atomi sint eiusdem naturae?* respondet: quamquam Atomistae haud invitati conspiciunt atomos esse corporeas, quantas, extensas & figuratas, quod pertinet ad rationem genericam illarum, & quatenus praecise corpora sunt, circa speciem tamen physicam atomorum civile inter ipsos bellum exarsit, dum aliqui eiusdem dumtaxat, alii diversae speciei entitativae minima reperiri contendunt, ita, ut alia sit ignea, terrea, aquea, aërea: item alia lignea, lapidea, aurea &c. Iam vero atomos esse specie entitative diversas sequentesibus probat argumentis. I Si nullae atomi

certum, tunc est evidenter incertum: si non est certo infallibile, tunc est certo fallibile: si in se non est infallibiliter aeternum, ac incommutabile, tunc in se est infallibiliter transitorium, ac commutabile: ergo evidenter certo, atque infallibiliter constat tuum principium, ex quo deducis materialismum, nullum esse principium certae scientiae, sed sectae certo erroneae, & infallibiliter falsae. Quid

in ista illatione conspicis, quod non evidenter manifestum sentis?

LXXVII Si autem tui materialismi principium in se est evidenter certum, certo infallibile, infallibiliter aeternum, & incommutabile est. Explica: *quid est in se, & quod est hoc* in se evidenter certum, certo infallibile, infallibiliter aeternum, & incommutabile principium? Iuxta tuum systema isthoc principium est *cogitantis mate-*

* essent, quantae, non posset ex illis con-
* gere quantum: ergo etiam si nullae atomi
* torent aureae, vel carnea, nunquam
* posset ex illis confurgere mixtum auri
* vel carnis. Il Atomus ignea, eadem est
* ratio de aliis, habet aliquid per idem-
* titatem, quod non habet atomus aquea,
* & hoc non est ratio corporis quanti,
* extensi, aut figurati; haec liquidem prae-
* dicata conveniunt etiam atomo aquae;
* ergo (infern Atomista) erit ratio calo-
* ris & madoris, Consequenter atomi non
* sunt aequales, prout Democritus voluit.
* Sic, inquam, infert Atomista: quid au-
* tem infert ratio fundata?.. Ex descri-
* pta ratione atomorum, earumdemque di-
* versitate vix aliud inferre potest praeter-
* quam.. Ergo quaelibet atomus est physice
* composita ex materia prima & substantiali
* forma, quae in re, ac entitative a ma-
* teria est distincta. Parcas Benevole, si
* Atomista, aut Atheista, sive Materialista
* sis, parcas sincere Rationi, etenim haec
* sola contra Atomisticam sectam progred-
* ditur in aciem. Audiamus, quam suae
* conclusionis producit demonstrationem.
* Secundum praedicta, quae Atomista pro
* suis atomis posuit, fundamenta omnes
* & singulae atomi habent aliquid commune,
* quod est ratio corporis quanti, extensi,
* aut figurati, quia quaelibet atomus est
* quantus, extensus & figuratus, & insuper
* habet aliquid speciale, sicut iuxta dicta

Atomistarum atomus ignea habet aliquid
per identitatem, quod non habet atomus
aquea, & hoc non est ratio corporis
quanti, extensi, aut figurati... Atqui
hoc ipsum commune est ratio subiecti com-
munis, seu materiae primae, & id spe-
ciale est ratio substantialis formae n. LI *
ex primis fundamentis demonstratae: per
materiam enim nihil aliud quam subie-
ctum commune pluribus formis specie vel
numero differentibus intelligitur; per for-
mam vero substantialem idipsum entitati-
vum, quod v. g. atomus ignea in se ha-
bet, & atomus aquea in se non habet,
significatur; atque per hoc entitativum
atomus ignea ab aqua, non minus quam
entitative, idest, substantialiter seu essen-
tialiter distinguitur. Confirmatur. Ratio
essentialis atomi igneae vel est ipsa es-
sentialis ratio atomi aquae, vel non est?
Si est? Ergo essentia atomi igneae est si-
mul ipsa essentia atomi aquae, quod pu-
gnat contra totam naturam. Vide num.
XXXIV item n. XL & XLI. Si autem
non est? Ergo atomus ignea ab aqua per
aliam essentialem rationem, quam an se ha-
bet, & eandem atomus aquea in se non
habet, essentialiter, idest substantialiter di-
stinguitur.. Atqui haec essentialis ratio
distinctiva est ipsissima substantialis forma
a materia, quae omnibus atomis com-
munis est, entitative & essentialiter di-
stincta: ergo atomi componuntur ex forma

riae modificatio, figura, & combinatio, vix enim aliud desperatae tuae causae, quod prodesset, superest responsum; quia iuxta materialismum, qui nec spiritum nec spirituale sustinet, *omnis idea, & perceptio mentis*, ac *omnis enunciatio, & illatio rationis* est materiae cogitantis modificatio, figura, & combinatio, (*vide n. LXVIII LXX, & LXXI*) & bene notandum, quod istam explicationem omnis ideae, omnis enunciationis, & omnis ratiocinationis omnes materialistae necessario & inevitabiliter debeant in responso dare, alias cogerentur fateri omnes ideas, omnes enunciations, & ratiocinationes, consequenter & omnia principia rationis esse modificationes non cogitantis materiae, sed *spiritus cogitantis*. Cur autem istam tuam responsum notatam velim, Materialista, in causa est tibi tuisque formidabilis sequela, quae ceu sagitta emissa in suum auctorem resilit, eumque occidit. Intentus ausculta! Iuxta tua concessa, & iuxta tui materialismi dogmata omnis idea & omnis perceptio mentis, omnis enunciatio, illatio, & omne principium rationis in se non est nisi materiae cogitantis modificatio, figura, & combinatio; omnis au-

tem modificatio, figura, & combinatio materiae cogitantis secundum tui systematis proprium dogma non est aeterna, sed temporalis, & transitoria, non increata, sed factitia, & ideo non immutabilis, sed mutabilis, & quia mutabilis, non est infallibilis; sicut enim mutari, ita & fallere, & falli potest, adeoque, quia fallibilis, non evidenter certa, sed incerta, utpote cum certum non sit, an fallibilis non fallat, aut fallatur, an mutabilis, hic & nunc non mutetur: ergo iuxta propria materialismi concessa nulla idea aut perceptio mentis, nulla enunciatio aut illatio rationis est evidenter certa, nulla certo infallibilis, nulla infallibiliter incommutabilis & aeterna: consequenter five materialistae five materialismi principium iuxta suum proprium systema in se est nullum evidenter certum, nullum certo infallibile, nullum infallibiliter incommutabile & aeternum, & hoc ipso omne materialismi principium nullum principium. Et quia scientiae cuiusdam principium idem ac fundamentum sit, ideo sicut materialismi nullum principium, ita & fundamentum nullum. En spectaculum, totum materialismum propria ruina prostratum

entitative a materia distincta, ideoque non atomi, sed materia & forma entitative distincta rerum materialium sunt prima principia: infert Ratio fundata, ceu infallibilis Iudicis enunciatio, necnon immutabilis illationis demonstratio; quae quemlibet Atomistarum animosius ad pugnam provocat, si quispiam illorum omnium, quod in devictae partis suae

subsidium opponat, sufficiens argumentum reperiat. . . Atomista multum dicit, & parum, imo nihil probat, quod ex his, quae a P. Seudfach hucusque dicta, & nullatenus probata sunt, abundanter constat. . . Contra torum Atomismum, quam iusta Ratio fert, Crisis sane terribilis. . .

atque sepultum! Funus nulla commiseratione dignum.

LXXXVIII Quid, quantumque materialissimi sit principium, irretorto oculorum intuitu conspicimus; nunc eiusdem quod primum, praecipuumque fuerit, inquirimus. Id ipsum, quod numero LXXV legimus, *ex nihilo nihil fit*, esse compertum habemus ex ipsa deductione, qua suum dogma statuunt materialistae. Celeberrimum isthoc adagium: *ex nihilo nihil fit*, in duplici sensu, in quo a sana Philosophia acceptum semper fuit, certum, & per se evidens existat principium, naturali rationis lumine manifestum. Primus genuinus est sensus: *Nihil nullius rei seu nullius effectus potest esse causa*. Alter verus sensus est: *nihil nullius rei potest esse subiectum, ex quo aliquid fiat, vel quod aliquam formam accipiat*: seu *ex nihilo tamquam ex subiecto nulla res potest educi*. His genuinis sensibus materialistae addunt ter-

tium & perversum: *nulla res de novo creari potest, * quae antea iam ab aeterno non fuerit*. Hic igitur sensus est tota virtus, tota certitudo, tota infallibilitas, tota immutabilitas, imo, & aeternitas istius materialistici principii, *ex nihilo nihil fit*: atqui ista virtus est infirma, ista certitudo est dubia, ista infallibilitas deceptiosa, ista immutabilitas variabilis, & ista aeternitas est nulla. En, quam perversum hoc sit principium! Sed petis asserti argumentum. Accipe demonstrativum: Illud, quod est formalissime in quaestione, seu de quo adhucdum quaeritur, an sit, vel non sit? illud adhucdum est dubium & incertum, adhuc fallibile, mutabile est, & variabile, in ordine ad cognoscendum, & quaestionem proponentem: atqui formalissime est in quaestione: *An nulla res de novo creari possit, quae antea iam ab aeterno non fuerit: an vero aliqua res de novo creari possit, quae antea ab*

* Ecco dunque (finit suam ep. Ganganelli ad D. Stuart nobilem Scotum) *vallettato alquanto sopra un soggetto, che voi sapete più di me; ma così va, una frase tira l'altra, e insensibilmente si osa discorrere di quelle cose, che non si fanno. Così si fa nello scriver le lettere: s' incomincia senza pensare a quel, che s' ha da dire. L'anima quando viene a raccogliersi dentro se stessa, si stupisce con ragione della propria scondia. Questa è una viva immagine della produzione dell'universo che è uscito dal nulla; perchè alla fine un nostro pensiero, che poco fa non esisteva, scappa fuori in un tratto, e ci dà a conoscere, che la creazione, come vorrebbero certi Filosofi alla moderna, non è in realtà una cosa impossibile.*

Si una epistola, quae nunquam existit, & ex mente progreditur, viva imago productionis mundi ex nihilo esse conspicitur; quanto magis idipsum per omnes litteras, librosque, qui a constitutione mundi hucusque producti sunt, etsi paullo ante simul omnes nihil tuerint, fortiter & evidenter comprobatur cernitur. Quid singulae creaturae aliud ceu tot litterae, & totum creaturarum, ceu litterarum complementum quid nisi integrum, in quo Dei admirabilis virtus & maiestas ad vivum deferbitur, naturae librum componunt, dum omnia, quae antea nihil erant, ceu tot litterae per ipsum Omnipotens, quod Deus est, Verbum facta, & creata sunt...

aeterno non fuerit? Soli materialistae respective pauci tenent negativam; affirmativam vero defendunt philosophi innumeri: ergo tuum materialismi principium: *ex nihilo nihil fit*, seu quod idem & huius tuus sensus est: *Nulla res de novo creari potest, quae antea iam ab aeterno non fuerit*, est evidenter dubium, evidenter incertum, evidenter fallibile, evidenter mutabile, & evidenter nullum principium. Consequenter totus materialismus, quia sine omni fundamento, & sine omni principio plane confictus, est non verum, sed inane & vanum somnium, ac mentis delirium. Si secus, amice, te vindica, & an non evidenter devictus sit materialismus, ac in suo principio suffocatus. indifferenter considera, & si Materialista sis, te rotum emenda!

Patronis materialismi suadetur spectabilis mundi huius causam non esse casum fortuitum.

LXXIX **U**t charitas sincera, qua te tuosque, Materialista, amplexus sum testante numero LXXIV, nunquam excidat, & in nullo deficiat, prioribus argumentis ceu totidem intimae amicitiae mutuaeque confidentiae tessaris, quaedam insuper addenda existimavi motiva, quibus a semita erroris & perditionis, in quam nescio a quo inductus fueras, in viam veritatis & aeternae salutis te revocarem, & in primis non possum absque modesta reprehensione tertium systematis tui caput, in quo huius *spectabilis mundi*

universam structuram fortuiti casus effectum dicis numero LXXVIII, & LXXV sola voluminis versione praetermittere; enimvero tu hic duo, causam & effectum assignando, totius mundi admirabilem structuram putas effectum causae, quae alias *casus* nominatur. Sicut ex fructibus arbor, ita ex effectu causa cognoscitur; primo igitur effectum mundi universam structuram, inde causam nimirum *casum* pro operis huius brevitate examinabimus. Mundani huius universi structura ordinatissima eiusque ingeniosissima compositio tam stupenda est, ut omnem humani intellectus aciem superfugiat. Materialistarum nullus, qui ope anglici telescopii animalcula, quae nudo oculo vix visibilia caseum rodunt, in forma & magnitudine maioris cuiusdam porci observaret, horum minutissimorum viliissimorumque corporum naturam, texturam, intimumque mechanismum intelligit; si autem in minimo totus Materialisticae intelligentiae nervus deficit, qua arte totius globi terrestris constructio, omnium partium dispositio, quomodo tot viventium, animantiumque multiplicia genera hominum, animalium, avium, piscium, quomodo miram horum omnium temperaticam, leges, mores, species, propagationes, vivendi formam, quomodo elementorum temperiem climatum, ac locorum discrimini accommodam intimius perspectam habebit? aut forsitan ille ipse, qui minimi animalculi texturam capere non sufficit, totius Universi admirabilem structu-

ram facilius comprehendere valebit?

LXXX Pergamus, atque ideali itinere a minori ad maius, ab inferiori ad superius, a mundo terrestri ad caelestem usque ascendamus, & per totum hoc universum peregrinantes non perfunctorie, ut a terricolis viatoribus fieri affolet, observemus: num immensus fere hic effectus suae a materialistis assignatae causae, quae casus dicitur, sit proportionatus? Quantum valemus, oculos nostros, nostramque imaginandi vim per ingens hoc rerum materialium spectaculum, per aërem liberum, atque stellatum firmamentum circumquaque volvamus. Quaeque de hac materia indubia sint, astronomicos calculos consulamus. Quaeenam enimvero vastissimi universi magnitudo & interminata prope capacitas, quisaam rerum, phaenomenorum, motuumve ordo semper constans, atque immutabilis vicissitudo, quanta caelestium corporum omnium

ac motuum exacta harmonia, totiusque universitatis rerum pulchritudo per maius quam quinque millium annorum spatium continuo ad hanc usque horam est ab omnibus observata? Ex abundantissimo tot mirabilium spectaculo nostrae contemplationi, Lector benevole, unum solummodo argumentum propono. Tringenta leucarum milliones a nobis terrae incolis solem * distare dicunt moderui astronomi, leuca autem secundum mensuram gallicam MD passibus producitur, plusquam recentos milliones a nobis remotum esse saturnum ostendunt. Solaris vorticis diametrum ultra sexcentos leucarum milliones extendi, stellas fixas nobis proximiores ducenties saltem magis a nobis removeri, quam saturnum: earum igitur orbitae diametrum plusquam LX. M. leucarum milliones continere nos certos volunt. Singulae praeterea stellae rotidem sunt soles

* *L'istoria della natura* (sunt verba Ganganelli ad Principem di San Severino) diventa un libro chiuso a tutte le generazioni, se queste non vi fanno discernere un Dio Creatore, e Conservatore, perchè non v'è cosa che sia cotanto sensibile, quanto la di lui azione. Il Sole, così magnifico, e sorprendente com'egli è; il Sole, quantunque adorato da diverse nazioni, non ha però nè intelligenza, nè discernimento alcuno; e se il suo corso è talmente regolato, che non lo interrompe neppur d'un momento, dipende dall'impulso, ch'egli riceve da un Agente Supremo, i di cui ordini egli eseguisce colla maggiore esattezza... Non si parli mai delle creature, se non che per avvicinarci al Creatore. Esse sono il

riverbero della di lui luce indifferente... E l'assicuro altresì di non provar io mai una soddisfazione maggiore, che allora quando mi si porge l'occasione di parlare d'Iddio. Egli è l'elemento del nostro cuore, e non in altro sa dilatarsi, e ricrearsi l'anima nostra, se non che nel di lui amore.

Sacrato huic Ganganelli eloquio, cuius verba spiritus & veritas sunt, applica argumentum ex hac Ratione: Quidquid movetur, ab alio movetur, petrum, quod infra n. CXVIII & n. CXXVI & seq. clarius productum reperies; & quem nulla Atheistarum aut Materialistarum vel vis, vel fraus unquam expugnabit, fortissimum admiraberis discursum.

nostro planetario haud dissimiles, aut etiam maiores, tam remote a se invicem, atque a nostro solo disjunctae. Quod si ex iisdem stellis sol noster observaretur, aut omnino non discerneretur, aut non nisi ut parva quaedam stella fixa agnosceretur: aliae adhuc tam super, quam praeter alias existunt stellae. Globus noster terraqueus aut planetae solares ne quidem opticus, maximisve telescopiis ab ulla fixarum stella discerni possent.

LXXXI In amplissima hac rerum universitate, infinita propemodum amplitudine locorum, corporum multitudine & magnitudine undequaque circumdati puncto terrae quasi insensibili insistimus. Quanta insuper a remotissimis illis stellis fixis ad extremum firmamentum, & ab hoc ad supremum Caeli ambitum interfuit spatiorum extensio, lege, si non dedignaris, lector gratiose, in novo opere, quod nuper de *Mirabilibus fidei Divinae* prima editione ex Ver-

cellensi, & secunda ex Constantiensi Typographaeo prodiit, in parte secunda numerum CCCXII CCCXIII &c. Videbis ibidem prorsus stupenda, quae ex Astronomorum observationibus sunt adnotata. Interim cum immensam huius materialis universi secundum longum & latum, secundum altum & profundum capacitatem atque amplitudinem, in qua vastissima & pene innumera circumaguntur corpora, conspiciamus; ac insuper admirabilis tantorum motuum harmonia, idem semper ordo exactissimus, nec non inviolata legum immutabilis observantia, diu notuque per tot temporum secula ad hanc usque horam ab omnibus custodita videatur; nemo ignorare, aut palpare non potest: an hoc ornatissimum ordinatissimumque mundi palatium non alium nisi casum fortuitum suae laudatissimae structurae commendet auctorem. * Sed a cognitione effectus ad notitiam causae.

* Postulat criticus: an mundus sit perfectus? Postulanti respondet ratio: Mundus non quidem absolute & simpliciter in omni entis genere, qualis perfectio soli Deo I. O. M. competit, sed in genere suo est omnino perfectus. Illud enim perfectum est, cui in suo genere, seu in sua universali ratione nihil deest, nec plus nec minus habet, quam ad constitutionem suae naturae pertinet; sed huiusmodi est mundus, constat enim omnibus essendi gradibus, quales sunt *esse, vivere, & intelligere*: ergo mundus in genere suo est perfectus. Dein perfectio operis gloria est sui auctoris; perfecti igitur sapientique artificis est, ut *unicum*

opus suum, cui omnem suam industriam adaptat, perfectum efficiat. Propterea mundus veluti imago Dei spectatur, qui cum sit primum principium & fons omnis perfectionis, ea intentione hunc mundum formavit, ut in eo Divinae perfectionis suae radios, veluti in pulcherrima tabula depingeret, atque per istius operis & imaginis perfectionem, quantum in se esset perfectus, palam omnibus demonstraret. Demum ipse ordo, dispositio, & oeconomia rerum omnium sapientissima, varietas partium admiranda, atque integritas maxima de perfectione mundi manifestum perhibent testimonium. Neque monstra, aut mala quasi quaedam

Perspecta ratio causae verae manuducit Materialistam in veram casus fortuiti notitiam.

XXXXII Sciendum, quod de essentia verae causae sit, ut vere & positive effectui suum esse tribuat. Effectus autem est id, quod fit, fieri enim est via ad esse. Unde effectus proprio est, qui ex non esse ducitur ad esse. Nihil autem, quod non est, se ad esse promovere potest, sed ut ab alio, quod causa dicitur, ad esse promoveatur, necesse habet; sana ratio quatuor praecipua observat causarum genera. Nam primo, composita naturalia non sunt ex nihilo:

ergo ex aliquo praesupposito subiecto, ex quo forma substantialis virtualiter ibi contenta educatur, hoc autem subiectum educationis seu materia prima iuxta peripateticum est causa materialis. Secundo, omnis effectus debet esse in determinato genere & specie certa entis; sed hoc non est ratione materiae, quae est communis & indifferens: ergo ratione formae tanquam actus dantis speciem, ideoque datur causa formalis. Tertio, nihil potest producere seipsum, & quidquid sit ab alio sit, alias idem simul esset, & non esset; sed id, a quo aliquid aliud sit, est causa efficiens: ergo datur

naturae opprobria vituperanda putes, Critice; quin imo, dum ideo permittuntur a Deo, veluti a pictore coloribus sua umbra opponitur, ut magis distincta rerum aliarum pulchritudo appareat, potius haud exiguum naturae decus, quam dedecus aestimanda scias. Pariter discordia & inimicitia rerum ad pacem universi, ne turbetur, sed procuretur, apte deservit, dum quaelibet res pro suo iure pugnando ordinem suum servat in orbe: imo omnia pro orbis pace adeo fortiter & constanter dimicant, ut inde plura nasci, quam perire videantur; non enim viverent animantia, nisi frigus, & calor, humiditas, & siccitas inter sese pugnarent, ex qua pugna fit animalium vitalis motus, nutritio, & augmentatio. Stupemus nimborum, pluviarum, grandinum, nivium, fulminum, fulgurumque strepitus, sed tanto tumultu praecipua naturae opera fructus, plantae, animalia, metalla, & pulcherrima meteora, quibus mundus decoratur, fabricantur, sicut in officina ferraria inter malleorum ictus, flammarum crepirus, folium flau-

tus, mira artefacta, horologia, gladii &c. producantur. Venena autem & noxia animalia medicinae deserviunt; neque in mundum iuducta sunt absque utiliori ratione & causa: sunt enim, ut ait August. lib. III de gen. ad lit. c. VII ut hominem poenalter laedant, salubriter exerceant, utiliter probent, & ignorantiam edoceant. Quid, quod ipsum peccatum ineffabile decus Deum hominem factum in mundum introducere praevaluerit? ut merito cantet Ecclesia: O felix culpa, quae talem ac tantum meruit habere Redemptorem! Unde permisso, quod aliqua mundi constitutiva sint materialiter & secundum se imperfecta, formaliter, tamen in quantum totius universi sunt constitutiva, in genere suo satis perfecta sunt. Sicut igitur arbor fructuosa quorundam ramorum suorum amputatione castigatur, ut toti arbori melius provisum sit: sic aestibus & frigoribus nimis, aliisve contrarietatibus quaedam mundi subluariorum partes nonnunquam affiguntur, ut inde ceterae melius valeant. Plura de hoc Vide infra n. CXXXVI & seq.

causa efficiens. Quarto, natura nihil facit frustra, & quidquid facit, hoc alicuius gratia, amore, propensione, & intentione fit; sed id, cuius gratia, amore, propensione, & intentione aliquid fit, est causa *finalis*: ergo datur causa *finalis*. In causando talis ordo servatur: *agens* motum a *fine* reducit *materiam* ad *actum*, ipsi communicando formam. Paucis multa! •

LXXXIII Cum autem notitia perfecta genuinae causae per se arguit, & confundit causam spuriam, qualem *casum fortuitum* respectu structurae huius universi esse mox patebit, hinc notandum I, quod omnis causa sit prior effectu, non quidem semper prioritate temporis, sed naturae, idest, licet causa & effectus sit in eodem instanti reali temporis, a causa tamen pendet effectus suum esse, sic sol est prior sua luce, ignis suo calore prioritate causalitatis, non vero prioritate temporis. Notandum secundo, causam materialem & formalem simul sumptas tanquam causas intrinsecas totius substantialis esse eiusdem perfectionis cum ipso tanquam suo effectu: nam quidquid totum est, & habet, hoc *ex* materia & *per* formam est, & habet. Seorsum vero sumptae in sua entitate toto composito sunt imperfectiores; ratio huius est, quia quaelibet Pars respectu totius compositi est quid incompletum, Dictum est *tanquam causas intrinsecas*; nam causa idealis seu exemplaris, ad cuius imitationem aliquid fit, quae dicitur forma

extrinseca, ut plurimum est nobilior effectu: ut patet in ideis divinis. Notandum tertio, quod causa finalis principalis in agentibus bene ordinatis debet esse nobilior effectu; ratio est, quia finis ultimatus & principalis, ad quem res quaelibet ex sua natura ordinatur, & vocari solet *finis operis*, debet esse ultimum complementum & perfectivum rei; nulla enim res censetur esse in statu perfecto, priusquam suum sibi ab auctore naturae praefixum finem attigerit: omne autem perfectivum quatale debet esse perfectius suo perfectibili; adeoque & causa finalis saltem in agentibus bene ordinatis est nobilior suo effectu; aliquando tamen ex deordinatione operantis est ignobilior: sic luxuriosus finem suum ultimum ponit in turpi voluptate carnis, cum tamen hominis ultimus, ad quem creatus est, finis sit adeptio summi Boni. *Finis autem operantis*, quem quilibet operans sibi met ipsi praefigit, potest modo esse aut perfectior, aut aequae, aut minus perfectus suo effectu. An forte & tu fateris: meliora probo, deteriora sequor.

LXXXIV Notandum IV causam instrumentalem, quae producit effectum virtute alterius, nempe causae principalis, quae talem reduplicative & formaliter sumptam semper esse in se imperfectiorem suo effectu, cuius ratio est, quia instrumentalis non agit in virtute propria, sed aliena a causa principali per elevationem sibi communicata, in ordine ad pro-

ducendum effectum vires suas excedentem, quamvis effectum excedere possit materialiter, seu entitative considerata, ut si malleus argenteus cudad ferrum. Notandum V quod causa efficiens, principalis, vel est univoca vel aequivoca: si univoca, tunc proderet effectum in specie, & hoc ipso etiam in perfectione sibi similem, ut homo hominem: Si aequivoca, tunc aliunde est eminentioris speciei, & perfectionis, ut patet in sole respectu metallorum. Dein quidquid perfectionis est in effectum, praeexistit actu in causa efficiente: ergo est ad minus aequae nobilis ac effectus, quod attinet perfectionem, quae est de essentiali ratione effectus, quae trahitur a causa proxima efficiente; nam quoad alias perfectiones, quae non tam pendunt a proxima causa efficiente, sed ex con-temperatione eorum omnium, quae ad formationem effectus concurrunt, & eius complexionem consequuntur, non raro contingit causam efficientem esse ignobiliorem, uti stupidus pater generat filium ingeniosum, deformis pulchrum, infirmus robustum. Ubi tamen nota, quod respectu maioris perfectionis subsequens cessaret esse causa proxima efficiens, de qua hic loquimur. Sic omnis effectus suam commendat causam.

LXXXV Tandem notandum VI Alia est *causa per se*, quae ex se, & ex natura sua, & ut talis causat effectum, ut calidum respectu caloris: alia est *causa per accidens*, quae non per se & ut talis, sed vel *casu*, vel ratione alterius, causat effectum, ad quem ut

talis non ordinatur, sed quia in ea reperitur alia virtus eius productiva. Sic v. g. Si quis simul sit Musicus, & Philosophus, tunc ab ipso ut Musico tamquam *causa per se*, & ab ipso ut Philosopho tamquam *causa per accidens* provenit Musica. Causa igitur per accidens est illa, quae coniuncta est cum causa per se, vel quae producit effectum praeter intentionem agentis, quales sunt *fortuna*, & *casus*. *Fortuna est causa per accidens horum, quae raro fiunt, in agentibus propter finem ex electione*, id est, fortuna est actio aliqua secundum electionem procedens, quam consequitur finis aliquis non intentus & raro contingens, v. g. si aliquis ludat aleis, vel chartis, & lucretur; ubi adest electio finis sine omni connexionem effectus, nempe lucri cum causa, quae est actus luforius: & hic ipse finis, ac effectus consequens potest esse bonus & malus, hinc simpliciter bona & mala fortuna denominatur. *Casus iuxta communem loquendi modum est causa per accidens horum, quae fiunt raro, in agentibus sine electione*, hoc est, sine intentione agentis: unde ad casum duo essentialiter requiruntur: I ut effectus raro eveniat: II ut praeter intentionem operantis eveniat; nam saepe aliqua raro fiunt, nec tamen pro sua causa *casum* habent, ut sunt terrae motus, eclipfes &c., qui effectus, licet raro fiant, sua tamen causa determinata non destituuntur. In Deo nihil prorsus *fortuitum*, aut circa providentiam suam aliquid *casuale* esse potest, ratio est, quia quod

est fortuitum, est improvisum: nihil autem sit, quod a Deo provi-
sum non sit, & vel permissive, vel
effectivè praeordinatum. Iam vero
ad scopum.

*Ratio aeternae Veritatis Materialistae
evidenter demonstrat inter structu-
ram huius universi & fortuitum ca-
sum, seu inter effectum & causam
prorsus nullam adesse proportionem.*

LXXXVI **T**ot rationes aeternae
veritatis, Lector benevole, inspe-
xisti, quotquot praenotanda a nu-
mero LXXXII usque ad praesen-
tem dignanter perlegisti; etenim fere
omnia in philosophia sana monstran-
tur certa & indubia, atque primo
rationis lumine satis manifesta; &
vel ideo huc sunt translata, ut seu
noctis umbra exsurgentis solis prae-
venientibus radiis, ita materialismi
tenebrae, in quibus atomistae se-
dent, reverenter cedere, & non diu-
tius pertinaciter resistere contendat,
atque ex perspecta veritate sufficien-
tis causae apertam falsitatem suae
deficientis scholae Inspectores haud
mentiti colligere studeant. Ergone
in vestra atomistica, seu atheistica
secta universam aspectabilis huius mun-
di structuram fortuiti casus effectum
dicitis Materialistae honorati, & ad-

mirabilis structurae istius causam af-
signatis casum fortuitum? Quantum
hoc vestrum assertum verum vel fal-
sum sit, certius, citiusque demon-
stratum habebimus, postquam pro-
portionem inter structuram universi,
& inter fortuitum casum, seu in-
ter effectum & causam, aequa di-
cretionem examinaverimus.

LXXXVII Quia vero contraria
iuxta se posita magis elucescunt,
aspectabilem mundum & casum for-
tuitum seu lucem iuxta noctem hic
apponendam duxi, ut eo perspicua-
cius, Lector amicus, quanta inter
istum effectum & causam proportio
ac connexio sit, apertis oculis in-
tueri, ac iusta mente commensurare
valeat. Contestor autem omnes &
singulos, quotquot has paginas in-
spicere dignitati fuerint, ea qua par
est observantia, simul & protestor,
me nequaquam ex praedominantis
passionis, odiive motu contra Ma-
terialistas, sed ex incommutabili, &
intrinsicè ratione, qua tum aspe-
ctabilis hic mundus, seu effectus, tum
fortuitus casus seu causa constru-
itur, sub ipsius Intelligentiae SOLIS
luce, absque omni fuco, fideliter
adnotasse sequentia, quae ipsa Ra-
tione aeterna demonstrantur, para-
doxa, sibi invicem extrema contra-
rietate opposita.

*Structura huius aspectabilis mundi
est suae causae effectus*

*Fortuitus casus tum omnium causarum
tum sui effectus est causa*

Compara-
tive in suo
esse

Maximus
Praestantissimus
Pulcherrimus
Ordinatissimus
Sapientissimus
Universalissimus
Constantissimus
Laudatissimus
Amabilissimus
Evidentissimus
Felicissimus
Numerosissimus
Fortissimus
Optimus
Fructuosissimus
Abundantissimus
Exquisitissimus
Ditissimus
Amoenissimus
Iucundissimus
Magnificentiissimus
Amplissimus
Potentissimus
Per se subsistens
Propriissimus
Totum, quod habet, accipiens
Suae causae similis
&c. &c. &c.

In sua
causalitate
absolute

Minima
Vilissima
Turbulentissima
Confusissima
Ineptissima
Arctissima
Mutabilissima
Contemptissima
Odiosissima
Obscurissima
Miserrima
Rarissima
Debilissima
Pessima
Inutilisissima
Parcissima
Neglectissima
Pauperrima
Molestissima
Tristissima
Abiectissima
Angustissima
Invalidissima
In se prope nihil
Quidquid est alterius
Nihil, quod det, habens
Suo effectui deformis
&c. &c. &c.

Et vel ideo aspectabilis huius universi
structura ceu effectus suae causae,
quod haec ipse Deus sit, evidenter
demonstrativum aestimari debet ar-
gumentum.

Et vel ideo casus fortuitus structurae
huius mundi, si ipsius causa fuisset,
ineluctabile, prout ex paradoxis li-
quet, destructivum existisset nocu-
mentum.

LXXXVIII Quod si Lector bene-
volus, aut Materialista Philosophus a dubii cuiusdam anxietate circa pro-
positam dicti effectus & causae op-

positionem tentatum se sentiat, subito examinet, & sedulo praedicta de causis a numero LXXXII usque ad num. LXXXVI cum his paradoxis intermicante rationis luce compareret, & certus palpabit, idipsum, quod scriptum, nisi stupendum, totum subsistere verum, inter admirabilem structuram huius universi & casum fortuitum, seu inter causam & effectum non solum proportionem prorsus nullam, sed insuper immensam adesse disconvenientiam ac repugnantiam, adeoque totum materialissimum velut inane somnium, ac rationis non sanae delirium sicut sine omni principio, ita sine omni exitare fundamento, quod praecipue a numero LXVII usque ad hunc praesentem spectatur demonstratum. Ut autem plus intentus lectoris paulisper divertatur animus, illius admirabilis columnae, * quae una ex sui parte lucida praecedentes Hebraeos illuminabat; ex altera vero tenebrosa persequentes Aegyptios horrendis tenebris confundebat, hic meminisse iuvat. Minime profecto a iusta institutendae comparationis mensura aberrabit, quisquis ingentem oppositionem, quam inter huius universi structuram ex parte una, & inter casus fortuiti myseriam ex parte altera innox supra observavimus, per praestentiam caeli columnam, partim lucidam, partim tenebrosam praefiguratam dixerit; etenim dicta oppositio veros Israelitas, qui aeternae Rationis lumen tequun-

tur, infallibilis veritatis splendore illuminat, inimicos vero Rationis aeternae, quales Materialistae, atque Atheistae sunt, tenebris calamitatis, & miseriae obfuscando perturbat.
Dictum & probatum satis!

*Propositiones aeternae Veritatis contra
libertinos philosophos solide
evincuntur.*

LXXXIX Quicumque huius tituli tria prima verba perpendit, simpliciter in intuitu eiusdem veritatem agnoscit: quid enim sunt propositiones aeternae veritatis, nisi quas ipsa veritas ab aeterno, & in aeternum pronunciat? & ideo dicuntur, quod sunt, *propositiones aeternae veritatis*, seu *veritates aeternae Veritatis*. Quid igitur de his sentit philosophus Materialista, & libertinus? Honoratus huiusmodi vir inaudit, quatenus dicitur, & quomodo dicentur propositiones, sive enunciationes veritatis aeternae. An & iuxta ipsius iudicium, & philosophiae suae documentum tales sunt, quales a veritate evidenter exhibentur? aut alterius fors habendae sunt fortis? Congrediamur, perdiscectis, propinquius aequae ac amabilius. Vel enunciationes, quarum aliquas numero LV adduximus, sunt aeternae veritatis expressae rationes, vel non sunt? Si tales sunt: ergo, quia veritatis aeternae effectus seu voces sunt, etiam ipsi aeternae rationis testes erunt, quod nimirum aeterna

* Exodi. XIV v. XX

ratio, quae Deus est, ipsas pronunciet, & vel ideo ob suam infallibilem causam infallibiliter verae sunt: si autem non sunt rationes expressae veritatis aeternae, cuius erunt? non entis mutabilis aut fallibilis, quia effectus immutabilis & aeternus nequit habere causam mutabilem aut fallibilem: ergo enunciationes immutabiles & infallibiles indicant suam causam immutabilem, & infallibilem, consequenter ipsam rationem seu veritatem aeternam. Stat immobile: ex suo effectu cognoscitur causa.

XC At ne libertati sentiendi, quae amodo apud plurimos philosophicum sceptrum tenet, arctos nimis statuamus limites, asserat quicumque libertinus vel unam probabilitatem, qua suam contra propositiones aeternae veritatis aversionem muniat; erimus pro isto favore non parum obstricti. An secundum puram veritatem id ipsum demonstrabit, an vero id veritate neglecta tentabit? Si secundum veritatem; ergo & libertinus ve-

ritatem supponit: si autem neglecta veritate id asserit, quomodo de falsitate se immunem credit? an non & philosophia libertina videri scientifica appetit? secus quae miserabilis esset stupiditas, si nec se ipsam ut veram agnosceret, neque ab aliis velut scientia aestimari vellet. Absit abominabile hoc dedecus; philosophi hodierni ceu libertini perdocti, se solos sapere, reliquos autem philosophos, & Theologos Christianos insipere gestunt, dum omnem scientiam, ac doctrinam Christianam ceu fabulam contemnunt. Attamen quo fundamento hunc suum insolentem contemptum veluti iustum defendunt? an ipsam veritatem in suarum partium testem adducunt? Sed nullam veritatem esse magis praesumunt, quam sentiunt. Quid ergo ad suum proprium aliorumque incautorum hominum irreparabile damnum faciunt? libros* omni soliditate scientiae destitutos, & horrendis blasphemis repletos in publicum per typos edunt, &

* Quam formidabile damnum perverfi libri suis fautoribus inferant, per Paulum indicat Spiritus sanctus in Epistola ad Timotheum II c. II. *Profana autem, hortatur illum, & vaniloquia devota, multum enim proficiunt ad impietatem, & sermo eorum ut cancer serpit.* Ea autem huius morbi perniciofa vis est, ut proprias carnes misere depascatur, quodque adhuc sanum & integrum est, intollerabili foetore corrumpat. Si ergo, concludit vir quidam eximius, teste Apostolo veritatis doctore in uni verso mundo, perverforum sermo serpit ut cancer, & venenum fatale diffundit; sane eorum sermo in libris scriptus eo magis

inficit, & velut serpens laethale vulnus in silentio infligit, quo animum lectoris intimius penetrando crudelius transfigit & rot, proh dolor, ab hoc, quot Israelitae Moysis tempore ab igitis serpentibus observantur adeo vulnerati, ut, nisi in SERPENTEM AENEUM, qui Christi crucifixi figura est, prout ipse Christus Ioannis cap. III testatur, aspiciant, morte sempiterna ad unum omnes perituri sint. Igitur, si & tu Lector amice, veneno erroris a callido serpente fueris correptus, fac, ut medicamento salutis a Christo omnis veritatis magistro saneris.

quia oretenus disputando cum veritate Christiana ob scientiae fundamentalis defectum congredi nec volunt, nec possunt; per libros pestiferos plures decipiunt, deceptosque ad interitum usque seducunt, & perdunt.

Definitiones & regulae certae, axiomata & adagia omnium scientiarum & artium aeternae Rationis infallibiles enunciationes sunt.

XCI Quæris: quænam sunt huiusmodi veritates seu rationes aeternae, quas imago Dei anima nostra rationalis infallibili enunciatione exprimit? Respondetur: quotquot rationes aeternae sunt, quas prima mentis rationalis operatio percipit, aut percipere potest, tot pariter fieri possunt infallibiles enunciationes per secundam mentis operationem, si definitio, quæ est explicatio rei, non solum per terminum complexum, seu ex duabus

vocibus, aut rationibus compositum, qualis est, *animal rationale*, sed etiam per modum propositionis & iudicii enunciatur; sic enim definitio accipitur pro *enunciatione*, quæ est ratio iudicans unum de alio, & sic definitionem iudicat convenire velut prædicatum definito tamquam subiecto mediante copula est e. g. homo est animal rationale, & sic sumpta definitio est enunciatio. Cum igitur quælibet res & ratio rei suam habeat definitionem, simul & infallibili enunciatione ab anima nostra rationali exprimi potest, præcipue quia ideæ omnium rerum, iuxta S. Augustinum numero XXXIV citatum, rationes aeternae sunt, acque bene enunciationes aeternas, ac subiectum, & prædicatum mediante copula est propositiones constituunt.

XCII En Lector benevole, quot rationes * aeternae, quotque enun-

* Quid multae, & diversae rationes aeternae in Deo sunt, & quomodo has multitudinem, & diversitatem infinitas Deus sine laesione suae simplicitatis cognoscat, exponit S. Thomas I p. IX q. XV a. 1. Quæ quidem, licet multiplicentur secundum respectum ad res, tamen non sunt realiter aliud a Divina essentia, prout eius similitudo participari potest diversimode, & quævis in mente Divina sint plures ideæ & rationes, hoc tamen non est contra simplicitatem Intellectus Divini, quod multa intelligat, sed contra simplicitatem eius esset, si per plures species, & rationes eius intellectus informetur. Unde plures ideæ, & rationes sunt in mente Divina, ut intellectus ab ipso, & sicut quod intelligitur, non autem sicut species, quæ intelligitur, quæ est forma faciens intellectum in actu,

seu actu-intelligentem. Quod hoc modo potest videri. Deus enim essentiam suam perfecte cognoscit; unde cognoscit eam secundum omnem modum, quod cognoscibilis est; potest autem cognosci non solum, secundum quod in se est, sed secundum quod est participabilis secundum aliquem modum similitudinis a creaturis. Unaquæque autem creatura habet propriam speciem, secundum quod aliquo modo participat Divinae essentiae similitudinem. Sic igitur inquantum Deus cognoscit suam essentiam ut sic imitabilem a tali creatura, cognoscit eam ut propriam rationem, & ideam huius creaturae, & similiter de aliis. Et sic patet, quod Deus intelligit plures rationes proprias plurium rerum, quæ sunt plures ideæ, & rationes, illaesa simplicitate Divini intellectus.

Citationes Rationis aeternae infallibiles! tot sunt, quotquot modis, scilicet infinitis, Dei T. O. M. Entitas perfectissima, Veritas maxima, & Bonitas optima, undequaque immensa, intra se est cognoscibilis, & extra se participabilis (*Vide n. LVII.*) Atque has infinitas veritates aeternas dicat eminenter, & demonstrat evidenter Ipsa Divina Ratio Aeterna Deus, Magister internus unicus, appropriate Christus Dominus. Divini istius Magistri docentis modum (*Lege num. LXXV.*) Ex praedictis igitur manifeste tibi constare debet, quatenus omnes *Regulae* certae, & *axiomata* simul & *adagia* indubia omnium scientiarum & artium Rationis aeternae infallibiles enunciationes sunt; nam & istae omnes, & singulae sunt verae, sunt certae, evidentes & innegabiles sunt, atque istud non ideo sunt, quia a scientificis, aut ab artificibus excogitatae, aut factae, aut assumptae sunt; sed ideo sunt acceptatae, ideo in scientiis, & artibus traditae sunt, quia infallibiles, & incommutabiles sunt, talesque ab aeterno semper fuerunt, tantaeque in aeternum permanent, * quia ipsius viventis & verae Aeternitatis, viventis, & aeternae Rationis sunt eloquia, quae ex ore Divino, seu toridem aquae viventis rivuli ex primo fonte, indefinenter profluunt. En, vera *Aqua vitae*! de qua scriptum est Ioan. IV *omnis qui*

biberit ex aqua, quam dabo ei, non sitiet in aeternum, sed aqua quam Ego, Ratio aeterna, dabo ei, fiet in eo fons salientis in vitam aeternam.

Definitio descriptiva rerum multas propositiones, & rationes aeternas pandit.

XCIII Ne vero benevolus Lector aliquam nauseam de nomine definitionis, quam non adeo in *praxi* notam facilemque esse aliunde novimus, admittere debeat, eundem nequaquam ad subtiles terminos logicos alligaturum volumus; sed eidem sincere manifestamus, quatenus aliqua res diversimode facili negotio dehiniri, & explicari valeat. Primo enim, alia est *definitio essentialis*, quae temper sola praedicata essentialia declarat, idque vel *metaphysice* per genus, & differentiam, v. g. *homo est animal rationale*; vel *physice*, per materiam, & formam, v. g. *homo est compositum ex anima rationali, & corpore*: alia definitio est *accidentalis*, seu *descriptiva*: huiusmodi alia est, quae definitum per proprietates explanat, & tunc dicitur *propria*, v. g. *homo est animal risibile*: alia est *minus propria*, quae suum definitum tantum per accidentia explanat, quae alias pluribus sunt communia, at ut simul sumpta uni soli definito conveniunt, v. g. religiosus vultum ferens macerum,

* Sic Logica artificialis est distincta explicatio logicae naturalis, & eadem utriusque sunt regulae, prout docet Philo-

sophus eclecticus R. P. Franciscus Jacquier Institut. Philos. Log. q. I.

capite, & pedibus incedens nudus, simplici habitu vili, vel potius sacco indutus, oblongum gestans capucium est capuccinus.

XCIV Iterum alia definitio est *causalis*, quae fit per causas rem explicando vel intrinsecas, nempe per materiam, & formam, vel extrinsecas per causam efficientem, & finalem, atque per causam formalem extrinsecam, seu idealem. Unde iuxta quadruplex causarum genus, est & quadruplex definitio. Causa *idealis*, quae definitur causa formalis extrinseca,

quam res imitatur, partim ad causam formalem, partim ad efficientem reducitur; hinc quaerenti: Quid est homo? Respondetur, animal rationale, quae est definitio *essentialis*. Qualis est? Animal risibile, definitio *accidentalis*. A quo? A Deo, quae est definitio per causam *efficientem*. Ad cuius imaginem? Ipsiusmet Dei per causam *idealem*. Ex quo? Ex humo, seu materia per causam *materiam*. Propter quid? Ad aeternam beatitudinem, quae est definitio per causam *finalem*. *

* Non importune, quid Angelus sit, per definitionem aut descriptionem tibi perspectum cupis; cum & iste Spiritus ad imaginem Dei sit conditus, etsi ab anima rationali specie distinctus. Iustae petitioni tuae satisfacit, quod Ratio in praesenti exponit. Angelus est substantia intellectualis, semper mobilis, arbitrio libera, incorporea, Deo ministrans, immortalitatem suscipiens secundum gratiam, non secundum naturam. Angelus est substantia, quia in se, & per se subsistit, & non est accidens, quod in alio tanquam subiecto existere exigit, hinc angelica substantia est vera, realis, univoca, per se, finita, completa, accidentibus subsistans, in qua genus desumitur ab essentia secundum id, quod est in ea *potentiale*, & *differentia* a forma secundum id, quod est in ea *attuale*, non enim Angeli sunt actus puri, quantus solus est Deus, sed potentialitate permixti, utpote qui non solum tribus potentis memoria, intellectu, & voluntate constant, sed etiam sicut antea potuerunt esse, ita nunc possunt non esse, aut plus minusve perfectiores esse. Ideo angelus, sicut anima rationalis, est substantia spiritualis composita non ex materia, & forma, quia non est corpus, sed ex actu & potentia, qualis est omnis creatus spiritus. Intellectualis dicitur potius, quam rationalis,

angelus enim id apprehendit intuendo, quod anima capit inquirendo, & confutando, hoc competit naturae minus simplici, illud naturae magis simplici, cuiusmodi respectu animae est angelus. Semper mobilis autem est angelus primo, propter mobilitatem naturae, quia omne creatum vertibile est in nihilum, nisi manu omnipotentis contineatur: secundo, ob mobilitatem Intelligentiae, quoad scita in Verbo, cum Deiformem habeat intellectum, potest tamen in eo quoad cognitionem rerum in propria natura esse vicissitudo intelligentiae. Tertio, mobilis est Angelus in voluntate, quia non simul vult hoc, & illud, sed sicut omne creatum, teste Augustino intelligit unum post aliud, ita & vult unum post aliud: ita potest dici semper mobilis motu dilectionis. Arbitrio libera dicitur non propter deflectionem ad bonum indifferenter & ad malum, sed propter liberam electionem eorum, quae voluerit, unde angelus bonus semper libere eligit bonum, & angelus malus libere, & sine coactione eligit malum. Incorporea substantia dicitur, quia angelus non habet proprietatem corporis, ut corporis, scilicet in loco contineri; cum enim corpus sit in loco *circumscriptive*, ita ut corpus totum in toto spatio existat, non tamen totum in

XCV Colligas ex dictis, quot rationes, & propositiones aeternas pro suo cuiuscunque rei statu eruere possis; non equidem, quod istas facias, aut componas, sed per litteras, aut rerum exteriorem figuram, & formam admonitus, non iam solo externo, & interno sensu v. g. oculo, & imaginatione, quae nonnisi corporalia, sensuaria, & carnalia capiunt, sed intellectu quoque seu ratione circa obiectum tuo conspectui aut cogitatu praesentatum, primo, simpliciter eiusdem rationem per definitio-

nem sive essentialem, sive accidentalem, aut causalem participare, secundo, sic perceptum obiectum secundum rationem aeternam infallibiliter iudicare incipias, ac quid & quantum in se, in sua ratione, & veritate sit, indubitanter enuncies, & demum tertio, ad argumentationem, & illationem ex iisdem cognitis rationibus aeternis descendas. Quod si huic saluti monito obtemperanter acquieveris, incredibilem rerum notitiam, scientiamque profundam, quantam desideras, levitatem temporis tui laboris impendio

qualibet parte, sed ut singulis partibus loci corresponsdeant singulae partes corporis; Angelus autem tantum *definitive* est in loco, ita ut totus existat actu in toto spatio, & totus in qualibet illius spatii parte. *Deo ministrans*, ministerium hic ponitur pro quocunque obsequio, & secundum hunc modum tam assistentes, quam ministrantes, imo etiam Daemones ministrant. *Immortalitatem insuscipiens secundum gratiam*, non secundum naturam, ideo additur, quia Angelus ex natura sua est ex nihilo, & solus Deus *ex sua natura est Immortalis* immortalitate perfecta, quae includit omnimodam Immutabilitatem; nam immutabilitas, & immortalitas convertuntur, & secundum Augustinum omnis mutatio est, quaedam mors. Per hoc autem non negatur, quod Angelus, & anima rationalis secundum naturam suam sit incorruptibilis, in quantum ex natura sua non constat ex contrariis. Porro quatuor Angelum inter & animam notantur differentiae. Prima & principalis est, quia anima, etiam actu separata, est unibilis corpori non autem Angelus: Secunda, quia anima est rationalis, Angelus intellectualis: Tertia,

quia Angelus non habet passibilitatem nisi respectu superiorum, anima vero respectu inferiorum, dum immutatur a sensibilibus: quarta differentia est, quia anima vertibilis est a bono in malum, & a malo in bonum, Angelus vero manet in eo, ad quod se convertit, sive bonum sit illud, sive malum. Accedit quod Angelus sit persona, anima vero separata a corpore non gaudet hoc nomine; *persona enim est naturae rationalis individua substantia*, intellige, *completa*, non *incompleta*: hinc anima rationalis, quia ceu pars ordinatur ad compositionem totius hominis, a corpore separata ceu substantia incompleta consideratur. Omnes Angeli in eo, quod sint immortales, invisibiles, simplices, discreti personis, incommutabiles, incommunicabiles alteri naturae, similes sunt; in donis vero gratiae & naturae dissimiles existunt. Ceterum sicut Angelus nonnisi *metaphorice* & per suam operationem est in loco; ita & non aliter, quam suam virtutem diversis corporibus applicando, & operationem ab uno loco in alium transferendo localiter movetur. . . . An non prope ad vivum hic delineatum cernis Angelum? . . .

feliciter comparabis. Eximiae istius veritatis ipsa experientia testis esto irrefragabilis. *

In omni verbo non littera, quae occidit, sed Ratio aeterna, quae per litteras significatur, & spiritus vivificans est, a Lectore sedulo inspicatur.

XCVI Attentius observasse vel maxime iuvat Apostolicum illud oraculum ubique vulgatum: *Littera occidit, spiritus autem vivificat.* Littera si videatur tantum, quantum est in proprio suo esse, non est aliud, nisi calamo signata, aut recta, aut inflexa lineola: sic litterae huius nominis, *mundus*, vix aliud, quam nigrae notae sunt. Qui linguam latinam ignorat, quid per istas litteras, *mundus*, cognoscit? Nigram esse scripturam conspicit, & praeter unum hoc nihil aliud intelligit, quia foris per suos oculos solummodo scriptas litteras aspicit, inde qui nec litteras latinas legere nescit, non plus, quam canis,

qui & ipse nigras lineolas videt, colligit. En, quomodo litterae istae occidunt, dum nescienti nullam de suo significato notitiam tribuunt. Iam vero hunc litterarum inexpertem instrue, & in hoc instanti quatenus haec nigrae notae sint litterae latinae huius nominis *mundus*, atque certa signa, quibus totus terrarum globus simul, & ipsum stellatum Caeli firmamentum lectori significetur, eundem paucis edoce: & subito hominis istius illiterati ignorantia per notitiam hanc ceu per spiritum vivificabitur. Ne igitur litterae occidant, seu lectorem ignarum relinquant, illum non nudam litterarum externam formam, sed *rationem* litterarum per intellectum observare oportet; est autem *ratio cuiuslibet vocis*, quae ex litteris constat, *quod ex libera hominum institutione praeter se aliquid aliud potentiae cognoscitivae repraesentat*, sic vox *mundus* repraesentat caelum, & terram.

* *Questo è un male (scrive Ganganelli ad Episcopum Cerati) che abbraccia quasi tutte le Comunità. Gli studi non si fanno altro che per via d'estratti, e taluno, per aver una semplice tintura di scienze, si erede d'essere un gran dottore. Io per me non so dove andrà a finire una tal cosa; ma temo che insensibilmente non s'abbia a ricadere nell'ignoranza del decimo secolo. Le scienze son appunto come la Luna, la quale dopo essersi fatta vedere tutta intera, passa a farne veder la metà, e poi va a finir con nascondersi.*

Numerus illorum, qui hodierno seculo per viam compendii in orbe litterario incedunt, propemodum est infinitus, & id

ipsum, quod possident modicum, plus per memoriam, quam per rationem sciunt. Solis tantum luce Luna resplendet, quae non solum luminis incrementa, & decrementa patitur, dum nunc in plena, tunc in semiplena, aut modica luce conspicitur; sed etiam omnem solis lucem per eclipsim, aut terrae interpositionem amittit. Homo a Sole Intelligentiae irradiatur ut Luna; exinde plus minusve doctos a doctioribus, & hos ab illis discernere, ac quanto Spiritu veritatis Scientiae in variabili mundo a Ganganelli plene illuminato assimilatae sint, pro suo merito maxime laudare noveris.

XCVII Inde colliges, quod in qualibet voce duo sint discernenda, *littera seu vox significativa, & ipsa res per litteram significata*. Ratio rei per litteram aut per vocem significatae *spiritus est, qui vivificat*, utpote quia illa est *Ratio aeterna*, de qua supra num. XXXIV praeclaram expositionem facit D. Augustinus. Quamobrem, ut anima nostra rationabiliter operari possit, eandem *Rationes* illarum rerum, quae per occurrentem litteram, aut vocem significantur, sedulo inquirere, inquisitionisque attente percipere, perceptasque rectae diiudicare oportet. Exemplum huius adnotationis relege supra num. XLII & seq. Cum autem huiusmodi *Rationes* rerum tum actu existentium, tum possibilium sint infinitae, quantae tua anima, & tua ratio capacitatis sit, inde deducere poteris, dummodo ad hoc praecipue attendas, ut cuiuslibet rei, quam vel sensu externo, aut interno percipis, *definitionem*, aut securam eiusdem *descriptionem*, *explicationem*, aut *expositionem* obtineas, & te a sensitivo appetitu, qui alias *sensualitas* dicitur, retineri intra *sensibilem statum* non permittas; si enim *sensuali perceptioni* rerum acquiesceres, hominem animale, qui, quid spiritus sit, non caperet, te ipsum demonstrares. Procul a te absit, Philosopho libertine, ut tu infelicis Nabuchodonosoris Regis in stupidum bovem tragicam metamorphosin tum praesenti, tum futuro seculo ad tuam irreparabilem ignominiam male cautus praeludas!

Obiectivae Rationis aeternae, quae nos illuminat, descriptio magnifica.

XLVIII **R**atio obiectiva, quae sua irradiatione animam nostram rationalem, ceu suam vivam imaginem constituit, ut ex praecedentibus manifeste patet, merito sequenti modo describitur: *Ratio obiectiva est aeternum, & incommutabile quid, definitivum, ac aeternaliter determinativum omnis quaestionis de vero, aut falso, de iusto, aut iniusto, de possibili, aut impossibili: existens incommutabilis lex essendi, lux intelligendi, regula volendi, quod solum dat menti creatae ratiocinari, ac intellectualiter vivere. Atque hoc ipso, quia aliquid aeternum, & incommutabile est, debet esse aliquid divinum, id est realiter ipse Deus, & appropriate ipsum Verbum*; iuxta dicta num. XVII. Nec exinde sequitur, etsi optatissima sequela foret, quod mens nostra semper bene, & nunquam male operaretur; aut si male operatur, quod Deus induceret ad malum; nam licet in omni operatione mentis, quae ex aliqua ratione procedit, & sola rationalis est, vitamque rationalem sola constituit, Deum ipsum esse obiectivam operandi rationem scimus; non tamen ideo Deus est ratio ad peccatum: procul sit a capitibus nostris isthaec impiissimi Calvinii blasphemia!

XCIX Etsi enim irradiatio obiectivae rationis, ceu solaris lucis per medias circumquaque evibretur tenebras; hoc non obstante vel ideo nos peccare contingit, quia contra Dei aeternam legem, praefatam di-

gnissimam entis aeterni rationem inconvenienti subiecto applicamus, e. g. dum per superbiam Dei celsitudinem, per ambitionem divinum honorem, per blanditias lascivas blandissimam Dei charitatem, per iram, & vindictam Dei iustitiam imitatur, peccamus, cum contra dictamen rationis, quod a D. Basilio * *naturale Iudicatorium*, a S. Iustino ** *rationis Iudicium*, a D. Damasceno *** *Lex intellectualis nostri* vocatur, perverse agimus, e. g. contra hoc dictamen: *aeternum est praeponendum temporali, malitiose momentaneam voluptatem aeternae gloriae praeponimus*, quin tamen per hoc dictamen rationis aeternae, sive Deum legem mentis nostrae perpetuo dictantem alicuius noxae reum faciamus. *Tanta est vis summi boni*, subscribit D. Seraphicus Bonaventura, **** *ut nihil nisi per illius desiderium a creatura possit amari, quae tunc fallitur, & errat, cum effigiem, & simulacrum (creaturam) pro veritate acceptat*. Adeo misere semetipsum decipit, quisquis graviter delinquit.

Facillima praxis, qua non tantum omnis Philosophus materialista, & libertinus, sed etiam omnis homo rationalis sensibile, & materiale ab intellectuali, & spiritali discernat.

C Ut autem fructuosa utilitas, quam Lectori benevolo numero XXVIII praediximus, ubi fufius de notitia sensitivae cognitionis in ordine ad intel-

lectionem locuti sumus, eidem ad manum, & ad usum quotidianum offeratur; qua arte *sensibile, & materiale ab intelligibili, & spiritali discernat*, brevi aliqua praxi perstringimus. *Non sunt entium genera, quae caelum, & terram, & omnia, quae in eis sunt, certo constituunt, corpus & spiritus, seu ens materiale, & ens spirituale. Nolite fieri sicut equus, & mulus, quibus non est intellectus*. Hortatur propheta, & Rex David, ***** id est, nolite solis sensibus duci, cum ratione sitis praediti: equus, & mulus sensibus ducitur: & quem ducem agnoscit, aut sequitur Materialista, aut libertinus Philosophus? Repeto: quem ducem sequitur? Aut sensum, aut spiritum? Si sensum: factus est sicut equus, & mulus; & cur hoc? Quia nec huic, nec equo, aut mulo est intellectus. Si autem sequitur spiritum: quis ille spiritus? An sibi ipsi contradictorius ad spiritum confugiet, qui nullum spiritum, sed solum corpus dari per suam corpoream sectam, utpote quae omni spiritu verae vitae, & veritatis caret, professus est? Amice Philosopho, qui te ipsum sine spiritu fingis potius, quam sentis, an sine intellectu es, vel non es sine intellectu? Si sine intellectu es: ergo ex tua confessione es Philosophus sicut equus, & mulus. Si autem non es sine intellectu; edicito: quid est intellectus tuus, quo ab equo, & a mulo differs? An intellectus hic tuus est sensus tuus, est visus tuus, vel auditus,

* D. Basil. Comment. in Proverb. initio.

** S. Iustinus Serm. de S. Marco.

*** S. Damasc. Lib. II de fide c. XII.

**** S. Bonav. in itiner. mentis in Deum c. III.

***** Psal. XXXI v. IX.

vel odoratus tuus, vel gustus, vel tactus tuus? Si hoc? ergo adhucdum & equus es, & mulus es, quia & hos ipsos sensus habet equus, & mulus: praeterea nihil! Ideo & de te, tuisque prophetavit Rex David psal. XIII *Homo cum in honore esset, non intellexit, comparatus est iumentis insipientibus, & similis factus est illis.* Promeritae laudis de te multum satis? .. Sed ad ipsam, quam nobis praefens titulus proponit, facillimam praxim.

CI Qua tu igitur arte *sensibile*, & *materiale ab intelligibili*, & *spirituali* discernas? Ne in ista discretione decipiamur, necessaria nobis est infallibilis regula, & quaenam ista? Haec non est alia, nisi illa ipsissima, quam duo eximii Sanctae Ecclesiae Doctores S. Augustinus & S. Thomas Aquinas hic num. XXXIV, XXXV, & LVIII nobis suggerunt, videlicet quod omnia, & singula propriis suis *Rationibus aeternis*, quae in mente Dei existunt, *conformia* sint facta, quae rationes plerumque definitione exprimuntur. Unde si rem quampiam corpoream conspicis, aut quamdam spiritualem perpendis, sine mora in rationem rei illius inquire interrogando: quae rei huius, quam video, quam audio, quam gusto, & quam sentio, est ratio? quae eius definitio, aut descriptio essentialis, quae accidentalis, aut quae causalis? de quibus mentio fit numero XCIII, XCIV. Dein, si definitionem aut descriptionem rei, quam videris, aut pominis, quod legeris, sive audieris, perscrutatus fueris, huius ipsius definitionis

terminos singulos ad rationem, & suam definitionem aut descriptionem essentialem, accidentalem, aut causalem revoca, & quod meis verbis credere vix posses, propria, & quasi instantanea experientia ipse comprobabis, quanta lux sane stupenda, rerumque admiranda notitia, ac intima perspicacia intra te sponte sua oriatur. E. g. vides Petrum? inquire: quid est Petrus? est animal rationale. Quære ulterius: quid est animal rationale? Cur homo est, rationalis? Quid est ratio? Una haec inquisitio te in notitiam rationis, quam tibi hoc totum opus perhibet, veluti apprehensa manu perducet. Idem observa de pluribus, immo de omnibus, & certo tibi feliciter eveniet, quod paullo ante praedictum est, videbis, quam genuine scripserit Doctor veritatis: *Animalis*, idest materialis, *homo non percipit ea, quae sunt Spiritus Dei: stultitia enim est illi, & non potest intelligere, quia spiritualiter examinatur; spiritualis autem iudicat omnia.* Tu homo non animalis, sed *spiritualis* esto, & quae spiritus Dei sunt, vivaciter percipito, nec non omnia veraciter iudicato, ut vivas semper, & ubique, tam in adversis, quam in prosperis vere Beatus. Ut autem Beatitudo ista rationalis, quam simplex Rationis aeternae perceptio, & contemplatio solide inchoat, non solum infallibili iudicio, quod vera sit Beatitudo, secundum praedicta videatur firmata, sed etiam immutabili illationis certitudine stabilita sit, hoc opus, hic labor esto ipsa Thematis, in quam assumptum dividitur,

PARS TERTIA

IMAGO DEI

IMMORTALIS

ANIMA RATIONALIS

EXPRIMIT RATIONEM AETERNAM

IMMUTABILI ILLATIONE

Neceſſitas illationis provenit ab exemplaritate in Arte aeterna.

Cum veritates & res invicem connexae ſint, una veritate & re data, ſequitur & alia: dato, quod ſol luceat, ſequitur dies: & conſeſſo, quod ſol Intelligētiaē ortus ſit nobis, quantus in anima noſtra dies mirificae illumi-

nationis aderit? Propterea ratio illa, in qua una veritas inferitur ex alia, *illatio ſive argumentatio* dicitur, idemque eſt, quod *ratio cinatio*, * nempe diſcurſus unius ex alio. Definitor illatio *ratio*, in qua unum ex alio inferitur;

* *Anima rationalis ſecundum D. Bernardum de vita ſolit. qui ſupra num. XI citatur, eſt ſubſtantia incorporea, Rationis capax, vivificando corpori accommodata, quae ubi perfectae rationis incipit eſſe non tantum capax, ſed etiam particeps, continuo addit a ſe nomen generis foeminini, & ex anima efficitur animus particeps rationis regendo corpori accommodatus, vel ſeipſum habens ſpiritus. Quamdiu enim anima eſt,*

cito in id quod carnale eſt effoeminatur; Animus vero vel ſpiritus nonniſi, quod virile eſt & ſpirituale, meditatur, & in eodem loco S. Doctōr ait: Ratio vero ſic definitur a definiētibz, vel deſcribitur a deſcribētibz: aſpectus animi eſt, quo per ſe ipſum, non per corpus, verum intuetur, aut ipſa veri contemplatio, aut ipſum verum, quod contemplatur, aut vita rationalis, vel rationale obſequium, in quo conformatur veritati

sive adhuc clarius: est *ratio explicans illationem unius ex alio*. Attendamus quid ad rem nostram dicat Doctor Seraphicus Divus Bonaventura, cuius eloquia ceu superna oracula hic in prima, & secunda parte venerabundi suspeximus. *Operatio autem virtutis intellectivae*, inquit, * *est in perceptione intellectus terminorum, propositionum, & illationum*. De terminorum, & propositionum perceptione in prima, & secunda praesentis thematis Parte pro brevitate plura contulimus: restat igitur, ut & de tertia *perceptione illationum* mentionem opportunam faciamus.

CIII Intellectum autem *illationis*, pergit S. Doctor, *tunc veraciter percipit noster intellectus, quando videt, quod conclusio necessario sequitur ex praemissis*, quod non solum videt in terminis necessariis, verum etiam in *contingentibus*: ut si homo currit, homo movetur. Hanc autem necessariam habitudinem percipit non solum in rebus entibus, verum etiam in non entibus; sicut enim in homine existente sequitur, si homo currit, homo movetur, sic etiam non existente. Huiusmodi igitur *illationis* necessitas non venit ab existentia rei in materia, quia non

est necessaria, sed solum contingens, nec ab existentia rei in anima, quia tunc esset fictio si non esset in re. *Venit igitur ab exemplaritate in Arte aeterna, secundum quam res habent aptitudinem, & habitudinem ad invicem, ad illius aeternae Artis repraesentationem*. Omnis igitur, ut dicit Augustinus, ** vera ratiocinantis lumen accenditur ab illa Veritate, & ad ipsam nititur pervenire. Ex quo manifeste apparet, quod *coniunctus sit intellectus noster ipsi aeternae Veritati*, dum nisi per illam docentem nihil verum potest certitudinaliter capere. *Videre igitur per te potes Veritatem, quae te docet*, si te concupiscentiae, & phantasmata non impendant, & se tamquam nubes inter te & Veritatis radium non interponant. Seraphice, & perdocti infert S. Bonaventura D. vere Seraphicus.

Veritas connexionum, seu connexio illationum non ab hominibus inventa, sed in rerum Ratione aeterna divinitus est instituta.

CIV Cum autem tota *illationis* fabrica in *connexione* duorum extremorum cum medio termino, si affirmativus, aut in *distinctione*, si negativus

contemplatae. *Ratiocinatio* vero est rationis inquisitio, hoc est aspectus eius motio per ea, quae aspicienda sunt. *Ratiocinatio* querit, *Ratio* invenit. Aspectus hic in aliquam rem coniectus, dum eam videt, *scientia* est, dum non videt, *ignorantia* est hominis. Haec ergo *Ratio* est, & instrumentum, per

quod operatur, & opus, quod operatur. Ita Bernardus.

* S. Bonav. *Itinerarii mentis in Deum cap. III.*

** S. August. lib. de vera Relig. Vide infra n. CXL ubi propria S. Doctoris adducuntur verba lectu, & scitu dignissima.

lit, consistat, secundum quod duobus principiis metaphysicis tanquam fundamentis solidissimis insistere dicuntur, nimirum, *quaecumque adaequate, virtualiter, & secundum eandem partem sunt eadem uni tertio, sunt eadem etiam inter se*: & *quaecumque realiter adaequatae & non tantum virtualiter, aut secundum diversum partem distinguuntur in uno tertio, distinguuntur etiam inter se*. Unde quis huius connexionis auctor, & factor sit, sedulo est perpendendum; solus enim, qui extrema cum medio connectit, ipsius illationis factor, & auctor existit. Sed ne veris falsa annectam, praecedentem sequor Augustinum, qui lib. II de Doctrina Christiana c. XXXI de Dialectica docet: disputationis disciplina ad omnia genera quaestionum, quae in litteris sacris sunt, penetranda, & dissolvenda, plurimum valet: tantum ibi cavenda est libido rixandi, & puerilis quaedam ostentatio adversarium decipiendi. . . Dein infra pergit S. Doctor: sunt etiam verae connexiones rationationis falsas habentes sententias, quae consequuntur errorem illius adversarii, quocum agitur, quae tamen ab hoc inferuntur a bono, & docto homine, ut in iis erubescens ille, cuius errorem consequuntur, eundem relinquere errorem; quia si in eodem manere voluerit, necesse est, ut etiam illa, quae damnat, tenere cogatur. Non enim vera inferebat Apostolus, cum diceret I ad Cor. XV v. XVI. *Neque Christus resurrexit, & illa alia: Inanis est praedicatio nostra, inanis est, & fides nostra*, (posito si non

detur resurrectio mortuorum) quae omnino sunt falsa, quia & Christus resurrexit, & non erat inanis praedicatio &c. Sed & ista falsa verissime connectebantur illi sententiae, quae dicebatur, non esse resurrectionem mortuorum. Istitis autem falsis repudiatis, quoniam vera erant, si mortui non resurgunt, consequens erit resurrectio mortuorum.

CV Cum ergo sint verae connexiones non solum verarum, sed etiam falsarum sententiarum, facile est veritatem connexionum etiam in scholis illis discere, quae praeter Ecclesiam sunt. Sententiarum autem veritas in sanctis Libris Ecclesiasticis investiganda est. *Ipsa tamen veritas connexionum non instituta, sed animadversa est ab hominibus & notata, ut eam possint vel discere, vel docere. Nam est in rerum ratione perpetua, & divinitus instituta*. Sicut enim, qui narrat ordinem temporum, non eum ipse componit, & locorum situs aut naturas animalium, vel stirpium, vel lapidum qui ostendit, non res ostendit ab hominibus institutas: & ille, qui demonstrant sidera, eorumque motus, non a se, vel ab homine rem aliquam institutam demonstrat: Sic etiam qui dicit, cum falsum est, quod consequitur, necesse est, ut falsum sit, quod praecedit, verissime dicit, neque ipse facit, ut ita sit, sed tantum ita esse demonstrat: ex hac regula illud est, quod de Apostolo Paulo commemoravimus. Hucusque S. Augustinus loco cit.

Ipsè Deus est Auctor, & Factor sicut connexionum, ita & illationum.

CVI Quapropter aliud est nosse regulas connexionum, aliud sententiarum veritatem. Quidam sic se iactant, cum veritatem connexionum didicerint, quasi sententiarum quoque veritatem perspectam haberent. Ex quibus iam sic arguendum. Veritas connexionum non instituta, sed animadversa est ab hominibus & notata, atque in rerum ratione perpetua, & divinitus instituta; atqui veritas connexionum est connexio, & constitutio illationum: ergo connexio, & constitutio illationum non instituta, sed animadversa est ab hominibus & notata, atque in rerum ratione perpetua, & divinitus instituta. *Ratio autem perpetua non potest esse alia, nisi ratio obiectiva*: ergo Ratio obiectiva, idest, ipse Deus est auctor, & factor sicut connexionum, ita & illationum. Argumentum est in legitima forma.

CVII Confirmatur. Ideo enim duo extrema, maius, & minus connectuntur cum medio, *quia sunt*, & non, *quia dicuntur* esse identificata, aut distincta, seu unum & idem cum tertio sive medio, aut non idem & unum; atqui omnes res aut sunt inter se identificatae, aut distinctae, quia ex essentia sua incommutabili, & aeterna sunt constitutae secundum ordinationem ac rationem divinam, non vero quia sunt a nobis connexae: ergo connexio rerum, consequenter & illationum non est ab hominibus instituta, sed in ratione obiectiva

& perpetua solum a nostro intellectu visa, notata, & animadversa. Quod amplius roboratur ex eo, quia non possumus rem quamcumque vere apprehendere, aut definire, nec iudicare, nisi illuminati, instructi, edocti, & informati ab obiectiva Ratione, ergo neque possumus rem ex re sine obiectiva Ratione infallibiliter inferre; eoquod non minus illatio, & conclusio, quam enunciatio, scientifica, ut talis sit, debet inniti *causae ac rationi, quae aliter se habere non potest*; sed quod aliter se habere non potest, est infallibile, immutabile, & aeternum: ergo ratio illationis eadem prorsus est, quae est definitionis, ac propositionis, nimirum *aeterna Ratio obiectiva*, cuius magnificam descriptionem lege supra n. LXVIII

Sola Ratio aeterna, sive ipse Deus appropriate Christus causat in nobis scientiam.

CVIII Ut autem causam & rationem certam, & infallibilem, quae ad omnem scientiam, & illationem demonstrativam requiritur, penitus inspiciamus, praepremis ex communi philosophiae doctrina, cui nec unus sanae mentis contradicit, nosse iuvat, *scientiam*, cuius actus etiam *illatio* est, dupliciter considerari. Primo, *communiter* seu universaliter, quatenus iuxta philosophum I post. c. II scire nihil aliud est, quam *rem cognoscere per causam, propter quam res est*, ita ut non possit aliter se habere, & sic iuxta eundem II post. c. II scire potest ali-

quis etiam secundum definitionem, non habens demonstrationem, idque inferius his paucis confirmat dicens: *definitionem namque habens sine demonstratione sciet*. Secundo, strictius magisque proprie loquendo, scire est *demonstrative* demonstrationem habere, juxta Aristotelem ibidem, ad quod non qualitercunque certa, & evidens obiecti cognitio sufficit, sed talis requiritur, vi cuius sciens *sciat se scire*, ita ut sui sciti *infallibilem* rationem reddere valeat. Iam sic:

CIX *Scientia * est cognitio certa, & evidens rei per causam, & rationem infallibilem, & ratio, ac causa certa, & infallibilis causat scientiam, quae est cognitio certa, & evidens rei per causam certam, & rationem infallibilem: sed*

sola aeterna ratio, sive ipse Deus, appropriate Christus, causat scientiam, quae est cognitio certa & evidens rerum per causam certam, & rationem infallibilem. Infallibile enim est, quod nec fallere, nec falli potest; sed causa certa, & ratio *causans* scientiam est infallibilis, & solus Deus est infallibilis, qui nec fallere, nec falli potest: ergo solus Deus est causa, & ratio infallibilis, quae causat cognitionem certam, & evidentem rerum, sive scientiam. Nec obstat, quod prima principia dicantur infallibilia, & per se nota; non enim talia sunt, inquantum sunt aliquid creatum, sed quatenus divino rationis obiectivae radio, sive ipsa infallibilitate sunt respersa: vide n. LIV, LV, & LVI tua rele-

* Ut de moderna Philosophia experimentalis, quantum per suas experientias, quae sicut admirabiles, ita prope innumerae sunt, promoverit scientias, certam notitiam habeas, paucis rem totam accipe. Ex quo litteratorum respublica, refert iam tertio citatus Montier in sua ecclesia, sese in libertatem asseruit, excusso auctoritatis iugo, cogitandi, sentiendi, sensusque nostri loquendi liberam facultatem adepti sunt, quid scientiis, & artibus accesserit, quantum hae fuerint promotae, quanam utilia inventa, quae soluta problemata, ii tantum non vident, qui sunt in rebus litterariis peregrini. Ita ille. Verum quid emolumenti scientiis accesserit, quantumve fuerint per modernam philosophiam experimentalem promotae, profecto nullus eorum, qui in rebus litterariis optime versati sunt, ceu id ipsum, quod in ea vehementius desideratur, non videt. Ex pluribus huiusmodi audiatur Primariarum per Europam Academicarum Socius, Philosophiae modernae patronus, in

Lyceo Romano, & in Collegio urbano de propaganda fide Professor P. Franciscus Jaquier ex Minimorum Familia, hic Instit. Philosoph. tom. IV lect. II part. I cap. II ita disserit: *Non sine maxima recentiorum iniuria negari potest, in effectuum observatione, & cognitione longe feliciorum, & locupletiorum esse hodiernam Physicam, quamvis post longam seculorum seriem circa effectuum causas nihil fere plus scire datum sit, nec fortasse dabitur unquam, donec rerum effectuumque omnium causam Deum ter O. M. aeternum intueamur*. Ita eximius. Qui autem effectum sensu agnoscit, & huius causam nescit, edicito, quantum hic in scientia proficit? nonne scientia est cognitio rei per causam? Quique rationem sui sciti reddere nequit, quantum huiusmodi ratiocinari poterit? Igitur, ut plurimum in scientiis proficias, solidam rationis notitiam ut acquiras, tuique sciti certam causam per immutabilem rationem reddas, omnino necessum est.

ctione hæud indigna. Ut vero infallibilis istius documenti, quod ingentis ponderis esse facile perspicis, infallibilem pariter confirmationem, si a te requiratur, superaddere noscas, mentis tuæ aspectum, qui tua est Ratio, supra in prima & in secunda huius libri Parte tradita fundamenta breviter reflecte, & quanta infallibilitate Imago Dei Immortalis, anima tua rationalis hanc ipsam Scientiæ æternam Rationem: omnis Scientia, proprie dicta, est cognitio certa, & evidens rei per causam certam, & Rationem infallibilem, I. SIMPLICI PERCEPTIONE, & II INFALLIBILI ENUNCIATIONE exprimat, solerter perpende. Et primo veluti intuitu, quanta invincibilium argumentorum copia, seu terribilis castrorum acies ordinata, tibi in tuum adiutorium succurrat, laetus totus, & admirabundus conspicias.

Magisterium internum, quod Christo appropriatur, pluribus argumentis firmatur.*

CX Regia sua auctoritate, & Divina revelatione *Magisterii* huius interni Thronum stabilivit Psalmista, & Rex David, * dum redarguit impios dicentes: *Non videbit Dominus, nec intelliget Deus Iacob*, dicendo: *Intelligite insipientes in populo, & stulti aliquando sapite*: (simili titulo indicat Spiritus sanctus quales, & quanti sint

omnes, qui Deum negant). *Qui plan-
tauit autem, non audiet? aut qui finxit
oculum, non considerat? Qui corripit
gentes, non arguet: qui docet hominem
scientiam? ... Beatus homo, quem tu
erudieris Domine, & de lege tua docue-
ris eum.* Huic Prophetæ, & Regi
consentit Ioannes Apostolus, & Evan-
gelista: ** *Vita erat lux hominum, quæ
illuminat omnem hominem venientem
in hunc mundum*: de quo hucusque
dicta sunt copiosa. Duobus hisce tes-
tibus accedat & tertius omni excep-
tione maior, qui unde quaque infal-
libilis est, & divinus. Quis autem diffi-
dat Regio, Apostolico, & Divino tes-
timonio? Taceamus? Ipsa Veritas lo-
quitur, *** & quidem ad turbas, & ad
discipulos suos dicens: *Vos autem no-
lite vocari Rabbi, unus est enim magi-
ster vester, omnes autem vos fratres
estis: nec vocemini magistri, quia ma-
gister vester unus est Christus.* Quid
clarius?

CXI Verum ut ex omni parte ge-
nuinum inspicimus divini istius tes-
timonii sensum, audiamus universa-
liter receptam expositionem: ****
Nolite delectari, vult Veritas dicere,
huiusmodi titulis, ut Pharisei, qui
ambitiose sic appellari cupiebant: *unus
est enim magister vester*, qui docet
omnes scientiam, & novit omnia: vos
autem omnes fratres estis, & discipuli
sub uno patre & magistro. Itaque non
vetat vocari patres, & magistros; nam
& Paulus hos dignitatis titulos sibi

* Psalm. XCIX v. VII

** Ioan. I

*** Matth. XXIII v. VIII

**** 10. Bapt. Du Hamel, in h. l.

sumit, & se magistrum gentium appellat; nec damnat titulos eruditionis, qui usurpantur in academiis, sed comparate ad Deum loquitur: omnes enim sunt unus magistri, qui veritatem intus docet, discipuli; uti Augustinus libro de Magistro fufe profequitur: cum alii foris tantum admo-
neant intus is docet, qui solus cathedram habet in caelo. Ita dictus Interpres suo nomine, & singulari laude apud omnes celebris.

CXII Ex quibus facile colligitur, atque concluditur, nullum hominem esse scientiae magistrum internum, qui nos intus doceat sive sensibilia, sive intelligibilia, sed unumquemque nostrum doceri a *Patre luminum* mediante lumine rationis: & hinc magistri exteri, professores, lectores interiorius non docent, sed suis signis, seu

verbis, sive vocalibus, sive scriptis nos admovent; ut animum convertamus in eum, qui immediate nos docet, magistrum nostrum Christum. * Verba enim seposita significatione sunt sensibilia quaedam, nihil praeterea: si quidem sint scripta, sunt lineae ductae in tabella seu charta, sic visibiles, ut reliqua sensibilia colorata sunt visibilia: si autem sint vocalia, ea sunt sonus seu voces perinde audibiles, ac reliquus sonus. Eiusmodi vero exteriora sensibilibus signa, se ipsa ingerunt, exhibent, ac loquuntur videnti, audienti, imaginanti: & eatenus sensibilibus se ipsa docent, prout se docet, & manifestat quodcumque aliud sensibile. Is vero, qui characteres formavit, vel elicit vocem, non ideo docuit, quia vocem edidit, aut characteres formavit. Interim illae

* Non fictum, sed factum est, quod in Chronicis Seraphici ordinis III part. lib. II cap. II legitur. Adibat quondam Divus Thomas Aquinas angelicus Doctor Doctorem Seraphicum D. Bonaventuram ornatissimam huius igniti Seraphim Bibliothecam ac libros, ex quibus Divinos Seraphicae Sapientiae suae sensus hauriret, inspecturus Angelus: amicissimae petitioni obtemperat Bonaventura, & ordinarios quosdam codices aperit: Non non, reponit Thomas, non hos, ut mihi exhibeas, volo, sed alios & illos, ex quibus sublimem tuam suxisti scientiam. Bonaventura sodali adeo charo charismata sua oculare non volens, indice devotum Iesu Christi crucifixi imaginem fuscitanti demonstrat dicens: *Hic est, amice dilectissime, liber meus praecipuus: haec bibliotheca mea ornatissima: quidquid scribo, quidquid alii praelego, ex uno hoc libro affluenter colligo: ficias, & certo credas,*

citra omnem comparisonem plus scientiae verae luminis ad pedes huius crucifixi me reperire, quam per ullam corporalem librorum lectionem, aut per quodcumque exterius studium. Ita narratur loco citato. ~~Et~~ quis de seraphica hac doctrina dubitet? cum ipse Doctor gentium, & veritatis gloriando I ad Corinthios II scribat: *Non iudicavi me scire aliquid inter vos, nisi Iesum Christum, & hunc Crucifixum, in quo sunt omnes thesauri sapientiae, & scientiae absconditi.* Ad Coloss. II. Ex vulneribus igitur Dei Crucifixi universae veritatis unici magistri interni, veluti ex tot fontibus *Salvatoris*, non vero ex haereticorum, aut eorum, qui inter inanes, vanosque proficisci sunt, Philosophorum commentis sapientiam veram, solidamque scientiam ab unoquoque hauriendam esse, non minus suaviter quam sapienter docet, & infert ipsa Ratio aeterna ... Sapienti pauca!

voces, ac characteres, dum sese infnuant oculis, & auribus, subeuntque sensorium intimum, secum vehunt significationem, quae est evocatio sensibilis repositi in sensorio, quod sensibile eatenus accitum, momento prodit in conspectum imaginantis, & hoc sensibile obiectum est verus magister, qui docet, seu qui efficit eam notiūam sensibilem, quae desideratur: ad cognitionem sensitivam (num. XXVI); efficit autem illam non scribendo, aut vocaliter loquendo, sed *repraesentando id, cuius est similitudo, animae cogniturae ipsum sensibile*. Verba igitur, inquit S. Augustinus in libro de Magistro c. X *quibus ut plurimum tribuam, admonent tantum, ut quaeramus res, non exhibent, ut noverimus: is me autem aliquid docet, qui vel oculis, vel ulli corporis sensui, vel ipsi etiam menti praebet ea, quae cognoscere volo*. Verbis igitur nisi verba non discimus, imo sonitum strepitumque verborum. Haec S. Doctor & iure & merito a cunctis audiendus.

CXIII Cum autem aliud sit sensibilia imaginari per phantasiam, & aliud res intelligibiles intelligere per intellectum, S. Augustinus citato libro de Magistro c. XII sic ait: quod si & de coloribus lucem, quae illos colores manifestat, & de ceteris, quae per corpus sentimus, elementa huius mundi, eademque corpora, quae sentimus, sensusque, quibus tamquam interpretibus ad talia noscenda mens utitur, de his autem, quae intelliguntur, interiorē veritatē ratione consulimus: quid dici potest, unde clareat, verbis

nos aliud discere praeter ipsum, qui aures percutit, sonum? namque omnia quae percipimus, aut sensu corporis, aut mente percipimus, illa sensibilia, haec intelligibilia, sive ut apertius loquar, illa carnalia, haec spiritualia nominamus. Et caput XI S. Doctor ita concludit: *de universis autem, quae intelligimus, non loquentem, qui personat foris, sed intus ipsi menti praesidentem consulimus veritatem, verbis fortasse, ut consulamus admoniti. Ille autem, qui consulitur, docet, qui in interiore homine habitare dictus est CHRISTUS: idest, incommutabilis Dei virtus, atque sempiterna Sapientia, quam quidem omnis rationalis anima consulit, sed tantum cuique panditur, quantum capere propter propriam viam malam, sive bonam voluntatem potest; & si quando fallitur, non fit vitio consiliae veritatis, ut neque huius, quae foris est, lucis vitium est, quod corporei oculi saepe falluntur, quam lucem de rebus visibilibus consuli satemur, ut eas nobis, quantum cernere valemus, ostendat. An non prope supra humanum verborum istorum videtur sensus? Demum c. XII de Magistro addit, Cum vero de iis agitur, quae mente conspiciamus, idest, intellectu, atque ratione, ea quidem loquimur, quae praesentia contuemur in illa interiore luce veritatis, qua ipse, qui dicitur homo interior, illustratur, & fruatur: sed tunc quoque noster auditor, si & ipse illo secreto, ac simplici oculo videt, novit, quod dico, sua contemplatione, non verbis meis. Quotiescunque igitur experiris, quod ad pronunciationem verborum in te*

scientia, seu notitia alicuius rei oritur, neutrquam id vi verborum tamquam causae physicae, quae in te producerent scientiam, adscribas: *doceris enim non verbis meis*, alloquitur te Augustinus loco mox citato c. XII de Magistro, *sed ipsis rebus Deo intus pandente manifestius*, ad cuius interioris lucis splendorem oculum tuum mentalem, ut eleves ceu ad internum Magistrum, verba veluti signa admovent, Vides hic Magisterium internum, quo intra te rationem tuam aeterna Ratio obiectiva, appropriate Christus Magister unicus, infallibiliter docet, non minus immutabili Ratione, quam venerabili auctoritate firmatum.

Ens obiectivum Increatum nec essendi, nec cognoscendi habet Principium.

CXIV De primis principiis, ex quibus omnis scientifica illatio descendit, uberiorem notitiam ut habeas, communico tibi non adeo communia, etsi in se omni intelligenti sint certa. Principium generaliter loquendo est primum in aliquo genere, & definitur *id, unde aliquid est, vel id, a quo aliquid fit, aut cognoscitur*. Principium est aliud *essendi*, aliud *cognoscendi*. Principium *essendi* est illud, quod influit in esse rei: eiusmodi extrinsecum est *Causa Finalis*, *Exemplaris*, seu *Idealis*, & *Efficiens*. Intrinsicum est *Causa Materialis*, & *Formalis*. Principium *cognoscendi* est illud, quod facit rem cognosci, ut effectus rei, proprietates & operationes rei, atque accidentia, ex quibus

deducitur cognitio subiecti, suorumque Praedicatorum c. g. *Quodlibet est, vel non est: omne totum est maius sua parte* (Vide n. LV); Ens dividitur in *Increatum* seu *obiectivum*, & in *Creatum* seu *subiectivum*. *Increatum* & obiectivum Ens est ipse & solus Deus: Subiectivum, seu Creatum Ens, est omne reliquum creabile & creatum; quidquid enim est, aut esse potest, & non est Deus, est factum, aut factibile secundum Rationem, & ideam aeternam, quae iuxta praedicta est ipsa creatrix Essentia, a cunctis adoranda, super omnia aestimanda, & amanda.

CXV Ens Increatum seu obiectivum nec habet principia *essendi*, quia est simplicissimum rerum omnium principium *primum*, ante & supra quod non datur, nec esse, nec concipi potest aliud, neque habet hoc Ens obiectivum Increatum principia *cognoscendi*; nam illud principium, quod facit omnia alia cognoscendi principia cognosci, nullum admittit aliud cognitionis principium, per quod illud *primum* omnium principium increatum cognoscatur: sic lux sensibilis e. g. lux Solis, aut ipse Sol non admittit aliam a se distinctam lucem, per quam reddatur visibilis: ergo neque lux intelligibilis, sive *Sol intelligentiae*, qui est ipsum Ens obiectivum, non admittit aliam a se distinctam lucem, per quam reddatur intelligibilis. Ultra equidem concedimus Deum tamquam primam causam ex effectu creato demonstrari posse; sed negamus id fieri posse sine praevio lumine Rationis

obiectivae omnem hominem venientem in hunc mundum illuminantis; nam sicut ex corpore illuminato, quod video oculo corporeo, in notitiam luminis solaris venio, quin lumen in corpore illuminato, aut ipsum corpus *Principium primo principians* videndi Solem fit, sed ipse Sol; ita licet in creatura splendor sui Creatoris reluceat, splendor tamen hic non est *Principium primo principians* cognoscendi Deum, sed ipse Deus, consequenter tam splendor Solis in corpore, quam splendor Creatoris in creatura est *principium principiatum*. Quod distincte est discernendum, & bene notandum, ut ea, quae debetur, Primo rerum omnium Principio, & reverentia, & observantia a cunctis deferatur maxima. *Vide n. CXXXV*

Lux Mentium, Deus, est homini rationabiliter operanti, per se notus.

CXVI Ex monstrato internae, incircumscriptionae, ac omnibus interior radiantis Lucis Divinae Magisterio legitime consequitur, Deum Ter Optimum Maximum esse omni homini ratione utenti *per se*, ac *immediate* ante omnem illuminationem, demonstrationem, & argumentationem aliquo modo *notum*, & necessario ante omnem actum rationis sive perceptivum, sive iudicativum, aut illativum ipsum Deum *sub ratione Entis perfectissimi, seu Entis qua Ens* velut aeternum, immutabile, & incircumscriptum motivum eidem humanae menti naturali irradiatione praelucere, ita tamen, quod pluri-

mi, imo maior hominum pars hanc immediatam rationem, & Dei notitiam reflexe non advertat: nec proinde se reflectendo videant sibi taliter immediate Deum esse notum; nam cum omnis cognitio certa essentialiter insitatur causae, principio, ac motivo certo, & infallibili, per quod deducitur; omnis autem causa infallibilis, aut principium infallibile realiter non sit aliud, nisi ipse Deus; sequitur Deum non habere aliud cognoscendi principium nisi seipsum, adeoque omnibus hominibus in hunc mundum venientibus esse per se notum, non quidem *notitia reflexa*, sed *directa*, idest, omnis ratione utens intelligit rationem, quae ratio Deus est, cum sit aeterna, & praeter Deum nihil aeternum; sed reflexe non cognoscit hanc aeternam rationem realiter esse ipsum Deum, ac proinde intelligentes Deum non intelligunt se intelligere. En, quantum noceat sese non reflectere supra proprium suum intelligere.

CXVII Facile inde conspicitur, quod *Lux mentium*, sive Ratio obiectiva, seipsa sit intelligibilis ab homine; cum enim ponamus Rationem obiectivam, sive lucem mentium esse homini per se notam, eamque esse Deum, sequitur Deum esse homini per se notum. Lucem mentium, seu lumen rationis obiectivum esse Deum benedictum, nemo Catholicorum, aut Christianorum negaverit, cum certum de fide sit, *Verbum, quod erat in principio apud Deum, esse vitam, quae est lux illuminans omnem hominem*

vermentem in hunc mundum; nimirum haec lux eiusque illuminatio non ar-
etatur intra ordinem gratiae superna-
turalis, sed extenditur ad *singulos* ho-
minum, ita ut constituat naturam ra-
tionatem. Iam vero lux non illumi-
natur, sed illuminat: id, quod illumi-
nat, per se cernitur, quod vero illu-
minatur, non per se cernitur, sed per
lucem illuminantem: ergo vel Deus
est nobis per se intelligibilis, si sit
nobis lux mentium, vel non est nobis
lux mentium, si nobis non sit per se
intelligibilis. Ita P. Valerianus Ma-
gnus. Lege, quae num. XXIII ex Do-
ctore Angelico ad rem istam desumpta
videbis.

*Lux mentium seu Ratio obiectiva, quia
est per se intelligibilis, necessario est
extra omnem quaestionem.*

CXVIII **A**n enim ab orbe condito
quaesitum fuit unquam: *utrum sol ex-
sistat*? eo quod sol per se sit visibilis;
at maximae quaestionum moderno
hoc seculo esse: *an Deus existat? an
Deus hominis curam habeat?* ex iis,
quae de materialismo eiusque secta-
toribus, ac de Libertinis Philosophis
hucusque in hoc opere dicta sunt,
abundanter constat. Ergo vel falsum
est, quod Deus sit *Lux mentium*, vel
verum est homines videntes, & Deum
negantes, non videre, intelligentes
non intelligere. Quod ut nobis quo-
que aliquammodo contingat, paucis in-
dico, imo te, Lector, testem postulo,
quod pleraque intelligas, licet te ea
intelligere non intelligas. Videsne,

ut sol movetur ab ortu in occasum?
Video, inquis; quaero: utrum sol ali-
quo motore moveatur? Quis dubitat?
ais; *omne enim, quod movetur, necessa-
rio ab alio movetur*; sed sol movetur;
ergo ab alio movetur. Iam vero edi-
cito: quis tibi detexit *motorem* solis,
quem nullo sensu cognoscis, & tamen
certus es existere Ens, quod solem
moveat? Rationem assignas: *omne,
quod movetur, movetur ab alio*. Ubi
autem & quomodo hanc cognovisti
esse veram, esse certam rationem?
Attende, quae tibi desuper in luce
mentium pando.

CXIX Rationem istanc: id, quod
movetur, necessario movetur ab alio,
tu ponis velut aeternam, & incom-
mutabilem, quam ut assequeris, tu
oculos ab intuitu caeli revocasti, &
attentus intra mentem tuam recedens
contemplatus es *mobile motum*: hoc
cognito, quaerebas aliquam veritatem
aeternam, & immutabilem, cui
innixus inferres conclusionem supe-
rata omni de opposito formidine,
quam supponis certissime dari; si enim
tantum *pro aliqua temporis mora* sit
possibile, *mobile moveri*, nullo coe-
xistente movente: vel si *alicubi* hoc
esset possibile, & non ubique neces-
sarium, formidolosus aut dubius de
motoris existentia esses, minime vero
certus. In mente ergo tua consu-
luisti reconditam lucem *mentium*,
sive rationem obiectivam, quae tibi
motorem solis delitescentem detexit,
tibi, inquam, non adhibenti oculis
corporales, sed oculum mentis, & hoc
modo aio te intelligere lucem men-

tium, licet ignores te eam intelligere, non secus ac intelligebas praefatam rationem aeternam, & incommutabilem, licet ignores te eam sic intellexisse. Nonne verum?

CXX Incideret hic nota, quaerere, *an Deus existat?* idem esse, ac inquirere, *an Ipsum esse sit?* & quia omnis quaestio, qua talis, simul dubitatio, seu dubitantis, aut ignorantis est, ille qui serio quaerit: *an Deus existat?* aut dubitat, aut ignorat: *an Ipsum esse sit*, aut *an Ipsum esse non sit*. Quis autem mortalium adeo dubius, quis eo usque ignarus sit, ut *an Ipsum esse sit*, *an vero non sit Ipsum esse*, vel dubitet, vel ignoret? Deum esse *Ipsum esse*, patet ex ratione, & essentia Entis perfectissimi, quod per nomen *Deus* intelligitur. Quod autem *magis est*, quam *Ipsum esse*? quod non potest non esse, quia *Ipsum esse est totum*, & *universum esse*, ita ut *omne esse illius sit*, sicut *omne esse ab Ipso esse est*. * Cum ergo nullum detur *non esse* in *Ipso esse*, & *universum esse* in *Ipso esse* sit, nemo cogitare potest *Ipsum esse* non esse; si enim cogitat *Ipsum esse* non esse, *Ipsum esse* non cogitat, quia omnis cogitatio est *vitalis imago*, & *vera representatio* sui obiecti, quod cognoscit: quomodo ergo *non esse* posset esse *vitalis imago*, ac vera representatio *Ipsum esse*? Facilius densissimae tenebrae, quales fuerunt Aegyptiacae, erunt viva, ac vera representatio ipsius lucis solaris, seu ipsius

splendidissimi solis, quam *non esse* exprimat, aut repraesentet *Ipsum esse*. Verum permittamus inimicis existentis Dei, quod nunquam, utpote impossibile, concedere possumus, permittamus ipsis, eos posse vincere, *Ipsum Esse, seu Deum non esse*: quid hoc proderit eorumdem sive infaniae, sive ignorantiae? Hoc evicto se ipsos convincant, & proprio sese suffocabunt laqueo; fluet enim conclusio inevitabilis: *Ipsum Esse, seu Deum non esse*, dicis. Ergo per te: *Ipsum Esse est non esse*, consequenter *non esse est Ipsum Esse*: ergo dum negas Deum existere, Deum etiam negando existere affirmas. Ergo etsi per te Deus non est, simul per te existit, adeoque per te *idem simul est*, & *simul non est*. Quid? quid igitur contradixeris, sive negaveris, sive affirmaveris, unumquodque tamen erit, sicut est in sua aeterna Ratione: *Ipsum Esse* aeternum erat, aeternum est, & aeternum erit id ipsum, quod est, nimirum *Ipsum Esse*, in quo nec est, nec concipi potest ab ullo intellectu aliquod *non esse*. Non enim ideo *Ipsum Esse* est, & reliqua cuncta entia *sunt entia*, quia tu ipsa esse affirmas, neque ideo *Ipsum Esse* non est, & omnia reliqua entia *non sunt entia*, quia tu ipsa esse negas; * sed universa ideo & tantum sunt, quantum in suis aeternis Rationibus, quae in *Ipso Esse* una simplicissima aeterna Ratio obiectiva sunt, tum in propriis suis entitatibus, seu essentius

* *E' la causa comune di Dio*, (exponit Clemens XIV Ganganelli P. M. Regi Chri-

stianissimo Ludovico XV) e del Cristianesimo, che ad esso le partecipiamo, Carissimo

per omnipotentem *Ipsius Esse* virtutem in rerum natura subsistunt. . . Nota! Invincibile hoc argumenti genus totum Atheismum tam arcte, fortiterque constringit, ut amplius nec meare possit.

Ratio Entis, qua Ens est Lux, in cuius lumine omnia, ac singula Entia percipimus, iudicamus, & inferimus.

CXXI Ratio obiectiva seu Lux mentium immenso intervallo distincta est ab Entibus per illam cognitis, seu intellectis; nam *Ratio Entis, qua Ens*

est lux, in cuius lumine dicimus & apprehendimus omnia, ac singula Entia, quae non sunt Ens, qua Ens; sed v. g. lapis qua lapis, stella qua stella &c. Atque haec lux antecedit omnem apprehensionem, seu perceptionem mentis, estque inapprehensibilis, & imperceptibilis in hac vitae via. Ratio entis, qua ens est lux, in cuius lumine omnia ac singula entia de se invicem affirmamus, aut negamus, quaecunque non sunt Ens, qua Ens. Idem dicendum de illatione; atque Ratio Entis, qua Ens antecedit omne iudicium, omnem huma-

Figlio in Gesù Cristo, mentre noi vediamo col più profondo dolore il culto stabilito dal Supremo Legislatore, attaccato da lungo tempo da uomini empj, che non lasciano d'indirizzare contro lui i dardi sacrileghi del loro spirito perverso. Si direbbe che hanno fatto una cospirazione generale per rovesciare da cima a fondo con gli sforzi i più audaci quanto vi è di più venerabile, e di più sacro. Non si arroghino di produrre ogni giorno una folla di seruiti, monumento eterno della loro follia per distruggere fino i primi principii dei buoni costumi, per rompere i legami di tutte le società, e per sedurre le anime semplici col funesto talento, che hanno di seminare i loro dogmi perversi. La stupenda rapidità dei loro progressi ci fa conoscere che non vi è affare più importante, e più temeroso quanto quello di opporre un argine a questo torrente. Non basta il togliere di mano ai lettori tutte le opere avvelenate, ch'escano da questa orribile scuola, bisogna ancora che lo zelo &c.

Hac tempestate, ubi perversorum dogmatum abundat iniquitas, cernitur implementum, quod Apoc. XII scriptum legitur: *Misit serpens ex ore suo post mulierem aquam tanquam flumen. Mulier haec amicta sole est una, Sancta, Catholica, & Apostolica Ecclesia*, quae per baptismum Christum Intelli-

gentiae, ac Iustitiae Solem induit, cuius lumine fidei, & gloriae splendet; & luna sub pedibus eius est philosophica rerum naturae scientia, quae totum rationis lumen a Sole Intelligentiae accipit, supra quam tota Ecclesia elevatione supernaturalis gratiae cernitur sublimata: & in capite eius corona stellarum duodecim. Duodecim stellae sunt duodecim Apostoli, a quorum sanctitate, doctrina, & miraculis in suo exordio mirum adeo splendorem accepit, ut eiusdem caput, ceu duodecim fulgentissimae stellae in modum coronae decorarent. Misit autem serpens diabolus ex ore suo, quod perniciosi seductores, falsique doctores, qui erroneas sententias eructant, esse noscuntur, venenatam aquam tanquam flumen, dum perversissimorum librorum copiam, quibus Ecclesiam perdat, in omnem terram vel hodie adhuc spargendo diffundit. Quid in praesenti discrimine consilii, quidve subsidii? . . . Nihil consultius, utilius nihil, quanto quello di opporre un argine a questo torrente, nisi fortissimum aggerem huic torrenti opponere, atque omnem diabolicam vim, iraudemque Divini Magisterii potentissima vi repellere sapienter statutum esto, semperque observatum . . .

nam ratiocinationem, ita ut lux illa sit indiudicabilis, sitque ininferibilis. Cum igitur operationes mentis nobis, nisi per praeaviam lucem mentium non sint possibiles, quamprimum quis niteretur illam lucem *apprehendere*, de illa *iudicare*, aut ratiocinando aliquid *inferre*, eo ipso eandem dimitteret ab oculo mentali, & dilaberetur ad aliorum entium considerationem in lumine lucis mentium, quae non patitur se subiici humanae menti, sed est suprema, unica, & integerrima Ratio percipiendi, iudicandi, ratiocinandi, & quomodolibet aliter intelligendi. Hinc, qui quaerit: *quid sit lux mentium?* dilabitur intervallo ab ea luce ad entium tenebras: & nisi sese corrigat, nunquam assequetur immediate lucem, in cuius lumine cetera intelligit: sed proposuit sibi subiectum entitatis imperfectae, de quo illa affirmat, quae alias uni & soli Deo competunt. Dum vero miscet quadrata rotundis, nimirum Divina creatis, licet intelligat v. g. necessario existere Deum, non tamen intelligit, quomodo Divina praedicata conveniant subiecto, de quo illa affirmat, quod velut molestissima humanae mentis tortura est, nulla prorsus patientia tolleranda.

*Quodnam sit primum omnis scientiae,
& omnis actus scientifici firmissimum
atque notissimum Principium.*

CXXII Sicut corpora sunt totale obiectum cognitionis sensitivae, ita Ens est totale, & adaequatum obiectum

cognitionis intellectivae. Corpora enim pulsata evolvunt sonum in aures, naribus admota odorem, linguae saporem, tactui tangibiles qualitates, & iucunditatem, aut molestiam organis sensuum impertiuntur: corpora tamen qua corpora, si a luce sensibili illuminata non sint, manent invisibilia; nam lux sensibilis etsi per se visibilis, non tamen lux haec illuminat sonum, odorem, saporem, calorem, frigiditatem, humiditatem, siccitatem & similia; haec enim non sunt corpora, sed qualitates in corporibus, quae oculis etiam clausis percipi possunt. Cognitionis vero intellectivae totale obiectum est id omne, quod quomodocunque est; non cupantur autem entia ea, quae sunt: ut enim is est amans, qui amat, sic id est Ens, quod est, seu quod exercet actum essendi. Innumera cognoscimus e. g. Deum, Angelos, omnium viventium animas &c., quae nec oculo cernere, nec ullo alio sensu percipere possumus; neque enim lux sensibilis, aut ulla sensum facultas dat nobis posse distinguere sensibilia a sensibilibus, in quantum sunt entia, sed solum in quantum sensibilia. Plane equus, & mulus cum solem aspiciunt, vident quidem molem corporis splendidam, & figura circulari terminatam, quin tamen equus, & mulus distinguere possint molem a figura, figuram a colore, nimirum molem sive magnitudinem rei non esse figuram, sive terminationem extensionis; consistit enim ratio figurae in terminatione magnitudinis, non esse colorem, id est, lucem opa-

citare adumbratam, & modificatam, aut longitudinem a latitudine, id est, quantitatem extensam in longum sine latitudine, & profunditate ab extensione quantitatis in longitudinem, & latitudinem sine profunditate, quales extensiones dantur in linea, & superficie &c. *Non*, inquam, *haec*, & *semilia agnoscunt equus, & mulus, quia ipsis non est intellectus* (n. C); anima vero rationalis haec & omnia alia, in quantum *Entia* sunt, intelligit, & cuiuscunque *rationem*, ac entitatem perpendit, non adhibitis duntaxat oculis, aut reliquis sensibus, sed *aspectu suae rationis*, quae est oculus mentis, in eam intendens *aeternam lucem obiectivam Rationem, & Intelligentiae Solem*, qui sic intelligenti *revelat*, ac *distinguit OMNIA Entia*, ut lux solis sensibilis, & materialis revelat, ac distinguit omnia corpora (*Vide, & relege n. XX item n. XLVII, XLVIII, & seq.*). Igitur ex praedictis manifeste constat, Deum Immortalem, seu naturalem mentis nostrae Lucem, & intelligentiae nostrae Solem, ita primum omnis scientiae, & omnis actus scientifici firmissimum, atque notissimum esse principium, sicut Lux mundi sol corporeus omnis visionis sensitivae videtur clarissimum argumentum. Quod ut adhuc evidenter perspicias, uberius huius mysterii demonstrationem, quae in subsequentibus numeris CXXIII usque ad num. CXXXIV exclusive, exponitur, attentiori Rationis tuae aspectu legas, atque perpendas.

Perfectiones rerum omnium cognoscibilium colliguntur ad perfectionem, quae est Entitatis.

CXXIII Notitiam *Entis perfectissimi* sicut ad rerum omnium simplicem perceptionem, ita ad earumdem quoque definitionem omnino necessariam esse, ex n. XXXVII, & XXXVIII satis te intellexisse suppono. Unde ut tum ad praedicti mysterii, tum ad istius veritatis ultimum fundamentum usque pertingas, *cognoscibilium rerum omnium perfectiones ad perfectionem, quae Entitatis est, colligi*, in primis tibi perspectum reddas. Paullo ante dictum est num. praeced. Corpus esse totale subiectum *sensitivae cognitionis*; de corpore enim omnia affirmantur, quae sensibus nostris cognoscimus, seu percipimus, puta colorem, sonum, odorem, saporem, & tangibilem qualitatem. *Ens vero est universale affirmativum de omnibus*, quae quomodolibet cognoscuntur sive per sensum, sive per intellectum: nempe corpus est *ens*, color est *ens*, sapor est *ens*, tangibilis qualitas est *ens* &c. Cum ergo, & sensu, & intellectu concipiamus plerumque rerum perfectiones, ea perfectio, quae est *entitatis*, complectitur reliquas omnes v. g. perfectiones molis, coloris, soni, odoris, saporis, & qualitatum tangibilium. Haec enim sunt entia, inter quae attenditur perfectio, secundum quam censemus v. g. colorem perfectum esse *ens perfectius* non perfectio, quodque observari potest inter omnes res

intellectu cognitae, quatenus sunt entia, & aperte deprehenditur omnes perfectiones, quae intra peculiaria rerum genera diversimode participantur a pluribus, esse entia, quae sub entitate perfecta diversimode participant eam entitatis perfectionem. His praecitis necessario deducitur sequens inscriptio:

Perfecta Entitas est Lux Mentium.

CXXIV Ad huius veritatis evidentiam observanda est diversa extensio trium principiorum ad res cognoscibiles. Imago, quae *supponit pro re*, cuius est imago, non ducit hominem ad cognitionem illius rei, praeter illam unicam, quae illam imaginem producit in organa sensuum, qua ratione imago, quam suscepi a *Patre meo*, non me ducit in cognitionem hominis alterius ab illo. E contrario imago, quam a re distinguo, quaeve ob id est velut *idea*, seu *exemplar*, me ducit in cognitionem omnium rerum, quae ideae illi sunt conformes: sic ex praehabita sensibili *idea hominis* discerno omnem hominem a brutis. At imago seu notitia, quam habeo *alicuius perfectionis*, mihi tribuit definire omnes res illas, quae quomodo libet participant de praecognita perfectione. Quia autem nulla est perfectio, quae velut ens imperfectum non colligitur sub *Entitate perfecta*, necessario *Entitas perfecta est lux mentium*, quae dat intelligenti omnia entia de-

finire. Porro color in actu est lux quaedam, & color albus est lux distincta ab ea luce, quae secundum se non est colorata; non secus entia, quorum entitates sunt distinctae, non discuntur, nisi beneficio Entitatis perfectae, & purissimae. Porro haec

Entitas perfecta, seu Ens qua ens; est id omne, quod spectat ad entitatem, & nihil involvit non entis.

CXXV Cum ea experimenta maxime doceant, quae consistunt inter extrema: sic qui experiri vult, ut se habeat mens sua *ad entitatem*, contemplari debet *ens*, & *non-ens*; sicut qui experiri vult, quid sit calor, tenet prius, ut ignis, & glacies se habeant ad tactum, aut experiri (bene notetur proprium hoc verbum *experiri*) quid sit lux, observare debet, ut se habet oculus ad lucem solis, & ad noctis tenebras. Hic autem super alia cuncta attendenda venit admonitio P. Valeriani Magni hac in arte versati: *Pondus, ac momenta Lucis intelligibilis*, inquit, * *non gravitate, aut quaestio- num obscuritate, aut immenso mentis conatu aestimantur, sed LUCE IMMENSA, quae pellat tenebras, & consequenter intellectionem efficiat tam facilem, tamve obviam, ut RIDICULUM sit, ait prae laudatus, inde formare, & urgere quaestionem ullam. Sed propius ad scopum. Ediffere: Quid est ens qua ens?* Si forte id tibi peregrinum, dicit Albedo qua albedo estne aliquid non

* P. Valerianus Magnus de luce mentium c. IX

albedinis? Lux qua lux estne aliquid non lucis? Lux qua lux, dicis, nihil est non lucis, sicut albedo qua albedo nihil est non albedinis: ergo lux qua lux & albedo qua albedo est id omne, quod spectat ad lucem, & ad albedinem: consequenter ens qua ens est id omne, quod spectat ad entitatem: non-ens vero sic nihil est entis, ut ens qua ens nihil est non-entis. En hic entitatem perfectam, en lucem mentium, scilicet ens qua ens, quod nimirum nihil involvit non entis, estque hoc omne, quod spectat ad entitatem, & nihil est non-entis, non est *nihil*, quia est id omne: quod spectat ad entitatem, sive est id omne-actu, quod est, aut esse potest. Neque est creatura, quia nihil est non-entis; omnis autem creatura est aliquid non-entis, id est, licet creatura e. g. *homo sit*, tamen involvit aliquid non-entis, in quantum v. g. *non est angelus* &c. Ergo Ens qua Ens est Deus: ergo ratio Entis qua Ens est ratio Entis increati, Entitatis perfectae, & Essentialis lucis mentium. Quid clarius? quid certius? quidve solidius? . . . Sed cave, ne aliquando obliviscaris verborum, quae viderunt oculi tui, & ne excidant de corde tuo cunctis diebus vitae tuae: *Pondus ac momenta Lucis intelligibilis non gravitate, aut quaestionum obscuritate, aut immenso conatu aestimantur, sed LUCE IMMENSA, quae pellat tenebras* &c. Repete, quae mox legisti supra: isthaec sunt verba, quae in tabuliscordis nostri non atramento, sed spiritu Dei vivi scripta, nulla unquam oblivione deleantur.

Quomodo Ens perfectum rationabiliter operanti det omnia entia definire, iudicare, & inferre, eaque intelligere.

CXXVI Hucusque omnium dictorum est *Caput summum, intellexisse, quomodo Ens perfectum det intelligenti dicere, iudicare, & ratiocinari de omnibus, eaque intelligere.* Ad huius claritatem videas lunam motam ab ortu in occasum, hanc & brutum videat. Quid intersit te inter, & brutum intellexisti hic ex num. CXXII Bruto nulla lux lucet, in cuius lumine distinguat molem a figura, hanc a calore &c. Tu vero non solum ea distinguis, sed insuper ratiocinando inferre dari ens, quod active moveat lunam, quod movens scis necessario esse vel *motum*, vel *immutum*. Si sit motum, scis necessario ab alio esse motum, & quia in eadem luce intelligis, quod in *moventibus*, & *motis* sit impossibilis processus in infinitum, inferre dari necessario *Ens movens immotum*; si enim infinitum sit motum, motum est totum infinitum ab alio *movente non moto*, quod necessario praesupponit, licet sint infinita moventia, cuncta tamen & singula prius sunt ab alio *mota*, & dein primum moventia alia, quod optime perpendendum, ut manifestius, quod in *moventibus*, & *motis* processus in infinitum impossibilis sit, a quocunque perspicatur. Movens autem immotum est Ens perfectum, & aeternum, ac eo ipso Incommutabile, quia immobile.

CXXVII Porro hae: propositio-

nes: *Quod movetur, necessario movetur ab alio: in moventibus motis non datur in infinitum processus: datur necessario movens lunam: movens immotum, quod necessario est Ens Incommutabile, & aeternum, & eo ipso perfectum*, continentia entia, quae nec oculus, aut alius sensuum percipere, nec lux sensibilis revelare potuit. Unde ergo haec entia insensibilia illabuntur menti humanae? quis ea transfudit de tenebris in lumen tuae cognitionis? accipe, quomodo id fiat. Id, quod movetur, acquirit per motum, *qui est actus, seu perfectio entis in potentia prout in potentia*, aliquid, quod ante motum non habebat; unde Philosophi ens quomolibet motum dicunt *ens in potentia passiva ad actum*, quem non habet ante motum, quemque acquirit mediante motu: v. g. *lapis ante calefactionem non habet illum actum, qui vocatur calor, quem tamen habet postea.*

CXXVIII Ens constitutum in *passiva potentia* ad aliquem actum non potest sese movere de illa *passiva potentia* ad actum, quem non habet; si enim id concederetur, sequeretur, quod ens aliquod & habeat actum, & non habeat actum aliquem: v. g. si lapis se se mutet de non calore ad calorem, necessario, quatenus est *mobilis* ad calorem, est non habens calorem; ut vero lapis se moveat de non calore ad calorem, necessario habet eminenter, vel formaliter actum caloris: *nemo enim dat, quod non habet.* At est impossibile, quod *ens simul sit ens, & non ens*; ens enim necessario est ens: non ens autem necessario est

non ens; ita ut sit impossibile ens esse non ens, & non-ens esse ens. Atque ex hac incommutabili veritatis necessitate inferimus lunae motae coexistere motorem, licet hunc nec videamus oculo, nec ullo sensu percipiamus. Cum autem illa entia dicantur *mobilia*, quae sunt in *passiva potentia* ad suscipiendum aliquem actum: mirum quod est eminenter id omne, quod possibile est esse. Eiusmodi vero ens est perfectum, & divinum, & lux mentium, ac de se, & per se, si obiecta rationi humanae sit, intelligibilis; atamen humana mens, nisi aliunde moneatur, non tam facile habet, unde se se in eam convertat, seu reflectat super eam. Prope communis sive miseria, sive incuria!...

Primum omnium scientiarum principium firmissimum, notissimumque est Deus sub ratione Entis perfecti.

CXXIX Manifestum itaque ex praedictis Lectori se exhibet *primum scientiarum omnium principium firmissimum notissimumque Ens qua Ens, quod actus illud omne est, quod spectat ad entitatem, & nihil est non-entis.* Nam illud Principium est omnium aliorum principiorum primum, firmissimum, atque notissimum, in quod tamquam in rationem obiectivam, incommutabilem, & aeternam omnia alia scientiarum principia tanquam ratio subiectiva resolvuntur. Absolute enim *primum Principium* est, quod *non est in, & ab alio, sed omnia alia sunt in, & ab ipso*, estque ipse Deus, qui Ens qua Ens per

praedicata demonstratus est ratio obiectiva, aeterna, & incommutabilis, definitiva, & aeternaliter determinativa omnis quaeestionis de vero, aut falso, de iusto, aut iniusto, de possibili, aut impossibili, existens lex essendi incommutabilis, lux intelligendi notissima, regula volendi exactissima, ac mensura unica, quae sola dat menti creatae ratiocinari, ac intellectu aliter vivere, atque unicus Magister noster internus. Illud enim Ens, quod est actu omne id, quod spectat ad entitatem, debet necessario esse etiam omne id, quod sunt reliqua principia

simul sumpta; nam & haec habent entitatem; atqui praeter Deum, qui est Ens qua Ens, non est aliud, quod est actu omne id, quod spectat ad entitatem: ergo solus Deus, sive Ens qua Ens, est principium principiorum omnium primum, seu quod idem est, principium principiorum, quod tanquam lux mentium ex sua infallibili, incommutabili, & aeterna veracitate dicat immediate omnia alia prima principia. Profecto solemne Principium, * supra quod aliud reperitur nullum!

* Cum Sacrosancta Theologia super divinam revelationem, ceu Regina Esther supra suam famulam, innitatur, quasi prae delictis, & nimia teneritudine corpus ferre non sustinens; altera autem famularum ratio humana rationabili obsequio defluentia in humum indumenta sustentando suam Dominam Ss. Theologiam, ceu suam Reginam, sequatur, benevolo Lectori, quod de hac Domina, & de huius ancilla Ganganelli sentit in Epistola, quam Cardinali Querini inscripsit, displicere vix poterit: Una volta, inquit, non v'era che una sola maniera di spiegare questa scienza della Teologia cotanto sublime, la quale riconoscendo la propria sorgente dal medesimo Dio, si diffonde in mezzo alla Chiesa a guisa del più abbondante, e maestoso fiume, e questa è quella che chiamasi positiva. Si contentavano, per rispetto certamente alla sacra dottrina delle Scritture, de' Concilii, e de' Santi Padri, di porre semplicemente sotto gli occhi degli illudenti la morale, e i dogmi Evangelici...

La Chiesa poi sempre agitata dalle tempeste, quantunque assisa sul sacro monte, le cui fondamenta saranno eterne, vedesi di tempo in tempo uscir fuori dal seno certi figli ribelli, che impararono l'arte di sofisticare;

ed il loro linguaggio artificioso su quello che obbligo i difensori della Fede a servirsi della sillogistica forma.

E' nota a tutti oramai quell'epoca, nella quale certi Dottori si armarono di intemperanti, e di sillogismi per rintuzzare sino nelle più interne trincere quegli eretici che disputavano sopra ogni senso della Scrittura, e sopra tutti i termini. Tommaso, l'Angelo della scuola, Scoto, il Dottor Sottile, crederono di doversi servire della medesima forma, e così insensibilmente questo loro metodo avvalorato dalla luminosissima loro riputazione, prevalse poi in tutte le Università sotto il nome di Scolastica...

Perlochè la Teologia positiva può assomigliarsi a un magnifico giardino, e la Scolastica ad una siepe bene armata di folte spine, per impedire che le danneggianti fiere non vi penetrino per divalzarlo.

Si Philosophia Ss. Theologiae, quae velut Regina Esther procedit tuo rationabili obsequio ceu prudens virgo, & fidelis famula inferviat; tua autem, quam proferis, Philosophia, quia materialistica, atheistica, atomistica vel libertina Virgo fatua lampadem sine oleo virtutis, & sine lumine veritatis portat, quomodo suum,

Idem principium confirmatur auctoritate Doctoris Seraphici Sancti Bonaventurae.

CXXX Quod Deus sub ratione Entis perfecti primum omnium scientiarum principium, defendit Seraphicus Doctor D. Bonaventura. Hic de speculatione Dei per suam imaginem naturalibus potentiis insignitam ita discurrit. * Quoniam autem praedicti gradus speculationis Dei per vestigia eius in universo, per quae in cunctis creaturis relucet, manduxerunt nos usque adhuc, ut ad nos intraremus, in mentem scilicet nostram, in qua divina relucet imago, hinc est, quod iam tertio loco ad nosmetipsos intrantes, & quasi artium forinsecus relinquentes, in Sanctis Sanctorum, scilicet anteriori parte tabernaculi, conari debemus per speculum videre Deum, ubi ad modum candelabri relucet lux veritatis in facie nostrae mentis, in qua resplendet imago beatissimae Trinitatis. Intra igitur ad te, & vide, quoniam mens tua amat ferventissime semetipsam: nec se posset amare, nisi se nosceret: nec se nosceret, nisi sui meminisset; quia nihil capimus per intelligentiam, quod non

sit praesens apud nostram memoriam. Et ex hoc advertis animam tuam triplicem habere potentiam, non oculo carnis, sed oculo rationis. Considera igitur harum trium potentiarum operationes, & habitudines, & videre poteris Deum tanquam per imaginem, quod est videre per speculum, & in aenigmate.

CXXXI Inde pergit S. Doctor idipsum demonstrare per nostram memoriam: *operatio autem memoriae*, ait loco cit. *est retentio, & representatio non solum praesentium, corporalium, & temporalium, verum etiam succedentium, simplicium, & sempiternalium*; retinet namque memoria praeterita per recordationem, praesentia per susceptionem, futura per praevisionem: retinet etiam simplicia, sicut principia quantitatum continuarum, & discretarum, ut punctum, instans, & unitatem, sine quibus impossibile est meminisse, aut cogitare ea, quae principiantur per haec. Retinet nihilominus scientiarum principia, & dignitates ut sempiternalia, & sempiternaliter, quia nunquam potest sic oblivisci eorum, dummodo ratione utantur, quin ea audita approbet, & eis assentiat, non tanquam de novo percipiat,

quod iuste desideratur, eidem servitium praestabit? . . . Aut si Ss. Theologia magnifico hortu comparetur, & Philosophia rationalis ceu feras acutis spinis armata eundem Theologicum hortum contra irruentes feras custodiat; tua vero Philosophia non tam sepes ancleata, quam horrida, quae errorum, vitiorumque bestiis referta est, silva conspiciatur, edicito: qua

arte Ss. Theologiae hortum a vitatione ferarum, bestiarumque tutum, & illaefum servabit? . . . Bene id nota, si Philosophus Christianus, si Ecclesiasticus sis: & qui de omni verbo otioso rationem reddes, de tua inutili & futili Philosophia quanta a te se vero Iudici reddenda sit ratio, exacius computando mature te praepara . . .

* S. Bonav. in *lit. mentis in Deum* c. III

sed tamquam sibi innata, & familiaria recognoscat. Sicut patet, si proponatur alicui de quolibet affirmatio, & negatio, vel omne totum est maius sua parte, vel quaecunque alia dignitas, cui non est contradicere, admititur ratione. Ex prima igitur retentione actuali omnium temporalium, praeteritorum scilicet, praesentium, & futurorum, habet *effigiem aeternitatis*, cuius praesens indivisibile ad omnia tempora se extendit. Ex secunda apparet, quod ipsa non solum habet ab exteriori formari per phantasmata, verum etiam a *superiori suscipiendo*, & in se habendo simplices formas, quae non possunt introire per portas sensuum, & sensibilibus phantasias. Ex tertia habetur, quod ipsa habet *lucem incommutabilem sibi praesentem*, in qua meminit invariabilium veritatum. Et sic per operationes memoriae apparet, quod ipsa anima est imago Dei, & similitudo, adeo

sibi praesens, & Eum habens praesentem, quod eum actu capit, & per potentiam capax eius est, & particeps esse potest. Post haec Sanctus Doctor descendit * ad operationem virtutis intellectivae, quae supra n. XXXVII fuit relata.

Doctori Seraphico circa Primum scientiarum omnium Principium consentit Doctor Angelicus.

CXXXII Divus Thomas Aquinas ad rem nostram ** ita loquitur: dicendum, quod certitudo Scientiae tota oritur ex certitudine principiorum. Tunc enim conclusiones per certitudinem sciuntur, quando resolvuntur in principia, & ideo, quod aliquid per certitudinem sciatur, est ex lumine rationis, (scilicet Superioris) divinitus interius indito, *quo in nobis loquitur Deus*; non autem ab homine exteriorius indito, nisi quatenus

* Amice, ut ad pauca, quae sequuntur, studiosius attendas, vehementer te rogo. En, quanta crudelitate hisce temporibus in propria sua viscera desceviunt, qui argumenrum ex auctoritate doctissimorum, probatissimorumque virorum petunt saltem in philosophicis audire nolunt; dum enim tantorum virorum scientiam, maiorumque probitatem, veluti nulla attentione dignam, petulanter contemnunt, se ipsos, utpote qui illis maioribus in scientia, & virtute multo minores existunt, nec in propriis suis verbis, quae proferunt, neque in suis scriptis, quae tradunt, ullo honore, aut ulla fide dignos palam ostendunt. At in philosophicis solum rationem, non auctoritatem audiendam praetendunt, turpiter

ignorantes, ipsam quoque auctoritatem, scientiam, & virtutem suam habere praestantissimam rationem, quae in sana philosophia argumentum ab extrinseca ratione dictum, illi ipsi, quod ex intrinseca rei ratione assumitur, in sententiae cuiusdam demonstratione praeponendo associatur. Quapropter dum operis istius argumentum SS. Patrum, & Doctorum Augustini, Thomae, & Bonaventurae, necnon PP. Valeriani Magni, & Iuvenalis venerabili auctoritate summatum cernis, quanta singulorum doctrinam observantia venerari te oporteat, ex praedictis sapienter * noveris.

** S. Thomas de veritate q. XI de Magistro art. 1. d. XIII.

conclusiones in principia resolvit, nos docens: ex hoc tamen nos certitudinem scientiae non acciperemus, nisi ineffect nobis certitudo principiorum, in quae conclusiones resolvuntur; ac proinde *notitiae certitudo* non provenit nisi a *rebus aeternis*. Cum autem de luce, & lumine in hoc opusculo frequens fiat mentio, sedulo observare oportet, quatenus lumen hoc sive lux, secundum quod ad intellectum pertinet, est quaedam *manifestatio veritatis*, iuxta illud Apost. ad Eph. V: *omne, quod manifestatur, lumen est*; unde *illuminare nihil aliud est, quam manifestationem agnitae veritatis alicui tradere*; lumen quippe est illud necessarium principium, quod de visibili potentia facit visibile actu; nomen enim *luminis*, secundum Doctorem Angelicum, * primo est institutum ad significandum id, quod facit manifestationem in sensu visus; postmodum autem extensum est ad significandum omne illud, quod facit manifestationem secundum quamcunque cognitionem. Hoc *lumen spirituale* ita se habet ad *oculum spirituales*, sicut se habet *lumen sensibile* ad *oculum sensibilem*: & sicut visio intellectualis est nobilior, quam visio corporea; ita, teste S. Augustino, ** in spiritualibus melior, & certior lux est, & quod Christus non sic dicatur lux, quomodo & lapis; sed lux dicitur proprie, lapis vero tantum figurate.

Lux mentium lucet in tenebris, & tenebrae eam non comprehenderunt.

CXXXIII Ita scribit per universum mundum Sanctus Ioannes Evangelista. *** Quid illa lux sit, audisti; at tenebrae quid sint, non satis comprehendis: a nota similitudine totam rem accipe. Lux solis totum percurrit, & illuminat orbem, & tamen lux haec amplissima, sidus hoc splendidissimum minime discernitur, nec advertitur ab eo, cuius sunt oculi vel clausi, aut laesi, vel alio modo ab actu visionis impediti: vel quia huius tam nobilis obiecti pertaesus, designatur sua lumina in illud conicere, aut obiecta illuminata videre; ita pariter, quamvis Sol Intelligentiae illuminat omnem hominem, tamen a paucis illuminatio haec percipitur; non quia defectus est ex parte Solis, sed ex parte aspicientis: sicut sol corporeus omnia reddit visu, ita & Sol intelligentiae omnia intellectu facillima, quantum est ex parte obiecti visibilis, non autem quantum est ex parte videntis, aut intelligentis, in quo tamquam in speculo relucet luminis vultus Divini imago. Quod ut clarissime perspicias, duo soli empyreo expone specula, unum purissimum, alterum multis maculis obfuscatum; in utrumque incidit species, & forma unius eiusdem solis, & tamen non ab utroque idem solis splendor formatur. Et cur hoc?

* S. Thomas I p. q. CVI & I item Ip. q. LXVII a. I.

** S. August. lib. IV super Genes. ad litt. Ioan. c. I.

Causam dicis esse clatam, eo quod unum sit purum, alterum speculum obscurum. Abstergas autem & in hoc maculas, & eundem in utroque speculo observabis splendorem. Commissa peccata, inordinatae animi tui passionēs, etsi veluti sint minimae, turbaphantasmatum ex imaginatione, & cibi potusque sumptione collectae, torpor mentis, & negligentia aspectus, distractio, & tepiditas mentis sunt maculae quotidianae, quibus tuae mentis speculum *obruentibus difficillime*, iisdem vero, ceu nubibus in aëre, *dissipatis facillime* radios Solis intelligentiae suscipis, capis, percipis. Atque hoc mysterium sapientibus mundi absconditum, paucissimis notum est, aut perspectum. Tu igitur sollicitè curabis, ut praedictas maculas

in mentis tuae speculo solerter abstergas, & mundo corde beatissimam Solis Intelligentiae lucem feliciter comprehendas, sicque plene illuminatus vivas.

Omne Ens est Unum, Verum, Bonum.

CXXXIV Ad uberiores notitiam Lectori plurimum inservire poterit, si tres Entis proprietates, quae sunt *Unitas, Veritas, Bonitas*, studiosius adnotaverit. Ratio istarum Entis proprietatum est, quia quidquid habet rationem Entis realis, illud est indivisum in se, & divisum a quolibet alio: item est id vere & proprie, quod est, & non est, quod solum apparere esse; & est integrum & perfectum. Primum consequitur *Unitas*, * secun-

* Si primum tum *unitatis*, tum *distinctionis* rerum omnium Principium ex suo fundamento tibi manifestum velis, id ipsum paucis accipe. Sicut ad universi huius perfectionem non tantum incorruptibilia, & a Bono indefectibilia, sed etiam corruptibilia esse oportet; ita eiusdem *universi perfectio*, ut omnes Bonitatis gradus, qui duobus huius terminis, *nunquam ab esse seu Bono deficere, & aliquando ab esse seu Bono deficere*, concluduntur, manifesti fiant, in rebus *inaequalitatem* necessario postulat. Propterea non minus *distinctio* rerum, & *multitudo*, quam earundem *unitas*, seu *entitas* ex intentione Primi agentis, quod Deus est, ceu ex sua prima featurigine, profluit; Deus enim res propter suam Bonitatem *communicandam* creaturis, & per eas *repraesentandam*, in esse produxit. Quia vero immensa Bonitas sua per unam creaturam repraesentari non potuit, multas, & diversas creaturas, ut quod uni ad reprae-

sentandam divinam Bonitatem deest, in alia *suppletur*, Creatori producere placuit. Nam Bonitas, quae in Deo est simpliciter, & uniformiter, in creaturis est multipliciter, & divisum, & ideo Divinam Bonitatem perfectius participat, & repraesentat totum universum, quam alia quaecunque creatura. Divina igitur sapientia est causa *distinctionis* rerum omnium prima; ideo Moyses Gen. I dicit res: *Verbo Dei*, quod sapientiae est conceptio, esse distinctas: *dixit Deus: fiat lux, & divisit lucem a tenebris*. Eadem autem sapientia est prima causa *inaequalitatis* rerum, prout & distinctionis; duplex enim distinctio invenitur in rebus, una *formalis, five specificā*, in his quae differunt *specie*, alia vero *materialis*, in illis, quae tantum *numero* differunt. Formalis distinctio inaequalitatem semper requirit, quia sicut numeri sunt rerum formae, ut dicitur lib. VIII metaph. lex. X tom. III in quibus species variantur per ad-

dum *Veritas*, tertium *Bonitas*. Cumque unumquodque sit *cognoscibile* & *Verum* in quantum est *Ens*, *Verum* ipsum cum *Ente* converti necesse est, sicut & *Bonum*; addit tamen *Verum* ipsi *Enti* ordinem ad intellectum, & propter hoc dicitur, *quod anima sit omnia secundum sensum & intellectum.* (n. XXVI) *Verum* igitur, quod est in rebus, convertitur cum *Ente* secundum substantiam; *Verum* autem, quod est in intellectu, convertitur cum *Ente*, ut manifestativum cum manifestato, quod est de ratione *Veri*. Pariter licet *Bonum* & *Verum* convertantur cum *Ente*, differunt tamen *ratione*, & secundum hoc *Verum*, absolute loquendo, prius est quam *Bonum*. Patet id primo quidem ex hoc, quod *Verum* propinquius se habet ad *Ens*, quod est prius quam *Bonum*;

nam *Verum* respicit ipsum *esse* simpliciter & immediate; *ratio* autem *Boni* consequitur *esse*, secundum quod est aliquo modo *perfectum*, sic enim appetibile est. Secundo, apparet ex hoc, quod cognitio naturaliter praecedat appetitum: hinc cum *Verum* respiciat cognitionem, *Bonum* autem appetitum, prius erit *Verum*, quam *Bonum* secundum *rationem*: secundum hoc autem est aliquid *prius ratione*, quod prius cadit in intellectu, & inprimis intellectus apprehendit ipsum *Ens*, & secundo intelligit *se intelligere Ens*, & tertio apprehendit *appetere Ens*. Hinc primo est *ratio Entis*, secundo *ratio Veri*, tertio *ratio Boni*. De his quantum *Ratio aeterna* seu *Magister Christus Dominus* te informat paucis accipe.

ditionem, & subtractionem unitatis, hinc in rebus naturalibus gradatim species ordinatae esse videntur, sicut mixta corpora perfectiora sunt elementis, & plantae corporibus mineralibus, animalia perfectiora sunt plantis, & homines aliis animalibus, in quorum singulis species una perfectior aliis reperitur.

Opportune petis: quid secundum aeternae *Rationis* magisterium de distinctione *rationis ratiocinantis* tenendum? Responderetur: idipsum quod est, nimirum quod sit distinctio, dum *ratio* eandem rem distinguit a se ipsa, ut *ensem a gladio*, *sine illo fundamento*, idest *sine ulla ratione*: ergo sicut est *sine fundamento*, *sine ratione*, ita & a suis patronis addititur *sive fundamento*, *sine ratione*; dici enim sequitur ad *esse*. Aut qua *ratione* *Ratio ratiocinans*, quae solum secundum aeternam *Rationem* recte operatur, eandem rem non *esse* eandem rem possit concipere *sine salutate*? an non eandem res

esset simul eadem res, & *simul non eadem res*, saltem in *ratione tua* sic *ratiocinante*, & sic distinguente? Sicut enim qui distinguit *Petrum a Paulo* dicit: *Petrus non est Paulus*, ita etiam, si eandem rem distinguis a se ipsa, dicis saltem in tua *ratione*: *eadem res non est eadem res*, haec domus non est haec domus, consequenter eandem rem esse eandem rem, & simul non esse eandem rem cognosceres, quia sic distingueres. Hoc autem non tantum est contra totam *Rationem unitatis*, & identitatis, sed etiam contra omnem *possibilitatem*. Incommutabilis *Ratio* dicitur, idem indistinguishibile in se illud *esse*, quod nullo modo, nulla *ratione* est distinguishibile. Secus iterum *esset simul idem*, & *simul non esset idem* &c. Merito igitur ex *schola Rationis* distinctio *rationis ratiocinantis*, tanquam minus habens est dimittenda, & sola, quae cum *rationis fundamento* distinguit, retinenda.

□□□
□□□

Veritas creata est conformitas Entis creati cum ideis, & rationibus aeternis, quae sunt in mente Dei.

CXXXV Nulla creata veritas est aeterna, sola veritas Intellectus Divini, qui solus aeternus est, pariter est aeterna, a quo ipsa eiusdem veritas est indistincta; res enim denominantur *Verae* a veritate intellectus; unde si nullus intellectus esset aeternus, nulla quoque veritas esset aeterna; & quia solus intellectus Divinus est aeternus, in ipso solo veritas aeternitatem habet. Ex quo sequitur, quod, quia intellectus noster non est aeternus, nec veritas enunciabilem, sive propositionum, quae a nobis formantur, sit aeterna, sed quandoque inceperit; & antequam huiusmodi veritas esset, non erat verum dicere veritatem talem esse, nisi ab Intellectu Divino, in quo solo veritas est aeterna; sed nunc verum est dicere veritatem tunc non fuisse. Intellectus Divinus, qui est causa rei, comparatur ad ipsam sicut regula & mensura: & sic veritas consistit in hoc, quod res adae-

quantur Intellectui Divino; e contrario intellectus, qui accipit scientiam a rebus, comparatur ad rem sicut regulatus, & mensuratus a re tamquam regula & mensura, & sic veritas consistit in hoc, quod intellectus noster adaequetur rei. Unde *veritas transcendentalis est conformitas Entis subiectivi, & creati cum ideis & rationibus aeternis & obiectivis, quae sunt in mente Dei.* * Conformitas enim inter intellectum & rem est veritas; sed inter Ens creatum & Intellectum Divinum, seu rationem & ideam obiectivam datur conformitas, utpote quia omnia secundum Rationes aeternas, quae in Intellectu Divino, ut vita & lux hominum existunt, facta sunt, sicut in antecedentibus hucusque demonstratum est: ergo inter Intellectum Divinum, & ens creatum datur veritas, & quidem transcendentalis, quae in omnino creato reperitur, quandocunque secundum rationem examinatur, in quantum totum esse entis creati est *esse ab alio Ente, quod per se ipsum est Ens Optimum, Maximum, Unicum.* Ens enim creatum, seu creatura ita se ha-

* Quae Veritati opponitur falsitas, est difformitas entis cum ideis, & aeternis Rationibus in Divino intellectu existentibus. Rationem huius assignat Doctor Angelicus ex eo, quod verum, & falsum opponantur, opposita autem sunt circa idem: necesse est ergo, ut ibi prius quaeratur falsitas, ubi primo veritas invenitur, hoc est in intellectu. In rebus autem neque veritas, neque falsitas est, nisi per ordinem ad intellectum. Dependunt autem ab intellectu divino res naturales sicut ab intellectu humano res artificiales. Dicuntur igitur

res artificiales falsae simpliciter, in quantum deficiunt a forma, & ab idea artis, ideo dicitur aliquis artifex opus falsum facere, quando deficit a Ratione artis. Sic autem falsitas in rebus, quae a Deo dependent, inveniri non potest; quidquid enim in rebus accidit, ex sapientissima Divini intellectus ordinatione, sive Ratione procedit. Excipe libera agentia, in quorum libertate est sese ab ordinatione Divini intellectus subducere, in quo malum culpae consistit, ideo peccata falsitates, & mendacia dicit Regius Psalmes psalm IV ut quid di-

het ad Deum, sicut se habet *radius ad solem*, secretum hoc praeclare aequae, ac profunde explicat Ecstaticus vir P. Benedictus Anglus *, ita enim radius hic suae causae productivae scilicet solis debet, ut absque huius perpetua sustentatione, ac communicatione ille nequeat subsistere, pari omnino ratione; ita *omnimoda est creaturarum a Deo dependentia*, ut sine huius continua conservatione, illae nequaquam possint existere: utque radius integre ad solem; ita creatura integre ad Creatorem est reducenda iuxta maximam: *Omne ens per participationem tale refertur ad ens per essentiam tale*. Et consequenter uti quidquid est in radiis ita relatis, non est aliud, quam ipse sol, ita nihil est in creaturis, quod non sit ipse creator *participative*; ac proinde quemadmodum sol non prius additur, ac subducitur, quin esse desinant radii; ita si Deus sese absconderet, ac creaturis veluti manum subtraheret, eadem continuo evanescerent. Verum uti radii, etsi nihil contineant, quod non sit sol participative, in se tamen spectati essentialiter non sunt sol, sed aliquid ab eo dependens, vel eius quaedam scintilla;

ea quoque ratione creatura, quamvis id omne, quo constat, Deus *participative* sit, nihilominus Deus non est, si in propria natura sumatur. Unde si scire cupis: quid creatura, tum *possibilis*, tum *actualis*, sit? Respondetur: *creatura, tam possibilis, quam actualis, aliud non est, nisi mera a Deo dependentia*. Ita praeclaudatus.

Unumquodque est Bonum, in quantum participat primum Ens per se Bonum, seu Bonum qua Bonum. 1764

CXXXVI Omnia sunt bona Divina Bonitate extrinsece, & *causaliter* ac *idealiter*, bonitate vero propria *formaliter*, in quantum unumquodque participat primum Ens per se Bonum, live Bonum qua Bonum per modum cuiusdam assimilationis, licet etiam remote & deficienter. Unde unumquodque dicitur Bonum ex Divo Thoma * Bonitate Divina, sicut primo principio exemplari, effectivo, & finali totius bonitatis; nihilominus tamen unumquodque dicitur bonum similitudine bonitatis sibi inhaerente, quae est formaliter sua bonitas denominans ipsum. Et sic est bonitas una omnium,

lignis vanitatem, & quaeritis mendacium? sicut econtra operatio virtuosa Veritas vitae nominatur, in quantum subditur ordini Divini Intellectus, Ioan. III Qui facis veritatem, venis ad lucem. Sicut igitur veritas formalis est conformitas entis subiectivi cum ideis, & Rationibus obiectivis, quae sunt in mente Dei, ita econtrario falsitas formalis est disformitas entis subiectivi cum ideis, & Rationibus obiectivis in mente Dei.

Unumquodque enim vel est conforme ideis & Rationibus suis aeternis, vel non est conforme: si est conforme, est verum: si non est conforme, est falsum, idque eo plus, minusve, quo magis, aut minus a conformitate, seu veritate deficit.

* P. Bened. Anglus Canfeldensis Capucc. in sua altissimae perfectionis regula parte III c. VIII

& etiam multae bonitates. Unde omnia appetendo proprias perfectiones, appetunt ipsum Deum, in quantum perfectiones omnium rerum sunt quaedam similitudines Divini esse. Quaedam tamen eorum, quae Deum appetunt, ipsum cognoscunt secundum se ipsum, quod est proprium creaturae rationalis: quaedam vero cognoscunt aliquas participationes suae bonitatis, quod etiam extenditur ad cognitionem sensibilem: quaedam autem appetitum naturalem habent absque cognitione, utpote inclinata ad illos fines ab aliquo superiori cognoscente, ut plantae, & corpora inanimata inclinantur per solam habitudinem & appetitum naturalem; & sic omnia suo modo per appetitum inclinantur in *Bonum*, cum omnia procedant ex voluntate Divina.

Pulchrum quid superaddit Bono?

CXXXVII *Bonum* est causa prima & praecipua, imo aliarum causarum amoris prima ratio; amor enim est passio quaedam appetitus, & complacentia amantis ad rem amatam: solum autem bonum est proprium appetitus motivum, nec res placet ulla, nisi quatenus conveniens est appetitui, proindeque bona: & ideo *pulchrum* continetur sub *Bono*, imo secundum rem sunt idem, quia super eandem rem fundantur, nimirum super formam, & propter hoc *bonum* laudatur ut *pulchrum*, sed ratione differunt; nam *bonum* proprie respicit appetitum, *est enim bonum*, quod omnia appetunt,

& ideo habet rationem finis; nam appetitus est quasi quidam motus ad rem. *Pulchrum* autem respicit vim cognoscitivam; *pulchra enim dicuntur, quae visa placent*; unde *pulchrum* in debita proportionem consistit; quia sensus delectatur in rebus debite proportionatis, sicut in sibi similibus; nam & sensus ratio quaedam est, scilicet particularis, & omnis virtus cognoscitiva; & quia cognitio fit per assimilationem, similitudo autem respicit formam, *pulchrum* proprie pertinet ad rationem causae formalis. Unde *Pulchrum* est *Bonum*, imo quaedam excellentia, diffusio, flos, splendorque bonitatis, & ita est causa efficacissima amoris... Attendas! . . . Quae igitur praepotens causa amoris ad Deum ex toto corde, & ex tota mente redamandum te compellit, qui solus & unus est *Bonum Optimum*, *Bonum Pulcherrimum*, cuius perfectio est infinita, & cuius pulchritudo est impenetrabilis...

Bonum praecipue dividitur in obiectivum, & subiectivum.

CXXXVIII Bonitas rerum alia est *absoluta*, quam res in se habet, & est idem ac perfectio rei: esse bonum hac bonitate est esse perfectum & integrum, iuxta illud S. Dionysii: *Bonum ex integra causa*. Alia bonitas *relativa*, quae respicit alia, quibus res una bona est. *Bonum* in se aliud est *essentiale*, quod est perfectum essentialiter, constans ex omnibus, quae ad essentiam eius spectant, ita ut nihil ei desit: aliud *integrabile*, cui nulla pars integra-

his deest, ut *homo*, cui nec brachia, nec manus, nec digiti &c. defunt, & tandem aliud bonum est *accidentale*, quod non solum omnem perfectionem essentialem, & integram substantialem, sed etiam omnem perfectionem sibi congruentem habet, ut *homo*, qui non solum est integer; sed etiam sanus mente & corpore, sapiens &c. Bonum relativum sive respectivum aliud est *honestum*, quod per se decet naturam rationalem, sive quod in se habet, ut desideretur, & appetatur, ut omnis virtus: aliud *delectabile*, quod nullam aliam habet rationem appetibilitatis, nisi voluptatem, cum alias sit noxium, & inhonestum: aliud *utile*, quod non habet in se, ubi desideretur, sed desideratur solum, ut est ducens in alterum, sicut sumptus medicinae amarae; attamen istud bonum *utile* facile sive ad bonum *honestum*, aut *delectabile* ordinatur.

CXXXIX Praecipue vero consideranda est divisio Boni in Bonum obiectivum, & subiectivum. Obiectivum est ipsum Bonum universale, sive Bonum summum, aut Bonum qua Bonum, id est, tibi ex praedictis & praelectis sat nota Ratio obiectiva, quae sicut est aeterna & incommutabilis lex essendi, secundum quam, & per quam facta sunt omnia, & lux intelligendi, per quam intelliguntur omnia, ita etiam est regula immutabilis & aeterna omnia volendi. Haec regula est: Bonum qua Bonum, est id omne, quod spectat ad bonitatem, & nihil est non boni; non aliter quam sicut Ens qua Ens est id omne, quod spectat ad Entitatem, & est nihil non

entis iuxta dicta num. CXXV. Quod Ens qua Ens sit essentiale, aeternumque intelligere, observavimus reflexi super nostrum intelligere innixum veritatibus aeternis, & illativae necessitati, quam nihil vetat, nec vetare potest. Quod autem hoc ipsum Ens qua Ens sit essentiale, aeternum, & incommutabile amare, deprehendere possumus attenti super amare nostrum sic innixum aeterno & incommutabili amare, sicut nostrum intelligere innixum est aeterno & incommutabili intelligere. Nam praeter propositiones aeternae veritatis, quas intelligimus, habentur etiam aliae, quae sunt aeternae Bonitatis & Iustitiae. Quod totum maius sit sua parte, est propositio veritatis aeternae: quod vero Bonum summum sit super omnia amandum: Parentes & Superiores sint honorandi: quod proximus sit diligendus: Alteri facias, quod tibi vis fieri: Genuine amare est proximo verum bonum velle & facere; unicuique, quod suum est, tribuere: Mala libentius tollerare, quam facere: Contemnere terrena & caelestia amare: Thesaurum auri & argenti per elemosynam in aeternum gazophilacium transferre: Propriam voluntatem abnegare, & Divinam aut superiorum facere: A voluptatibus carnis abstinere, & carnem suam, ac huius desideria crucifigere &c. sunt propositiones aeternae Bonitatis; vix enim formaliter, & secundum explicitum verum est summum Bonum esse amandum &c. sed id Bonum & Iustum est, quamvis & hoc Bonum in se sit verissimum. Haec autem Bonitas & Iustitia non est tantum Bona in aliquo

loco, & aliquo tempore, v. g. hic *Calaris*, aut ibi *Taurini*, & hodie aut cras, adeoque non est circumscripta loco aut tempore, vel mutationi obnoxia est, sed ubique & semper summum Bonum diligere & Bonum & Iustum est: cuius rei veritatem pariter incommutabilem clarissime in luce mentium conspiciamus, si *Bonum quod Bonum* secundum regulam & mensuram *Entis qua Ens* examinamus, atque illud ad electionem voluntatis, sicut hoc ad ratiocinationem intellectus sedulo applicamus; nam

Bonitas obiectiva Summi Boni est immutabilis Regula omnia rationabiliter volendi, & amandi.

CXL Attentius hic venit observandum, quod *intelligere* non sit *amare*; *intelligere enim est aliquid intus se legere*; *amare vero alicui bonum velle*, sive *appetere*. Est autem amor generaliter illud principium, quo appetitus tendit ad suum finem, sive in bonum amatum. Amor sic generalissime summum comprehendit quamlibet inclinationem vel tendentiam in bonum, & sic amor est triplex: *Naturalis*, qui est inclinatio naturae rei indita ab auctore naturae Deo, qua ad sibi conve-

nientia potest tendere, & moveri aut in habitis quiescere, aut corrumpere attentanti resistere, ut in *lapide*, *igne*, *aqua* &c. *Animalis* amor est sensitivi appetitus passio, qua sibi complacet in bono per sensum apprehenso, communis hominibus & brutis. *Amor rationalis* vel *intellectivus* est ille affectus, quo voluntas sibi complacet in bono per intellectum apprehenso. Hoc igitur amore *rationali* debemus amare, & nos super amorem attente reflectere, qualiter & secundum quam mensuram aut regulam obiectum illud amemus, quod propter suam aeternam rationem bonitatis, non alio nisi aeterno dignum est amore; & facileprehendemus non aliam regulam & rationem amandi praeter obiectivam Bonitatem Boni qua Bonum, esse possibilem, ita ut nec aliter possibile sit ullam intellectualem naturam rationabiliter & infallibiliter amare quodcunque obiectum bene. Audiamus S. Augustinum. Hic lib. de vera Religione docet: *Non diceremus aliud alio melius, cum vere iudicamus, nisi esset impressa notio Ipsius Boni, secundum quam & probaremus aliquid, & aliud alteri praeponeremus. Deum ergo si quaeris, inquit in eodem lib. S. Doctor, noli foras exire, * in te ipsum redi, in*

* Una filosofia (alloquitur Ganganelli in sua epist. Comitem Algarotti) di attrazione dev'essere in modo particolare la sua, per quella ragione d'aver ella un carattere dolce, amabile, che attrae l'animo di tutti; ma tra tanti vantaggi vorrei aver anche quello d'esser un po' meno Newtoniano, e più Cristiano. Noi non siamo stati creati per esser-

discepoli nè di Aristotile, nè di Neuton. L'anima nostra è destinata a cose più grandi, e quanto più la medesima nella di lei persona si trova sublime, tanto più ella deve alzarsi verso la sorgente. Ella può dir quanto vuole, che questo è il fare d'ogni Religioso di voler continuamente predicare, ed io le risponderò sempre che è il fare d'un filosofo d'applicarsi

interiore homine habitat veritas: illuc ergo tende, unde ipsum lumen rationis accenditur. Quid clarius, quid salubrius?

- CXLI Quapropter hic maxime notandum est, omnia ea, quae in hoc tractatu hactenus de obiectiva ratione, & de Ente qua Ens, in ordine ad intelligentiam rerum tradita sunt, proportionaliter applicanda esse rationi obiectivae Bonitatis, seu Bono qua Bonum, proportionaliter in ordine ad volendum & amandum, ita ut, sicut

iam dictum est, Ens qua Ens, seu ratio obiectiva veritatis in intellectu nostro *causet scientiam*, Bonum qua Bonum, seu ratio obiectiva Bonitatis in voluntate nostra *causet* eodem proportionali modo *amore*, quem non satis aliquis exprimit dicendo per orationem indicativam: *Amare Deum est bonum*; sed melius per orationem imperativam: *amato Deum*; haec enim oratio, non vero prior, significat cum motum, * quem secundum naturam meam essentiam passive excipio,

a sapere donde egli vien; e dove egli va. Tutti abbiamo un primo principio, ed ultimo fine; e si l'uno che l'altro non può esser che Dio... Il Cristianesimo è la sostanza di tutte quelle verità che l'uomo deve cercare. Ma egli vuol piuttosto pascersi d'errori, come appunto quei rettili che amano di ristorarsi nel fango delle paludi. Si va sovente a cercar lontano quel che si potrebbe trovare in se stesso, se si volesse bene entrarvi dentro, la qual cosa appunto fece sì che il grande Agostino, dopo d'aver scorso tutti quanti gli enti possibili, per vedere se in essi si trovava il suo Dio, ritornò al suo proprio cuore, e determinò che quivi era dov'egli esisteva più che altrove: & redi ad me.

Philosophus, qui a Primo rerum omnium Principio per ignorantiam deviat, & ab ultimo fine per malitiam aberrat, edicto: quantum huiusmodi per invia, & devia vagabundus genuinum rerum scientiam, quae in primum principium, & finem ultimum, seu in suum infallibile criterium necessario resolveri debet, in sua mente possidet? Quid enim est sapienter vivere, veraciterque sapere, nisi & se ipsum, & res universas de suo primo principio ad ultimum finem recte intelligendo deducere, & vicissim a suo ultimo fine ad primum principium bene vivendo perducere? ... & propter id ipsum ad Imaginem, & Similitu-

dinem Dei Immortalis factus est omnis homo.

* Eadem lux, quae illuminat omnem hominem, pariter omnem illuminando inflamat; utpote idem sol lucet, & ardet. Verum sicut Solis Intelligentiae, quos lucis suae diffundit, radios ex propria culpa tenebrae non comprehendunt; ita & eiusdem Divini Solis ardentis flammam, ut forundem corda igne amoris accendant, mortalium plurimi obcaecati, carnisque voluptatibus praecoccupati, nequaquam ad sua interiora admittunt. Unde & de his, quod Sap. XVI legitur, apte intelligitur, *Nix autem, & glacies sustinebant vim ignis: & non tabescebant*. Hoc ipso singuli illorum magis miseri, quo diutius in medio ignis permanent tepidi, & coalescunt frigidi. At vel ideo Sol Intelligentiae, Christus Dominus, Deus noster, oritur ex alto, ut illos, qui in tenebris ignorantiae sedent, veritatis suae luce illuminet, sedentesque in frigore nivis humanae miseriae, & malitiae suo amore eoque inflamet, donec frigida eorum corda seu nix liqueant, atque in amorem spirantes lachrymas non raro defluant. Hinc & de istis, quod de D. Magdalena poeta canit.

Nix ego, Sol Christus, radiorum ardore liquefco,

An mirum, ex oculis si fluit unda meis.

active emanatum, aeternaliter, & incommutabiliter a luce mentium, sive a Bono qua Bonum, quod in se est essentialis, & aeternus amor Bonitatis, quae sua suavissima praemotione cor nostrum impellit, & excitat dulci sapore mentali ad amorem amoris aeterni, subsistentis, atque Beati. Cuius amabilissimae veritatis eadem est ratio fundamentalis, quae argumentum est huius totius operis. Quia enim anima rationalis, seu *Imago Dei Immortalis* ad expressionem rationis aeternae est facta. Ideo non minus ad expressionem aeternae Bonitatis, quam aeternae Veritatis creatam novimus, ut genuina Imago esset sui auctoris, qui aequae summum Bonum, ac summum Verum, vel ideo seu infinita Veritas a cunctis agnoscitur, ut seu Bonitas Immensa ab universis super omnia diligatur.

Bonitas cuiuscunque rei est conformitas Entis creati cum ideis, & rationibus aeternae Bonitatis, quae sunt in voluntate Dei.

CXLII Quamvis ab aeterno Boni qua Bonum dictamine, & praemotione iubemur non Deum tantum, sed etiam Patrem & Matrem, & omne id, quod Deus condidit, amare amore rationali; verumtamen non ideo plures sunt Bonitates aeternae, aut plures essentialis amores. Sicut enim ratio obiectiva Entis est una & unica, a qua aeternaliter emanant omnium Entium possibilitum rationes, quae omnes in unicum incidunt, neque mul-

tiplicantur, nisi secundum respectum ad plura entia, qua possibilis; sic unica pariter est Bonitas aeterna, unus amor essentialis, qui sese extendit ad amandum singula entia secundum mensuram Entitatis seu Bonitatis, quam participant, ita ut sit unica essentialis, aeterna, incommutabilis ratio, cur singula amari debeant, cur unum Ens altero impensius amandum sit. Ipsa vero haec Bonitas aeterna, seu ipse amor essentialis aeternae Bonitatis amari debet non ob superiorem Bonitatem, quam participat, sed ex se ipso est vitalis, dulcis, amabilis, ac infinite Beatus Deus ter Optimus Maximus.

CXLIII Constat igitur, quod Bonitas rerum transcendentalis sit conformitas cum voluntate Divina. Intantum enim quodlibet ens est Bonum transcendentaliter, in quantum est ens; atqui omne ens est ens per participationem Divinae Entitatis: ergo etiam omne ens est bonum per participationem Divinae Bonitatis, & hoc non causaliter tantum, sed etiam formaliter; nam omnis participatio est assimilatio, & omnis assimilatio est conformitas; atqui ipsa rei participantis entitas est ipsa participatio, & consequenter assimilatio, & conformitas cum Entitate Divina formalis: ergo etiam bonitas entis participantis est assimilatio, conformitas, & participatio formalis Bonitatis, sive voluntatis Divinae. Porro entis assimilatio, participatio, & conformitas cum Ente Divino est ipsa relatio transcendentalis entis creati ad Entitatem Divinam:

relatio autem transcendentalis entis est ipsa formalis entitas entis creati, seu entis ab alio: ergo rei participantis Entitas, Bonitas, Veritas est ipsa participatio, assimilatio, & conformitas formalis: ergo Bonitas formalis entis, sicut & Veritas formalis est conformitas entis subiectivi & creti cum divina voluntate; sive ut clarissime loquar, & uniformiter: *Bonitas rei transcendentalis est conformitas entis subiectivi cum ideis, & rationibus aeternae Bonitatis in voluntate Dei; sicut veritas rei transcendentalis est conformitas entis subiectivi, seu creati, cum ideis & rationibus aeternae veritatis*

in mente & intellectu Dei. Etenim ideo ens est absolute verum, quia per se habet ens ordinem ad intellectum divinum, a quo dependet secundum suum esse: ergo etiam ens est absolute bonum, quia per se habet ens ordinem ad voluntatem Dei, a qua maxime dependet secundum suum esse: quia scriptum est: Quaecunque Deus voluit, fecit, secundum quod voluntas Dei, sicut & intellectus Dei est causa rerum: *Universas enim creaturas suas,* inquit S. Augustinus *, *& spirituales & corporales, non quia sunt, novit; sed ideo sunt, quia novit.* **

* S. Auguſt. tom. VIII lib. XV de Trinit. c. XIII

** Dum contraria iuxta se posita magis elucescunt, exposita Bonitatis Ratione de malo opposito quidpiam commemorasse iuvat. Malum non est aliquid existens, vel natura aliqua, ut cum Manichaeis, & Priscillianistis errantes putabant Pythagorici, sed ipsa absentia, & privatio Boni malum est. Quia autem malum non est per se cognoscibile, eoquod de ratione mali sit privatio boni; unde non nisi per bonum definiri potest, aut cognosci. (n. XLIV *) unum enim oppositorium cognoscitur per alterum, sicut per lucem tenebrae. Igitur ex ipsa Ratione Boni, quid malum sit, oportet accipere. Ratio autem Boni consistit in hoc quod aliquid est appetibile, & ideo secundum Philosophum Bonum est, quod omnia appetunt: unumquodque autem est appetibile, secundum quod est perfectum; omnia enim suam perfectionem appetunt, quae maior, aut minor est, secundum quod unumquodque de Ente perfectissimo, Optimo, Maximo magis, aut minus participat (n. LVII). Igitur cum omnis natura appetat suum esse, & suam perfectionem, ne-

cesse est dicere, quod esse, & perfectio cuiuscunque naturae Rationem habeat bonitatis, unde non potest esse, quod malum significet quoddam esse, aut quamdam formam, seu naturam; sed quia ens, inquantum ens, est bonum, inquantum malum nec bonum, neque ens, seu existens est: ideo mali nomine quaedam privatio & absentia boni significatur. Malitia, quae opponitur bonitati essentiali entis, quae est ipsa entitas rei, tollit bonitatem, seu ipsam entitatem rei, & sic malitia est pura negatio; cum enim nullum habeat subiectum, quia totum negat, nequit se habere per modum privationis, quae est negatio in subiecto, & quidam non in subiecto quomodocunque, sed in subiecto apto, & nato: ita ut perfectio, & bonitas negata sit illi subiecto debita, alioquin tale subiectum non diceretur malum, neque illa negatio boni malitia; non enim ideo lignum dicitur malum, quia non habet bonitatem hominis, nec homo malus, quia non habet bonitatem angeli; sed ens aliquod tunc dicitur malum, quando non habet bonitatem debitam. Ex his colliges in ordine ad doctrinae Magisterii interni conformitatem, idem proportionaliter, &

Omni rationabiliter consilianti, iudicanti, ac desideranti necessario impressa est notitia summi Boni.

CXLIV Cum praesentes paginae non proprio, sed sanctorum Doctorum plerumque glorientur documento, ad praedictorum confirmationem adiungimus eminentissimam S. Bonaventurae * Doctoris Seraphici auctoritatem. Operatio virtutis electivae; pergit in citato opusculo, attenditur in consilio, iudicio, & desiderio. Consilium autem est in inquirendo, quid sit melius, hoc an illud: sed melius non dicitur, nisi per accessum ad optimum; accessus autem est secundum maiorem assimilationem. Nullus igitur scit, utrum hoc sit illo melius, nisi sciat illud optimo magis assimilari; non enim scio hunc similem esse Petro, nisi sciam, vel cognoscam Petrum: omni igitur consilianti necessario est impressa notitia summi Boni. Iudicium autem certum de consiliabilibus est per aliquam legem; nullus autem certitudinaliter iudicat per legem, nisi

certus sit, quod illa lex recta sit, & quod ipsam iudicare non debet; sed mens nostra iudicat de seipsa. Cum igitur non possit iudicare de lege, per quam iudicat, lex illa superior est mente nostra, & per hanc iudicat, secundum quod sibi impressa est. Nihil autem est superius mente humana, nisi solus ille, qui fecit eam: igitur in iudicando deliberativa nostra virtus pergit ad divinas leges, si plena resolutione dissolvat. Desiderium autem principaliter est ipsius, quod maxime ipsum movet; maxime autem movet, quod maxime amatur; maxime autem amatur esse beatum: Beatum autem esse non habetur nisi per optimum & finem ultimum; nihil autem appetit humanum desiderium, nisi summum Bonum, vel quod est ad illud, vel quod habet aliquam effigiem illius. Tanta est vis summi Boni, ut nihil nisi per illius desiderium a creatura possit amari, quae tunc fallitur, & errat, cum effigiem & simulacrum pro veritate acceptat. Vide ergo, quomodo anima Deo est propinqua, & quomodo memoria in aeter-

eodem modo, ac ratione sicut de simplicitate, ita & de malitia circa difformitatem cum Ideis, & Rationibus aeternis in Mente Divina existentibus esse discurrendum; propterea sicut falsitas est defectus veritatis, sive difformitas entis cum Ideis, & aeternis Rationibus in Divino Intellectu existentibus: ita similiter malum seu malitia est defectus bonitatis, seu difformitas entis cum Ideis, & Rationibus in Divina voluntate existentibus. In Intellectu Divino sunt Rationes, & ideae aeternae Entitatis, & Veritatis, in Voluntate autem Divina existunt Rationes, & ideae aeternae Entitatis, & Boni-

tatis (n. CXXXIX). In quantum enim unumquodque deficit ab Idea, & Ratione debitae sibi bonitatis, & perfectionis, in tantum in ordine ad voluntatem divinam dicitur malum, & in quantum deficit ab Idea & Ratione aeternae veritatis, & entitatis, in ordine ad Intellectum Divinum dicitur falsum, ideo autem hoc, quia ens sub ratione entis non minus fundat verum, quam bonum, & similiter non ens, seu privatio entis non minus fundat falsum, quam malum, hoc in ordine ad voluntatem, illud in ordine ad intellectum.

* S. Bonav. c. III Itiner. mentis in Deum.

nitatem (vide supra n. CXXXI.) intelligentia in veritatem (lege n. LIII) electivâ potentia ducit in bonitatem summam secundum operationes suas. Et ideo mens nostra, concludit Doctor Seraphicus citatum caput tertium, tantis splendoribus irradiata & superfusa, nisi sit caeca, manuduci potest per se ipsam ad contemplandam illam lucem aeternam. Huius autem luis irradiatio, & consideratio sapientes suspendit in admirationem, & e contrario insipientes, qui non credunt, ut intelligant, ducit in perturbationem, ut impleatur illud propheticum *: *illuminans tu mirabiliter a montibus aeternis, turbati sunt omnes insipientes corde*: ita S. Doctor Bonaventura. Accedite igitur ad Solem intelligentiae, & illuminamini, & facies vestrae non confundentur etsi forte tanto lucis splendore suffundantur, quantum sufferre vix poterunt; si enim sol corporeus oculos nostros adeo penetranter irradiat, ut eorundem aciem veluti in excessum ponat, de Divini Solis splendore, quo mentis nostrae visum illuminando inflammat, sentiendum quid restât? Plura de hoc, & rariora lege supra num. XLVII. & seqq. Interim praesenti saeculo meritum condolendum, quod illud D. Augustini continuo videatur impletum: *Eru-escere debet humana*: (tua, mea, &c.) *pigritia, quia plus paratus est Deus nobis dare, quam nos a Deo accipere . . .*

Quid est vita Rationalis?

CXLV Respondet antiquus Philosophus Aristoteles **: *Restat, ut mens sola extrinsecus adveniat, eaque Divina sit. Animae Rationalis notitia ob supremam sui obiecti prae aliis Creaturis omnibus (Angelos excipe) praestantiam tanto ceteris disciplinis intervallo praecellit, quanto propius ad ipsiusmet Creatoris, ad cuius imaginem facta est, secundum tractatus istius frontispicium, accedit participium. Si autem mens humana prope Divinum quid, vita rationalis qua talis quid erit? Consulo, quos ad manum habeo, plures Philosophos; aut omnes ad quaestionem hanc parum, aut quasi nihil conducentes reperio. Secundum eclecticos proprium cogitantis spiritus agere est cogitare, & intelligere; id ipsum est humanarum animarum vivere, atque vivendi exercitium (vitam hic rationalem spirituum propriam intellige). Verum id dicitur tam vulgariter, quam communiter. Si famosi Ioannis Lockii, cuius nomen in hodierna Republica Litteraria tam celebre est, ut actum ageret, qui amplioribus verborum encomiis illud commendaret, sex libros, quos de humano intellectu idiomate Anglicano & ipse Anglus conscripsit, a capite ad calcem perlustro, vix aliud de ratione, aut rationali vita praeter haec pauca deprehendo: " Intellectus, ait, oculorum instar, in causa est, cur reliqua omnia intueamur,*

* Psal. LXX.

** Arist. lib. II de gener. animal. c. III.

& percipiamus, par est, ut Deum auctorem naturae nostrae sempiternis laudibus extollamus *ob intelligentiae particulam istam*, quae nos animantibus reliquis praestare voluit... felicitati hominum in eo satis est prospectum, quod *lumine abunde claro* sint praediti, quo in Summi Creatoris notitiam duci, & officiorum, quibus ut fungantur, sunt obstricti, satis admoneri possunt. Frustraneum erit ignavo & petulanti servo, cui ad *candelae lumen* pensum erat conficiendum, si ea uti excusatione voluerit, quod sibi *radiis solis* haud affulserint. Eadem est ratio, si id ad nos applicaverimus, dum negligimus nobis inservire *eo lumine*, quod *Deus nobis indidit*. Quae intra nos *accensa est candela*, sat luminis ad omnes vitae usus mentibus nostris praefert... Cum ratio (si modo hisce hominibus fides habenda sit) nihil aliud sit, quam facultas veritates incognitas ex principiis, sive propositionibus cognitis inferendi. En quomodo ex aliena mente de *ratione*, quid de rationali vita aut sciat, aut sentiat ille Lockius, qui ad finem vitae sumpta pro more Anglicano coena, ministro officio suo functo dixisse fertur: *Quod perfectam charitatem erga omnes homines, & unionem sinceram cum Ecclesia Iesu Christi, quocumque etiam nomine appelletur, foveat*; quae aut indifferentissimum, aut Catholicissimum aequivoce indigi-

tant. Patet autem ex suis dictis, quod cum regio *Psalte* laudando professus sit: *Signatum est super nos lumen vultus tui, Domine* *. Quid ergo est vita Rationalis?

CXLVI Quid Ratio sit, legisti hic num. XII quid autem vita rationalis qua talis sit, an omnes Philosophi aut ignorant, aut nescire se simulant; ex praedictis igitur attentius responsum ceu legitimam conclusionem benevoli audiant: *Vita rationalis qua talis est imago vitae Divinae*, id est, vita ad expressionem vitae Divinae facta. In tantum enim aliquid est imago alterius, in quantum est ad expressionem alterius rei factum, secundum Doctrinam S. Thomae. Ut autem adhuc profundius penetres, quid entis tua anima, & huius vita rationalis sit, te ad verba P. Valeriani Magni ** supra laudati attentum postulo. Lux mentium, de qua plurima in isto opere sunt pertractata, secundum suam realem entitatem non potest esse tuae intellectionis terminus, tibi immanens: est enim intellectio motus, qui immanet intelligenti; sed intelligens lucem mentium, sive Rationem obiectivam, necessario debet esse aliquo modo lux mentium, ut eam intelligat, intelligere enim est *esse rem intellectam*, iuxta n. XXVI. Cum autem impossibile sit animam rationalem esse ipsam lucem mentium, sicut impossibile est oculos esse lucem solis, non potest Lucem mentium, seu Rationem obiectivam in-

* *Psal. IV* ** P. Valerianus Magnus de luce ment. c. XII

telligere, nisi evaserit in viventem eius imaginem, & secundum hoc definitur *Intellectio vitalis imago*; ac viva repraesentatio illius, quod cognoscitur. Hic autem maxime observandum, quod animae praeexistenti nulla superproducatur imago, quae animae referat Lucem mentium, seu Rationem obiectivam: imo experiri quis potest mentaliter, quod intellectio, qua intelligit aliquis lucem mentium, non sit animae accessoria, sed naturalis, & essentialis: intellige eam intellectionem, quae non fertur directe in lucem mentium, ut in obiectum intellectum, sed qua quodque intelligens intelligit reliqua omnia (*Vide hic num. LXII*). Dic, si tibi placet, adhuc clarius pro responsione ad quaestionem: *Quid est vita rationalis? est ratio vivens*; sive *est vitalis ratio Rationis aeternae*, seu *est vivens expressio, repraesentatio Rationis aeternae*. Expressio autem ista fit simplici perceptione, infallibili enunciatione, & immutabili illatione omnium Rationum aeternarum, quae in Deo una sunt indivisibilis *Ratio aeterna*, & *Vita* perpetua infinite perfecta. Quapropter & tua *Ratio Immortalis est Vita*, quod mox infra n. CXXXXVIII. manifeste patebit. Interim quid in te vivens Ratio sit, in qua ceu in radice rerum omnium *rationes* continentur attentius perpendas. Quod ut facilius praestare possis, ex triplici operatione vitali, qua vivens ratio tua operatur, nimirum ex simplici perceptione, ex infallibili iudicio, ac ex immutabili illatione, quanta res miranda ratio-

nalis sit vita, seu vitam arboris, aut arborem vitae ex sua vitali actione & fructu cognoscere non praetermittas. Experimentali notitia, quam ex ista reflexione hauries; quid *Spiritus* in sua essentia & conditione sit, suaviter degustabis, eorumque fatuitatem, qui Spiritum negant, animamque mortalem putant, plene perspectam habebis (n. XCII).

Anima nostra Rationalis est vera Species seu imago repraesentativa Lucis mentium.

CXLVII Ut autem omnem umbram amoveas, quae menti tuae ceu nubes sereno caelo obducitur, scito te hallucinari in intellectione plurimorum entium, perinde ac hallucinari in contemplatione lucis mentium. Cogita animam tuam, & experieris te exigere a sensibilibus imaginibus, quas habes apud te, eas, quibus repraesentantes, quid rei, quidque entitatis sit anima tua: neque vales, quantumcunque in contrarium coneris, desinere ab *imaginaria conceptione phantasmatum*, quae repraesentant tibi subtilissimum corpus loco motum, & nunquam spiritum viventem intellectualiter, nec tamen ob hoc imaginationis delirium, tu mens, ducis in errorem, sed illum in lucem mentium corrigis. Hoc ipsum fac, cum intuitus lucem mentium, seu Rationem aeternam, quae secundum dicta n. XIII menti tuae obicitur, non solum imaginatio tua eam nititur concipere, velut sit subtilissima moles toto caelo extensa, & per omnia retro

tempora durans, sed & cum conaris intelligere dicendo seu percipiendo illam, iudicando, & ratiocinando de illa. Quamprimum enim hoc attentas, substituis idolum repraesentans non lucem mentium seu rationem obiectivam, sed tenebras illas, quae lucem illam non comprehenderunt. Vide dicta num. CXV. Nihil profecto importunius *se medium* inter animam, hancque lucem sistit, quam eiusmodi concepta species, velut ea sit repraesentativa lucis mentium; cuiusmodi tamen non est ulla vera, praeter individuum animam tuam rationalem. Natura enim intellectiva est unica naturalis species intelligibilis, nata referre sibi ipsi Deum tum, cum reflexa super suum activum intelligere, & velle, cernit sine illatione, imo & sine imagine se esse actum subsistentem, ac viventem, stantem apud se, pro Deo vivo & vero, quem refert, tamquam quae sit eius imago, & similitudo, non sibi impressa aut superproducta in se, sed subsistens, & cognoscens per id, quod est, & per rationem, quam repraesentat, illorum entium naturam, quorum aliunde rude acquisierit notitiam. Vix sunt ex millenis, qui illi falsae imagini, quam nostra imaginatio lepide suggerit, veram ac intelligibilem lucis mentium speciem substituunt, qualis est cuiuslibet intellectus creati nuda, ipsissimaque natura, sic iugiter a Deo manans per meram creationem, ut species colorati produciatur a corpore colorato in videntis

pupillam. Quapropter vita rationalis nihil aliud est, quam quod anima nostra vivat ex illa aeterna & immutabili luce ac ratione*, quae est lex essendi, lux intelligendi, & regula volendi, ac consequenter vita mentium. Profecto tam rarum, quam nobile genus vitae!... Quod ut intimius penetrare, digniusque aestimare valeamus,

Rationalis vita animae nostrae ad vivum delineatur.

CXLVIII **R**ecolamus, quae paullo ante non sine ingenti admiratione percepimus: Sicut species colorati produciuntur a Corpore colorato in videntis pupillam, ita nuda, ipsissimaque creati intellectus nostri, seu animae nostrae natura per meram creationem a Deo iugiter manat. Suspiciamus nos, tu & ego, stellis maximis & innumeris adornatum firmamentum, torumque, quantum possumus, globum terraqueum: & ecce in primo oculorum nostrorum ictu species, forma, & imago stellarum firmamenti, globique terraquei intra pupillam facili negotio produciuntur, qua mediante vicaria specie, & imagine caelum & terram apertis oculis extra nos, clausis vero oculis intra nos in nostra vivaci imaginatione aspicimus, quia dicta species intra oculos & imaginationem nostram producta Vixens est similitudo, & imago, ac vera expressio, & repraesentatio caeli & terrae. En quantae sortis & artis sit isthaec caeli terraeque imago, forma & species!... * Quae igitur, & quanta

* Si peris, ut haec mundi species maiori splendore te affulgeat, lege n. LXXX, & LXXXI.

(qui id legis, intelligas; non solum enim a minori ad maius, sed respectively a minimo ad maximum, quia a finito ad infinitum producit argumentum). Quae igitur, & quanta est *Immensi Dei optimi maximi Entis Veri & Boni species viva, forma & imago vera*, quae est ipsa anima nostra ab omnipotente virtute ad speciem & imaginem Dei Immortalis creata? ... Edicito: quid, & quantum est in sua entitate, in sua veritate, & bonitate totius spectabilis huius mundi, caeli, & terrae figura, & gloria, quae pariter velut quaedam *species* Divinae *Entitatis, Veritatis, & Bonitatis* continua conservatione procreatur, si cum Deo, qui est *ipsissimum Verum, & Bonum Infinitum*, licet, & ipsum *Pulchrum Immensum*, in comparationem exponitur? ... Quid, & quantum, nisi umbra modica, & inane nihil? ... Cum igitur anima nostra Infiniti istius Veri & Boni, ac Pulchri Immensi vivens sit *species, imago*, ac *repraesentatio* in se subsistens, (n. LXII) quae sine intermissione, veluti radius a sole, per meram creationem a Deo emanat, (n. CXXXV) *rationalis vita* istius excellentis *speciei & verae imaginis* Dei Immortalis, animae nostrae quae, & quanta est? ...

CXLIX Arcanum hoc philosophicum, de quo scholae altum tenent silentium, ut ad tuum gustum & beneplacitum, seu sigillum apertum supplicias, paullo attentius supra ea, quae dicta sunt, tuae mentis aspectum, qui ratio tua est, instanter reflectas. Nosti, quia supra legisti, quatenus

anima rationalis ex illa aeterna, & *Immensa Vita* vivit, quae ex sua infinita perfecta Entitate, & vivacitate est immutabilis Lex, vivens Ratio, & Principium essentiae, vitae, ac entitatis rerum omnium, quae modo sunt, aut iam fuerunt, aut deinceps erunt, aut in infinitum ab omnipotente produci poterunt. Capis, quantus per has paucas litteras significetur *vitae spiritus*? ... Sed ulterius: Tu nosti; quia iterato legisti, quod anima nostra ex illa aeterna, & *Immensa Vita* vivat, & tanquam viva & vera *species* in se subsistens per creationem continuo procedit, quae ex sua infinite perfecta Veritate, & Infallibilitate est Lux, vivens Ratio & Principium viventis scientiae, & vivae notitiae, ac veritatis rerum omnium, quae modo sunt, aut iam fuerunt, aut deinceps erunt, aut in infinitum ab omnipotente produci poterunt. Amodo autem vitam hanc admirabilem gustare incipis? At necdum satis... Tu nosti: quia attente legisti, quod anima rationalis ex illa aeterna, & *Immensa Vita* vivat, & tanquam viva & decora *species* in se subsistens per creationem sine intermissione progreditur, quae ex sua infinita perfecta Bonitate, & Pulchritudine est indefectibilis Regula, vivens Ratio, & Principium vivae pulchritudinis, & amoris, ac bonitatis rerum omnium, quae modo sunt, aut iam fuerunt, aut deinceps erunt, aut in infinitum ab omnipotente produci poterunt. Atque huius Verissimae, Beatissimae, ac vivacissimae vitae Divinae est species iugiter

ex illa emanans tantae similitudinis, ut eiusdem quoque imago, quae omni intuenti illam vitam Divinam clarissime tanquam absoluta *effigies* ad vivum repraesentet.

CL Noverit autem lector, quid *vivere*, & quid *vita* sit? Idipsum evidentius ut fiat, praesciendum triplex esse genus vitae: *vita vegetativa*, qua vivunt plantae: *vita sensitiva*, qua vivunt animalia: *vita intellectiva*, seu vita rationalis, qua homines vivunt & angeli. *Vivere* autem est ex innato sibi principio se ipsum movere. Sicut autem quid vivere vegetativum plantarum ex incremento, quidve vivere sensitivum ex operatione & perceptione sensitiva cognoscitur secundum dicta num. XXIV, XXV, XXVI, XXVII & XXVIII. Ita quoque ex operatione & cognitione intellectiva atque rationali, *quid vita rationalis sit*, evidenter colligitur, *operatio* autem *prima* animae rationalis *ex parte intellectus* est, aeternas rerum omnium rationes, quae tanquam *species* *Rationis* obiectivae in mente Dei per creationem in anima producuntur, simpliciter vivaciterque percipere. *Secunda intellectus operatio est*, aeternas rerum omnium rationes, quas simpliciter intra se percipit, infallibiliter diiudicare, quod infallibile diiudicare pariter ceu viva *species*, & imago infallibilis iudicii Divini in mente Dei per creationem produciuntur, & denum *tertia operatio ex parte intellectus* est, ex aeternis rerum omnium rationibus simpliciter perceptis, atque infallibiliter diiudicatis

aliam aeternam, & infallibilem veritatem, & rationem immutabiliter inferre, quae immutabilis illatio ceu *species* ex immutabili illationis Ratione in mente Dei per creationem iugiter profertur. En, triplex vitae tuae rationalis coram te adstat operatio: I Rerum omnium viva perceptio: II Rerum omnium viva discretio: III Rerum omnium viva demonstratio. Ex triplici hac operatione perspecta, sponte sua sese tibi exhibet nobilissimum, quod ipsis Angelis commune, & ab omni alio ente distinctum est, rationalis vitae genus. Arque ut idipsum intimius percipias, non paucorum verborum litteram, quae occidit, sed Spiritum illorum, qui vivificat, delibere expendas, & quae, & quanta *Rationalis animae tuae sit vita*, experimentalis notitia simpliciter perceptam, infallibiliter diiudicatam, & immutabiliter demonstratam habebis. Dictum, & notum satis!

Anima rationalis, quia imago repraesentativa Rationis aeternae, est evidenter Immortalis.

CLI Sed inferes: ergo tu, Udalrice, es in corpore tuo actus aeternus & incommutabilis? Non sum: sum equidem subsistens, & vivens similitudo, & imago Rationis aeternae, & incommutabilis? repraesentativa Eius non sensibilibiter, ut hoc a sensibus percipi possit, sed intelligibiliter, ut id manifesta ratione deprehendat, quicunque ratione utitur, utpote mentaliter discretiva omnium entium ab

in vicem, ita ut ea pertingat ad distinctionem animae meae ab hoc spiritu, quem dixi rationem, quemque intelligibiliter mihi repraesento. Unde *Ratio*, quam consulo intellegendum quodcumque intelligibile, non est mihi superproducta, sed neque ego sum ipsissima *Ratio*, sed sum *Rationis* imago repraesentativa eius; non visibiliter per sensus, nec imaginarie, sed intelligibiliter. Iam vero interrogo & ego ex te unum & alterum: *An anima rationalis est evidenter immortalis?* Si materialista sis, cuius iudicio mens, & cogitatio non est aliquid a materia, ab atomis subtilissimis, & materiae modificationibus distinctum, aut alius Philosophus libertinus fueris, animam immortalem negas, sed enormiter erras! Accipe, quid aeterna Veritas sive *Ratio* tibi opponat: *Vivens Imago, ac vera repraesentatio Immortalitatis non potest esse, etiam per Dei omnipotentiam, qua talis mortalis; sed anima rationalis ex sua essentia est vivens imago, ac vera repraesentatio immortalitatis, scilicet Dei immortalis: ergo anima rationalis non potest esse, etiam per Dei omnipotentiam, qua talis mortalis, si enim qua talis esset mortalis, non plus repraesentaret Immortalitatem, ac mors repraesentat vitam, & sic in essentia sua esset repraesentatio Immortalitatis, & simul non esset repraesentatio Immortalitatis, quia ex essentia sua esset mortalis & repraesentatio mortalitatis: si autem anima rationalis in sua essentia est vera repraesentatio Immortalitatis simul & mortalitatis, simul est immortalis &*

mortalis, adeoque evidenter immortalis, quia simul per te mortalis & immortalis vera repraesentatio mortalitatis, & Immortalitatis, & hoc quidem *ex & in sua essentia*. Quomodo id ipsum de spiritu humano, & angelico sit intelligendum videre poteris n. XCIV *.

CLII Fors autem negabis animam rationalem *ex & in sua essentia* esse viventem imaginem, ac veram Immortalitatis repraesentationem; sed contra hanc tuam desperandam negationem clamat, & irrefragabiliter contrarium demonstrat praesens hoc opusculum totum, quod animam rationalem aeternae *Rationis* expressivam imaginem universo mundo ad spectaculum perhibet. Omne enim cognoscens Immortalitatem est repraesentans Immortalitatem, quia id est de essentia cognitionis; atqui anima rationalis *ex & in essentia sua*, quam per creationem a Deo obtinet, est cognoscens Immortalitatem seu aeternitatem, quia *Immortalitatem a mortalitate per rationem aeternam distinguit*: ergo est repraesentans Immortalitatem: atqui ubi datur repraesentans, ibi datur repraesentatio & imago: ergo anima rationalis *ex & in essentia sua* est imago Immortalitatis, consequenter non potest qua talis non esse immortalis. Confirmatur. Imago Dei anima rationalis ad expressionem rationis aeternae facta exprimit rationem aeternam I *Simplici perceptione*, II *Infallibili enunciatione*, III *Immutabili illatione*: ergo evidenter, & infallibiliter est immortalis, quia *operari sequitur ad*

esse, & ex operatione rei essentia, sicut ex fructu arbor, cognoscitur; *Ratio autem aeterna est Ratio immortalis*: ergo quia anima rationalis ex & in essentia sua est *repraesentatio rationis aeternae*, hoc ipso est etiam *repraesentatio rationis immortalis*. *Ratio aeterna*, quae est ipse Deus aeternus & immortalis, est *ratio obiectiva nostrae humanae rationis*, seu animae rationalis, quia huius prototypum & effigies, ad cuius expressionem, seu ad hoc, ut rationem aeternam & immortalem ad vivum & verum repraesentet, facta est, & vicissim nostra humana ratio seu anima rationalis est subiectiva ratio *Rationis aeternae & immortalis*, quia huius imago & expressio: ergo una est alterius *Ratio rationis*. Sed ratio immortalitatis est evidenter immortalis: ergo & ratio *Rationis immortalis* pariter est immortalis, alias non esset ratio *Rationis immortalis*. Ipsa *Immortalitas* in Deo est increata, in anima rationali autem est creata, quia anima ad imaginem immortalitatis, sive Dei immortalis est facta: ergo *anima rationalis est evidenter immortalis*. Quod secundum operis huius propositum erat primo demonstrandum. Mox expeditur & alterum.

Anima rationalis evidenter est Spiritualis.

CLIII Id denuo, si hodiernus Materialista, si Philosophus libertinus sis, pertinaciter negabis; sed paucis te

expedio, dum antecedenti demonstrationi constanter insisto. Vivens imago ac vera repraesentatio *Spiritualitatis* non potest non esse *spiritualis* qua talis, & hoc tam evidenter, quam vivens imago *immortalitatis* non potest non esse *immortalis* qua talis; quia alias non ad vivum, non ad verum repraesentaret *Immortalitatem*, aut *Spiritualitatem*; maxime quia tota essentia animae est esse *viva & vera imago Rationis aeternae*, sub cuius sphaera continetur tam ratio *Spiritualitatis*, quam *Immortalitatis*, cum sit imago *Dei Spiritualis & Immortalis*, atque hoc non per aliquod accidens, sed ipsa anima in essentia sua tota est *vivens*, ac subsistens imago *Dei Spiritualis & Immortalis*, adeoque imago, idest, expressio *Spiritualitatis*, sicut *Immortalitatis*; & quidem *Immortalitatis & Spiritualitatis* est *formalis imago*; quia etsi sit imago *mortalitatis*, & *materialitatis*, quia etiam *mortalitas*, & *materialitas* habet in Deo seu in mente divina rationem sui aeternam seu ideam; hanc tamen non habet *formaliter*, sed *eminenter*, quia omnia, quae facta sunt, in Ipso vita erant. Dignare, & in libro de *Miraculis seu de Mirabilibus fidei divinae*, n. VII, VIII & IX, revolve, videbis quomodo ipsa mors in Deo & in anima tua sit *vita*. Quemadmodum igitur in Deo, ad cuius effigiem anima nostra creata est, ipsa *mortalitas immortalis*, & ipsa *materialitas spiritualis* est, ita & in tua anima ratio *materialitatis spiritualis*,

& ratio mortalitatis immortalis scilicet per rationem spiritualement, & aeternam repraesentatur. Atque per hoc notandum multis contradictionibus, quae alias ab adversariis opponi possent, omnis aditus est interclusus. Confirmatur: Id, quod in se est capax formarum incommutabilium, ac rationum aeternarum rerum omnium volendo, intelligendo, & memorando, evidenter est spirituale; atqui anima rationalis volendo, intelligendo, & memorando est capax formarum incommutabilium, ac rationum aeternarum rerum omnium; cognoscit enim definitiones rerum omnium, si proponantur, quae sunt formae incommutabiles, & rationes aeternae, prout ex hoc toto tractatu evidenter constat: ergo anima rationalis est evidenter spiritualis. Aut quid aliud per *spiritum*, sive *ens spirituale* intelligitur, nisi quod volendo, intelligendo, & memorando praeter suam propriam formam aliarum quoque rerum formas vitaliter in se recipere, easdemque veraciter ad vivum repraesentare potest? ... Atqui anima rationalis &c... Ergo!... Vide n. XXVI, & seqq.

CLIV Ut autem adhucdum arctius constringantur *spiritualitatis* hostes, quaero ex illis: Quid iuxta vestram sectam est *Spiritus*? Respondebitis utique: *Spiritus aut materia est, aut nihil est*: aliud vix, quod reponatis, in vestris figmentis invenieris; sed quidquid dixeritis *negando spiritum*, qualis quantusque in sua essentia & operatione a parte rei est, semper tamen

nolentes *spiritum* verum admittere debetis. Ponamus esse certum: *Spiritus est materia*: ergo & verum erit: *materia est spiritus*: ergo *ens spirituale est ens materiale*, & *esse materiale est esse spirituale*, sicque *corpus est spiritus*, & *spiritus est corpus*: ergo & anima vestra est corpus, & corpus vestrum est anima. Ne prolixior ultra terminos brevitatibus progrediar, dicta de *materia cogitante* num. LXXIV attento studio revolvenda vobis significo; inevitabili enim necessitate materiam esse ens spirituale, adeoque animam, esse per vos subtilissima materia sit, materiale, & simul spiritualement esse concedere vos compulsi adverteritis. Unde iuxta vestram sectam subtilis materia, quae animam rationalem per vos constituit, evidenter est spiritualis. Faciles id concesseritis, at simul istam materiam *spiritualement*, quae per vos anima rationalis est, *mortalement* praetenditis, sed frustra: etsi enim Tertullianus, Iraeneus, & aliqui alii inter Patres animam humanam *subtilissimam* quamdam *materiam* ab omni terreno corpore *distinctam* existimarent; attamen magnum inter eorum Patrum, & recentiorum *Modernorum* sententiam intercedit discrimen: Patres illi non modo animam rationalem a corpore separari posse, & *separatam per se existere*, verum etiam in sua natura *immortalem* tenere: optimi igitur Catholici, licet aliquando adeo solidi non fuerint metaphysici. E contrario vos, recentiores materialistae, animam hominis & corpoream, & *mortalement*, atque ut quodcunque aliud

corpus *solvendam* propugnare contenditis. Ex quo dilucide vobis constare debet, quod si vestrae praesumptioni non concederetur, sed solum permetteretur, animam rationalem esse materialem, & *subtilissimam materiam*, qua anima constituta foret, esse *spiritualem*; hoc inquam permissio, non concessio, ex superiori num. CLI & CLII, vos penitus convictos animam rationalem evidenter esse *immortalem* fateri necesse est. Iam vero ex hoc ipso

CLV Reassumo argumentum: *Animam rationalis est evidenter immortalis, ergo etiam est evidenter spiritualis*. Immortale est, quod semper vivit, & nunquam moritur, prout ex ipsa Incommutabili Ratione *Immortalitatis* tum *obiectivae*, tum *subiectivae* evidenter patet. Quod autem *nunquam moritur, & semper vivit, est vita perpetua*; etsi non simpliciter, sicut vita Dei, aeterna, saltem certo *aeviterna*, idest, in aeternum duratura, licet in tempore sit creata; sed *vita perpetua, & semper duratura est evidenter spiritualis*; ergo anima rationalis, quia evidenter immortalis, est etiam evidenter spiritualis. Quid negabis? *Vita immortalis* id ipsum est, quod *spiritus* dicitur: ergo ubi est vita perpetua, vita immortalis, ibi est verus spiritus, cuius operationes nimirum *intelligere, & velle* non nisi vita sunt. Sed ut tuis propriis verbis, ceu armis, adeo convincaris, ut ne halitusum trahere in contrarium possis, argumentum ad hominem cape. Ideo tu, materialista, etiam contra tuam rationem, & intimam conscien-

tiam nullum spiritum a materia distinctum admittis, quia hoc admissio Deum summum spiritum, & tuorum delictorum omniscium Iudicem, animamque tuam *spiritualem, & immortalem* esse diutius negare non posses; unde Deum esse negas, & nullum spiritum, nihil spirituale esse affirmas, ac animam tuam subtiliorem materiae portionem fortuito casu sic combinatam, huiusque actus omnes, omnes perceptiones, omnes enunciationes, & omnes argumentationes eiusdem subtilioris materiae *modificationes, motus, figuras, & combinationes* esse iudicas, & vel ideo sicut animam tuam *materialem casu factam*, ita *casu solvendam* esse putas: sed omne iuxta te, materialista, materiale est evidenter mortale, & omne mortale materiale, quia totum *casu factum, & totum casu solvendum*; illud autem, quod est *immortale*, semperque vivit, & *nunquam moritur*, non est mortale, & consequenter nec materiale, quod casu combinatur, & casu solvitur: ergo anima rationalis, quia est immortalis, non est mortalis, & consequenter nec materialis, adeoque quia immortalis per te evidenter quoque est spiritualis. Ex quo constat, quod argumentum hoc reassumptum invincibiliter subsistat.

CLVI Quod si autem *spiritus* per vos materialistas idem ac *nihil* est; tunc *nihil est spiritus*, quia per vestrum responsum *spiritus est nihil*. Unde autem & ubi vos audistis, *legistisve spiritum esse nihil, & nihil esse spiritum*? ergo *ratio spiritus est ratio nihili, & ratio*

nihil est ratio spiritus. Quis unquam a seculo quaestioni propositae: *quid est nihil?* reposuit: *nihil est Spiritus*. Quis unquam id in responsum dedit? & si datum ab ullo fuisset, an non ceu mentis infanientis explosum fuisset delirium? Quotiescunque inquitur: num detur spiritus, interrogatur per hoc: num detur ratio, idea, & essentia spiritus? seu adhuc clarius: an sit ratio, idea, & essentia spiritus in hac rerum universitate? Responde libertine, an est in hac rerum universitate ratio, idea, essentia spiritus, vel non est? per te non est: sed ob quam causam non est ratio, idea, & essentia spiritus in ista rerum universitate? Tota natura contra te insurgit attestando: Ratio, Idea, & Essentia spiritus est velle, intelligere, memorare; atqui in hac rerum universitate evidenter datur velle, intelligere, memorare, nimirum in homine: ergo in hac rerum universitate evidenter datur Ratio, Idea, & Essentia spiritus. Maior est certa, minor evidens, conclusio legitima: ergo Spiritus nec materia, nec nihil est; sed est Ratio, Idea, & Essentia,

seu Ens, quod vult, intelligit, & memorat, sive Ens constans voluntate, intellectu, & memoria. Ergo evidenter datur Spiritus: & quia anima rationalis evidenter vult, intelligit, memorat, evidenter Spiritus seu Spiritualis est. Demonstratio haec uberiori argumento confirmatur. Imago Dei Immortalis, & Spiritualis, anima rationalis exprimit Spiritualem & aeternam Rationem I Simplici perceptione, II Infallibili enunciatione, & III Immutabili illatione. Ex hoc simpliciter intelligitur, infallibiliter iudicatur, & immutabiliter inferitur: Ergo anima rationalis est evidenter Spiritualis, sicut evidenter immortalis, quia est Imago Dei Immortalis, & Spiritualis Vera, & expressio aeternae, & Spiritualis Rationis viva... Et quid ultra petis?... Fors huius asserti, & argumenti ampliorem demonstrationem postulas. Et ecce, totum hoc opus istius asserti, quo Imago Dei Immortalis & Spiritualis anima rationalis evidenter Spiritualis & evidenter immortalis exponitur, ineluctabile est argumentum. Tolle! Lege*!

* Lateranense Concilium sub Iul. II, & Leone X celebratum omnes Philosophos sess. VIII excitat, ut ad istam capitalem in Christiana Religione veritatem de immortalitate, & spiritualitate animae demonstrandam omnes ingenii vires adhibeant. Equidem id, quod suarum in hac re partium erat, strenue adimplevit P. Franciscus Jacquier supra commendatus; verum cum de animabus brutorum differit, propemodum omnino deficit. Obiectio ipsi resolvenda erat ista: quod cogitat est spirituale. Iam a nobis ipsis, ait, haec propositio fuit fusa

demonstrata, s. d. brutorum animae cogitant quod ex brutorum actionibus est manifestum: ita fidelitas canum, solertia in capiendis muribus felium, ars imitandi in simiis, sensum, & cogitationem in brutis demonstrant, nec mechanice fieri possunt. Animae autem brutorum pereunt, ab omnibus paucis exceptis admittitur. Si vero anima bruti spiritualis, & immortalis est, quid agitur de innumeris illis tot animalculorum animabus immortalibus? An entia in mundo post corporis interitum fiunt inutilia? Et sicut qui hominem occidit,

Utrum anima rationalis semper cogitet?

CLVII Quaestionem hanc potissimum movet Cartesius, qui animam rationalem, eo quod substantia cogitans sit, semper cogitare defendit; idem cum Cartesio sentit Leybnitius, & non pauci alii. Eclecticis Montier ad propositam quaestionem respondet *: *Dubium mihi est, & universis mortalibus esse debet, utrum anima semper cogitet, & aliquo modo se semper explicet, irradiet, illuminet.* En quam provide, & perspicaciter *ab universis mortalibus*, ut de hac non dubitent, *ceu debium* certum praetendat, veluti universos mortales, doctissimos quosque dubios faceret haud ab simili motivo: ego de hac quaestione, *utrum anima rationalis semper cogitet* dubito:

ergo vos universi mecum dubitare debetis. Cartesiani profecto omnes, qui non pauci, & non parum docti sunt, solemne hoc postulatum ridenti; haud enim futili argumento animam semper cogitare adtribuunt, dum sua fundamenta in hoc compendium contrahunt: ubi datur semper agens, ibi datur semper actio, & agens semper agit: ergo quia anima rationalis est substantia cogitans, & substantia cogitans semper permanet, in anima semper datur cogitatio, & anima cogitans semper cogitat. Ita Cartesiani. * Ceteri communiter Philosophi, asserit praefatus eclecticus, in contrarium eo potissimum de capite, atque ratione ducuntur, quod nullum plane sensum, nullamque perennis nostrae cogitationis memoriam habea-

cuius anima est immortalis, ita & qui bruta, quorum animae immortales sunt, interficeret, merito crudelitatis nota signaretur. Iam pro huius dubii resolutione responder citatus atomismi potronus allatis pluribus aliorum responsus: nos vero in hac tanta opinionum varietate, in hac rei ipsius obscuritate dicimus, non ideo neganda esse, quae clara sunt, eo quod obscura quaedam evolvere, aut mente capere nequeamus; cum vero argumenta, quibus mentis humanae spiritualitatem, & immortalitatem comprobamus, valida certe sint, atque perspicua, obiectiones ex ignota brutorum natura desumptae certa, & evidenter argumenta non libescent. Igitur his aliisque id genus plurimis quaestionibus non alio respondemus modo, quam candida ignorantiae nostrae confessione: fateamur scilicet hoc nobis esse per solam rationem incognitum; hic tantum pro anima nostra pugnamus, sed ratione sola, neque omnibus difficultatibus ex incognita belluarum anima satisfacere possumus.

Ita nimis candide P. Jacquier. Sed cum bona venia vir eximie: qua arte tuum principium: *omne quod cogitat, est spirituale*, quo animae humanae spiritualitatem te demonstrare putas, inconvulsus, validumque subsistit, cum tamen adversario, qui isthac obiectione ceu tumultuario impetu illud ipsum immediate invadit, ne verbo quidem resistere possis? *Capebis, quantum atomismus cum materialismo ad dektionem omnis spiritus consentiat.* Cetto amplius cachinnis tuam hanc infirmitatem excipiunt materialistae, atheistae, atomistae: cuncti te ridant convictum: tuae adeo sinistrae condoleo forti. Quid in arena consilii? Rationem aeternam, & invincibilem, cuius anima rationalis, non vero anima bruti capax est, secundum quod in hoc tractatu demonstratur, Duce Christo, oppone, & nec portae mundi, nec inferni adversus te praevalerunt. Vide num. LXXIV.

* *Metaph. part. II num. DCXCIV*

* mus. Internae illius intimae, & nunquam interruptae cogitationis, qua anima nostra in materno utero, inter dormiendum semper cognoscat, cogitet, nullum in nobis deprehendimus vestigium, memoriam, experimentum. Quanaui igitur ratione animam semper cogitare affirmabimus? Dein post pauca concludit: si omnia haec utriusque partis momenta perpendamus, liquido apparet, neque a Cartesiano Philosopho satis probari animam semper cogitare, neque etiam oppositum ab aliis evinci. Debilia sunt, ait, quae pro utraque parte adducuntur argumenta, & ad rem obscurissimam suadendum satis esse non possunt. Unum illa omnia efficacissima demonstrant, animam semper cogitare, aut ipsamet esse cogitationem, dubium plane esse, nullaue ratione probari. Ita Eclecticis non sine nota pusilli animi.,

CLVIII Quantum desuper animae nostrae rationalis iudicium? An igitur facile concessuram arbitremur, utrum ipsa semper cogitet, rem esse obscurissimam, quae nullam in partem per ullum Philosophorum argumentum decidi possit? Num iterato adimpletur *: *Vita erat lux hominum, & lux in tenebris lucet, & tenebrae eam non comprehenderunt*? Oppone micanti soli speculum perlucidum; mox vides ex illo emicantem solis effigiem, & ceu alterum solem fulgentem, & illuminantem: an quaeris dubius: *utrum sol*

in speculo resurgens, quamdiu sol empyreus incidit, & in illo se quasi depingit, *semper resplendeat*? Divinus intelligentiae Sol in mentis nostrae speculo lumen rationis, vultus sui splendorem, in primo mox instanti creationis accendit, dum creatrice sua potentia animam nostram ad vivam sui imaginem, & veram sui similitudinem facit, prout ex hoc integro tractatu manifeste constat, & insuper dubium tibi est, & *universis mortalibus esse debet*, utrum anima aliquo modo, ut hic supra scribis, se semper explicet, irradiet, illuminet, & semper cogitet? Animam nostram non pure *ex accidenti*, sed *essentialiter* esse Dei vivi imaginem tibi affluenter per totum tractatum praefertim numero LX, & LXI legisti demonstratum, ita ut tota anima nostra sit vivens, ac subsistens Imago, ac similitudo ipsius Solis intelligentiae, sive Dei viventis, & hoc ipsum est animae nostrae rationalis tota essentia, quidditas, & natura, secundum quod numero LXII dictum est. De essentia autem imaginis est, ut sit semper expressiva, & semper repraesentativa ad vivum, & verum illius, cuius est imago, ita ut tota imago tota sit expressio, & repraesentatio illius rei, aut personae, quam, vel de qua cogitat, ut supra n. XXVI dicitur: Ergo quia anima nostra ex sua essentia est *imago, expressio, & repraesentatio Dei*, & hoc *semper & immutabiliter*, utpote *essentialiter*, etiam *semper, & immutabiliter*, atque *essentialiter*.

* Ioan. I v. IV.

ter est viva, & vera cogitatio Dei, adeoque anima a primo creationis suae instanti Deum semper cogitat, secundum quod ex hucusque positis fundamentis evidenter constat: ergo animam rationalem temper cogitare nec tibi, *nec universis mortalibus debet amplius esse dubium*, sed evidenter certum. Quomodo autem haec Dei perpetua cogitatio, & imago per peccatum tum originale, tum personale deformatur, ob propositam brevitate explicare non expedit.

CLIX Ut autem pericula isthaec veritas, qua anima a primo creationis suae instanti *Deum semper cogitare* asseritur, quia eiusdem essentia sicut viva, & vera *Dei imago*, ita & *cogitatio Dei* esse noscitur, uberiori explanatione clarescat, modica desuper reflexio non modica luce prodesse poterit. A primo constitutionis nostrae exordio *intelligentiae Sol* in qualibet mente humana *lumen rationis* tanta radiorum suorum infusione accendit, ut sicut sol materialis in speculo mundo, in quod incidit, alium veluti solem eximit, ita *Sol Intelligentiae*

in mentis nostrae speculo *alium veluti solem intelligentiae* ad suam imaginem, & similitudinem creando producit, atque per hoc ad *subsistentem Dei imaginem*, *Deique cogitationem perennem* facit. Totam solis materialis illuminationem, qua ultra quinque milia annorum universum hoc illustrat, nonnisi tenuem *Solis intelligentiae* umbram esse ex demonstratis hucusque abundanter noveris, unde in hac tenui umbra, quae tantum lucis suae splendorem versus oculorum tuorum pupillam vibrat, quantum sine laesione sustinere vix possunt, Immensam Dei, qui ceu Sol spiritualis lucem inhabitat inaccessibilem, irradiationem, qua mentem nostram ad imaginem & similitudinem suam ceu alterum solem spiritualem format, distinde observare poteris.

CLX Unicum, qui singulari favore intentioni nostrae affulget, *Divini istius Solis* radium attentius contemplari iuvat. Nonne *Deus est id ipsum*, quo nihil maius cogitari, & nihil melius desiderari potest *, quia ipse solus est *Ens perfectissimum*, & Bonum

* Ex aureo isthoc, quod perpetua infalibilitate, & ipsa aeternitate gaudet, principio, & aeternae Rationis, Veritatis, & immensae Bonitatis eloquio, veluti fluvius egreditur de loco voluptatis ad irrigandum Paradisum, ingens Divinarum perfectionum, ceu aquarum viventium copia. Ex hoc enim principio: *Deus est, quo nihil maius cogitari, nihilque melius desiderari potest*, inmutabili consequentia deducitur: id omne, quicquid perfectius, & maius homo cogitare, meliusve desiderare potest, in sua perfectione, & Bonitate est Deus; alias hu-

mana cogitatio Deo esset maior, & Deus illa minor, quod vel cogitare nefas est. Homo autem potest cogitare, & desiderare, quod *Deus sit Ens Perfectissimum, Ens Optimum, Maximum, in quo nullus bonitatis, & perfectionis reperitur defectus*: ergo idipsum est Deus. Homo potest cogitare, & desiderare, quod *Deus sit Aeternus, Immensus, Infinitus*, quod suum Divinum esse non ceperit ab alio, nec a se ipso, nec a nihilo, sed quod ipse sit suum esse: ergo Deus est Aeternus, Immensus, Infinitus, & est suum esse, sicut & ipse attestatur: *Ego sum, Qui sum*.

Optimum, supra quod necesse, necesse potest aliud maius, aut melius? Separatam litteram istorum verborum, quae occidit, a Spiritu, seu Ratione, quae vivificat, & per litteram significatur (n. XCVI) & statim duplicem Rationem seu Spiritum reperies, Rationem obiectivam, quae est Deus, & Rationem subiectivam, quae est tuus spiritus ad imaginem, & similitudinem Spiritus Dei ideo factus, ut vivaciter, & veraciter exprimat per suam essentiam (n. LX) *Deum, quo nihil maius cogitari, & nihil melius desiderari potest; quia Ipse solus est Ens perfectissimum, & Bonum Optimum, supra quod necesse, nec esse potest aliud maius, aut melius.* Ubi instanter nota: sicut Deus est obiectum, seu obiectiva Ratio, & spiritus dictorum verborum; ita Ratio tua, & anima, seu tuus Spiritus est subiectiva Ratio, & Spiritus eorumdem verborum: *Deus est, quo nihil maius potest cogitari &c.* Quia omnis Intellectio, seu Ratio est actualis formalis Imago vitaliter repraesentativa obiecti cogniti, seu vitalis Imago, ac

repraesentatio illius, quod cognoscitur (n. XXX) Atqui haec ipsa tua verba *Deus est, quo nihil maius cogitari, & nihil melius desiderari potest, quia Ipse solus est Ens perfectissimum, & Bonum Optimum, supra quod necesse, necesse potest aliud maius, aut melius,* significant ipsissimam tuam intellectionem, & rationem, qua Deum concipis: Ergo haec tua de Deo intellectio, & ratio: *Deus est, quo nihil maius, aut melius &c.* est actualis formalis Imago vitaliter repraesentativa Dei, quo nihil maius cogitari, & nihil melius desiderari potest, quia ipse solus est Ens perfectissimum, & Bonum Optimum, supra quod necesse, nec esse potest aliud maius, aut melius. Ergone anima & ratio tua adeo excellens est, ut sit *Deus, quo nihil maius cogitari, & nihil melius desiderari potest &c.*? Ita, ne dubites, adeo excellens est, ut sit Deus, quo nihil maius &c. tua ratio, & anima; sed bene notes, id totum est, subiective, tanquam subiectum, non vero obiective, sive obiectum, quod solus Deus est; inquantum

Homo potest cogitare, & desiderare quod Deus sit Summa Essentia per se subsistens, nullius egens ope, omnia ex nihilo creans, omnia moderando gubernans: ergo talis est Deus. Homo potest cogitare, & desiderare, quod Deus plura possit in infinitum cogitare, & facere, quam mens creata possit concipere: ergo sic est in Deo, sicut in hominis est intellectu, alioquin intellectus hominis esset maior, & Deus illo minor. Homo potest cogitare, & desiderare, quod Deus sit Infinitus Largitor, Omnipotens Creator, Sapientissimus Gubernator, Iustissimus Remunerator, Amorossimus Pater, Supremus Do-

minus, Primum rerum omnium Principium, & ultimus Finis, in omni loco praesentissimus, adeo necessarius Deus, ut a nemine negari possit: ergo id omne est Deus. Et quia Ter Optimus Maximus immensus Perfectissimus Oceanus, qui exauriri nunquam potest, quo plus homo praedicto modo cogitando, desiderando de perfectionum Divinarum, seu de vena aquarum viventium maiorem copiam haurit, eo abundantior semper in Deo hauriendam observabit... Incessanter igitur haurite, amici, & bibite, & inebriamini charissimi! ... Cant. V.

subiectum speculum in solis imaginem formatur ab obiecto sole, in tantum tua, & mea *subiectiva* ratio formatur ab *obiectiva* Ratione, ceu *Sole intelligentiae*. Edicito! an non hic, quem mox suspeximus, Solis Intelligentiae radius undequaque stupendus? Ex unico hoc radio, quantum integrum Rationis naturale lumen manifestet Deum semper, veluti in meridiana luce conspicitur.

Utrum anima rationalis una altera in sua natura sit perfectior.

CLXI Animam rationalem esse quamdam *substantiam rationis participem*, vivificando, ac regendo corpori accommodatam supra n. XI intelleximus. Per hoc quod sit *substantia* convenit cum reliquis substantiis; per hoc autem quod *rationis sit particeps corpori accommodata*, differt ab aliis, convenit, & differt ab Angelis, utpote qui pariter substantiae rationis participes sunt, attamen corporibus accommodati non sunt. Singularem igitur speciem inter spiritus constituit anima rationalis. (vide n. XCIV *.) Hic quaeritur: num & anima ab anima, sicut secundum S. Thomam Angelus ab Angelo specie differat? & communissime respondetur negative; nam ubi una & aequalis naturae & entitatis est ratio, ibi & est una & aequalis ratio perfectionis naturalis, inter animas autem rationales omnes observatur una & aequalis ratio na-

turae & entitatis: ergo inter animas rationales omnes una & aequalis est ratio perfectionis naturalis. De perfectione accidentali & gratuita, quae fit per gratiam in diversis diverso gradu perfectionis, hic non est quaestio. Tota cuiuslibet animae rationalis ratio naturae & entitatis consistit in hoc, quod quaelibet *anima rationalis sit substantia rationis particeps, vivificando, ac regendo corpori accommodata*; atqui hoc idem est omnis, & quaelibet anima rationalis: omnis igitur, & cuiuslibet animae rationalis una & aequalis est ratio perfectionis naturalis. Confirmatur. In tantum natura animae rationalis est perfecta, in quantum a Deo Creatore suo est facta; anima autem rationalis est a Deo ad imaginem & similitudinem suam facta: in quantum igitur anima rationalis ad imaginem & similitudinem Dei est facta, in tantum natura animae rationalis est perfecta. Omnis autem anima rationalis aequaliter a Deo est ad suam imaginem & similitudinem facta: ergo omnis animae rationalis natura aequaliter est perfecta. Unde ad significandam specificam istius perfectionis aequalitatem dixit Omnipotens Creator: * *Faciamus hominem ad imaginem & similitudinem nostram*; non vero dicit *homines ad imagines & similitudines nostras*. Imago Dei est in omnibus hominibus anima incorporea & immortalis, adnotat glossa, & ceu epilogum tertiae huius operis Parti addidisse iuvat, *formavit enim Dominus Deus*

* Genes. I v. XXVI.

homine n^o de limo terrae, & inspiravit in faciem eius spiraculum vitae, & factus est homo in animam viventem. Spiraculum vitae vox hebraea animam significat: itaque corporis & animae origo longe diversa est: illud a limo formatum, haec a Deo ipso inspirata; corpus in terram, unde ortum est; animus ad Deum redit, qui fecit illum. Sic paucis verbis Scriptura nos docet, quod Philosophorum adeo exercuit ingenia, immortalitatem scilicet animorum; & quantum homo ceteris

praestet animantibus, insinuat, quod Divino spiraculo animetur: hoc spiraculum, cum spirituale sit, idem est incorruptum. Unde animae rationalis explicationem perhibet illius auctor ipse Deus his verbis: *Factamushominem ad imaginem & similitudinem nostram: & praefit piscibus maris, & volatilibus caeli, & bestiis, universaeque terrae, omnique reptili, quod movetur in terra.* Praefit sibi, praefit omnibus, & soli Deo subfit. Fiat! Fiat!



APPENDIX

INFALLIBILE VERITATIS FIDEI ET RATIONIS CRITERIUM

Quid sit omnis Veritatis, & Bonitatis infallibile Criterium.

CLXII **N**omine *Criterii Veritatis*, & *Bonitatis ultima illa Ratio* intelligitur, propter quam unicuique Veritati, & Bonitati ceu immobiles constanter adhaeremus, eadem enim dicti *Criterii Ratio* mentem nostram ab omni dubio reddit *liberam*, in omni assensu, vel dissensu facit *firmam*, atque de percepta veritate, & bonitate servat *securam*. Id autem officii genus *Ratio Criterii* praestare non posset, nisi antecedenter in semetipsa esset *certissima*, quae vacillare non potest, . . . nisi in se esset *firmissima*, quae debilitari non potest, . . . nisi in se esset *securissima*, quae falli non potest, adeoque in semetipsa *Ratio infallibilis, Ratio immobilis, Ratio aeterna & immutabilis*. Propterea quia *Criterii Ratio* intantum *ultima* est, ut nec angelus, nec homo, ulterius *Rationem* super illam quaerendo, ut de rei cuiuscunque veritate, & bonitate sine omni errandi formidine persuasus

fit, procedere nec possit, nec debeat, imo nec velit; ideo *Rationem ultimi finis*, ut *Criterium* habeat, prorsus necesse est. Id ipsum manifeste patet ex hoc, quia idem *Criterium Veritatis*, ut simul & *Bonitatis Criterium*, seu *ultima Ratio* sit, necessario desideratur, cum sine hoc *Bonum* & *malum a bono apparenti & falso* discerni certitudinaliter nequaquam possit; plus autem malitiam nocere in voluntate, quam errorem in intellectu quis nescit? Profecto si nullum *Bonitatis* existeret *Criterium*, inter *bonum & malum*, inter *peccatum & meritum* semper incerti viveremus & incauti. Cum igitur *Criterium Veritatis*, ac *Bonitatis Ultima sit Ratio*, propter quam unicuique Veritati, & Bonitati adhaeremus, idem *Rationem ultimi finis* habere omnino compertum est.

CLXIII Cum autem *Ratio Finis Ultimi* sit, quod propter se tantum appetatur, reliqua vero propter ip-

suam, criterium veritatis, & bonitatis quoque propter suam propriam veritatem, & bonitatem, reliqua vero quaecunque *vera* & *bona* propter veritatem, & bonitatem criterii *certo vera*, & *vera bona* a nobis cognosci, & appeti intelligimus; si enim ultimus finis ad ulteriorem, & criterium veritatis, & bonitatis ad aliud, sive anterius, sive posterius dirigeretur, nec finis, nec criterium *ultimum* foret, unde sicut finis, ita criterium ultimum propter se quaeri, & attendi debet. Quod autem & ad finem, & ad criterium *cetera omnia vera & bona* referri debeant, constat primo ex eo, quod *primum* in unoquoque genere sit causa ceterorum (n. LVII): sed tam ultimus finis, quam criterium ultimum veritatis, & bonitatis est primum in intentione, quia appetitus rationalis per se tendit in *Universale Verum*, & *Universale Bonum* (viden. CLXVI) ergo tam finis, quam criterium est causa omnium, quae intenduntur, & cognoscuntur, seu *Prima, & Ultima Ratio certo cognoscendi, & secure volendi omnia reliqua vera, & bona*. Secundo, constat ex hoc, quia tam appetitus rationalis, quam intellectus omnia refert ad id, in quo solo ultimo quiescit; atqui & Ultimus finis, & Ultimum veritatis, ac bonitatis criterium est, in quo solo quiescit appetitus, & intellectus; quia ita est ultima veritatis agnitae ratio, ut mens nostra *ulterius procedere rationem quaerendo* non debeat: ergo cetera omnia vera, & bona ad ultimum finem, & ad ultimum criterium referre necessa-

est. Tertio, sicut ultimus finis plene satiare debet appetitum, ita & criterium veritatis, & bonitatis & appetitum, & intellectum; propterea debet totaliter ei adaequari, atque perfecte eidem dominari, alias nec intellectus, nec appetitus rationalis in eo ceu in ultimo perstaret, proinde nec ultimus finis, neque ultimum criterium foret; unde quia omnis inclinatio appetitus, & intellectus ad verum, & bonum est propter quietem in vero, & in bono, adeptio illius dicitur *finis*, quia *quietando finit*, & terminat desiderium appetitus, & intentum intellectus. Rationem igitur *Ultimi finis* habet veritatis criterium ultimum, quia *certificando finit*, & *terminat* studium intellectus, ut ulterius rationem quaerendo procedere non possit; imo ipsissimus finis ultimus & unicum, & propriissimum omnis bonitatis criterium est absolutissimum: ergo & omnis veritatis. Cumque omnia bona referantur ad Ultimum Finem, ipsum super omnia *alia bona* esse, eaque in se eminenter continere necesse est: dicitur proinde *Summum Bonum, Felicitas, & Beatitudo*, cuius possessione, & fruitione aeternum felices & beati efficiuntur. Cumque id ipsum sit non solum omnis bonitatis, sed etiam omnis veritatis Finis & Criterium, ad quod omnes veritates reducuntur, merito etiam *Summum Verum*, sicut *Summum Bonum* esse cognoscitur, diligitur, & aestimatur.

Genuinum omnis scientiae, & veritatis, omnis virtutis, & bonitatis tam supernaturalis, quam naturalis ostenditur criterium.

CLXIV Sicut autem in resolutione veritatis aut scientiae criterium est ultimum, ita in intentione scientis, qui ultimam sui sciti rationem dare intendit, ac scientificus esse, & haberi cupit, ultimum criterium est primum: & sicut omnis scientiae, & veritatis est ultimus finis, ita omnis veritatis & scientiae est primum principium. Idem proportionaliter concludendum de criterio omnis virtutis, & bonitatis. Pro cuius pleniori intelligentia perpendere iuvat comparisonem apud D. Thomam frequentissimam, quam inter intellectum & voluntatem variis in locis producit. Sic enim se habet amor ultimi finis in appetibilibus, sicut cognitio principiorum in intelligibilibus; unde sicut prima principia, secundum quae in anima sicut in speculo *Prima Veritas* resultat, (num. LIV) sunt prima cognita; ita beatitudo seu finis ultimus est primum volitum: & sicut non assentimur particularibus conclusionibus, nisi quatenus cohaerent cum primis principiis; ita nec volumus particularia bona, nisi quatenus connexa sunt cum ultimo fine, scilicet beatitudine: & demum sicut cognitio principiorum movet ad omnes alias cognitiones, quatenus per eam illustrati cetera intelligimus, ideoque radix est omnium cognitionum; imo ceterae cognitio-

nes non sunt nisi quaedam illius primi luminis propagationes & diffusiones; ita primus ille beatitudinis amor movet ad alios amores, quatenus per illum excitati, ea quae ad ipsum ducunt, quaerimus, estque prima omnium affectuum radix: imo ceteri affectus non sunt, nisi quidam illius primi amoris rami, propagines, & diffusiones, seu lineae ab hac circumferentia natae, & in eius centrum scilicet beatitudinem terminatae. Vide supra n. CXLIV.

CLXV Deplorari igitur satis non potest, quod licet humanus appetitus, & intellectus tam late pateat, ut sola Veri ac Boni infiniti possessione satiari queat, tot homines tamen, falsa estimatione decepti, plenam desiderii, & capacitatis satietatem reponant in rebus angustae veritatis, ac bonitatis umbraticae, ut voluptuosi in deliciis carnis &c. avari in splendore, & fruitione argenti, & auri, superbi in ambitione honoris &c. quatenus putant in his rebus se sui desiderii perfectam quietem reperturos, & ideo dicuntur eam habere pro Deo suo, idest, pro summo Bono. Huius vero miserrimae deceptionis radix est, quod homo in hac mortali carne *passionibus* potius, quam *Ratione* agatur; corpus enim, quod corrumpitur, aggravat, idest, affectibus ex se natis trahit animam; unde quid sibi sit bonum, magis *passionum gustu*, quam *rationis lumine* determinat: contingit autem passionem aliquam ita vehementer intendi, ut ceteras aut opprimat, aut ad se trahat, sicque voluntati dominetur sola,

quam ita excaecat, & coarctat, ut solum illius passionis bonum & advertat, & appetat; sicut oculus per foraminis angustias respiciens, ea solum advertit, quorum species foramen admittit: unde sic coarctata tum intellectus, tum appetitus facultas, illo modo vero & bono obtento, se perfecte felicem fore aestimat, ideoque omne studium & omnem affectum ad ipsum dirigit, quod praecipue perspicitur, si homo profani amoris aestro percitus observatur. Verum quando possessione passionis ardor sedatur, voluntas, & intellectus laxato quasi vinculo ad nativam sphaerae suae amplitudinem redit: ac boni possessi insufficientiam detegens, nova bona, veraque entia quaerit, quibus vastissimum capacitatis, & desiderii hiatum explere possit. Atque haec potior ratio est, cur mali novis desideriis semper aestuantes, suam felicitatem vilissimis in rebus ponant, attamen in nullo quiescere valeant. Boni e contrario secundum rationem ultimum finem inquirunt, & per eundem ceu summum Verum, & summum Bonum ipsorum intellectus, & appetitus plene beati fiunt. En, quanta bonos inter, & malos fortis distantia!...

CLXVI Quia autem ultimus finis, & primum principium sibi mutuo adeo arcte cohaerent, ut primum principium ultimus finis, & finis ultimus primum principium sit, ideo primum intelligentiae nostrae principium est ultimus finis, & voluntatis nostrae ul-

timus finis est principium primum: *Ego sum Alpha & Omega, principium & finis, dicit Dominus Deus, qui est, & qui erat, & qui venturus est Omnipotens* *. Solus igitur & ipse Deus omnis veritatis, & omnis certae ac evidentis cognitionis Primum Principium est & Ultimum Criterium, quia est summum Verum; quia autem summum Verum, necessario est summum Bonum, ideo omnis virtutis, & bonitatis Ultimus Finis est & Ultimum Criterium, proinde omnis scientiae, & veritatis, omnis virtutis, & bonitatis tum ex parte nostri intellectus, tum ex parte nostrae voluntatis genuinum habetur criterium. Ante huius manifestam demonstrationem bene observes, velim, secundum omnium Doctorum consensum obiectum intellectus esse universale Verum, sicut voluntatis universale Bonum; Verum autem, & Bonum universale in solo Deo reperitur: sunt verba Patris Gonetii Thomistae praeclari Theologi, quocum in hac causa omnes Catholici Theologi consentiunt, quae vel ideo fideliter describo ex suo Tractatu Theologico, ut tu tandem manibus tangas, cuiuscunque Philosophiae propemodum cum sua Theologia dissonantiam, quae obiectivam rationem per suas praecipiones philosophicas, & conceptus negat, in Theologicis autem secundum fidem, & sanam rationem iterato affirmat. Nullam ex cunctis Dialecticam, aut Metaphysicam reperies, quae non constanter teneat, Bonum, Verumque universale

* Apoc. I v. VIII.

non esse aliud quid, quam bonum, verumque a conditionibus materialibus per praecisionem ab intellectu abstractum, ac insuper, si de Peripateticis loquamur, ab intellectu per abstractionem factum ita, ut etiam a plurimis Philosophicis *Ens rationis fictum* passim nominetur, & tamen ab omnibus hoc ipsum *Verum, & Bonum universale* adaequatum obiectum intellectus, & voluntatis in Philosophia commendatur: unde propria ista Scholasticorum confessio, & contradictio contra eodem validissima est argumentatio. *Verum* autem, & *Bonum universale* in solo Deo reperitur, pergit P. Gonet, non vero in aliqua creatura, quae habet solam veritatem, & bonitatem participatam, & ordinatam ad ipsum Deum, qui est fons totius veritatis, & bonitatis. Unde S. August. lib. de moribus Ecclesiae c. VIII. *Bonorum summa nobis Deus est, Deus est nobis summum Bonum, nec infra remanendum nobis, nec ultra quaerendum; alterum enim periculofum, alterum nullum est.* Et alibi: *Irrequietum est cor nostrum, Domine, donec requiescat in te.* Utinam mortales saperent aliquando, & intelligerent!...

CLXVII Expectationi Lectoris ut tandem per demonstrationem genuini omnis scientiae, & virtutis, omnis veritatis, & bonitatis criterii satisfiat, hinc paucis grande negotium absolvitur. Secundum communissimam notionem, & acceptionem criterium veritatis, & bonitatis est *ultima ratio omnium rationum rerum, & idearum, ultima ratio omnis certitudinis, & de-*

monstrationis, ultima ratio omnis scientiae, & evidendiae, est ultima ratio omnis virtutis, & bonitatis; evidendia autem, & veritas, virtus, & bonitas per criterium veritatis, & bonitatis approbata, seu certificata, & demonstrata est cognitio certa, & evidens rei per causam certam, evidentem, infallibilem, & incommutabilem; est volutio bona, & perfecta virtutis per causam bonam, perfectam, infallibilem, & incommutabilem. Haec est essentialis constitutio, qua tam criterium veritatis, & bonitatis, quam veritas, & bonitas per criterium approbata, & certificata constituitur adeo necessaria, ut secus esse nunquam posset *Ultima illa Ratio*, propter quam cuicumque, idest, omni veritati adhaeremus, & quidem adhaeremus certitudinaliter sine omni dubio, adhaeremus firmiter absque omni vacillatione, adhaeremus constanter absque omni erroris latentis formidine. Subsumo: nihil autem potest nos homines mendaces, & fallibiles, depellendo omne dubium, reddere certos, nisi quod ipsum sit *omnium certissimum*, & extra omne periculum: ergo id, quod est omnium certissimum extra omne dubium, quod est fortissimum omnium supra omnem infirmitatem, quod est securissimum extra omne periculum, est omnis scientiae, & veritatis, omnis virtutis, & bonitatis unicum genuinum criterium *certissimum, fortissimum, securissimum*; & quia certissimum, ideo infallibile, quia fortissimum, ideo insuperabile, & quia securissimum, ideo incommutabile. En! genuinum omnis veritatis,

& omnis Bonitatis Criterium, rerum omnium, & *Ultimus Finis & Primum Principium*.

CLXVIII Quid autem est (ut *demonstratio* ista, veluti alter Ioannes praecursor *Solis Intelligentiae* Christi Domini, Hunc Ipsum omnis Veritatis & bonitatis primum Principium & ultimum finem suo indice demonstrat.) Quid est hoc veritatis & bonitatis *Criterium certissimum & infallibile*, hoc *fortissimum & insuperabile*, hoc *securissimum & incommutabile*? Disquire integrum huius operis argumentum, & indicabit tibi, *num.* XVIII quatenus anima rationalis non nisi secundum Rationem obiectivam rationabiliter operatur. Quaere *num.* XX & indicabit tibi, quatenus mentis nostrae lux naturalis est Deus, sicut lux mundi est sol materialis. Quaere *num.* XXXVII & indicabit tibi, quatenus intellectus noster nullam rem potest simpliciter percipere, nisi iuvetur ab intellectu entis perfectissimi, in quo sunt rationes omnium rerum. Quaere *num.* XXXVIII & indicabit tibi, quatenus definire est rem quamcunque cognoscere, quid & quantum de sua perfectionis mensura, quae ipsum Ens perfectissimum est, contineat, aut deficiat: *Numerus* LII indicabit tibi, quatenus intellectus humanus veritatem propositionum incommutabilem esse scit per lucem, quod illuminat omnem hominem: *Numerus* LIV indicabit tibi, quatenus certitudo scientiae est ex lumine Rationis, quo in nobis loquitur Deus: *Numerus* LVII indicabit tibi, quatenus unica infalli-

bilis ratio mensura & regula ad omnia discernenda & iudicanda, ad omnia affirmanda & neganda, ad approbanda & reprobanda est Deus: *Numerus* LVIII, quatenus anima in Rationibus aeternis cognoscit omne Verum: *Numerus* LX, quatenus anima nostra, quia est essentialiter, & non pure ex accedenti imago Dei Immortalis, non potest interius obiective ab alio immediate doceri nisi a solo Deo: *Numerus* LXII, quatenus nos ipsi sumus viventes ac subsistentes imagines ac similitudines ipsius Solis intelligentiae Dei vivi: *Numerus* LXIII, quatenus mens nostra semper reputatur informis, nisi ipsi Veritati iugiter inhaereat: *Numerus* LXIV, quatenus Deus animam nostram ad suam imaginem format per propositiones aeternae Rationis: *Numerus* XCI, quatenus definitiones & regulae certae, axiomata & adagia omnium scientiarum & artium aeternae Rationis infallibiles enunciationes sunt. Quaere, & *Numerus* XCVIII indicabit tibi aeternae Rationis obiectivae, quae sola nos intus docet, descriptionem magnificam, quatenus est aeternum, & incommutabile quid, definitivum, & aeternaliter determinativum omnis quaestionis de vero, & falso, de iusto & iniusto, de possibili, & impossibili, existens incommutabilis lex essendi, lux intelligendi, & regula volendi, quod solum dat menti creatae ratiocinari, ac intellectualiter vivere: atque hoc ipso, quia aliquid aeternum, & immutabile est, debet esse aliquid Divinum, id est, realiter ipse Deus

O. M. & appropriate Ipsum Verbum Christus Iesus, unus internus Doctor, omnis veritatis & bonitatis magister unus, & verus CRITICUS (num. CLXXXIII). Et tandem quaerendo ulterius volve, & revolve totum opusculum, & demonstrando indicabit tibi, & omni lectori, quatenus *medius * vestrum fletit, quem vos nescitis, Ipse est, sicut Primum Principium* omnis scientiae, & veritatis, omnis virtutis, & bonitatis, ita Ipse solus est *genuinum Criterium, & ultimus Finis.*

Infallibile Veritatis Criterium Fidei accommodatur.

CLXIX **I**n immensum tum *credendi*, tum *rationandi* campum sese extendunt *Fides*, & *Ratio*, & infinitum prope in humanis habent usum. Quid enim cognoscimus, & probamus, quidve appetimus, aut reiicimus, totum id facimus vel *ex argumento intrinseco*, seu *ratione*, quam ex praedictis in naturali idearum, rationumve connexionе constitutam novimus, atque ab ipso Deo naturae auctore, appropriate a Christo Domino, qui ipsa aeternae Ratio obiectiva est, intra nostrum spiritum rationis lumine communiter edocetur, secundum quod in Prima, Secunda & Tertia operis huius parte ad oculum usque demonstratur: aut si id ipsum ex intrinseca ratione praestare non possumus, *rationem extrinsecam*, quae etiam argu-

mentum extrinsecum dicitur, & in *aliorum relatione* consistit, libenter accipimus, & instanter adhibemus. Ea rerum cognitio, & notitia, quae tota *rationis extrinsecae, asserentis* scilicet *testimonio*, tanquam suo fundamento, innititur, *Fides* nuncupatur. *Fides* enim *propriis sumpta est assensus* alicui *propositioni ob extrinsecum tantummodo asserentis testimonium praestitus*, quin rei ipsius veritatem in ipso naturali rationis lumine videamus, aut ex aliis sola idearum, rationumve connexionе, & cognitione deducamus, sed tantum ex eo propositionem tanquam veram admittimus, quod rem ab eo accipiamus, cuius & bonitas, & scientia suum pondus apud nos habent. Ideo sua in fide *certitudo*, *moralis evidentia*, aut *demonstratio*, sua *infallibilitas*, aut *probabilitas*, sua *coniectura*, aut *dubium*, *ignorantia*, aut *falsitas*, imo & *impossibile* reperitur, secundum quod testimonium asserentis firmum, aut debile observatur. Ecce quanta *criterii fidei* sit necessitas!

CLXX Fidei & Divinae, & humanae fundamentum *primum, & ultimum est auctoritatis* quidpiam asserentis *testimonium*, cuius veracitas, certitudo, & pondus ex hac aeterna Ratione, & Regula, seu *suo criterio* indubitanter cognoscitur, atque libratur: *tanta certitudo, & securitas est in quolibet credente, quanta probitas, & scientia reperitur in auctore.* Seu quod idem sonat: *secundum rationem maioris, aut*

* Ioan. I v. XXVI.

minoris probitatis, & scientiae in dicente, ratio maioris, aut minoris certitudinis, & securitatis est in credente. Regula ista, quae immortalis attentionis est digna, ex Sole intelligentiae ceu illustris radius procedit, unde sicut & radius solaris per ipsam lucem solis, clarissime demonstratur. Quo maior enim auctoris aliquid dicentis fuerit *scientia, & probitas*, eo minor semper erit facilitas, aut ipsum ab aliis falli, aut alios fallere, quia *ignorantia*, quae privatio scientiae est, facile ab aliis fallitur, sicut *malitia*, quae *probitatis* est defectus, alios fallere molitur (*n. II*). Pro maioris igitur auctoris aliquid asserentis *scientia & probitate*, difficilius semper est, ut ipse ab aliis fallatur, aut alios fallat. Veluti facilius, difficiliusve est pro maiori, aut minore lucis splendore sive videre, aut caecutire, sive progredi, aut errare. Propterea si in veritatis assertore ex sua natura *summa Sapientia, & infinita Probitas* sit, qualis, & quanta in Deo O. M. reperitur, aut si ex *gratia & singulari Spiritus veritatis assistentia infallibilis* custodiatur, qualis *Una, Sancta, Catholica, & Apostolica* Ecclesia conspicitur (*num. III & seq.*) huius auctoris, utpote *infallibilis*, testimonium ut fallatur, aut fallat, impossibile est, atque ut omni ex parte *infallibile*, certissimumque sit, omnino est necessarium. Secus evenit in testimonio humano, nullo *infallibilitatis* praesidio munito, quod ob *scientiae infirmitatem* falli & ob *probitatis defectum* fallere potest. Colligis ex praedictis auctoritatem

Divinam omnis fidei, & omnis auctoritatis humanae & angelicae primum esse principium, & ultimum criterium. Nam sicut nulla potestas, ita nec ulla auctoritas, nisi a Deo suo primo auctore, & propter Deum Finem suum ultimum data conspicitur.

Infallibile Criterium infallibiliter credentis, est infallibilis auctoritas dicentis.

CLXXI Si in Criterio infallibilem rationem, in credente infallibilem fidem, & in auctoritate Divinam Maiestatem suspicias, vel solus, quem praefixum legis, titulus convincens argumentum tibi videbitur. Tanta enim necessitate *infallibilitas fidei* cum *infallibili auctoritate* coniungitur, ut sine hac nulla criterii infallibilitate fides tanquam infallibilis comprobari possit. *Infallibilis* autem *auctoritas Dei* aliquid obscurum revelantis, est ipsa *prima Dei in dicendo Veritas*, quae est summa, & infallibilis conformitas dicti, quod Deus suo verbo dicit, cum mente, & conceptu dicentis Dei, qui nec fallere, nec falli potest ex eo, quod sicut *prima Veritas in dicendo*, ita & *prima Veritas in essendo*, & in cognoscendo est; in Deo enim existit summa, & incommutabilis conformitas immensae Divinae essentiae, a creaturis infinitis modis participabilis, & miris formis participatae, cum intellectu divino, & vicissim existit in Deo summa, & immutabilis conformitas intellectus Divini cum immensa Divina essentia, a creaturis

infinitis modis participabilis, & miris formis participatae; atque propter hanc conformitatem dicitur Deus *prima Veritas in cognoscendo*, propter alteram *prima Veritas in essendo* appellatur.

CLXXII Quod si huius summae triplicis conformitatis ultimam rationem petas, revolve numerum CLX, reperiies ibi, quam desideras, ultimam primae Veritatis rationem, quia nimirum *Deus Ens perfectissimum, & Bonum optimum, supra quod nec est, nec esse potest aliud maius, aut melius, &c.* Propterea Deus fallere non potest, aut falli; nam si falleret bonus non esset, sed malus: si falleretur, omniscius non esset, & ignorantia laboraret, ideoque Deus non esset (*vide n. 1*). Prima igitur Veritas Dei in dicendo, seu infallibilis auctoritas Dei aliquid revelantis est *Prima & ultima Ratio* illa, secundum quam, & propter quam fidelis firmiter, certo, & infallibiliter assentitur veritatibus fidei, cuique innititur *infallibilis certitudo* assensus fidei; nam sicut omnia a Deo, cuius veritas, & auctoritas in dicendo est infallibilis, revelata, sunt infallibilis veritatis, ut repugnet eis subesse falsum; ita actus, vel assensus fidei ob id sortitur *infallibilem certitudinem*, & certam *infallibilitatem*, etsi obsecutus sit. Atqui praedicta *prima, & ultima Ratio est infallibile criterium*: ergo infallibilis auctoritas dicentis est infallibile criterium infallibiliter credentis. Quapropter

Fides infallibiliter credentis in dicentis infallibilem auctoritatem tanquam in criterium resolvitur.

CLXXIII Fidei resolutio est Veritatis, quam credimus, usque ad suum primum principium, seu ad primam *Rationem*, propter quam credimus veritates revelatas, ultimata deducit. Primum principium, seu prima Ratio fidei vel ideo, quia omnium prima est, adeo simul est ultima, ut non minus Ratio ultimi finis, quam primi principii esse possit. Prima, quia nulla alia ante illam, & ultima, quia nulla alia, aut ulterior Ratio post illam a sciificante requiri potest, aut debet (*n. CLXIII*). Quod si claritatis gratia *resolutionem* seu *deductionem* fidei ad suum primum principium & finem ultimum *reflexionem* dixeris, id ipsum prope praestabis, ac si speculum, in quod sol plena luce incidit, versus ipsum solem direxeris, directumque ita apposeris, ut incidenter radios directe in solem tanquam primum illorum principium, & finem ultimum reflectat, & deducat. *Infallibilis auctoritas Dei* obscura fidei mysteria revelantis est *Sol iustitiae, & intelligentiae* mystica caligine, seu nube, temperatus: Hic Divinus sol mysteriorum revelatione, veluti radiorum suorum emissionem, credentis speculum mentis lumine fidei illuminat, & quid credat, *infallibiliter* eidem designat. Attende iam istum *illuminantem Solem, & lumine fidei illuminatum* credentem, & fidei ad infallibilem Dei aliquid obscurum revelantis auctoritatem, tan-

quam ad suum primum principium, finemque ultimum seu infallibile suum criterium reflexionem, resolutionem-ve prope evidenter perspectam habebis. Etenim prima, & ultima Ratio, seu principium primum & ultimum, *propter quam* veritates revelatas credimus est sola prima Veritas, seu infallibilis Dei revelantis auctoritas. Hoc tibi ipsa experientia demonstrat; nam quispiam fidelium rogatus: cur credat, aut propter quam rationem assensum praestet huic propositioni, V. G. *Unus est Deus, & praeter illum non est alius, trinus in Personis, Pater, Filius, & Spiritus Sanctus, & hi tres unum sunt, Filius Dei factus est homo &c.* Immediate respondet: *Quia Deus id revelavit.* Ulterius rogatus: Cur credat Deo revelanti? *Quia Deus est Prima, & summa Veritas*, inquit, *& in dicendo infallibilis auctoritas.* Et ecce, hic est ordo ultimae resolutionis fidei in suum primum principium, & ultimum veritatis criterium. Quod si quispiam quaerat ulterius: Cur credat primae Veritati, stulte, & inepte quaerit nulla responsione dignus; nam eadem & prima Veritas sicut *in dicendo*, ita & *in essendo*, & *cognoscendo* est ipsa vivens Veritas. Fidem igitur infallibiliter credentis in dicentis infallibilem auctoritatem resolvi, ex praedictis evidenter constat.

Quomodo fides infallibiliter credentis resolvatur in auctoritatem Ecclesiae?

CLXXIV **F**ides Divina, etsi essentialem, & infallibilem veritatem, ac

certitudinem suam ab ipsa prima veritate, seu infallibili auctoritate Dei revelantis, seu radius solaris suam lucem a sole, deducat; hoc non obstante secundum ordinariam moderatae Providentiae legem insuper a sufficienti credendorum propositione necessario dependet; ea autem credendorum propositio censetur sufficiens, quae per *motiva credibilitatis* mysteria fidei a Deo revelata esse, & hoc ipso credibilia, & credenda esse efficaciter persuadet. Id ipsum insinuat Apostolus ad Rom. 10 *Quomodo credent ei* (Deo revelanti), *quem non audierunt? quomodo autem audient sine praedicante?* qui fidei mysteria proponat, eademque a Deo revelata esse prudenter tuadeat. Ratio est. Quia fidei assensus, quem rebus a Deo revelatis propter eiusdem infallibilem auctoritatem praestamus, etsi sit obscurus, debet esse *firmus* etiam circa hoc, *quod res*, quibus assentitur, *a Deo revelatae sint*; *firmus* autem circa id nunquam esse poterit, nisi hoc, & illud fidei mysterium a Deo fuisse revelatum, quod fides tanquam revelatum a Deo credit, efficacibus ad persuadendum motivis sufficienter proponatur. Unde si Missionarius Apostolicus praedicet infidelibus, *Deum esse unum, & trinum, Dei Filium crucifixum resurrexisse a mortuis, iudicemque venturum &c.* idque a Deo esse revelatum, proinde *certissima fide* tenendum; nisi vir hic Apostolicus tum suae assertionis, tum revelationis de dictis mysteriis a Deo factae, efficacia *credibilitatis motiva* proponat, nemo dicta mysteria tan-

quam a Deo revelata prudenter credere poterit, & minus debet, *Fidei enim obsequium rationabile est.* Rom. XII. Et, qui cito credit, levis est corde. Eccl. XIX.

CLXXV In prima fidei praedicatione huiusmodi credendi, seu credibilitatis motiva potissimum fuerunt miracula, & praedicantium Sanctitas. Amodo autem, postquam Fides per orbem est propagata, motivum credendi praecipuum est, semperque fuit ipsa Unius, Sanctae, Catholicae, & Apostolicae Ecclesiae Una, Sancta, Catholica, & Apostolica auctoritas, non equidem, inquantum ex infallibili assistentia Spiritus Sancti credenda proponit, atque decernit, & eatenus, seu organum Spiritus Veritatis, Verbum Dei, fide divina credendum dicit; sed quatenus est congregatio hominum plurimorum, qui a Christo Domino, & SS. Apostolis continua serie, & nunquam interrupta successione descendunt, innocentia vitae, scientia, & virtute praestantium, qui admirabili consensu, tot continuis seculis, toto terrarum orbe, eandem fidei Doctrinam, quae ab omni eo, quod mundus amat, tota aliena est,

firmiter tenuerunt, eandemque contra innumerabiles adversarios, qui malitia, & potentia formidabiles erant, fortiter, constanterque defenderunt, & saepissime etiam effuso sanguine, & ipsa morte attestati sunt. Propterea si eundem fidelem, quem supra salubriter tentasti, ulterius examinaveris: Unde tu scis, quod Deus tibi revelaverit, Deum esse unum, Trinum, Christum Dei Filium crucifixum &c. sine mora respondebit: Quia id Deum revelasse Catholica attestatur Ecclesia, quae illustrissima plurimorum hominum est congregatio &c. secundum paullo ante dicta, estque incomparabiliter Una, Sancta, Catholica, & Apostolica auctoritas*, cuius demonstrationem vide n. III & seq. A primo igitur ad ultimum, Fidei certitudo quiescit supra testimonium Dei: Prudentia autem Fidei, seu ut rationabiliter credere possim, ea, quae fides docet, a Deo ad credendum esse, vel fuisse revelata, fundat se supra infallibile testimonium Unius, Sanctae, Catholicae, & Apostolicae Ecclesiae, id est, supra Unam, Sanctam, Catholicam, & Apostolicam auctoritatem. Cuius incomparabilis auctoritatis ipsa

* Evangelio non crederem, ingenue confitetur D. Augustinus, nisi me Ecclesiae moveret auctoritas... multa sunt, quae me in eius gremio iustissime teneant: tenet consensus populorum, atque gentium: tenet auctoritas miraculis inchoata, spe nutrita, charitate auxilium, & firmata: tenet ab ipsa fide Petri Apostoli, cui pascendas oves suas post Resurrectionem Dominus commendavit, usque ad praesentem Episcopatum, successio Sacerdotum: tenet postremo ipsum Catholi-

cae nomen, quod non sine causa inter tam multas haereses se illa Ecclesia sola obtinuit, ut cum omnes haeretici se Catholicos dici velint, quaerenti tamen peregrino alicui, ubi ad Catholicam conveniatur, nullus haereticorum vel basilicam suam, vel domum audeat ostendere. Ista ergo tot, & tanta nominis Christiani charissima vincula, recte hominem tenent credentem in Catholica Ecclesia: Haec S. Augustinus. c. IV contra Epist. Fundamenti.

auctoritas Dei primum principium est, & ultimum Criterium, quia *primum in unoquoque genere est Ratio, causa, & Criterium omnium eorum*, quae primum hoc infinitis modis participabile participant (vide n. CLXIII).

Infallibile Veritatis Criterium Divinae revelationi, seu Verbo Dei assignatur.

CLXXVI **P**rima in dicendo veritas *seu Dei revelantis aliquid infallibilis auctoritas* praeter primam Veritatem Dei includit, seu potius aperte exprimit, ipsam etiam *revelationem*, seu *Dei locutionem*, nimirum *formale Dei Verbum*. Haec ipsa quoque revelatio Dei, seu Verbuni Divini formale, similiter suo includit. I Ipsum Divinae mentis de veritate aliqua credenda conceptum, & est *locutio Dei interna*: II manifestationem talis veritatis, & hoc dicitur *locutio Dei externa*, quae fit per *inspiraciones*, per *voces*, per *scripturas*, aut alia *signa*,

per quae velut per totidem instrumenta Deus mentis suae conceptus hominibus manifestare solet. *Locutio Dei*, seu *revelatio Divina* alia est *originalis*, alia *traditionalis*. *Originalis* est, quae immediate ab ipso Deo homini credenti fit, aut iam facta est, revelatione hac plurima olim a Deo didicerunt SS. Prophetiae, Apostoli, & Discipuli Christi. *Traditionalis* vero Revelatio est, qua nos Christiani omnes, quidquid in *Verbo Dei scripto*, & *tradito* continetur, tanquam veritates a Deo revelatas firmiter tenemus, non quasi nos ipsi Revelationem immediate a Deo acceperimus, sed a Deo aliis hominibus factam, tum *Traditione*, tum aliis argumentis * novimus.

CLXXVII Criterium *revelationis originalis* est ipsa aeterna Ratio obiectiva, veritas, & auctoritas Divina intelligentiae, & iustitiae Sol, Deus & D. N. I. Christus, omnis veritatis *supernaturalis* non minus, quam naturalis unus magister & criticus, pri-

* *Fides rationabile obsequium* nuncupatur, non quasi ipsa uni & soli revelationi Divinae non innitatur, sed quod ratiocinium moraliter certum: quo ad fidei actum perducimur, praemittere necessum sit, priusquam actum fidei eliciamus, firmoque mentis assensu veritati revelatae adhaeremus. Fides enim *rationem praesupponit*, inquit S. Aug. Epist. CXXII, & nunquam induci possemus ad ea, quae rationem superant, credenda, nisi ipsa ratio nobis persuaderet; rationi enim maxime consentaneum est, Divinae nos auctoritati captivos subdere. Quamvis igitur Apostolus iubeat *captivare intellectum in obsequium fidei*, id tamen ut temere, & sine ulla ratione faciamus, non exigit; cum

Deus evidentissima, & omnium intelligentiae accommodata suppeditaverit *credibilitatis motiva*, ut exhibeamus Divinae suae Maieitati, & auctoritati *rationabile obsequium* nostrum. Et quamvis fides Divina maiore auctoritate, quam ratio humana, excellat, prout id ipsum aeterna Ratio dicat, quae semper id, quod certius est, minus certo praefarendum iubet: certius autem id est, quod verum esse Deus dicit, quam id, quod nobis humana ratio suadet; utpote magis a Dei natura abhorret fallere, quam a nostra falli; artamen non ita intelligenda res est, quasi fides a ratione nullatenus pendeat. (vide n. CLXXIV)

mun principium, ultimus finis, & infallibile Criterium (n. CLXVII & seq.): Hic Divinus intelligentiae Sol, myticae caliginis nube temperatus, supernaturali lumine fidei & revelationis menti humanae, secundum propositum beneplaciti sui, ineffabilibus, mirisque modis sese communicat, conceptus suos manifestat, atque veritatem demonstrat; cuius profundi mysterii illi duntaxat, qui experti sunt quam suavis sit Dominus, quamdam ideam retinere possunt: nec verba, nec voces, aliave signa, quibus intimam Dei loquelam exponant, superesse fatentur unanimes. Nos hac in arte caeci sumus, illi autem merito *videntes* dicuntur: qua vero ratione iis, quibus visionis sensus semper defuit, luminis, colorum, visusque ideam, & sensum explanabis? Criterium hoc *originalis* revelationis superat etiam ipsam rationis evidentiam: non quasi humani rationi *evidenti* falsitas inesse possit; sed quod naturale lumen rationis ad inaccessibilem illam Dei supernaturalem lucem, veluti crepusculum aestimari debeat (vide n. CXV, CXVI, & seq.). Ceterum quod *lumen Spirituale* non aliud sit secundum S. Thomam, quam quaedam *manifestatio veritatis*, ideoque aliquem illuminare est *notam veritatem eadem tradere*, id totum iam ex n. CXXXII noveris. Criterium *revelationis traditionalis* quod attinet, in quantum *veritatem mysterii* tradit, huiusmodi *veritatis* Criterium est ipsa prima Veritas Dei in dicendo, seu infallibilis Dei loquentis auctoritas, ut

pote haec ipsa auctoritas Dei eandem veritatem revelavit, non quidem immediate nobis, sed aliis hominibus, Patriarchis, Prophetis, Apostolis, Christi Discipulis &c. & ideo quoque sicut omnis alia fidei veritas revelata, in Dei revelantis infallibilem auctoritatem ultimo resolvitur, secundum quod in prioribus numeris id abundanter dictum est, & demonstratum. In quantum vero dicta *traditionalis revelatio* ipsam *traditionem*, qua veritas revelata ab Una, Sancta, Catholica Ecclesia nobis *traditur*, significat, sicut haec ipsa Ecclesia Una, Sancta, Catholica, & Apostolica auctoritas, cuius testimonium per Dei assistentiam infallibile est (n. III & seq.); ita *intrinsecus incomparabilis auctoritatis* ipsa infallibilis *auctoritas Dei* primum principium est, & ultimum Criterium. Repete n. CLXXIV & CLXXV.

Catholica doctrina Fidei, & morum est traditionalis revelatio Divina.

CLXXVIII Nunquam infallibiliter credere possum, quid Deus loquatur, nisi infallibiliter securus, certusque sim, quod Deus loquatur. Nequaquam enim infallibilis fidei Divinae actus subsistere potest cum actuali formidine, ne non sit locutus Deus. Neque formido huiusmodi nisi per testimonium infallibilis Ecclesiae funditus tolli potest, utpote in quam, ceu in praecipuum *credibilitatis motivum* (n. CLXXIV) fides ex parte credentis resolvitur. Nam si testimonium Ecclesiae *fallibile* foret, incomparati-

bilem cum infallibili fide Divina, formidinem, *ne non sit ita locutus Deus*, non tam in credente tolleretur, quam in eodem plus augetur. Cum enim tecundum dicta n. CLXVII Fidei primum, & ultimum fundamentum sit auctoritatis quidpiam asserentis testimonium, neque fabrica firmitatem maiorem, quam suam, cui imposita est, fundamentum, habere possit, si testimonium Unius, Sanctae, Catholicae, & Apostolicae Ecclesiae fiderit fallibile, etiam cum actuali formidine de opposito, seu *ne non sit ita*, prout dicit Ecclesia, coniunctum erit; ideoque credentis assensum, quo fallibili Ecclesiae testimonio adhaerens, *Deum ita*, & non aliter locutum credit, fallibilem totum, & de errore formidolosum, ideoque non infallibilem actum Fidei Divinae, sed opinionem fallibilem fidei humanae efficeret: neque voluntatem inclinare potens esset ad id, ut intellectui ad expendendum proponeret, quantum securus sit de existentia revelationis, seu quod Deus loquatur, & per suum Verbum de veritate mysterii revelati ipsum convincat, dum infallibili testimonio totius Ecclesiae infallibilis credendo acquiescit.

CLXXIX Principalis titius veritatis ut profundius inspicatur argumen-

tum, antecedenter praenotandum, totam Rationem, seu essentialem constitutionem revelationis traditionalis esse, quod sit Verbi Dei per Prophetas, per Apostolos, horumque successores Divina cum potestate, & auctoritate facta traditio. Ita ut haec ipsa traditio sit Divina Verbi Dei revelatio, non equidem immediata, qualis est originalis (n. CLXXVI) sed mediata, qua Deus & Dominus N. I. Christus per OS suorum Apostolorum, horumque successorum, seu per OS suae Unius, Sanctae, Catholicae, & Apostolicae Ecclesiae ad nos loquitur, secundum suum infallibile testimonium. *Ite*, dicit apud suum Evangelistam, * *Ecce, Ego mitto vos. . . . Qui VOI audit, ME audit, & qui VOS spernit, ME spernit.* & Matt. ult. *Data est mihi omnis Potestas in caelo, & in terra. Euntes ergo docete omnes gentes, baptizantes eos in Nomine Patris, & Filii, & Spiritus Sancti: Docentes eos servare omnia, quaecumque mandavi vobis.* Item apud Evang. Marcum. *Euntes in mundum universum praedicate Evangelium omni creaturae. Qui crediderit, & baptizatus fuerit, salvus erit: quis vero non crediderit, condemnabitur.* Haec loquitur Deus & D. N. I. Christus non immediate per se ipsum ad nos,

* Luc. X Hinc colligitur, adnotat eximius Du Hamel in H. L. praepositis Ecclesiae datum esse a Deo potestatem non docendi modo, sed & praecipendi ac leges condendi pro locorum, & temporum opportunitate. Pastoralis auctoritatis, uti & Veritatis, in Deo ipso fons est, & origo; Christo a Patre est communicata per Incar-

nationem, Apostolis data est per missionem a Filio, Episcopis per successionem non interruptam. Vox audire, in Scripturis non solum significat acquiescere docenti, sed et parere. Sic Pater de Filio loquens ait: *Ipsam audite.* Item Deuter. *Audi Israël.* Ita Du Hamel:

sed sicut olim per suos Apostolos, Evangelistas, & Discipulos, ita usque nunc per suos ab Apostolis continua successione linea descendentes Episcopos, per suam Unam, Sanctam, Catholicam, & Apostolicam Ecclesiam, & sicut ista pauca, ita & reliqua innumerabilia Dei verba, sive in S. Scriptura sunt consignata, sive non mediante sua *revelatione traditionali* ad nos hac ipsa hora adhuc loquitur. Unde *Doctrina Christiana*, quam de singulis Fidei articulis, & mysteriis Una, Sancta, Catholica, & Apostolica Ecclesia fidelibus suis, aut etiam infidelibus *tradit*, est Una, Sancta, Catholica & Apostolica de singulis fidei articulis, & mysteriis *traditio*, seu *Divina traditionalis revelatio*; & vel ideo, quia *traditio* haec *Divina*, evidenter est *infallibilis*.

Catholica doctrina Fidei, & morum, seu infallibilis revelatio traditionalis infallibili veritatis Criterio firmatur.

CLXXX Sacrum isthoc *infallibilitatis* mysterium ut expectationi lectoris uberiori claritate reveletur, ad eiusdem gustum, & placitum, quam supra num. XLII & seq. proposuimus in exemplum, reassumamus praxim, & quid unumquodque eorum, quae in hac quaestione: *An Divina revelatio traditionalis fallere, aut falli possit*, per litteras, vocesve significantur, per *definitionem*, aut *genuinam descriptionem* est, ut clare, & distincte intelligamus, attenti invigilemus. *Ratio revelationis* eadem est, ac *traditio-*

nis seu manifestationis, indifferens ad hoc, ut sit vel *humana*, nimirum *auctoritate hominis* facta, vel *Divina*, idque sive *immediate ab ipso Deo*, sive *Dei auctoritate mediante alio* proposita. Unde quia *revelatio traditionalis*, cuius *infallibilitatem* pro praesenti examinamus, ex primo suo principio, & ultimo fine *Divina* est, utpote a Deo & Domino N. I. Christo instituta, prout ex ipsis *Verbis Christi* paullo ante alatis: *Ecce Ego mitto vos... qui VOS audis ME audis... Euntes ergo docete omnes gentes... Euntes in mundum universum praedicare Evangelium &c.* aperte constat, facile intelligitur, *revelationem Divinam* a *revelatione humana*, sicut fidem *Divinam* a fide *humana* esse discretam: & non minus *revelationem Divinam*, quam fidem *Divinam infallibilem*, *fallibilem* vero & fidem & *revelationem humanam* esse, ipsa *infallibilis Ratio aeterna* seu *criterium* immutabiliter dicat, & iudicat. Superest igitur, ut quae *ratio vocis*, *traditionalis*, sit paucis exponatur. Vox *traditionalis* derivatur a *traditione*, quo nomine Dei Verbum (sive scriptum, sive non scriptum:) a Christo Apostolis suisque discipulis traditum, & ab Apostolis constante successione ad nos usque delatum, exprimitur. Demum quae-
nam *ratio verborum fallere*, & *falli*, sit, ex eo, quod, *fallere*, & *falli*, id ipsum sit, ac *falsum* pro vero alios docere, aut ab aliis doceri, clare conspicitur. *Ratio* autem verbi, *possit*, non aliquam *potentiam positivam*, sed potius *defectum*, & *privationem* vir-

tutis, scientiae, & potentiae indicat.

CLXXXI Significatione terminorum, nominumque istius quaesiti: *An Divina revelatio traditionalis fallere, aut falli possit?* seu. quod idem, sed clarius dicitur: *An Divina revelatio traditionalis sit fallibilis?* secundum n. XXXVII traditum documentum, clare & distincte, perspecta, *Rationem* descriptivam Divinae revelationis traditionalis (per quam semper *universalem fidei, morumque doctrinam* Unius, Sanctae, Catholicae, & Apostolicae Ecclesiae intelligas) in praecedenti numero consignatam posse ad dextram, *rationem* vero descriptivam *fallibilitatis*, seu *rationem* verborum, *fallere*, & *falli posse*, veluti ad sinistram colloca, & fixo mentis tuae aspectu, qui tua ratio est, instanter examina: an ratio descriptiva *Divinae revelationis traditionalis* sit una, & eadem ratio descriptiva *fallibilitatis*, seu una, & eadem ratio verborum, *fallere*, & *falli posse?* Et illico videbis, aeternam *Rationem Divinae revelationis traditionalis*, hoc ipso, quia *Divina* per im-

mensam distantiam a *ratione fallibilitatis* semper fuisse, & pro semper esse divisam; omne enim *Divinum*, sicut *Divinitatis* splendore, ita & *infallibilitatis*, & *indefectibilitatis* honore proprio merito est adornatum. Unde quicumque *Divinam revelationem traditionalem fallibilem* dicere ausus fuerit, ipsum Deum & fallere, & falli posse, concedere debet; quia haec ipsa revelatio sicut *Divina*, ita & *Ipsius Dei* est revelatio, qui per OS suas Sanctae Ecclesiae ad nos continuo loquitur, sicut locutus est per OS Sanctorum, qui a seculo sunt, *Prophetarum Eius. Luc. I.* Consequenter, & ideo *evidenter infallibilis*, quod erat demonstrandum. Colliges ex praedictis, quod eo ipso infallibili Veritatis Criterio *infallibilitas* Ecclesiae in Doctrina Fidei, & morum firmata sit, quo eiusdem Ecclesiae *infallibilis* in Doctrina fidei, & morum *autoritas* est stabilita, secundum quod fundamentalis ista veritas in hac de infallibili criterio appendice iterato cernitur demonstrata. Veni, Vide, Lege!... *.

* Non resta mai tanto meglio contestata una verità (Ganganelli certum reddit Cardinale Querini Bresciae Episcopum) quanto che dall'insegnamento universale di tutta la Chiesa; e questa è una cosa alla quale maggior parte de' Teologi moderni non fanno quell'attenzione ch'è necessaria. Il dogma Eucaristico non si vide mai tanto solidamente stabilito, come quando fu fatta vedere un'affinità di dottrina su questo articolo tra la Cattolica Romana, e la Greca scismatica.

Hoc ipsum ex auctoritate Ecclesiae Latinae, & Graecae petitum argumentum ada-

pta reliquis, in quibus Ecclesia Latina, & Graeca consentit, Fidei veritatibus e. g. quod septem numero sint Sacramenta, & non alia, nisi Catholica: quod deus purgatorium: quod laudabiliter Sancti colantur, & invocentur: quod Ecclesiae praeceptis sit obtemperandum: quod existat Dei Verbum scriptum, & traditum: quod Una, Sancta, Catholica, & Apostolica Ecclesia in Doctrina fidei, & morum sit infallibilis, & sola vera Christi Ecclesia &c... Atque hic unanimis Ecclesiarum Latinae, & Graecae consensus adeo venerabilis auctoritatis & auctoritatis potestatis est, ut nemo eidem prudenter proprium

*Infallibilis Doctrina Fidei, & morum
supernaturalis Magisterii Christi Do-
mini est effectus.*

CLXXXII Ceterum infallibilitatem Ecclesiae in Doctrina Fidei, & morum, quam non ex sua natura, sed ex gratia possidet, supernaturalis Magisterii Dei & D. N. I. Christi scias esse effectum, *Hic enim Divinus intelligentiae, & iustitiae supernaturalis Sol, & mundi lux vera, & vita*, quantum ex sua est parte, illuminat omnem hominem venientem in hunc mundum, sicut lumine rationis, quae *revelatio naturalis* est, ita etiam proportionaliter supernaturali lumine Fidei, & gratiae eundem illustrat: Hic ipse Dominus N. I. Christus, internus Magister unicus, & aeterna Ratio obiectiva, sicut naturam rationalem ad expressionem aeternae Rationis, & ad imaginem Dei immortalis continuo creat; ita pariter seu *supernaturalis Veritas, & Bonitas Unam, Sanctam, Catholicam, & Apostolicam Ecclesiam ad imaginem, & expressionem supernaturalis Veritatis, & Bonitatis Divinae lumine Fidei, & gratiae semper format*. Quapropter id totum, quod in hoc opere *De imagine Dei, & Magisterio I. Christi naturali* traditum est, *Imagini Dei, & Magisterio Christi supernaturali* facili negotio

ad immarcescibilem fructum tuum, & meritum adaptare, & ad Deum & D. N. I. Christum, qui omnis veritatis, & infallibilitatis *Primum Principium, & ultimus Finis*, atque *infallibile Criterium est* (n. CLXVII & CLXVIII), promovente *Luce Immensa*, (num. CXXV,) reducere, reducendoque universum Fidei Divinae argumentum in infallibilem Dei revelantis auctoritatem, primam in *dicendo, cognoscendo, & essendo* Veritatem, seu in infallibile Veritatis Criterium, seu in primam, & Ultimam rerum omnium aeternam Rationem obiectivam resolvere sapienter noveris.

CLXXXIII Dum autem infallibilis Ecclesiae Doctrina Fidei, & morum *de ORE* * Infallibilis Magistri Dei & D. N. I. Christi, seu *gladius utraque parte auctus exit*, tanquam Verbum Dei, quo bonum a malo, veritas ab errore discernitur. *Vivus est enim sermo Dei, ** & efficax, & penetrabilior omni gladio accipiti; & pertingens usque ad divisionem animae ac spiritus, compagum quoque, ac medullarum, & discreior, seu CRITICUS, cogitationum, & intentionum cordis. Criticus autem dicitur Iudex, qui penetrantique valet iudicio, & severe, ac censorie minima etiam reprehendit*. Etenim Verbum Dei *de ORE Christi*, quod est Una, Sancta, Catholica, & Apосто-

consensum denegare, rationabiliter contradicere, aut sufficienter resistere possit... Attamen tot protestantes, tot inobedientes, totque haereticis incomparabili huic auctoritati contradicunt, & resistunt.... Sed omnes qui id ipsum attentant, vel non

sciunt quid faciunt, & sunt ignorantes, aut malum cognoscunt, quod committunt, & isti malignantes sunt... Revolve n. VI * & VII *

* Apoc. I

** Hebr. IV

lica Ecclesia tradendo infallibilem Doctrinam Fidei, & morum iugiter procedens, est *infallibilis Criticus*, & *Iudex Solus*, & *unus omnium controversiarum Fidei, & morum*. Quapropter ut pretiosissimum hoc *Infallibilitatis Donum*, quo Divinus Magister, &

Sponsus, Deus & D. N. I. Christus, suam Ecclesiam, Ierusalem novam, tanquam amorosissimam sponsam & Discipulam, immutabiliter adornat, communi laetitia, & exultationi uberiore apparatu exponatur,

*Universorum conspectui, ac deliberationi perhibentur
duo contraria iuxta se posita
&*

Ecclesia infallibilis,

Ecclesia fallibilis,

CLXXXIV Cuius *infallibilitas* Divinae *infallibilitatis*, *veritatis*, & *auctoritatis* eximia *participatio* est, & *effectus*.

Ideo

I In doctrina fidei, & morum *non potest fallere*, nec falli.

In hac fidei, morumque doctrina est *infallibiliter vera*, & bona. *Non potest* alios docere falsum, *nec potest* ab aliis doceri falsum.

II *Nunquam* sefellit, nec falsa fuit, *nec hodie fallit*, nec fallitur. *Nullo tempore fallit*, aut fallitur.

III *Nullibi* fallit, aut fallitur.

Nullo modo fallit, aut fallitur.

Nulla ratio convincit eam fallere, aut falli; quia *ratio infallibilitatis est immutabiliter infallibilis*, secus *simul esset fallibilis*.

IV Est *Columna*, & *firmamentum veritatis*. I Tim. III
Semper de fidei veritate, morumque probitate *secura*, *nunquam* de

Cuius *fallibilitas* Divinae *infallibilitatis*, *veritatis*, & *auctoritatis* misera *privatio* est, & *culpabilis defectus*.

Ideo

I In doctrina fidei, & morum *potest fallere*, & falli.

In hac fidei, morumque doctrina non est *infallibiliter vera* & bona. *Potest* alios docere falsum, & *potest* ab aliis doceri falsum.

II *Aliquando* sefellit, & falsa fuit, & *hodie fallit*, & fallitur. *Nullo tempore non fallit*, aut non fallitur.

III *Ubique* fallit, & fallitur.

Omni modo fallit & fallitur.

Omnis ratio demonstrat eam fallere, & falli; quia *ratio fallibilitatis est immutabiliter fallibilis*, secus *simul esset infallibilis*.

IV Non est *columna*, & *firmamentum veritatis*.
Nunquam de fidei veritate, morumque probitate *secura*, & *sem-*

Ecclesia infallibilis

fallitate aut improbitate formidolosa.

Quidquid docet est *certum*, *indubitatum*, *sine omni* de opposito formidine.

- V Est OS Dei Patris, vox Filii, & lingua Spiritus Sancti, & unum, & alterum est organum *aptum*, quia *infallibile*, per quod *infallibiliter* loquitur Deus.

Per *infallibilem* Ecclesiam loquitur Deus *infallibiliter*, & non *fallibiliter*.

De Ecclesia *infallibili* dictum est: qui *VOS infallibiles* audit, *ME infallibilem* audit.

- VI Una, Sancta, Catholica, & Apostolica Ecclesia est *infallibilis auctoritatis*, non autem *quilibet* fidelis privatus.

Cum *infallibili* Ecclesia est *Christus* usque ad consummationem seculi:

& *Spiritus veritatis* manet cum illa in aeternum. Matth. ult. Ioan.

XIV, & ideo est, & permanet *infallibilis* in aeternum.

Nullus privatus proprio sensui plus credit, proprio iudicio plus fidit, aut *propriae voluntati potius obedit*, quam *communi sensui, iudicio, & voluntati unius, Sanctae, Catholicae, & Apostolicae infallibilis Ecclesiae*.

- VII *Infallibiliter* scit, & debet scire, I quod existat Verbum Dei scriptum, & traditum II, quot, & quales sunt libri canonici S. Scripturae, III *infallibiliter* discernit Verbum

Ecclesia fallibilis

per de fallitate, & improbitate suspecta.

Quidquid docet est *incertum, dubium*, & cum gravi de opposito formidine.

- V Non est OS Patris, nec vox Filii, nec lingua Spiritus Sancti, quia unum, & alterum est *fallibile*, ideoque *aptum* organum, per quod *infallibilis* Deus loqueretur *fallibiliter*.

Per *fallibilem* Ecclesiam Deus non loquitur *infallibiliter*, sed *fallibiliter*. (Audis blasphemiam?)

De Ecclesia *fallibili* dicendum est: qui *vos fallibiles* audit, me *infallibilem* Deum non audit.

- VI *Quilibet* homo privatus Ecclesiae *fallibilis maioris esset auctoritatis*, quam tota, Una, Sancta, Catholica, & Apostolica Ecclesia. Cum *fallibili* Ecclesia non est *Christus* usque ad consummationem seculi: nec *Spiritus veritatis* manet cum illa in aeternum, & ideo est, & permanet *fallibilis* in aeternum.

Quilibet privatus proprio sensui plus credere, proprio iudicio plus fidere, & voluntati propriae potius obedire praesumit, quam sensui, iudicio, & voluntati Catholicae *infallibilis Ecclesiae*.

- VII *Fallibiliter* putat, I existere Verbum Dei scriptum, & traditum *fallibiliter* reprobatur. II quot, & quales sunt S. Scripturae libri Divini *fallibiliter* assignat. III *fallibiliter*

Ecclesia infallibilis

Dei a verbo hominum, & quae inter tot corruptas Scripturas sola sit genuine authentica. IV Quis verus, & quis erroneus Verbi Dei scripti, & traditi sit sensus, *infallibiliter* cognoscit. V Infallibilis idipsum discernit per traditionem Divinam; & ideo *infallibilis Ecclesiae fides est tota Divina.*

VIII *Infallibilis est, & fuit per MDCLXXVII annos Una, Sancta, Catholica, & Apostolica Ecclesia secundum infallibilem Symboli Apostolorum articulum, & ex hoc infallibilitas Ecclesiae est fidei immutabilis articulus.*

Infallibilitatis Ecclesiae infallibilis principium est gratia Divina.

Sola potest esse iudex infallibilis controversiarum fidei, & morum, cuius lata sententia est infallibilis.

IX Infallibili Ecclesiae *promissus, & datus est Spiritus veritatis, ut maneat cum illa in aeternum, & doceat illam omnia, & suggerat ei omnia, quaecunque dixit Christus, & ideo est infallibilis.* Ioan. XIV
Infallibilis Ecclesiae fides est infallibile credere, quod non potest fallere.

In Ecclesia infallibili subsistit infallibilis spes, & confidentia.

Infallibilis fides, & Ecclesia fundatur supra infallibile fundamentum, alias esset fallibilis.

X Omnes Pastores Ecclesiae *infalli-*

Ecclesia fallibilis

discernit Verbum Divinum a verbo hominum, aut quanam inter tot corruptas Scripturas unica, & sola sit authentica. IV Quis verus, falsusve Verbi Dei scripti sit sensus, *fallibiliter* tradit. V Fallibilis, quae traditionem non admittit, idipsum discernit per opinionem humanam, & ideo *fallibilis Ecclesiae fides est tota humana.*

VIII *Fallibilis non est, nec fuit per MDCLXXVII annos Una, Sancta, & Apostolica Ecclesia, & id non est secundum Symboli Apostolorum articulum, & ex hoc fallibilitas Ecclesiae est contra fidei immutabilem articulum.*

Fallibilitatis Ecclesiae fallibilis fundamentum est miseria humana.

Fallibilis non potest esse iudex infallibilis, sed solum fallibilis, cuius lata sententia est fallibilis.

IX Fallibili Ecclesiae *nec promissus, nec datus est Spiritus veritatis, nec est cum illa, nec docet illam, nec suggerit ei, quae dixit Christus, & ideo non est infallibilis, sed fallibilis.*

Fallibilis Ecclesiae fides est fallibile putare, quod est enormiter errare.

In Ecclesia fallibili subsistit fallibiliter spes, & confidentialis fides, & ideo nulla.

Fallibilis fides, & Ecclesia non fundatur supra fundamentum infallibile, quia alias non esset fallibilis, sed infallibilis.

X Omnes Pastores Ecclesiae *fallibi-*

Ecclesia infallibilis

bilis, simul sumpti, in doctrina fidei, & morum sunt *infallibiles*, nec fallere possunt, nec falli.

Infallibilis Ecclesiae fides, & fidelis adeo *securus* est, ut id *magis* esse non possit, quia credit id ipsum, quod universa credit Ecclesia, quae errare non potest.

Infallibilis Ecclesia est domus aedificata a *prudente* architecto supra *infallibilitatis* petram, contra quam ventorum vis, impetus aquarum, inferorumque portae *non praevalent*. Matth. VII

Igitur quam audierunt Patres nostri, Unam, Sanctam, Catholicam, & Apostolicam *infallibilem* Ecclesiam, audiamus & nos; qui enim istam Ecclesiam obediendo non audit, est sicut & ethnicus & publicanus. &c. &c. &c.

Ex hac *infallibilis* Ecclesiae delineatione, quod eiusdem *infallibilitas* Divinae *infallibilitatis*, *veritatis*, & *auctoritatis* eximia *participatio*, & *effectus* sit, evidenter conspicitur.

Ecclesia fallibilis

lis, simul sumpti, in doctrina fidei, & morum sunt *fallibiles*, & fallere possunt, & falli.

Fallibilis Ecclesiae fides, & fidelis adeo parum *securus* est, ut *minus* securus esse non possit, quia credit contra *infallibilem* Ecclesiam *fallibili* aliorum, & suae opinioni. Fallibilis Ecclesia est constructa ab *imprudente* architecto supra *fallibilitatis* arenam, contra quam & vis ventorum, & impetus aquarum, atque inferorum portae *praevalent* *. Luc. VI

Igitur quam Patres nostri ante CCLX, annos audierunt, Unam, Sanctam, Catholicam, & Apostolicam *infallibilem* Ecclesiam, nos non audiamus, sed aliam *fallibilem*, quae nec Una, nec Sancta, nec Catholica, nec Apostolica est. &c. &c. &c.

Ex hac *fallibilis* Ecclesiae constitutione, quod eiusdem *fallibilitas* Divinae *infallibilitatis*, *veritatis*, & *auctoritatis* misera *privatio*, & *defectus* sit, indubitanter demonstratur.

* Matth. VII., ab ipso Christo imprudens architectus dicitur *visultus*.

** *L'Inghilterra* (sunt verba epistolae Ganganelli ad Card. Cavalchini) *dovrebbe sempre correggere lo zelo indiscreto . . . Che direbbe . . . se tornasse sulla terra? Si applaudirebb' egli della sua opera, vedendo questo Regno, già il seminario dei Santi,*

oggi l'assemblea di tutte le sette, e di tutti gli errori?

Seminarium Sanctorum erat inclita Anglia, quamdiu infallibilem Ecclesiam obediendo audivit: omnium autem errorum, vitiorumque fiebat concilium, quamprimum ipsa fallibilis infallibilem Ecclesiam non obediendo contempsit.

Supra praedicta infallibilis, & fallibilis Ecclesiae paradoxa reflexio matura.

CLXXXV Sana Ratio humana, dum isthaec paradoxa, quae ipsa Ratio obiectiva, ipsa Veritas & Infallibilis aeterna, Deus & D. N. I. Christus Unus Magister, Verus Criticus immutabiliter dicat, attenta mente perlegis, quid desuper sentis? An de iisdem quidpiam negabis? at idipsum, sicut a primo ad ultimum totum isthoc argumentum *infallibilis*, & *incommutabilis Rationis*, & *Veritatis aeternae* documentum est, & magisterium; ita nihil eorum, quae ipsius Dei, luminis fidei, & rationis auctoris, sunt oracula, absque graviore culpa negare poteris, & singula sine exceptione concedere, ac propria tua manu, Unam, Sanctam, Catholicam, & Apostolicam Ecclesiam *solam*, *supra infallibilitatis petram a Christo aedificatam*, *contra quam portae inferi nunquam praevalerunt*, ideoque *infallibilem* esse, subscribere teneris... Et Dum tanta inter *infallibilem*, & *fallibilem Ecclesiam* differentia, quanta inter clarum diem, qui participatio lucis solaris est, & inter obscuram noctem, quae eiusdem lucis est privatio, a sana Crisi adnotatur, tu, qui praeter tuam culpam extra infallibilis Ecclesiae gremium es natus, & in minus felici sinu *Ecclesiae fallibilis* educatus, tu Amice, qua prudenti ratione acerbius sentire, aegriusve ferre potes idipsum, quod numero VI legis: *Propterea Una, Sancta, Catholica, & Apostolica auctoritas, qua late patet orbis terrarum,*

TALIS; ac *TANTA* est, ut in huius conspectu si Materialistarum, & Turcarum, si Lutheranorum, & Calvinistarum, ceterorumque sectariorum turba in comparationem constituantur, ceu auctoritas prorsus nulla, imo & huius ipsius nominis, auctoritas, indignissima iure maximo, meritoque optimo habenda? & pensanda sit, &c. Qua prudenti ratione, si supra n. CLXXXIV, ubi tuo conspectui, & deliberationi *infallibilis Ecclesia*, & *fallibilis*, utpote duo contraria iuxta se posita, perhibentur, maturius te reflectas, tu idipsum aegrius feras?...

CLXXXVI An non potius supernorum luminum, & misericordiarum Patri omnipotenti, Qui unigenitum suum, ut ceu *Sol intelligentiae*, & *iustitiae* omnem hominem in tenebris errantem illuminet, tibi, qui erroneae doctrinae fidei, morumque circumventus, & deceptus fraude, veluti a natiuitate es caecus, non sine miraculo visum restituat, & ex fallibilis Ecclesiae tuae misericordia ad infallibilis Ecclesiae suae gloriam reducat, profiteri perdisces, an non potius tanto Patri gratias, quas potes maximas, sine fine rependas?... An non potius gratiosae vocationi, qua te ad nuptias, quas in sua Una, Sancta, Catholica, Apostolica, & infallibili Ecclesia Filio suo Regi paravit, iterato invitat, obediendo venias, & perseverando subsistas?... Surge igitur Amice, & veni ad nuptias, parata iam sunt omnia... Nec aliud insuper praeter istud: *compelle intrare*, expectes, ne & tu inter multos invitatos,

qui venire aut nolebant, aut retardabant, ceu tantae gratiae indignus sis reprobandus, *multi enim sunt vocati, invitati multi, pauci vero electi*, pauci aeternum beati. Quia inter non paucos vocatos non multi sunt, qui ex fallibili Lutheri, Calvini, & Zvinglii Ecclesia, quae manifeste erroris, & certae perditionis est via (CLXXXIV), iterato ad caelestes agni nuptias invitati, ad infallibilem Ecclesiam, quae inviolatae veritatis, & aeternae salutis est porta, immarcescibiles nuptiarum delicias gustaturi redeunt... *Et Spiritus Sanctus, & Sponsa, Ecclesia, dicunt: Veni!... Apoc. XXII.*

Totius operis Epilogus

CLXXXVII Ceterum ut tu lector, qui benevolentia, & lectione tua hanc Dei immortalis imaginem respicere dignaris, eximius Divini Magistri Christi Domini & certo, & cito evadas discipulus, attentus iugiter audias, quid loquatur in te Deus, & D. N. I. Christus, quia loquitur ad te intra te tum *lumine rationis, quod est revelatio natu-*

ralis veritatis, & bonitatis, tum lumine fidei, quod est revelatio supernaturalis veritatis, & bonitatis. Quantus hunc Divinum Magistrum audis, tantus eiusdem Discipulus proficis, & immutabili ratione infallibilem fidem, & infallibili fide immutabilem rationem fidelibus, & infidelibus, Graecis, & barbaris tanta certitudine, & potestate exponere, cunctasque haereses expugnare noveris, quantum ad conterrendos, delendosque Ecclesiae Dei hostes necessum, opportunumque fuerit... Ultra hoc ne aliud quid sapias; *sufficit enim discipulo, si sit, sicut Magister eius. Matth. X.* Reliquum est, ut literarium isthoc numisma, quod ceu iustissimae profundissimae subiectionis, & observantiae maximae census, * Divinissimae Maiestati sacratum est, cuius exhibet *imaginem*, eiusdem ostendat & *inscriptionem*, nimirum *Dei Immortalis, Patris, & Filii, & Spiritus Sancti.* Cui a Virginea Matre, & ab universa Creatura Immortalis sit Honor, & Gloria per omnia seculorum secula, Amen.

* Matth. 22. *Dic nobis, quid tibi videatur, licet censum dare Caesari, an non? Iesus ait: Ostendite mihi numisma census. At illi obtulerunt denarium. Et ait illis Iesus: cuius est imago haec, & superscriptio? Dicunt ei Caesaris. Tunc ait illis: Reddite ergo, quae sunt Caesa-*

ris, Caesari, & quae sunt Dei, Deo. Sicut Caesar a vobis exigit impressionem imaginis suae & inscriptionis, sic & Deus; & sicut illi redditur nummus, sic Deo anima Lumine & Nomine eius signata. Ex Aug. in Psalm. 4.

INDEX

P A R S I

Imago Dei Immortalis Anima Rationalis
Exprimit Rationem aeternam
simplici perceptione.

Signum *, Notae.

NUM.		
I	<i>Ad imaginem, & similitudinem Dei immortalis factus est homo</i>	pag. 1
II	<i>Hominem ad Dei immortalis imaginem factum testatur veteris Synagoga auctoritas</i>	2
III	<i>Idipsum confirmat auctoritas incomparabilis totius Ecclesiae Catholicae, quae est UNA</i>	ibid.
IV	<i>UNA auctoritas SANCTA</i>	3
V	<i>UNA, SANCTA, auctoritas CATHOLICA</i>	4
VI	<i>UNA, SANCTA, CATHOLICA, auctoritas APOSTOLICA</i>	ibid.
	* <i>In comparatione huius auctoritatis Lutheri, & Calvini, &c. quanta?</i>	ibid.
	* <i>Qua ratione auctoritas Catholica contemnatur?</i>	6
VIII	<i>Hominem ad Imaginem Dei Immortalis factum constet natura universa</i>	ibid.
IX	<i>Homo ad Imaginem Dei Immortalis etiam secundum representationem trium Personarum est factus</i>	7
XI	<i>Anima rationalis est substantia quaedam rationis particeps regendo corpori accommodata</i>	8
XII	<i>Quid sit Ratio, in cuius capacitate anima rationalis constituitur</i>	9
XV	<i>Aeterna Ratio obiectiva est Verbum, quod in Deo tribus Personis commune appropriatur Christo</i>	10
XVIII	<i>Anima rationalis non nisi secundum Rationem obiectivam rationabiliter operatur</i>	11
XX	<i>Mentis nostrae lux naturalis est Deus, sicut lux mundi est sol corporeus</i>	ibid.

INDEX

	* Sol intelligentiae est Christus Crucifixus	13
	** Etiam secundum fidei nostrae documenta	15
XXIV	Intellectus humanus est potentia cognoscitiva entis, ut ens est	ibid.
XXVI	Quomodo anima cognoscendo fiat omnia	16
XXIX	Cognitio intellectiva est vitalis imago obiecti cogniti	17
XXXI	Dantur rationes seu ideae rerum omnium	18
	* Sensus sine materia formas recipit	19
	** In brutis sunt imagines, sed non rationes rerum materialium	ibid.
XXXIV	Rationes, seu Ideae rerum omnium solide explanantur	20
XXXVI	Simplex mentis perceptio est actualis formalis imago vitaliter repraesentativa obiecti cogniti	21
XXXVII	Intellectus noster nullam rem potest simpliciter percipere, nisi iuvetur ab intellectu Entis perfectissimi, in quo sunt rationes rerum omnium	22
XXXVIII	Definire est rem quaecunque cognoscere, quid, & quantum de sua perfectionis mensura, quae ipsum Ens perfectissimum est, contineat, aut ab illa deficiat	23
XXXIX	Expressio Rationis aeternae, quam anima rationalis sua simplici perceptione repraesentat, manifeste ostenditur	24
XLII	An phaedrae Rationes aeternae fiat entia a rationis conficta, aut omnino nihil	25
XLIV	* De impossibili & non ente non potest formari ratio	27
XLVII	Sol intelligentiae Angelorum hominumque mentes illuminat, & omnium rerum rationes manifestat	29
XLVIII	Solis intelligentiae lux omnia facit intelligibilia	30
XLIX	Quot Rationes rerum, tot Solis intelligentiae radii, & lux una sunt	ibid.
L	Omnes rerum Ideae, & Rationes sunt clarae, nullae obscurae, rationali menti omnes unitae, & nullae ab extra adventitiae	31
	* Ecclesiorum de ideis desperabunda opinio	32
	* De actu puro, & de potentia pura fundamentalis notitia	33

P A R S S E C U N D A

Imago Dei Immortalis Anima rationalis
exprimit Rationem aeternam
infallibili enunciatione.

LII	<i>Intellectus humanus veritatem propositionum infallibilem esse scit per lucem, quae illuminat omnem hominem . . .</i>	35
LIV	<i>Certitudo scientiae est ex lumine rationis, quo in nobis loquitur Deus . . .</i>	37
	* <i>Qui magis, minusve Docti . . .</i>	38
LVII	<i>Unica infallibilis Ratio, Mensura, & Idea ad omnia di- scernenda & iudicanda, affirmanda & neganda, appro- banda & reprobanda est Deus . . .</i>	39
LVIII	<i>Anima rationalis in rationibus aeternis cognoscit omne ver- rum . . .</i>	ibid.
LX	<i>Anima rationalis, quia est essentialiter, & non pure ex acci- denti Imago Dei, non potest interius obiective ab alio immediate doceri, nisi a solo Deo . . .</i>	41
LXII	<i>Nos ipsi sumus viventes, ac subsistentes imagines, ac simili- tudines Solis intelligentiae, Dei viventis . . .</i>	42
	* <i>P. Valerianus Magnus quis? . . .</i>	43
LXIII	<i>Mens creata semper reputatur informis, nisi ipsi Divinae ve- ritati inhaereat . . .</i>	44
	* <i>De imagine Dei profunda meditatio . . .</i>	45
LXIV	<i>Quomodo Deus animam nostram ad suam imaginem per pro- positiones Rationis aeternae format, luculenter demon- stratur . . .</i>	46
LXVII	<i>Philosophi libertini, ut se propositionibus aeternae veritatis opponant, modeste provocantur . . .</i>	47
	* <i>Lumen revelationis infallibile . . .</i>	48
LXX	<i>An somnia Materialistarum circa enunciationes aeternae veri- tatis sint verae . . .</i>	50
	* <i>Quod cogitas, est spirituale, quomodo verum? . . .</i>	53
LXXV	<i>Materialismus omni principio, & fundamento carere palam ostenditur . . .</i>	54
	* <i>Atomismus totus exponitur, & revellitur . . .</i>	ibid.
	* <i>Productio epistolae est imago productionis mundi ex nihilo . . .</i>	58

INDEX

LXXIX	Patronis materialismi suadet <i>specabilis mundi huius causam non esse casum fortuitum</i>	59
	* <i>Sol movetur ab intelligente</i>	60
	* <i>An mundus sit perfectus?</i>	61
LXXXII	<i>Perpecta ratio causae verae mapudicit Materialistam in veram casus fortuiti notitiam</i>	62
LXXXVI	<i>Ratio aeternae veritatis Materialistae evidenter demonstrat inter structuram huius universi & fortuitum casum, ceu inter effectum & causam prorsus nullam adesse proportionem</i>	65
LXXXIX	<i>Propositiones aeternae veritatis contra liberum philosophos solide evincuntur</i>	67
	* <i>Libri perversi perniciosi</i>	68
XCI	<i>Definitiones & regulae certae, axiomata & adagia omnium scientiarum & artium aeternae Rationis infallibiles enunciationes sunt</i>	69
	* <i>Infinite rationes diversae quomodo sunt in Deo</i>	ibid.
XCIII	<i>Definitio descriptiva rerum multas propositiones, & rationes aeternas pandit</i>	70
	* <i>Quid sit Angelus, describitur</i>	71
XCVI	<i>In omni verbo non litera, quae occidit, sed Ratio aeterna, quae per literas significatur, & spiritus vivificans est, a lectore sedulo inspicitur</i>	73
	* <i>Homo a Sole intelligentiae illuminatur ut luna</i>	ibid.
XCVIII	<i>Obiectivae Rationis aeternae, quae nos illuminat magnifica descriptio</i>	74
C	<i>Facillima praxis, qua non tantum omnis philosophus materialista, & liberinus, sed etiam omnis homo rationalis sensibile, & materiale ab intellectuati, & spiritali discernat</i>	75

P A R S T E R T I A

Imago Dei Immortalis Anima rationalis
exprimit Rationem aeternam
immutabili ratione.

CII	<i>Necessitas illationis provenit ab exemplaritate in arte aeterna.</i>	77
	* <i>Anima quando spiritus</i>	ibid.
CIV	<i>Veritas connexionum, seu connexio illationum non ab hominibus inventa, sed in Ratione divinitus est instituta.</i>	78
CVI	<i>Ipse Deus est Auditor fides connexionum, ita & illationum.</i>	80
CVIII	<i>Sola Ratio aeterna, five ipse Deus, appropriate Christus causat in nobis scientiam</i>	ibid.
	* <i>Moderna experimentalis philosophia quantum promoveat scientias</i>	81
CX	<i>Magisterium internum, quod Christo appropriatur, pluribus argumentis firmatur</i>	82
	* <i>Christus Crucifixus est liber, in quo omnes thesauri sapientiae, & scientiae sunt absconditi.</i>	83
CXIV	<i>Ens obiectivum increatum nec essendi, nec cognoscendi habet principium.</i>	85
CXVI	<i>Lux mentium, Deus, est homini rationabiliter operanti per se notus.</i>	86
CXVIII	<i>Lux mentium seu Ratio obiectiva, quia per se est intelligibilis, necessario est extra omnem quaestionem.</i>	87
CXXI	<i>Ratio Entis, qua Ens est Lux, in cuius lumine omnia ac singula Entia percipimus, iudicamus, & inferimus.</i>	89
	* <i>Divini cultus moderni hostes qua arte profligandi.</i>	ibid.
CXXII	<i>Quodam sit primum omnis scientiae, & omnis actus scientifici firmissimum atque notissimum principium.</i>	90
CXXIII	<i>Perfectiones rerum omnium cognoscibilium colliguntur ad perfectionem, quae est Entitatis.</i>	91
CXXIV	<i>Perfecta Entitas est lux mentium.</i>	92
CXXV	<i>Entitas perfecta, seu Ens qua ens, est id omne, quod spectat ad entitatem, & nihil involvit non entis.</i>	ibid.
CXXVI	<i>Quomodo Ens perfectum rationabiliter operanti dat omnia entia definire, iudicare, & inferre, easque intelligere.</i>	93
CXXIX	<i>Primum omnium scientiarum principium firmissimum, notissimumque est Deus sub ratione Entis perfecti.</i>	94

INDEX

CXXX	* <i>Philosophia ancilla inserviat suae Dominae SS. Theologiae</i>	95
	<i>Idem principium confirmatur auctoritate Doctoris Seraphici S. Bonaventurae</i>	96
CXXXII	* <i>Auctoritas Doctorum nec in philosophicis relinquenda</i>	97
	<i>Doctori Seraphico circa primum scientiarum principium consentit Doctor Angelicus</i>	ibid.
CXXXIII	<i>Lux mentium lucet in tenebris, & tenebrae eam non comprehenderunt.</i>	98
CXXXIV	<i>Omne Ens est Unum, Verum, Bonum</i>	99
	* <i>Unitatis, & Distinctionis rerum primum principium</i>	ibid.
	* <i>Distinctio rationis ratiocinantis eliminatur</i>	100
CXXXV	<i>Veritas creata est conformitas Entis creati cum ideis, & rationibus aeternis, quae sunt in mente Dei</i>	101
	* <i>Veritati falsitas opponitur, haec quid?</i>	ibid.
CXXXVI	<i>Unumquodque est bonum, in quantum participat primum Ens per se bonum, seu Bonum quia bonum</i>	102
CXXXVII	<i>Pulchrum quid superaddit Bono?</i>	103
CXXXVIII	<i>Bonum praecipue dividitur in obiectivum & subiectivum</i>	ibid.
CXL	<i>Bonitas obiectivum summi Boni est immutabilis Regula omnia rationabiliter volendi, & amandi</i>	105
	* <i>Philosophus respiciat suum primum principium & finem ultimum</i>	106
CXLII	<i>Bonitas cuiuscunque rei est conformitas Entis creati cum ideis, & rationibus aeternae Bonitatis, quae sunt in voluntate Dei</i>	107
	* <i>Bono opponitur malum, hoc quid?</i>	108
CXLIV	<i>Omni rationabiliter consilianti, iudicanti, ac desideranti necessario impressa est notitia summi Boni</i>	109
CXLV	<i>Quid est vita rationalis</i>	110
CXLVII	<i>Anima nostra rationalis est vera species seu imago representativa Lucis mentium</i>	112
CXLVIII	<i>Rationalis vita animae nostrae ad vivum delineatur</i>	113
CLI	<i>Anima rationalis, quia imago representativa Rationis aeternae, est evidenter immortalis</i>	115
CLIII	<i>Anima rationalis evidenter est Spiritualis</i>	117
	* <i>Animae brutorum nec immortales, nec spirituales</i>	120
CLVII	<i>Utrum anima rationalis semper cogitet</i>	121
	* <i>Quidquid perfectius & maius homo cogitare, meliusve desiderare potest, id in sua perfectione est Deus</i>	123
CLXI	<i>Utrum anima rationalis una altera in sua natura sit perfectior</i>	125

INDEX

APPENDIX

Infallibile Veritatis Fidei, & Rationis Criterium.

CLXII	<i>Quid sit omnis Veritatis, & Bonitatis infallibile Criterium</i>	127
CLXIV	<i>Genuinum omnis scientiae & veritatis, omnis virtutis & bonitatis tam supernaturalis, quam naturalis ostenditur Criterium</i>	129
CLXIX	<i>Infallibile veritatis Criterium Fidei accommodatur</i>	133
CLXXI	<i>Infallibile Criterium infallibiliter credentis est infallibilis auctoritas dicentis</i>	134
CLXXIII	<i>Fides infallibiliter credentis in dicentis infallibilem auctoritatem tanquam in criterium resolvitur</i>	135
CLXXIV	<i>Quomodo fides infallibiliter credentis resolvatur in auctoritatem Ecclesiae</i>	136
	* <i>Auctoritas Ecclesiae secundum D. Augustinum</i>	137
CLXXVI	<i>Infallibile veritatis Criterium Divinae revelationi, seu Verbo Dei assignatur</i>	138
	* <i>Fides rationabile obsequium dicitur</i>	ibid.
CLXXVII	<i>Catholica Doctrina Fidei, & morum est traditionalis revelatio Divina</i>	139
	* <i>Ecclesiae data est potestas docendi, & praecipendi</i>	
CLXXX	<i>Catholica Doctrina Fidei, & morum, seu infallibilis revelatio traditionalis infallibili veritatis Criterio firmatur</i>	141
	* <i>Auctoritas Ecclesiae Latinae & Graecae</i>	142
CLXXXII	<i>Infallibilis Doctrina Fidei, & morum supernaturalis Magisterii Christi Domini est effectus</i>	143
CLXXXIV	<i>Univerforum conspectui, & deliberationi perhibentur duo contraria iuxta se posita, scilicet infallibilis Ecclesia, & fallibilis</i>	144
CLXXXV	<i>Supra praedicta infallibilis, & fallibilis Ecclesiae paradoxa reflexio matura</i>	148
CLXXXVII	<i>Totius operis Epilogus</i>	149

&

FINIS.

INDEX

CXXX	* <i>Philosophia ancilla inserviat suae Dominae SS. Theologiae</i> 95
	<i>Idem principium confirmatur auctoritate Doctoris Seraphici S. Bonaventurae</i> 96
CXXXII	* <i>Auctoritas Doctorum nec in philosophicis relinquenda</i> 97
	<i>Doctori Seraphico circa primum scientiarum principium consentit Doctor Angelicus</i> ibid.
CXXXIII	<i>Lux mentium lucet in tenebris, & tenebrae eam non comprehenderunt.</i> 98
CXXXIV	<i>Omne Ens est Unum, Verum, Bonum</i> 99
	* <i>Unitatis, & Distinctionis rerum primum principium</i> ibid.
	* <i>Distinctio rationis ratiocinantis eliminatur</i> 100
CXXXV	<i>Veritas creata est conformitas Entis creati cum ideis, & rationibus aeternis, quae sunt in mente Dei</i> 101
	* <i>Veritati falsitas opponitur, haec quid?</i> ibid.
CXXXVI	<i>Unumquodque est bonum, in quantum participat primum Ens per se bonum, seu Bonum qua bonum</i> 102
CXXXVII	<i>Pulchrum quid superaddit Bono?</i> 103
CXXXVIII	<i>Bonum praecipue dividitur in obiectivum & subiectivum</i> ibid.
CXL	<i>Bonitas obiectiva summi Boni est immutabilis Regula omnia rationabiliter volendi, & amandi</i> 105
	* <i>Philosophus respiciat suum primum principium & finem ultimum</i> 106
CXLII	<i>Bonitas cuiuscunque rei est conformitas Entis creati cum ideis, & rationibus aeternae Bonitatis, quae sunt in voluntate Dei</i> 107
	* <i>Bono opponitur malum, hoc quid?</i> 108
CXLIV	<i>Omni rationabiliter consilianti, iudicanti, ac desideranti necessario impressa est notitia summi Boni</i> 109
CXLV	<i>Quid est vita rationalis</i> 110
CXLVII	<i>Anima nostra rationalis est vera species seu imago repraesentativa Lucis mentium</i> 112
CXLVIII	<i>Rationalis vita animae nostrae ad vivum delineatur</i> 113
CLI	<i>Anima rationalis, quia imago repraesentativa Rationis aeternae, est evidenter immortalis</i> 115
CLIII	<i>Anima rationalis evidenter est Spiritualis</i> 117
	* <i>Animae brutorum nec immortales, nec spirituales</i> 120
CLVII	<i>Utrum anima rationalis semper cogitet</i> 121
	* <i>Quidquid perfectius & maius homo cogitare, meliusve desiderare potest, id in sua perfectione est Deus</i> 123
CLXI	<i>Utrum anima rationalis una altera in sua natura sit perfectior</i> 125

INDEX

APPENDIX

Infallibile Veritatis Fidei, & Rationis Criterium.

CLXII	Quid sit omnis Veritatis, & Bonitatis infallibile Criterium	127
CLXIV	Genuinum omnis scientiae & veritatis, omnis virtutis & bonitatis tam supernaturalis, quam naturalis ostenditur Criterium	129
CLXIX	Infallibile veritatis Criterium Fidei accommodatur	133
CLXXI	Infallibile Criterium infallibiliter credentis est infallibilis auctoritas dicentis	134
CLXXIII	Fides infallibiliter credentis in dicentis infallibilem auctoritatem tanquam in criterium resolvitur	135
CLXXIV	Quomodo fides infallibiliter credentis resolvatur in auctoritatem Ecclesiae	136
	* Auctoritas Ecclesiae secundum D. Augustinum	137
CLXXVI	Infallibile veritatis Criterium Divinae revelationi, seu Verbo Dei assignatur	138
	* Fides rationale obsequium dicitur	ibid.
CLXXVII	Catholica Doctrina Fidei, & morum est traditionalis revelatio Divina	139
	* Ecclesiae data est potestas docendi, & praecipendi	
CLXXX	Catholica Doctrina Fidei, & morum, seu infallibilis revelatio traditionalis infallibili veritatis Criterio firmatur	141
	* Auctoritas Ecclesiae Latinae & Graecae	142
CLXXXII	Infallibilis Doctrina Fidei, & morum supernaturalis Magisterii Christi Domini est effectus	143
CLXXXIV	Unversorum conspectui, & deliberationi perhibentur duo contraria iuxta se posita, scilicet infallibilis Ecclesia, & fallibilis	144
CLXXXV	Supra praedicta infallibilis, & fallibilis Ecclesiae paradoxa reflexio matura	148
CLXXXVII	Totius operis Epilogus	149

&

FINIS.

A P P R O B A T I O N E S.

Reverendissimi Patris Erhardi a Radkerspurgo Ordinis nostri Procuratoris ac Commissarii Generalis iussu opus, cui titulus est *Imago Dei Immortalis, Anima rationalis &c.* a R. Patre Udalrico a Gablinga Ordinis nostri Philosophiae olim, nec non sacrae Theologiae Lectore elucubratum attente perlegi: Cumque nihil in eo contra fidem, bonos mores, & Principes deprehenderim, quinimo eruditioni, saniorique doctrinae apprime consonum aqumadverterim: Eapropter publicae utilitatis, ac eruditionis gratia prae lo ut demandetur, quammaxime dignum censeo.

Dabam Alexandriae A. a P. V. 1771, die 12. Novembris.

F. Ludovicus ab Alexandria S. Theol.
Lector, ac Vicar. Capuccinus.

OPUS, quod typis demandandum P. Udalricus a Gablinga Ord. S. P. N. Francisci Capuccinorum olim Philosophiae ac Theologiae Lector inscripserat: *Imago Dei Immortalis, Anima rationalis ad expressionem rationis aeternae facta* iussu Rmi Patris Erhardi a Radkerspurgo eiusdem Ord. Procuratoris & Commissarii Generalis, qua potui, omni diligentia ac studio perlustravi, fidei, moribusque consentaneum, validisque comprobatum argumentis illud percepi: Eapropter libertino Philosopho, ut veritatem, suaeque animae dignitatem aliquando intelligat, proponere expeditius erit.

Dat. in Conventu nostro Regii Oppidi S. Salvatoris 3 Decembris 1771.

F. Raphaël a Casali Montisferratii olim S. Theol.
Lector, & Guardianus Capuccinus.

Nos Fr. Erhardus a Radkerspurgo, Fratrum Minorum S. Francisci Capuccinorum Definitor, Procurator, & Commissarius Generalis (l. i.) *

CUM opus, cui titulus: *Imago Dei Immortalis, Anima rationalis ad expressionem rationis aeternae facta* duo Ordinis nostri Theologi, quibus id commissimus, recognoverint, atque in lucem edi posse probaverint; facultatem concedimus eiusdem operis Auctori P. Udalrico a Gablinga, Ordinis nostri Concionatori, & SS. Theologiae Ex-Lectori, ut servatis servandis illud typis mandare possit.

Datum Romae 10 Decembris 1771.

Fr. Erhardus qui supra.

* In praesenti Totius Ord. Minister Generalis.



V. SE NE PERMETTE LA RISTAMPA •
CAGLIARI LI XXIII MARZO MDCCLXXVII
CORONGIU VIC. GEN.



V. SI RISTAMPI
CAGLIARI LI XIV APRILE MDCCLXXVII
FAUZONE REG.







